






M

R. II ed. To II, p. 24 n. 8-


, 30.4.5.

5.10.0. 18-
















originali evangetio

*exemplare integro*

20

De Sacramento confessionis,  
seu pœnitentiæ, historia,

*ex ueteribus sanctis patribus collecta, per quam contra hereticos Lutheranos copiose ostenditur, sacramentalem confessionē ab ipso Christo institutam esse, et in Ecclesiæ catholicæ usu usque ad nostra tempora semper observatam.*

De antiquis pœnitētiis utilis libellus, e ueteribus sãctis patribus accurate cõtextus.

Mariano Victorio Reatino auctore.



ROMAE, M. D. LXII.  
Apud Paulum Manutium, Aldi F.  
CVM PRIVILEGIO.



De Statuimento constitutionis,  
Iuramentum, Historia,

ex notitia huiusmodi huiusmodi collecta, per quos con-  
stituta sunt, et huiusmodi collecta, per quos con-  
stituta sunt, et huiusmodi collecta, per quos con-  
stituta sunt, et huiusmodi collecta, per quos con-  
stituta sunt, et huiusmodi collecta, per quos con-

De Statuimento constitutionis, Iuramentum, Historia,  
Iuramentum, Historia, Iuramentum, Historia,  
Iuramentum, Historia, Iuramentum, Historia,  
Iuramentum, Historia, Iuramentum, Historia,



ROMAN. MUSEI HISTORICO-NATURALIS  
APUD ROMAN. MUSEI HISTORICO-NATURALIS  
ROMAN. MUSEI HISTORICO-NATURALIS

## Exemplum priuilegii.

OTV proprio &c. Cum nuper ad huius almæ Urbis ornamentum, & publicam studiosorum omnium utilitatem nostro iussu instituta in hac Vrbe fuerit officina librorum pulcherrimis characteribus, & summa cum diligentia imprimendorum, præsertim sacrorum, ecclesiasticorumque scriptorum, accersitò Venetiis, & huic negotio præposito dilecto filio Paulo Manutio, cum eruditissimo uiro, tum paternæ in hac arte laudis, & industriæ imitatore, providere, sicut æquum est, volentes, ne eius labor, & industria, quæ fructum aliis allatura est, ipsi uni detrimentum afferat; quod euenturum esset, si libros eius diligentia, & cura non sine magnis sumptibus emendatos, & impressos, atque editos, alii postea imprimerent, atque ederent, minore forsitan etiam adhibita diligentia: Vniuersis, & singulis librorum impressoribus, & bibliopolis tam extra, quàm intra Italiam, sub excommunicationis latæ sententiæ pœna, nostræ uero, & sanctæ Romanæ Ecclesiæ temporali ditioni immediate, mediateue subiectis, etiam sub pœna quingentorum ducatorum auri fisco nostro applicandorum, & amissionis librorum ipso facto, etiam sine declaratione cuiusquam Iudicis incurrendis, inhibemus & interdicimus, ne quis ullum ex libris aut ecclesiasticorum scriptorum, aut cuiuscunque generis, qui aut nunquam ante editi fuerint, aut quos ipse Paulus primus, sublati mendis, correxerit, declararit ue, seu corrigendos, declarandosue curarit, siue illi Græci, Latini, linguae Italicae communi, siue e Græco sermone in Latinum, Italicumue conuersi, imprimere, uel ab aliis impressum uendere, aut uenalem proponere, & habere audeat per annos quinque, ab eo tempore, quo Paulus eum ediderit, computandos: Mandantes dilectis filiis nostris Cameraio, & Vicario Urbis, necnon Gubernatori, Senatori, Camerae Apostolicæ causarum Auditori, & aliis Urbis ordinariis Iudicibus, Legatisque, Vicelegatis, Gubernatoribus, & Potestatibus terrarum sanctæ Romanæ Ecclesiæ, Baricellisque, & executoribus earundem, ac uenerabilibus fratribus singularum extra terras prædictas ciuitatum Archiepiscopis, & Episcopis, eorumque Vicariis, ut quoties ipsius Pauli nomine requisiti fuerint, ei efficaciae defensionis præsidio assistentes, præmissa omnia, & singula contra inobedientes, & contraueniens ad executionem censurarum, & pœnarum prædictarum omni, & quacunque appellatione remota, procedant & quilibet eorum procedat, inuocato etiam



si opus fuerit, auxilio brachii secularis. Quia uero difficile esset hanc nostram cedulam originalem ad singula loca deferri: Volumus quod de eius tenore, quod ad prohibitionem nostram huiusmodi attinet, credi debeat exemplis in ipsis libris imprimendis, seu etiam non inserto tenore, narratis: ita quod sola narratio, seu enunciatio in ipsis libris, ut moris est, facienda ad effectum, ut contra inobedientes, ut praefertur, procedi possit, sufficiat. Et maioris efficaciae causa uolumus ut originalis ipsa cedula per Cursores nostros hic in Vrbe in locis consuetis, ut moris est, affigatur, & publice-  
 tur; ne quisquam ignorantiam eius ualeat allegare: Decernentes irritum, & inane quidquid secus fieri contingerit: Non obstantibus constitutionibus, & ordinationibus Apostolicis, priuilegiis quoque, & indultis quibuscunque aliis super imprimendorum librorum facultate forsan concessis, & innouatis, ceterisque in contrarium facientibus quibuscunque.

Placet motu proprio.

5  
PIO III. PONTIFICI  
OPT. MAX.

MARIANVS VICTORIVS  
REATINVS IVRISCONSVLTVS.



IV, multumque cogitan-  
ti mihi, Sanctissime pater,  
qua uia miseris his nostris  
temporibus afflictæ iam,  
ac propemodum deploratæ catholi-  
cæ Christianæ religioni succurri, ac  
subueniri posset, cum multæ sedulo  
uestiganti in animum occurrissent,  
nullam tamē breuiorem certioremq;  
aduersus insurgētes novos hæreticos  
reperiri posse existimaui, quàm illos  
non argumentis, ac disputationibus  
tantum, hominum ingeniis inuentis,  
atque dispositis, ut adhuc factum est,  
sed præcipue uetustate ipsa, doctrinaq;  
a Christo, & ab Apostolis ipsis ad no-  
stra usque tempora repetita, conuin-  
cere, ac confutare. uera autem esse, quæ  
dicimus, constat ex eorum scriptis, in

A 3 quibus



quibus nihil aliud quærunt, nec aliò  
 unquam respiciunt, quàm imperitis,  
 ac in lectione Sanctorum ueterum mi  
 nime exercitatis hominibus impone  
 re, ac persuadere, ea, quæ ipsi docent,  
 a Christo primum, deinde ab Aposto  
 lis ipsis accepta, nostram autè doctri  
 nam, quam per Apostolicam Sedem,  
 cui tu nunc Beatissime Pater sancte, ac  
 honorifice præes, habemus, nouam,  
 ac propterea commenticiam esse, ex  
 ipso scholasticorum, ut blasphemant,  
 fonte, annis abhinc paulo amplius  
 trecentis prodiisse. hoc gladio Eccle  
 siam omnem traicere, his dolis ani  
 mas in interitum trahere, his artibus  
 miseros, ac infelices Christianos de  
 cipere conantur. subtrahunt enim se  
 quotidie a nobis eo omnes prætextu,  
 quòd certio rem se, ac uetustiore m ex  
 ipso, ut falso iactant, expresso Dei uer  
 bo ductam salutis doctrinam, ab his  
 nouis hominibus, quàm ab Episcopis  
 & presbyteris accepisse se dicunt.  
 Quæ omnia cum falsa sint, ac sole cla  
 rius

rius a ueritate ipsa discedant, nullūq;  
adhuc quo tanto morbo plene sub-  
ueniretur, inuentum remedium sit,  
pretium operæ facturum me esse exi-  
stimauī, si a ueteribus, ætatum, ac pro-  
uinciarum omnium, orthodoxis pa-  
tribus, ueluti coacto ex eis œcumeni-  
co quodam ad hanc rem concilio, ac-  
ceptis, propriis ipsorum uerbis, sen-  
tentiis, contra hos adlatrantes hære-  
ticos ostenderem, diuinam, & ab ip-  
so Christo ad nos usque manantem,  
doctrinam esse, qua hodie Romana  
Ecclesia utitur, quaque semper etiam  
usa est, cum ei in Petro promissum fue-  
rit, defuturam nunquam esse illius fi-  
dem, nec portas inferi aduersus eā un-  
quam præualituras, sed ab ea potius,  
ueluti omnium matre, ceteras in fide  
cōfirmandas fore Ecclesias. incipiens  
igitur a sacramentis, quibus ueluti se-  
ptem ualidis, firmisque columnis, Sa-  
pientiæ ipsius domus, hoc est Eccle-  
sia ipsa Christi firmata est, omnem eor-  
um historiā a Christo primum, mox

a ueteribus ipsis orthodoxis patribus acceptam, in unam ueluti sacrae religionis catenam contextam, cōposui. Vfus sum autem hac in re ideo non meis, sed ipsorum ueterum patrū uerbis, atque sententiis; ut non disputationibus, quibus facile a uersutis hominibus uersuta etiam tergiuersatione responderetur, nisi ubi tantum erat opus, sed antiquitate ipsa, contradicentes hæreticos confutarem. Quid enim certius, ac ualidius hoc tā deplorato æuo, male persuasis, deceptisque hominibus, ad confutandos eorum errores, poni ante oculos potest, quàm ipsum Dei uerbum, orthodoxorum omnium ætatum ac locorum patrum auctoritate expositum, atque enucleatum? præsertim cum constet apud omnes, eos non minus doctrinæ puritate, quàm probitate uitæ amicos Dei, & fideles Christi fuisse ministros, plurimique eorum religionē nostrā, effuso etiam pro ea sanguine, propagarint? In capita uero ideo opus  
ipsum



9  
ipsum partitus sum, ut Catholici habere ipsi etiā possint, unde singulis in dubiis erudiantur. Quot autem quantosque hac in re labores ipse pertulerim, illorum iudicium sit, quibus experimento cognitum est, quantū operæ, ac studii, quantumque temporis, & assiduitatis requireretur, ut ab uno tantum homine, multis humanis auxiliis destituto, omnis ferme tam græcorum, quàm latinorum antiquitas uestigari, legi, ac uersari potuerit. De creueram autē hanc sacramentorum historiam una omnem editione promulgare: uerum dum ad operis absoluteu- tionem nauiter incumbo, ac semper aliqua noua, quæ iam inuentis auctoritatibus addam, sedula lectione perquiro, proptereaue editionem ipsam libenter etiam remoror, amplissimus præsul Ioannes Moronus Cardinalis, patronus meus, apud quem pro sua immensa benignitate familiariter hospitor, rogauit me, ut aliquid sibi ex laboribus nostris, quos quotidie  
aduer-

aduersus hæreticos elucubramus, legendum ostenderem. quod cum me facturum pollicitus essem, forte euenit, ut tunc hoc confessionis, & antiquarum pænitentiarum opus præ manibus haberem: tradidi, legit, laudauit. indeque propter catholicæ religionis ardentissimum amorem, quo erga Christianam pietatem, & sinceram fidei ueritatem mirifice affectus, hæreticam prauitatem semper est auersatus, ut ex legationibus eius Germanicis, & omni uita, doctrinaque, multis etiam examinationibus approbata clarissime constat, uersus ad preces, adhortari cœpit ut ederem. Ego dilationis causas subnectebam multas, quarum illa præcipua obtēdebatur, quòd totum sacramentorū opus absolutum a me non erat, partemque tantum in lucem edere parum decere uidebatur. uicerunt tandem illius preces. quis enim ego eram, qui homini de catholica religione optime merito, tot honoribus, ac dignitatibus præclarissimè

me

me functo, patroni mei Reginaldi Poli Cardinalis, uiri nunquam satis laudati, ac mei etiā amantissimo cōtraderem? præsertim, cum ipsius ope, & beneficentia eiusdemq; in ædibus historia hæc cōfessionis extremam a me susceperit manum, & eius editio ad publicam pertinere utilitatem uideretur. cōsenſi autem eo libentius, quòd infelicibus his nostris tēporibus, magis omnium hoc sacramentum non solum ab hæreticis oppugnari, uerum etiam a prauis, ac scelestis hominibus, qui dedecori sibi futurum putant, quòd occulta sua, ac inhonesta facinora cuiquam patefiant, discerpi, irriderique animaduерterim, cognouerimque hac in re eo periculosius magisque noxium, ac damnosum esse, si huius salutaris, diuinæque institutionis medela defereretur, quo crimina maiora, crebrioraque hac ætate, amplius forsitan quàm unquam antea nō solū perpetrantur, sed sæpius dimissa, sæpius etiam ab eisdem numerosius,

ac



ac periculosius repetuntur. Ecquisnā  
 profecto inter homines est, qui tam  
 sancte, casteque uitam traducere pos-  
 sit, ut non multis quotidie irrepenti-  
 bus uitiis maculetur? quis est in appe-  
 tendo, decernendo, loquendo, agen-  
 doque tam cautus, ut a recta inter-  
 dum uiuendi regula non decadat, ac  
 labatur? Nos ipsos, inquit Ioannes  
 Apostolus, seducimus, & ueritas in  
 nobis non est, si dixerimus quòd pec-  
 catum non habemus. Si autem multis  
 peccatis, sceleribusque homines infi-  
 ciuntur, quæ illorum potest esse salus,  
 cum remedium pro abolendis facino-  
 ribus, diuine a Christo nobis post ba-  
 ptismi lauacrum relictum, omittatur,  
 contemnaturque? necessarium certe  
 ab eius institutione semper fuit hoc sa-  
 cramentum, cum sit altera, ut recte  
 omnes uocant, salutis tabula; uerum  
 hodie tanto magis est necessarium,  
 quanto plura, ac maiora hodie quàm  
 antea scelera cōmittuntur. Tui igitur  
 Pie IIII. Pontifex Maxime nominis  
 maiestate

maiestate, ac splendore suffultū opus  
 prodit in uulgus. cui enim alteri dica-  
 rem illud, quā summo in Ecclesia  
 Christi, pientissimoque Pastori, cui in  
 Apostolo Petro diuina hæc, quam mo-  
 do defendimus auctoritas tradita est?  
 cuius tanta humanitas, tanta est rerū  
 omnium benignitas, tanta erga uni-  
 uersam Christianam Remp. conseruan-  
 dam, augendamque cura, & diligen-  
 tia, ut nihil ab eo, quod pro salute o-  
 mnium sit, relinquatur intactum. uti  
 nam omnes Christianorum Principes  
 cunctique Ecclesiæ proceres, ad con-  
 seruandū, propagandumque fidelium  
 gregē, ita ut tu Pastor optimus maxi-  
 mus facis, uigilarent, illudque Home-  
 ricum cordi affixum semper tenerent:

Οὐ γὰρ παννύχιον εὐδεν βουλευφόρον ἄν-  
 δρα,  
 ὃ λαοί τ' ἐπιτετράφαται, καὶ τόσσα μέ-  
 μηλε.

profecto nec tot hærefes quotidie cre-  
 scentes, neque tot, tantasque morum  
 deprauationes, ita, ut nunc cum suspi-  
 riis,

riis, & doloribus facimus, plorare-  
 mus. Ecquid autem est, quod in iu-  
 uanda, ornandaq; Christiana Repu-  
 blica fieri potest, quod a te summo cum im-  
 pendio, maximisque animi, corpo-  
 risque laboribus abunde, cumulareq;  
 non præstetur? Tua opera generale ho-  
 die ad profligandas hæreses undique  
 ex Ecclesia congregatum, concilium  
 fit. tua cura ad priistinā, sanctioremq;  
 uiuendi regulam omnes, qui ab ea  
 descuerant, conformantur fideles.  
 tuis sumptibus, tua pietate Religio re-  
 stituitur, urbs Roma non minus bo-  
 norum institutionibus morum, quàm  
 ædificiorum splendoribus illustratur,  
 eruditi sustentantur: scientia omniū ge-  
 nerum, sacra præsertim, fouetur: hære-  
 tici profligantur: sacrarū litterarū libri,  
 e tenebris eruti, præclarissimis Aldi-  
 nis typis impressi in lucē prodeunt.  
 et, ut breui multa concludam, nihil est  
 hodie in catholica Ecclesia, quod uel  
 ob morum deprauationē, uel propter  
 orthodoxæ fidei sustentationem, pro-  
 pagatio-



pagationemq; opera tua indigeat, in quo tu illam affatim, cumulateque nō præstes. Suscipe igitur pro tua pietate, hilari fronte, hoc quodcunque sit opus: idque ex affectu tradentis, non ex scribentis ingenio, aut doctrina metire: quando Christus, cuius tu locum in terris merito tenes, pauperem uiduam duo tantum æra in gazophylacium mittentem, non propter donatarum rerum copiam, sed propter animi magnitudinem, ceteris, qui maiora dederant, præferens commendauit. Interea reliquam sacramentorum historiam ea, qua potero sedulitate, diligentiaque absoluiam. Qua in re eo libentius laborabo, quo me in hac uel Sanctitati tuæ aliqua ex parte fecisse satis, uel catholicæ Ecclesiæ utilitatis aliquid attulisse, magis cōperero.



Auctores, ex quibus hoc confes-  
sionis opus collectum &  
probatum est.

Matthæus apostolus, & euange-  
lista uiuebat anno Domini

xxxv.

Marcus euangelista

xxxix.

Lucas euangelista

xl.

Ioannes apostolus, & euangelista

lv.

Paulus apostolus

lviii.

Apostoli omnes. eorum de hac re  
canon citatur a Nicena secun-  
da generali synodo.

Dionysius Areopagita, Pauli apo-  
stoli discipulus, qui passus est  
anno Christi nati

xcvi.

Clemens Papa martyr, Petri apo-  
stoli discipulus. eius autem epi-  
stola ad Iacobum fratrem Do-  
mini a Rufino Aquileiensi uer-  
sa, & a D. Hieronymo non re-  
iecta, citatur ab omnibus ue-  
terum decretorum collecto-  
ribus, Iuone, Burchardo, Gra-  
tiano, recipiturque ab Isido-  
ro, & Petro Damiano, & quod  
amplius est, ab Anacleto, Eua-  
risto, Alexandro, & Fabiano,

B martyr-

martyribus, summisque Pontificibus, propriis ex ea uerbis etiam erutis. hic passus est tertio Traiani anno, a Christo nato

CIII.

Alexander Papa martyr floruit sub Adriano

CXXII.

Irenæus Lugdunensis episcopus, qui Polycarpum Ioannis euangelistæ discipulum audiuit, floruit sub M. Antonino

CLXXV.

Tertullianus Afer, quem suum præceptorem D. Cyprianus uocabat, claruit sub Seuero & Antonino Caracalla

CLXXX.

Vrbanus Papa martyr sub Aurelio Antonino

CCXXX.

Pontianus Papa martyr

CCXXXIII.

Fabianus Papa martyr sub Philip-  
pis & Decio

CCLI.

Cyprianus episcopus martyr sub  
Valeriano

CCLVI.

Origenes floruit sub Seuero Per-  
tinace & Alexandro Mammeæ,  
obiit sub Valeriano & Galieno

CCLXI.

Eutichianus Papa martyr sub eo-  
dem Valeriano

CCLXVI.

Eusebius Cæsariensis sub Cōstan-  
tino Magno, cui etiam amicissi-  
mus

- mus fuit, cccxx.  
 Iulius Papa primus cccxl.  
 Athanasius patriarcha Alexandri  
 nus, Inlio synchronus; qui o  
 biit sub Valentiniano & Valente cccclxxix.  
 Basilius Magnus claruit sub iisdē cccclxxx.  
 Effrem Syrus Basilii amicus obiit  
 circa eundem annum calendis  
 Februarii in Edeffa.  
 Gregorius Thaumaturgos cir  
 ca hæc eadem tempora. eius ui  
 tā, & miracula Gregorius Nyf  
 senus conscripsit.  
 Gregorius Nazanzenus diui Hie  
 ronymi præceptor, cccclxxxii.  
 Damasus Papa floruit sub Valen  
 tiniano & Valente cccclxxxii.  
 Ambrosius Mediolanensis epi  
 scopus sub Theodosio cccclxxxviii.  
 Epiphanius, Cypri Salaminæ epi  
 scopus, sub Theodosio cccxc.  
 Esichius Gregorii Nazanzeni di  
 scipulus claruit sub Arcadio &  
 Honorio cccc.  
 Innocentius primus Papa ccccvi.  
 Ioannes Chrysostomus patriar  
 cha Constantinopolitanus ccccx.  
 Carthaginiensis tertia synodus ccccxvii.  
 Hieronymus Stridonensis presby



ter sub Honorio & Theodosio	ccccxx.
Philippus presbyter, D. Hierony mi discipulus, sub Theodosio & Valentiniano floruit	ccccxxx.
Augustinus Hipponensis episco- pus, qui obiit	ccccxxx.
Victor Afer, Vticensis episco- pus, Augustino coæuus, scri- psit sub Genserico Vandalo Africam deuastante,	ccccxxxi.
Africana synodus in hæc forte tempora reponenda.	
Paulinus Nolæ episcopus, Am- brosii & Augustini discipulus,	ccccxxxii
Cyrillus Alexandria patriarcha, sub Theodosio minore,	cdxxxiii.
Agathensis synodus sub Cælesti- no primo celebrata, anno	cdxxxiii.
Socrates historiographus, sub Theodosio iuniore,	ccccxxxv
Sozomenus historiographus, So- crati coæuus.	
Carthaginiensis quarta synodus celebrata est anno	ccccxxxvi
Theodoretus Cyrillo contempo- raneus sub Theodosio minore	cdxxxviii
Eucherius Lugdunensis episco- pus sub eodem,	ccccxi.
Leo primus Papa, cognomento	
Ter-	

X.	Termagnus, obiit sub Leone,	CCCC LXI.
	Prosper Aquitanicus obiit	CCCC LXVI.
	Epaonenſis ſynodus ſub Gelafio	CDXC VIII.
XX.	Petrus Rauennæ epiſcopus uiue	
	bat, ipſomet teſte, anno Do-	
XX.	mini	D.
	Gildas Badonius Britannus, co-	
	gnomento Sapiens,	DII.
	Symmachus Papa	DX.
XXI.	Aurelianenſis ſynodus	DL.
	Nicephorus carthophylax	DLX.
	Gregorius Magnus Papa obiit	
	ſecundo anno Phocæ,	DCV.
XXII.	Theodorus Græcus, archiepi-	
	ſcopus Cantuarienſis, obiit	
II.	auctore Beda	DCXC.
	Beda preſbyter Britannus, co-	
II.	gnomento Venerabilis, obiit	DCCXXXII.
	Carolus Magnus in executione	
XV.	ſynodalium decretorū floruit	DCCCX.
	Aquiſgranenſis ſynodus, cui Ca-	
	rolus Magnus interfuit.	
	Cabilonenſis ſynodus ſub eo-	
XVI.	dem celebrata, licet alii in Eu-	
	genii primi tempora, longe an-	
III.	tea reiſciant.	
	Moguntina ſynodus ſub eodem	
	Carolo, anno uidelicet a Chri-	
	ſto nato	DCCCXIII.

B 3 Rhemen-



Rhemenſis ſynodus ſub eodem  
Carolo.

Synodus quædã uetus ſine nomi-  
ne a Burchardo citata, in hæc  
forte tempora reponi debet.

Angelomus monachus Lexouien-  
ſis ſub Ludouico & Lothario

DCCCXXX.

Anſegisus abbas Leobienſis, qui  
epiſcopalium ſynodorum de-  
creta, ſub Pipino, Carolo Ma-  
gno, Ludouico, & Lotha-  
rio acta, in quinque libros col-  
legit. claruit Anſegisus ſub Lo-  
thario

DCCCXL.

Theodulphus Aurelianus epiſco-  
pus iiſdem temporibus

DCCCXLI.

Rabanus Maurus, moritur anno  
Domini

DCCCLV.

Triburienſis ſynodus, quæ cele-  
brata eſt

DCCCXCV.

Burchardus V Vormatienſis epi-  
ſcopus ſub Henrico

MXX.

Vormatien. ſynodus in hæc tẽ-  
pora reponenda ſub Arribone  
epiſcopo, & Burchardo.

Vrbanus Papa ſecundus

MLXXXIX.

Hugo de ſancto Victore ſub Hen-  
rico quinto

MCXX

Innocentius ſecundus Lotharii  
tempore





tempore,	MCXXXV.
Bernardus abbas Clareuallensis	MCXL.
Richardus de sancto Victore sub	
Conrado tertio	MCXLII
Petrus Blesensis Anglus D. Tho-	
mæ Cantuarien. amicus	MCLX.
Innocentius tertius Papa	MCC.
Latheranen. generalis synodus	
sub eo celebrata, anno	MCCXV.
Thomas Aquinas, omnium theo-	
logorum doctissimus,	MCCCLXX.



## Argumentum operis.

Cap. I.

C

ONTRITIO prima penitentiae pars est, definiturque iustus de perpetratis peccatis conceptus dolor. comites eius sunt

spiritus tribulatio, & humilitas: eamque praecedunt perturbatio, tremor, erubescencia, confusio, & animi immutatio. uocatur contritio alio nomine cordis compunctio, eaque integra esse debet. sufficit autem ipsa sola cum sacramenti confessionis uoto, quando sacramentū ipsum haberi nequit.

C. 2.

Altera penitentiae pars confessio est, appellaturque a Graecis exhomologesis: alij penitentiam uocant: multi absolutionem, reconciliationem, & manus impositionem.

C. 3.

Instituta autem est a Christo, cum clauus, & ligandi, soluendique potestatem, seu dimittendi, retinendique peccata facultatem apostolis est

C. 4.

elargitus. Neccessaria est autem post baptismum omnibus peccatoribus, qui immaculatam Christi tunicam, quam in sacro lauacro acceperunt, scelerum, et facinorum maculis conspurcarunt.

co-gi autem ad agendam penitentiam peccator potest, ubi eius crimen innotuit. adeo autem neccessaria confessio est, ut sine ea, uel eius uoto, quis grauium peccatorum remissionem non assequatur. uotum uero tunc sufficit, cum non religionis contemptus, sed neccessitatis articulus cōfessionem excludit.

C. 5.

Vtilis est confessio propter erubescenciae bonum, remissionem peccatorum, pœnae abolitionem, mentis serenitatem

tatem , gratiæ recuperationem , macularum animæ  
 ablutionem , demum propter consilium pænitendi,  
 et a sceleribus abstinendi, quod quis a sacerdote hoc  
 in sacramento accipit . Non potest sacram quis eu- c. 6.  
 charistiam sumere , nisi prius peccatorum suorum  
 exhomologesim sacerdoti fecerit: nec statim post ex-  
 homologesim pænitentia nondum peracta eam sume-  
 re debet . Ligandi soluendiue potestas ad episcopos c. 7.  
 tantum pertinet , & sacerdotes , non ad quemlibet  
 e uulgo , aut inferioris ordinis clericos : uerum ta-  
 men est , quòd olim inconsulto episcopo nisi in necessi-  
 tatis casu sacerdotes pænitentes nō reconciliabant :  
 quæ prima episcopalium , ut uocant , casuum origo  
 est : mox etiam monachis cōmunicata facultas fuit.  
 spectat autem ad eum qui confessiones audit , ut sit  
 uitæ inculpatæ , probatæque doctrinæ ; ut peccato-  
 res ad lacrymas gemitusque impellat ; pænitentes  
 hilare recipiat , benigneque amplectatur ; magisq;  
 ad misericordiam quàm ad iustitiã uergat . ad per-  
 agendam autem cōfessionem tenentur omnes qui ra-  
 tionis compotes ad discretionis annos peruenerunt :  
 illamque per se ipsum quis , non per nuncium , aut  
 epistolam facere debet . Cōfitendi tempus olim qua- c. 8.  
 dragesimæ initium erat , reconciliationis uero dies  
 quintus ante pascha : nunc necesse est ut peccator  
 ante pascha semel saltem in anno exhomologesim  
 faciat , & in die paschæ sacram eucharistiam su-  
 mat . quæ uero in extremo uitæ sit pænitentia , li-  
 cet suam salutis habeat spem , nō tamen habet æque  
 certam,

- certam, sicut illa quæ sanitatis tempore fit. relaxantur autē tunc omnes penitentiae leges, omnisq; etiam absoluitur penitens, ne sine uatico discedat e uita.
- C. 9. Fieri debet confessio proprio paracho, non alieno, nisi in necessitatis casu & ex priuilegio. propterea monachi abbati illam faciunt. Tenetur autem quis confiteri omnia scelera grauias, quæ mortalia uocamus, etiam occulta, eaque speciatim, & ad aures unius sacerdotis, non plurium, confessionem diuidendo, una cum causis & circumstantiis. salubre autem est sacerdotibus pandere etiam leuia, et animi cogitationes. uulgata crimina deferri olim ad episcopum solebant, tam per laycos, quàm etiam per clericos: idque fiebat, ut per penitentiam emendarentur. Quæ uero secreta sunt, prodi in uulgus neque libellis, neque alio modo debent. enarranda sunt autem crimina speciatim, non generatim, & confuse, item magna cū humilitate, suiue ipsius accusatione, & si fieri potest, genibus flexis. Reuelari a sacerdote peccatum in confessione perceptū nullo modo potest, & si fiat, nulla ei adhibetur fides.
- C. 10. Clauas Ecclesiæ tres præcipue sunt, scientiæ, ordinis, & iurisdictionis, omnesque hoc in sacramento requiruntur. Absoluit peccatorem intus a Deo resuscitatum sacerdos, non declarat absolutum: malusque æque ut bonus absoluit. nullum est crimen quod absolui non possit, nisi impenitentia, & desperatio, quæ peccata in spiritum sanctum dicuntur, non absoluuntur autem hæc quia ca-
- rent



rent contritione , & emendatione . Ferri autem absolutio debet , aut ligatio secundum causarum merita , non pro uoluntatis libito : peccatorque nisi peracta penitentia reconciliari non debet ; & si iniusta sententia forte sit , timenda nihilominus est . ante absolutionem preces quædam olim præmittebantur . . . Materia in hoc sacramento sunt actus ipsius penitentis : forma uero , ego te absoluo in nomine patris , & filij , & spiritus sancti . Hæc autem uerbo Dei perficitur , sicut omnes omnium sacramentorum forma . Errat qui se hoc tantum nomine penitentiam agere putat , propterea quod a sacramentis solummodo abstinet . et abusus est in confessione excusare peccata . Satisfactio , tertia penitentiae pars , necessaria post confessionem est ; et consistit in ieiunijs , lacrimis , orationibus , eleemosynis , & alijs sanctæ operibus disciplina . aboleturque per eam temporaria pœna æterna in eam commutata , quam post dimissum in confessione peccatum , subeundam manere , multis probatur . defenduntur hoc in capite opera & merita : iustificationis materia explicatur ; & argumenta , quæ in contrarium esse uidentur , breuiter confutantur .

C. 14.

C. 15.

C. 16.

Proœmium.



## Proœmium.

C R I P T V R I de sacramento pœnitentiae, opus in sexdecim capita partiemur. Primo de contritione tractabimus: Secundo de cōfessionis nominibus: Tertio de eius institutione: Quarto de necessitate: Quinto quæ, & qualesnam ex confessione sequantur utilitates: Sexto dicetur an sine confessione, uel continuo post eam factam, accedi sacram ad eucharistiam possit: Septimo de personis scilicet tam de ijs quibus audiendi confessiones facultas a Deo tributa est, quàm etiam de illis quæ ad eam peragendam ex præcepto sanctæ et catholicæ Ecclesiæ tenentur. Octauo scribetur de tēpore quo fieri confessio debet; hocque in capite explicabitur an pœnitentia usque in extremum uitæ dilata utilis et proficua sit. Nono narrabitur utrū quis hominis qui alterius parochiæ sit audire cōfessionem, & pœnitentiam ei imponere ualeat. Decimo explicabitur modus faciendi confessionem, hoc est quæ peccata pandenda sacerdotibus sint, grauiusne tantum, an etiam leuius, & animi quoque cogitationes: Item an speciatim una cum causarum adiectione omnia ex integro crimina sint enarranda, & ad aures dumtaxat unius, an plurium, prout libuerit, sacerdotum, partiendo confessionem: & quo casu publica imponi pœnitentia debeat: demum quo ritu, quauē reuerentia confessio, & quo modo peragenda pœnitentia sit. Vndecimo capite enarrabitur quanta

quanta cura & diligentia secreta tenenda a sacerdotibus confessio sit, & utrum detegentibus eam fides adhiberi debeat. Duodecimo dicitur de tribus præcipuis Ecclesiæ clauibus, quæ necessariae hoc in sacramento sunt. Decimotertio tractabitur de absolutione, idest utrum peccatorem absoluat sacerdos, an potius absolutum declaret: & an malus aequè ut bonus absoluat sacerdos: numquid omne peccatum remitti possit: & utrum pro libito uoluntatis, an secundum causarum merita absolutio impendi debeat: postremo quibus olim præmissis precibus absolutio præberetur. Decimoquarto de materia & forma huius sacramenti scribetur. Decimoquinto abusus aliqui taxabuntur. Decimosexto, quod postremum omnium erit caput, dicitur de satisfactione, quæ tertia est penitentiae pars: hoc est explicabitur, quæ pena per satisfactionem eluenda, absolutum in confessione maneat hominè; & in quibus satisfactio ipsa consistat; & quo modo immensæ satisfactioni per Christum actæ hæc minime repugnat: & quia altiore uestigationem materia ista postulat, propter nostrorum temporum infelicitatem, de fide & iustitia, item de operibus, & meritis late tractabitur.

## De contritione,

## Cap. I.

AENITENTIA tres habet partes,

**P** contritionem, confessionem, & satisfactionem. Est autem contritio, ut ab ea quæ

prima est incipiamus, iustus de perpetratis peccatis conceptus dolor cum proposito confitendi, & satisfaciendi. is enim, qui de commissis sceleribus remissionem habere desiderat, necessarium habet in primis a peccatis cessare, ea quatenus potest abhorrendo, deinde se ad bonorum operum per confessionem, & satisfactionem initia preparare, quemadmodum docet apostolus, cum ait: *Abijciamus opera tenebrarum, & induamur arma lucis.* et David propheta, *Declina, inquit, a malo, et fac bonum.* et Isaias: *Quiescite agere peruerse, discite benefacere.* Cõteri autem de peccato dicitur is, qui propter commissum delictum dolore afficitur. hoc autem cordis scissionẽ uocat Iohel propheta, cum ait, *Scindite corda uestra & non uestimenta uestra.* habet autem secum uera contritio, spiritus tribulationem, & animi humilitatem. quæ omnia a propheta David breuiter explicantur cum dicitur: *Sacrificium Deo spiritus contritus, cor contritum, & humiliatum Deus non despicies.* Tribulatione afficitur spiritus, cum de commissis sceleribus dolorem concipit: humiliatur uero cum sese uti reum agnoscens, coram diuina misericordia pro impetranda uenia prosternit. ante autem quàm contritio cordis contingat, perturbatur cor ipsum

Thomas 3. p. q.  
90. art. 1. & 2.  
& q. seq.

Rom. 13.

Psal. 30.

Isa. 16.

Iohel. 2.

Psal. 50.



ipsum, tenebras, & misérias, in quibus se totum  
 immersum propter peccatum uidet, illucescente gra-  
 tia agnoscere incipiendo: de qua re loquens, rarum  
 pænitiæ exemplum, Dauid aiebat: Cor meum con- Psal. 37.  
 turbatum est in me, dereliquit me uirtus mea, et lu-  
 men oculorum meorum, & ipsum non est mecum.  
 et alibi: Cor meum conturbatum est in me, & formi- Psal. 54.  
 do mortis cecidit super me. & rursum. Sana me Do- Psal. 6.  
 mine, quoniam conturbata sunt ossa mea, et anima  
 mea turbata est ualde: sed tu Domine usque quo?  
 loquens de contritione Isaias, egregie eius explicat  
 comites, humilitatem scilicet, & tremorem: ait  
 enim: Ad quem respiciam, inquit Dominus, nisi ad Isa. 60.  
 pauperculum, et contritum spiritu, & trementē ser-  
 mones meos? Pauper enim humilē corde significat  
 sicut scriptum est: Beati pauperes spiritu, quoniam Matth. 5.  
 ipsorum est regnum calorum. Ieremias eleganter  
 explicat, quo modo contritio hæc peccatori contin-  
 gat, cum ait: Postquam conuertisti me, egi pæniten- Ierem. 31.  
 tiam, et post quā ostendisti mihi, percussi cor meum:  
 confusus sum, & erubui, quoniam sustinui oppro-  
 brium adolescentiæ meæ. constat enim ex iis uerbis,  
 quòd ante quā homo de perpetratis sceleribus con-  
 teratur, necesse est, ut a Deo superne illuminetur,  
 & de miseria, in quam se ipsum peccando proiecit,  
 admoneatur. hac enim accedente illuminatione pec-  
 cator ad pænitentiam se conuertit. uocatur hæc apud  
 Græcos *μετάνοια*, significatque, Tertulliano aucto- Tertull. lib. 2.  
contra Mar-  
cionem,  
 re, animi conuersionem, & immutationem. certe  
 græca



græca nuncupatio transmutatam innuit mentem :  
immutat autem mentem suam peccator, dum firma  
penes se uoluntate deliberat ulterius non peccare .  
hæc autem deliberatio nisi præcedente erubescencia,  
& confusione non contigit . confunditur enim in se  
ipso peccator , dum se tot uitiis , & sceleribus uidet  
immersum , dum contra uoluntatem Dei uitam  
suam traduxisse considerat , & dum æternam pro-  
pter peccatum se amisisse felicitatem perpendit . pro-  
pterea confusus erubescit , sicut ait apostolus cū scri-  
bit : Quem ergo fructum habuistis tunc in illis , in  
quibus nunc erubescitis ? oritur erubescencia hæc in  
homine , ex eo quòd diuinior illa animæ pars , quàm  
spiritum sacra appellat scriptura , flagellat , & con-  
tinuis pungit aculeis animam , quæ peccatis consen-  
tiendo uitam traduxit , ueluti quæ belluarum more,  
sensus , non ipsius recte consulentis , peccando secuta  
sit motus : conscientia hanc uocant , quæ acriter pro-  
fecto scelestam animam pungit , & eam requiescere  
nullo modo sinit . nouerat hoc ipsum Dauid prophe-  
ta , qui post peccatum continuis in corde conscientie  
male actæ uitæ ictibus sauciatus , exclamabat lu-  
gens : Quoniã die ac nocte grauata est super me ma-  
nus tua : conuersus sum in ærumna mea dum configi-  
tur spina . in miseriam quidem , & ærumnam cõuer-  
tebatur propheta , dum acuta conscientie spina men-  
tem illius acriter ob perpetrata delicta pungebat ,  
traieciebatque . Post confusionem uero , & erube-  
scenciam , quæ conscientia instante , et duriter pun-  
gente

gente, peccatoribus accidunt, defectus quidam animi, ac sui ipsius deliquium quoddam illis continuo oboritur, quoniam in se ipso deficit homo, qui peccauit, & undique confusus, quò se ipsum uertat, ignorat. sicut legimus de Cain, cuius uultum concidisse post peccatum animo conceptum scriptura còmemorat. hęc autem uultus deiectio utique non contigisset, nisi prius animi defectio præcessisset. quo modo enim non deficiet peccator, qui quo diligentius se ipsum considerat, & attendit, eo scēdius peccatorum maculis se contaminatum agnoscit, nihilque quod eum consoletur aut erigat iam collapsum, in se perspicere modo aliquo potest? nouerat hoc ipsum Dauid, cum diceret, Defecit caro mea & cor meum. Psal. 71. tanta hęc animi defectio, ac talis etiam est, ut nisi quis deinde ad immensam Dei misericordiam, qua peccatores pēnitentes recipit, mentis sustolleret oculos, peccati grauitate oppressus in desperationem omnino adduceretur, & ita in æternum periret. at cum in illam mentis figit intuitum, illico consolationem recipit. sperat enim ueniam, & peccatorum omnium in ea remissionem: & ita dolorum, quibus affligebatur, multitudinem, immensa æternæ pietatis consolatione restinguit. cognitū experimento hoc erat propheta Dauid, cum diceret: Secundum multitudinem dolorum meorum in corde meo, consolationes tuæ letificauerunt animam meā. et rursum. Psal. 111. Paratum cor eius sperare in Domino, confirmatum est cor eius, non cōmouebitur donec despiciat inimicos suos.

Thomæ 3. p. in  
add. q. 2. arti. 3.  
De pæn. dist. 3.  
c. scelerator.  
§. his & c. sunt

Deut. 6.

Iohel. 2.

Act. 2.

Ephrem de ex-  
tremo iudicio  
c. 5.

1. Reg. 5.

Luc. 7.

suos . requirit autem a nobis Deus integram contri-  
tionem, uidelicet ut cuncta prorsus abhorreamus de-  
licta, nihil nobis, quod non displiceat, seruando: quia  
quemadmodum præceptum fuit ut diligeremus Deum  
ex toto corde, ex tota anima, & ex omnibus uiri-  
bus, ita etiam præcipitur ut toto corde conuertamur  
ad Dominum, cum nobis dicitur: Conuertimini ad  
me in toto corde uestro, in ieiunio, fletu, & plan-  
ctu, & scindite corda uestra, & non uestimenta ue-  
stra. toto autem corde non conuertitur is, qui uel  
sibi aliquod perpetrandum seruat delictum, uel cun-  
cta iam commissa scelera pariter non detestatur. Vo-  
catur autem contritio ab euangelista Luca, cordis  
compunctio, cum ait: His auditis cōpuncti sunt cor-  
de & dixerunt ad Petrum, & ad reliquos aposto-  
los: Quid faciemus uiri fratres? quo nomine utitur  
etiam beatus Ephrem, qui præter quod librum de com-  
punctione cordis inscripsit, ita alio in opere dicit: Cō-  
punctio, inquit, fratres sanitas animæ est, illu-  
minatio mentis est: compunctio fratres remissionem  
delictorum nobis acquirit: cōpunctio fratres Iesum  
unigenitum facit in nobis habitare, cum eum deside-  
ramus, & quærimus. & quoniam ex cordis contri-  
tione lacrymæ oboriri solent, propterea subdit: Vo-  
lo uobis fratres enarrare potentiam lacrymarum:  
Anna per lacrymas a Deo Samuelem prophetā ac-  
cepit, sublimitatem & gloriationem animæ suæ. mu-  
lieris etiā peccatricis debita in domo Simonis a Chri-  
sto domino dimissa sunt; quæ lacrymis pedes eius  
riga-



rigabat, & crine tergebat. grandis uirtus est lacrymarum, multumque præualent lacrymæ, quæ secundum Deum sunt. Fiduciam Domini semper acquirunt lacrymæ: sordidas cogitationes expellunt, nec proximare eas permittunt animæ compunctionem cordis habenti. asserere hoc ipsum uidetur etiam Dauid: qui postquam dixit conturbata sibi fuisse ossa una cum anima, quod ex animaduersione, & consideratione scelerum, dum interea peccator compungitur, euenit, statim addidit: Laboraui in gemitu meo, lauabo per singulas noctes lectum meum: Lacrymis meis stratum meum rigabo. Scripsit etiam beatus Chrysostomus de compunctione cordis libros duos, ut nemini iam uerti possit in dubium, quin contritio cordis omnibus peccatoribus necessaria sit: cuius tanta uis & potentia est, ut Niniuitas ab urbis excidio liberauerit, Dauid in Dei gratiam restituerit, peccatrici mulieri multorum peccatorum remissionem impetrauerit, Petrum apostolorum principem a periurii reatu, & infidelitatis culpa absoluerit, & latronem breuissimo quodam temporis spatio compunctum, e tormento, et ignominia crucis, in paradisi delicias, & gloriam transportauerit. felix profecto contritio, quæ peccatorum corda ita proscindit, & conterit, ut illa prorsus innouet ad salutem, quemadmodum orabat Dauid, cum diceret: Cor mundum crea in me Deus, et spiritum rectum innoua in uisceribus meis. Sancta & diuina innouatio, per quam homo, qui prius impius et insipiens dicebat in corde suo non esse

Psal. 6.

Ion. 3.

2. Reg. 12.

Luc. 7.

Luc. 22.

Luc. 23.

Psal. 50.



Psal. 52.

Psal. 9.

Rom. 10.

Psal. 27.

Psal. 27.

Psal. 56. &amp; 107.

Psal. 111.

Thomæ 3. p. in  
add. q. 6. art. 1.

Ezech. 18.

Psal. 50.

Deum, uel etiam non respicere ad peccantium maculas, proptereaue in duritia peccandi obfirmatus aiebat: Nō mouebor a generatione in generationem si-  
ne malo: cæperit postea per compunctionem noua ef-  
fectus creatura, corde credere ad iustitiam, & ore  
confessionem facere ad salutē. et animo ad bene agen-  
dum offirmato, postremo exclamat: Refloruit caro  
mea, & ex uoluntate mea confitebor ei. et rursus,  
Dixi confitebor aduersum me iniustitiam meam Do-  
mino, & tu remisisti impietatem peccati mei. et ali-  
bi. Paratum cor meum Deus, paratum cor meum,  
sicuti de peccatore post pænitiā ad bene agendum  
confirmato, alibi dicitur: Cōfirmatū est cor eius, non  
cōmouebitur donec despiciat inimicos suos. Præsenta-  
neum et cæleste remediū, quod adeo cunctis fidelibus  
peccatoribus necessariū est, ut sine eo nemo sibi ueniā  
polliceri, nemo salutē promittere modo aliquo possit,  
cum tamen ipsum per se solū, ubi cetera haberi reme-  
dia nequeunt, ad remissionem peccatorum sufficiat.  
quoniam scriptum est quod in quacunque hora inge-  
muerit peccator, & conuerterit se a uia mala, omniū  
iniquitatum eius Deus nō recordatur. et David pro-  
pheta, sacrificium Deo acceptum ait esse spiri-  
tum contribulatum: item, cor contritum & humi-  
liatum ab eo minime despici assseuerat. firma atque  
immobilis salutis scala, per quam quilibet impius,  
& peccatorum maculis inquinatus, ad cælum ascen-  
dere facile potest, & sine qua nullus peccator compa-  
rare sibi salutem ualet: ita enim beatitudinis æter-  
nam,

nam, & pretiosissimam mercem fidelibus suis acquirendam Deus instituit, ut ubi haberi sacramenta non possunt, sola cordis fide, & contritione, una tamen cum sacramentorum uoto, & desiderio, illa emi, sola parari possit. et ita inexcusabilis es o homo, cum nihil a te Deus eatenus requirat, nisi quatenus illud facere potes, et adimplere. est in Ecclesia baptismus, sunt etiam clauces: utrumque pro consequenda salute necessarium a Christo institutum remedium. primum salutem homini parat, alterum amissam restituit. hæc remedia si non accipies, utique damnationem accipies. at si tibi nec baptismi, neque sacerdotalium clauium copia suppetit, habes in te ipso unde saluari possis, cor scilicet tuum, quo uel ad iustitiam credas, uel iam credens compungaris ad ueniã & salutem. habes, inquam, animum tuum, ut sacramentum, quod effectu habere nequis, uoto et desiderio assequaris. Baptismi uicem, inquit Augustinus, aliquando implere passionem, de latrone illo, cui non baptizato dictum est, hodie mecum eris in paradiso. non leue documentum beatus Cyprianus assumit. quod etiam, atque etiã considerans inuenio, non tantum passionem pro nomine Christi, id quod ex baptismo deerat, posse supplere, sed etiam fidem, conuersionemque cordis, si forte ad celebrandum mysterium baptismi, in angustiis temporum succurri non potest. neque enim latro ille pro Christi nomine crucifixus est, sed pro meritis facinorum suorum: nec quia credidit passus est, sed dum patitur cre-

Thomas 3. parte summa q. 68 art. 2.

August. lib. 4. de baptismo contra Donatistas c. 23. idem asserebat epist. 108. ad Seleucianã.

Rom. 10.

didit . quantum itaque ualeat etiam sine uisibili  
sacramento baptismi , quod ait apostolus , Corde  
creditur ad iustitiam , ore autem confessio fit ad  
salutem , in illo latrone declaratum est . sed tunc im-  
pletur inuisibiliter , cum mysterium baptismi non  
contemptus religionis , sed articulus necessitatis ex-  
cludit . confirmat hanc eandem sententiam diuus  
Ambrosius , cum de Valentiniani obitu scribit : eum  
enim fide , & baptismi uoto saluum assenerat factū ,  
propterea quòd ad baptismi aquas morte præoccupatus  
peruenire non potuit . quibus auctoritatibus mo-  
tus beatus Bernardus , multis id ipsum asserit in epi-  
stola quam ad Hugonem de sancto Victore misit .

Ambr. de obitu  
Valentiniani.Bernardus epi-  
stola 77.

Idem quoque in sacramento penitentiae a ueteribus  
statui , ut scilicet ubi sacramentū haberi nequit , eius  
uotum una cum peccatorum contritione sufficiat , ex  
Epaonensi synodo , & Carthaginensi tertia , alibi in  
opere scribimus . hæc autem in necessitatis tantū ar-  
ticulo uera sunt , ubi quis non ex contemptu , sed per-  
sonarum inopia , aut angustijs temporum a sacra-  
mentis excluditur . nam etsi Deus uirtutem suam sacra-  
mentis , ut theologi scribunt , non alligauerit , quin  
sine eis , ubi illa haberi nequeunt , operari ipse ad salu-  
tem inuisibiliter non possit , adeo tamen necessaria il-  
la esse uoluit , ut eorum uotum requirat , ubi effectus  
sequi externe non potest . sequitur igitur , ut de con-  
fessione , altera penitentiae parte , nunc pertrac-  
temus . uerum quia latum est opus , in capita ipsum  
partiemur , & a nomine initium capiemus .

Epaonen. syn.

c. 11.

Burchard. lib.

11. c. 51.

Carthag. 3. sy.

c. 81.

Burchard. lib.

18. c. 10.

Thomas 3. par-

te summa, q.

68. arti. 2. &amp; in

add. q. 6. art. 1.



## De confessione, & primum de eius nomine, Cap. II.

CONFESSIO nomen apud sacras literas interdum laudem, interdum scelerum propalationem significat. hoc autem ex hebraicae linguae proprietate ductum est: apud eam enim hodie uerbum cum laudare, tum etiam confiteri significationem habet. hanc in sententiam dictum est a beato Hilario: Inuenimus confessionem duplici ratione tractandam esse, unam confessorum peccatorum, ubi in deserto Iordanis confitebantur peccata sua esse: aliam laudationis Dei, ubi Dominus loquitur ad patrem, Confiteor tibi Domine, pater caeli et terrae, quod abscondisti haec a sapientibus, & reuelasti ea paruulis. prima ergo illa, & superior confessio, peccatorum esse credenda est, maxime quae praedicationi propheticae, atque apostolicae connectitur: sequens haec laudationis Dei intelligenda est, populorum deinde omnium, idest gentium uniuersarum. Peccatorum igitur confessio, de qua in praesentia tractatur innotuit, graece ἐξομολόγησις appellatur. quae frequens est penes diuum Cyprianum nuncupatio: quam obrem quodam in loco, credo, ait, ut qui libellum a martyribus acceperunt, & auxilio eorum adiunari apud Dominum in delictis suis possunt, si premi infirmitate aliqua, & periculo caeperint, ex hominibus facta, & manu eis a nobis in penitentiam imposita, cum pace a martyribus sibi praemissa ad Dominum

Hilarius in expositione.  
Psal. 66.  
Matth. 3.

Luc. 10.

Cyprianus in epistola ad clericum de iis qui ad eucharistiam festinant.



Prou. 5.

Symmachus Papa.

Burchard. lib. 18. c. 16.

Pontianus epistola 1. ad Felicem Succribonum.

Aug. Honorato, de fuga in persecutione epist. 180.

minum remittantur: & quoniam per confessionem peccatorum, penitentia pro qualitate facinorum imponitur, ipseque peccator, qui funibus peccatorum suorum deuinctus erat, a reatu absoluitur & reconciliatur Deo, propterea ipsa confessio modo penitentia & absolutio, modo reconciliatio appellatur.

Symmachus Papa in Apologetico, contra Anastasium Imperatorem, penitentia uocat, cum ait. Conferamus autem honorem Imperatoris cum honore Pontificis, inter quos tantum distat, quantum ille rerum humanarum gerit, iste diuinarum curam.

Tu Imperator a Pōtifice baptismum accipis, sacramenta sumis, orationem poscis, benedictionem speras, penitentiam rogas: postremo tu humana administras, illi tibi diuina dispensant. Absolutionis nomine, & reconciliationis utitur synodus, cum ait, ut presbyteri de occultis peccatis iussione episcopi penitentes reconcilient, & sicut supra premisimus, infirmantes absoluant, & communicent. Item Pontianus Papa martyr. De sacerdotibus autem Domini, quos uos audiuimus contra prauorum hominum insidias adiuuare, eorumque causas portare, scitote uos in eo ualde Deo placere, qui sibi eos ad seruiendum asciuit, & familiares intantum sibi esse uoluit, ut etiam aliorum hostias per eos acceptaret, atque eorum peccata donaret, sibi que reconciliaret. ipsi quoque proprio ore corpus Domini conficiunt, & populis tradunt, et Augustinus. An non cogitamus, cum ad istorum periculorum peruenitur extrema, nec

nec est potestas ulla fugiendi, quantus in Ecclesia fieri soleat ab utroque sexu, atque ab omni ætate concursus, alijs baptismum flagitantibus alijs reconciliationem, alijs etiam penitentia ipsius actionem, omnibus consolationem, & sacramentorum confessionem, & erogationem? ubi si ministri desint, quantum exitium sequatur eos, qui de isto sæculo uel non regenerati exeunt, uel ligati? Item Gildas Badonius Britannus, cognomento Sapiens, Desine, inquit, quæso, ut propheta ait, ab ira, & derelinque exitiabilem, ac temet ipsum maceraturum, quem celo ac terræ, hoc est Deo, gregique spiras, furorem: fac eos potius mutatis pro te orare moribus, quibus potestas suppetit supra mundum alligandi, cum in mundo reos alligauerint, & soluendi cum penitentes soluerint. Item Victor Afer Vticensis episcopus: Colonias iure ad excolendum agrum accipiat (Hilderichi Arriani, Vandalorū Regis, uerba sunt hæc) ita tamen ut non psallatis, neque oretis, aut ad legendum, codicem manibus gestetis, non baptizetis, neque ordinetis, aut aliquem reconciliare præsumatis. Vocatur etiam confessionis sacramentum, manus impositio. unde idem Victor Afer dum deplorat sacerdotes a Vandalis in exilium missos, ait: Qui hos baptizaturi sunt fonte aquæ perennis? qui nobis penitentia manus collaturi sunt, & reconciliationis indulgentia, obstrictos peccatorum uinculis soluturi. Quia dictum est, quodcunque solueritis super terram, erit solutum & in celo: qui nos sollempnibus

Gildas Bado-  
nius in lib. de  
excidio Britan-  
niæ.

Victor Afer lib.  
3. de persecu-  
tione Africana

Idem Victor lib.  
2. de persecu-  
tione Africana

Math. 18.

nibus orationibus sepulturi sunt morientes ? a quibus diuini sacrificii ritus exhibendus est consuetus.

## De confessionis institutione,

### Cap. III.

**Q**UIS autem ex hominibus primus in Ecclesiam introduxerit, magna uertitur hodie inter catholicos & hereticos controuersia, affirmantibus illis a Christo seruatore omnium institutam, his uero negantibus. allatret quisquis ille sit, ueritas est a Christo, Tertulliano etiam teste, ut cetera sacramenta eam quoque statutam, quippe cum soluendi, ligandique potestas, quae a Christo apostolis tributa est, uana prorsus esset, atque inanis, si peccata facinorae non enarrarentur: unde enim nosset sacerdos quis ligari mereretur, aut potius solui, si facta, quibus ligamen debetur, aut solutio, non explicarentur? alioqui aut una omnium esset solutio, aut unum dumtaxat uinculum: propterea Petrus dixit Clementi, dum eum tradita sibi a Domino donaret potestate: propter quod ipsi trado a Domino mihi traditam potestatem ligandi, & soluendi, ut de omnibus quibuscunque decreuerit in terris, hoc decretum sit & in caelis: ligabit enim quod oportet ligari, & soluet quod expedit solui, tanquam qui ad liquidum Ecclesiae regulam nouerit: ipsum ergo audite, scientes quia quicumque contristauerit doctorem ueritatis, peccat in Christum, & patrem omnium exacerbat Deum, propter quod & uita carebit. in hanc sententiam dictum est ab Urbano: Quod autem

Tertulli. lib. 1.  
de trinitate.

Matth. 16.  
Ioan. 20.

Clem. Papa Petri apostoli discipulus in epistola 1. ad Iac. fratrem Domini. 8. q. 1. si Petrus

Urban. Papa in epistola 1.

tem



tem sedes apostolorum in ecclesiis excelsæ constitutæ,  
 & præparatæ inueniuntur, ut thronus, speculationem,  
 & potestatem iudicandi, & soluendi, atque ligandi,  
 a Domino sibi datam materiam docent: unde ipse Saluator  
 in euangelio ait, Quæcunque ligaueritis super terram,  
 erunt ligata & in cælo, et quæcunque solueritis super  
 terram, erunt soluta & in cælo. et alibi, Accipite Spiritum  
 sanctum, quorum remiseritis peccata remittuntur eis,  
 & quorum retinueritis, retenta sunt: ideo ista prætulimus  
 carissimi, ut intelligatis potestatem episcoporum uestrorum,  
 in eis que Deum ueneremini, et eos ut animas uestras  
 diligatis, & quibus illi non communicant, non communicetis,  
 & quos eiecerint, non recipiatis: ualde enim timenda  
 est sententia episcopi, licet iniuste liget aliquem,  
 quod tamen summopere præuidere debet. confirmat hoc  
 ipsum diuus Athanasius, dum ait. Si nondum soluta sunt  
 tibi uincula, trade te ipsum discipulis Iesu: adsunt enim  
 qui soluant uos, potestate hac a seruatore accepta,  
 quoniam quidquid ligaueritis super terram, erit ligatum,  
 inquit, & in cælo, quidquid solueritis super terram,  
 erit solutum et in cælo. et diuus Ambrosius dum in  
 Nouatianos inuehitur: Sed aiunt se Domino deferre reuerentiam,  
 cui soli remittendorum criminum potestatem reseruent:  
 immo nulli maiorem iniuriam faciunt, quam qui eius  
 uolunt mandata rescindere, commissum munus  
 refundere. nam cum ipse in euangelio suo dixerit  
 dominus Iesus, Accipite Spiritum sanctum, quorum remi-

Matth. 18.

Io. 20.

Athanasius in sermone super illa uerba, Euntes in uicum qui contra uos est.  
 Matth. 18.

Ambr. lib. 1. de pæn. c. 2.

Io. 20.



remiseritis peccata, remittuntur eis: & quorum retinueritis, detenta sunt. Quis est ergo qui magis honorat, utrum qui mandatis obtemperat, an qui resistit? Ecclesia in utroque seruat obedientiam, ut peccatum & alliget, & relaxet: hæresis in altero immitis, in altero inobediens: uult ligare quod non resoluat, non uult soluere quod ligauit: in quo se sua damnat sententia: Dominus enim par ius & soluendi esse uoluit, & ligandi; qui utrumque pari conditione permisit: ergo qui soluendi ius non habet, nec ligandi habet. Item alibi dum eosdem Nouatianos reprehendit. Quod ergo isti possunt consortium habere tecum, qui claues regni non suscipiunt, negantes quod dimittere peccata debeant: quod quidem recte de se fatentur; non habent enim Petri hereditatem, qui Petri fidem non habent, quam impia diuisione discerpunt: sed hoc improbe, quod etiam in Ecclesia donari peccata negant posse, cum Petro dictum sit: Tibi dabo claues regni cælorum; & quæcunque ligaueris super terram, erunt ligata & in cælis; & quæcunque solueris super terram, erunt soluta et in cælis: cum & ipse uas electionis dominicæ dicat: Si cui autem quid donastis, & ego: nam & ego quod donauim propter uos in persona Christi. cur igitur Paulum legunt, si eum tam impie arbitrantur errasse, ut ius sibi uindicaret Domini sui? sed uindicauit acceptum, non usurpauit indebitum. et alibi: Similiter impossibile uidebatur per penitentiam peccata dimitti: concessit hoc Christus apostolis suis, quod  
ab

Idem lib. 1. de  
penit. c. 6.

Matth. 16

2. Cor. 2.

Idem libr. 2. de  
penit. c. 2.

ab apostolis ad sacerdotū officia transmissum est : factum est igitur possibile , quod impossibile uidebatur .

Et alibi : Remitte mihi ut refrigerer , priusquam abeam , Et amplius iam non ero : hoc est hic mihi remitte , ubi peccaui : nisi hic remiseris mihi , ibi remissionis ueniam inuenire non potero : quod enim in terra ligatum manserit , ligatum manebit in celo : propheta enim , Et prædicator Ecclesiæ congregandæ , euangelico spiritu indulgentias Domini præuidebat , Et præcipienda apostolis , ei Dominus reuelabat : immo hæc erat uetus sententia , ut qui se ligasset in terris , uinctus migraret a corpore : ideo Dominus , quod ante erat iudicij sui , dedit apostolis , peccata remittendi aequitatē , ne cito soluēda , diu ligata manerent .

denique audi dicentem , Tibi dabo clauēs regni cælorum , Et quodcunque solueris super terram , erit solutum Et in cælis . Tibi , inquit , dabo clauēs regni cælorum , ut Et soluas , Et liges . hoc Nouatianus non audiuit , sed Ecclesia Dei audiuit : ideo ille in lapsu , nos in remissione , ille in penitentia , nos in gratia : quod Petro dicitur , apostolis dicitur : non potestatem usurpamus , sed seruimus imperio , ne postea cum uenerit Dominus , Et ligatos inuenerit , quos oportuit solui , commoueat aduersus dispensatorē , qui ligatos seruauerit seruos , quos Dominus iusserat solui , dicens , Quoniam qui cognouit uoluntatem

Domini sui , et non fecit secundum uoluntatem eius , uapulabit multum : qui autem non cognouerit , Et fecit digna plagis , uapulabit minus . merito ergo non remitti-

Idem super  
psal. 38.

Matth. 16.

Luc. 12.

Luc. 6.

Ephrem in lib.  
de armatura  
spirituali.  
Matth. 16.Chrysost. lib. 2  
& 3. de sacerdotibus.Aug. lib. 1. de  
doctrina Christi-  
ana c. 18.

remittitur, in exilio est, in peregrinationis iniuria perseuerat: hic ergo petenda est uenia, hic enim dictum est, Beati qui nunc fletis, quia ridebitis: hic locus est ueniae postulandae: deploremus igitur in terris, ut mereamur indulgentiam: nisi remissum peccatum hic fuerit; non habebimus requiem: si requies non fuerit, non erit uita aeterna: si uita aeterna non fuerit, non erimus. Item beatus Ephrem Syrus, Hac fide, inquit, fretus princeps apostolici gregis Petrus, cum filium Dei uiuuisse Christum Iesum confessus esset, claues regni caelestis accepit, potestatemque caelestium, & terrenorum omnium adeptus est. Fatetur hoc idem etiam diuus Chrysostomus, dum ait. sicut Pater tradidit potestatem filio iudicium faciendi, sic filius sacerdotibus. et infra Insania manifesta est despicere tantum principatum, sine quo neque salutis, neque promissorum bonorum compotes fieri possumus: hi sunt enim qui non tantum regenerant nos in baptismo, sed peccata post baptismum remittunt, & ueteris testamenti sacerdotes longe exuperant, qui tantum potestatem habebant probandi a lepra purgatos: at nostris sacerdotibus non corporis lepra, uerum animae sordes non modo probare, sed & purgare prorsus concessum est. subscribit huic sententiae diuus etiam Augustinus, dum ait. Has igitur claues dedit Ecclesiae suae, ut quae solueret in terra, soluta essent in caelo; quae ligaret in terra, ligata essent & in caelo: scilicet ut quisquis in Ecclesia eius dimitti sibi peccata non crederet, non ei dimitterentur,



tur; quisquis autem crederet, seque ab his correctus auerteret, in eiusdem Ecclesiæ gremio constitutus, eadem fide atque correctione sanaretur: quisquis enim non credit dimitti sibi posse peccata, fit deterior desperando, quasi nihil illi melius, quàm malum esse, remaneat, ubi de fructu suæ conuersionis infidus est. Item diuus Gregorius: Libet intueri illi discipuli ad tanta onera humilitatis uocati, ad quantum culmen gloriæ sint perducti: ecce non solum de semet ipsis securi fiunt, sed etiam alienæ obligationis potestatem relaxationis accipiunt, principatumque super ni iudicis sortiuntur, ut uice Dei, quibusdam peccata retineant, quibusdam relaxent: sic sic eos a Deo docebat erigi, qui tantum pro Deo consenserant humiliari: ecce qui districtum Dei iudicium metuunt, animarum iudices fiunt, & alios damnant, uel liberant, qui semet ipsos damnari metuebant: horum profecto nunc in Ecclesia episcopi locum tenent, ligandi, atque soluendi auctoritatem suscipiunt, qui gradum regiminis sortiuntur: grandis honor, sed graue pondus istius est honoris: durum quippe est, ut qui nescit tenere moderamina uitæ suæ, iudex uitæ fiat alienæ. Itē Nicephorus Chartophylax. Ligandi soluendique prouincia Pontificibus ipsis a clementissimo Deo nostro demandata est, siquidem ad Petrum ait, quæcunque ligaueris, ligata, et quæcunque solueris, soluta erunt: unde olim omnes oportebat ad ipsos Pontifices accedere, omniaque illis occulta prodere, & sic uel reconciliationem, uel repudiū ferre.

ignoro

Grego. homil. 26. super illa uerba, quorum remiseritis peccata remittuntur eis, & quorum retinueritis retenta sunt

Niceph. in epistola ad Theodosium monachum.  
Matth. 16.



ignoro autem qui factum sit, cur hæc minus obseruentur; quamuis existimem Pontifices negotij tædio, frequentique multitudinis turbulentia defatigatos, id operæ ad monachos transmisisse, ad eos scilicet, qui uere probati sunt, alijsque ualeant esse utiles: nihil enim tale inexpertis, & indoctis permiserunt. Item

Angelomus su  
per 3. lib. Regū  
cap. 6.

Angelomus, uir in explicandis sacris litteris omnium scriptorum felicissimus, dum exponit ostiola, quæ fecit Salomon in ingressu oraculi de lignis oliuarum, ait. Cuius ingressus ostiola per significationem multifarie possunt accipi. nā & angelicos spiritus, quorum ministerio in habitationem patriæ celestis introducimur, apertissime designant, & apostolorū æque, apostolicorumque uirorum, quibus clauēs regni cælorum sunt datæ, tenent figuram: qui accepta a Domino potestate ligandi, atque soluendi, et dignos intra regni ianuam admittunt, & contumaces, impuros, ac superbos excommunicando, siue anathematizando, ab ingressu uitæ perennis eliminant. Item

Petrus episcopus  
Rauennatis Ecclesiæ in  
sermone 145.

Petrus Rauennatis Ecclesiæ episcopus, auctor uetustissimus, simul et eruditissimus, Vbi sunt, inquit, qui per homines hominibus remitti peccata non posse præscribunt? qui diabolica semel impulsione collapsos opprimunt, ne resurgant: qui languoribus curā, uulneribus crudeli spiritu subtrahunt, negantque medicinam: qui peccatoribus redeundi desperatione impie resultant. remittit Petrus peccata, & toto cum gaudio suscipit pœnitentes, atque omnibus sacerdotibus hanc a Deo cōcessam amplectitur potestatem:

Matth. 26.

qui

qui post regenerationem, nisi pænitentiam repetiisset, apostolatus gloria, & uitam pariter perdidisset: & si Petrus per pænitentiam redit, quis sine pænitentia substitit? Item Esichius super leuiticum, sacerdotes ministros Christi in remittendis peccatis, et imponenda pænitentia esse ait, unde scriptum est: quia scilicet nō comederunt filij Aaron quod pro peccato erat in loco sancto, hoc est pænitentiam commissi peccati in Ecclesia peragi non fecerunt, quibus hoc preceptum est, quos Christus in Ecclesia sua uicarios cōstituit. Item Eutichianus Papa martyr. Grauius sunt nimis, quæ prætulimus, et ualde cauenda: quibus enim regnum Dei excluditur, proculdubio et Ecclesia denegatur: de quibus Dominus in euangelio, potestatem apostolorum, eorumque successorum annuncians, ait, Quorum dimiseritis peccata dimittuntur eis; & quorum alligaueritis, alligata erunt: id est, quibus Ecclesiam interdixeritis, nisi reconciliati per satisfactionem fuerint, ipsis & ianua regni cælestis clausa erit.

Esichius super leuiticum c. 10. & 26. & inuenitur de pænitentia. dicitur in 1. c. inter hæc.

Eutichian. epistola 2. Vniuersis episcopis per Siciliam cōstitutis.

Ioan. 20.

## De confessionis necessitate.

### Cap. IIII.

Q UOD autem necessaria sit omnibus Christi fidelibus post scelerum perpetrationem pænitentia quæ per exhomologesim fit, clare dilucidare Origenes exponit, cum ait. Quoniam iniquitatem meam pronuncio: pronunciationem iniquitatis id est confessionem peccati frequentius dixi-

Origenes super psal. 37. hom. 2.

D mus

mus. uide ergo quid edocet nos scriptura diuina, quia oportet peccatū nō celare intrinsecus. fortassis enim sicut hi qui habent intus inclusam escam indigestam, aut humoris, uel phlegmatis, stomacho grauitur, et moleste imminetia, si uomuerint, releuantur, ita etiam hi qui peccauerunt, si quidem occultant, & retinent intra se peccatum, intrinsecus urgentur, et propemodum suffocantur a phlegmate, uel humore peccati: si autem ipse sui accusator fiat, dum accusat semet ipsum, & confitetur, simul euomit, et delictum, atque omnem morbi digerit causam. tantūmodo circumspice diligentius cui debeas confiteri peccatum tuum: proba prius medicum cui debeas causam languoris exponere, qui sciat infirmari cum infirmante, flere cum flente: qui condolendi & compatiendi nouerit disciplinam: ut ita demum si quid ille dixerit, qui se prius & eruditum medicum ostenderit, & misericordem: si quid consilij dederit, facias, & sequaris, si intellexerit, & prauiderit talem esse languorem tuum, qui in conuentu totius Ecclesie exponi debeat, & curari, ex quo fortassis et ceteri ædificari poterunt, et tu ipse facile sanari, multa hoc deliberatione, & satis perito medici illius consilio procurantur. Item diuus Hieronymus, si quem, inquit, serpens diabolicus occulte momorderit, & nullo conscio eum peccati ueneno infecerit, si tacuerit qui percussus est, & non egerit pænitentiam, nec uulnus suum fratri, & magistro uoluerit confiteri, magister qui linguam habet ad curandum, facile ei pro-

Hier. c. 10. super ecclesiastē.



prodesse non poterit : si enim erubescat agrotus uul-  
 nus medico confiteri , quod ignorat , medicina non cu-  
 rat . Item Basilius , necessarium , inquit , uidetur  
 ijs , quibus dispensatio mysteriorum Dei cōmissa est ,  
 confitenda esse peccata . Item Theodorus archiepisco-  
 pus Cantuarien . Quidam Deo solummodo confiteri  
 debere peccata dicunt , quidam uero sacerdotibus con-  
 fitenda esse percensent , ut tota fere sancta Ecclesia :  
 quod utrunque non sine magno fructu intra sanctam  
 fit Ecclesiam , ita dumtaxat , ut Deo qui remissor est  
 peccatorum , peccata nostra confiteamur , et hoc per-  
 fectorū est , et cum David dicamus ; delictum meum  
 cognitum tibi feci , & iniustitiā meam non abscondi :  
 dixi confitebor aduersum me iniustitiam meam Do-  
 mino , & tu remisisti impietatem peccati mei : sed ta-  
 men apostoli institutio nobis sequenda est , ut confitea-  
 mur alterutrum peccata nostra , & oremus pro in-  
 uicem , ut saluemur : confessio itaque quæ soli Deo  
 fit , quod est iustorum , purgat peccata : ea uero quæ  
 sacerdoti fit , docet qualiter ipsa purgentur peccata :  
 Deus namque salutis , & sanctitatis auctor , & lar-  
 gitor , plerumque præbet hanc suæ penitentie medi-  
 cinam inuisibili administratione , plerumque medico  
 rum operatione . Item Beda discipulus eius . et si in  
 peccatis sit , dimittentur ei . multi propter peccata  
 in anima facta , infirmitate , aut etiam morte ple-  
 tuntur corporis : unde apostolus Corinthiis qui cor-  
 pus Domini percipere indigne soliti erant , ait . ideo  
 inter uos multi infirmi & imbecilles , & dormiunt

Basil. in regula  
 monachorum  
 c. 21.

Theodorus Cā-  
 tuarien. archi-  
 episcopus. uide  
 de pñit. dist.  
 1. c. ultimo.

Psal. 31.

Iac. 5.

Beda super epi-  
 stolam Iac. c. 5.

1. Cor. 11.



multi . si ergo infirmi in peccatis sint, & hæc presbyteris Ecclesiæ confessi fuerint , ac perfecto corde ea relinquere atque emendare satagerint , dimittentur eis : neque enim sine confessione emendationis peccata queunt dimitti : unde recte subiungit : Confitemini ergo alterutrum peccata uestra, & orate pro inuicem ut saluemini . in hac autem sententia illa debet esse discretio , ut quotidiana, leuius peccata, alterutrum coequalibus confiteamur ; eorumque quotidiana credamus oratione saluari : porro grauioris lepræ immunditiam, iuxta legem , sacerdoti pandamus , atque ad eius arbitrium qualiter , & quanto tempore iusserit , purificari curemus . hunc eundem Iacobi apostoli locum Theophylactus etiam ipse de sacerdotali confessione , non secus quàm Theodorus , ac Beda interpretatur . necessariam autem esse post lapsum , peccatorum confessionem fidelibus dixerat multo ante Bedam , & Theodorum, diuus Augustinus, sacræ & catholice eruditionis pater , inquiens . Qui post uxores uestras uos illicito concubitu maculastis , si præter uxores uestras cum aliqua concubui stis , agite pœnitentiam , qualis agitur in Ecclesia : ut oret pro uobis Ecclesia : nemo sibi dicat , occulte ago , apud Deum ago , nouit Deus , qui mihi ignoscit , quia in corde ago : ergo sine causa sunt clauæ datæ Ecclesiæ Dei ? frustramus euangelium Dei , frustramus uerba Christi ? permittimus uobis quod ille negat ? nonne uos decipimus ? Iob dicit . Si erubui in conspectu populi confiteri peccata mea . talis iustus thesau-

Thomæ 3.p. in  
add.q.8.arti.3.

Leuit. 13.  
Luc.5.17.

Aug.hom. 49.

Iob 31.

thesauri diuini obryzi, tali animo probatus, ista dicit, & resistit mihi filius pestilentiae, et erubescit genu figere sub benedictione Dei, quod non erubuit Imperator, erubescit nec senator, sed tantum curialis? superba ceruix, mens tortuosa, fortassis, immo, quod non dubitatur, propterea Deus uoluit ut Theodosius Imperator ageret penitentiam publicam in conspectu populi, maxime quia peccatum eius celari non potuit; & erubescit senator, quod non erubuit Imperator, erubescit nec senator, sed tantum curialis, quod non erubuit Imperator? erubescit plebeius siue negotiator quod non erubuit Imperator? quæ ista superbia est? nonne sufficeret gehennæ, etiam si adulterium nullum esset? Item diuus Ambrosius necessitatem confessionis peccatorum explicans, ita scribit: Omnis enim Christianus qui uult peccata sua celare, hic spiritualiter uulpes est: sicut uulpes propter fraudes suas latibulis demoratur, ita et peccator tacens propter conscientiam suam, peccatorum foveis delitescit: & sicut illa non audet inter medias hominum turbas morum suorum ostendere fallaciam, ita & hic erubescit in media Ecclesia, cōversationis suæ nequitiam confiteri. Loquitur autem diuus Ambrosius una cum diuo Augustino de publicis & inuulgatis sceleribus, quibus publica confessio, & penitentia debebatur, uti nos inferius, cum de modo confessionis tractabitur, latius enarrabimus. Vulgato autem peccato, si quis de eo sponte non peniteret, compelli per excommunicationem ad penitentiam

Ambr. sermone  
89.

Theod. lib. 5. ec-  
clesiastica hifl.  
c. 18.

Fabianus papa  
martyr epist. 2.  
ad omnes orien-  
tales episcopos

Gal. 5.

1. Cor. 5.

poterat, quemadmodum Theodosius Imperator co-  
actus ad illam publice peragendam per beatum Am-  
brosium fuit, dum illū ab ingressu templi prohibuit .  
de qua re inter cætera ita scribit Theodoretus. Dum  
Theodosium Augustum ab ingressu templi arceret ,  
dixit . discede , nec uelis priorem iniquitatem hac  
alia iniquitate augere , neque detrectes uinculum ,  
quod ipse omnium Dominus desuper approbat . &  
post pauca : memoria enim teneo , inquit Imperator  
ad Rufinum magistrum , Dominicam uocem , quæ  
manifeste dicit , quemcunque ligaueritis in terra , is  
& in cælo erit ligatus . ibi Rufinus , ad Pontificem  
igitur , si placet , curram , precibusque eum addu-  
cam , ut soluat uincula tua . non flectetur , inquit Im-  
perator , nota est enim mihi iustitia sententiæ Am-  
brosii . Quod autem quis ad pœnitentiam , ubi scelus  
innotuit , per Ecclesiam compelli possit , Fabianus Pa-  
pa martyr clare & luculenter exponit , dum ait : il-  
li uero , qui illa peccata perpetrant , de quibus apo-  
stolus ait , quoniã qui talia agunt , regnum Dei non  
consequentur , ualde cauendi sunt , & ad emendatio-  
nem , si uoluntarie noluerint , compellendi , quia in-  
famiae maculis sunt aspersi , & in barathrum dela-  
buntur , nisi eis sacerdotali auctoritate subuentū fue-  
rit . Similiter & illi , de quibus ipse ait , cum huius-  
modi hominibus nec cibū sumere : quia infamia sunt  
notati , antequam sacerdotali auctoritate sanentur ,  
& in gremio sanctæ matris Ecclesiæ reintegrentur ,  
quia qui extra nos sunt , nobiscum communicare non  
possunt



possunt. Item Prosper Aquitanicus. huc accedit, quod & ipsa peccata sic habentur occulta, uel aliena nobis, uel aliis nostra, ut plerunque & sanctus inter peccatores lateat, et famam sancti obtineat peccator. innocentem, si se tueri non potest, suspicio iudicij incauta condemnat, & reum calliditas ingenii uiuacis excusat. uerumtamen non diuinum, sed humanum fallunt ista iudicium. et quid mirum, si animos aliorum, quales sint, sine ipsorum confessione nescimus, cum nos ipsos ita hodie nouerimus, ut quales futuri simus, crastino nesciamus? cum uero nobis fratres quilibet nostri, sua tanquam medicis uulnera, quibus urgentur, aperiunt, operam dare debemus, ut quantocyus ad sanitatem Deo auctore perueniant, ne in peius dissimulata curatione proficiant, ecce autem crimina quorumlibet si ipsis criminosis confiteri nolentibus, undecunque claruerint, quaecunque non fuerint patientiae leni medicamento sanata, uelut igni quodam pie increpationis urenda sunt, & curanda: quod si ne sic quidem equanimiter sustinentis, ac pie increpantis medela profecerit, in eis, qui diu portati, & salubriter obiurgati, corripui noluerint, tanquam putres corporis partes debent ferro excommunicationis abscindi, ne sicut caro morbis emortua, si abscissa non fuerit, salutem reliquae carnis putredinis suae contagione corrumpit, ita isti qui emendari despiciunt, & in suo morbo persistunt, si moribus deprauatis, in sanctorum societate permanerint, eos exemplo suae perditionis inficiant. porro

Prosper Aquitanicus in lib. de uita contemplatiua.



illi, quorum peccata humanam notitiam latent, nec ab ipsis confessa, nec ab alijs publicata, si ea confiteri, aut emendare noluerint, Deum, quem habent testem, ipsum habituri sunt & ultorem: & quid eis prodest humanum uitare iudiciũ, cum si in malo suo permãserint, ituri sint in æternum Deo retribuente supplicium? quod si ipsi sibi iudices fiant, & ueluti sue iniquitatis ultores, hic in se uoluntariam pœnam seuerissimæ animaduersionis exerceant, temporalibus pœnis mutabunt æterna supplicia, & lacrymis ex uera cordis compunctione fluentibus, restinguent æterni ignis incendia. et Augustinus. Agunt etiam homines pœnitentiam, si post baptismum ita peccauerint, ut excommunicari, & postea reconciliari mereantur: sicut agunt in omnibus Ecclesijs illi qui proprie pœnitentes appellantur. de tali enim pœnitentia locutus est apostolus Paulus ubi ait. Ne iterum cum uenero humiliet me Deus apud uos, & lugeam multos ex his, qui ante peccauerunt, et non egerunt pœnitentiam super immunditia, & luxuria, & fornicatione, quam egerunt. neque enim scribebat ista, nisi eis qui iam baptizati fuerant. habemus etiam in actibus apostolorum. Simonem iam baptizatum, cum pecunia uellet emere, ut ei per impositionem manus daretur Spiritus sanctus, admonitum a Petro, ut de hoc graui peccato ageret pœnitentiam. Verum etsi necessaria post baptismum exhomologesis peccatorum sit, & per eam, ueluti per alteram post naufragium tabulam, reditus in Christi,

Aug. Seleucia-  
næ epist. 108.

1. Cor. 12.

Act. 8.

si, & Ecclesiæ gratiam pœnitentibus concedatur, si quis tamen confiteri uolens, a confessione peragenda, iusto aliquo, ac legitimo impedimento repellatur, non propterea huiusmodi æternæ damnationis reum fore dicere debemus, quando fides, & contritio scelerum sufficit, ubi, sine hominis tamen culpa, non sequitur eius rei effectus, qui in hominis affectu conceptus ad executionem sui tendere festinabat. approbat hanc sententiâ Carthaginensis synodus quarta, dum ait, Is qui pœnitentiam in infirmitate petit, si casu, dum ad eum sacerdos inuitatus uenit, oppressus infirmitate obmutuerit, uel in phrenesim uersus fuerit, dent testimonium, qui eum audierunt, et accipiat pœnitentiam: & si continuo creditur moriturus, reconcilietur per manus impositionem, et infundatur ori eius eucharistia: si superuixerit, admonetur a supradictis testibus, petitioni suæ satisfactum, et subdatur statutis pœnitentiæ legibus, quàm diu sacerdos, qui pœnitentiam dedit, probauerit.

Carthaginen.  
quarta syn. c.  
76. & Burchar.  
lib.8. c.10.

Item Epaonensis synodus. Si aliquis excommunicatus fuerit mortuus, qui iam sit confessus, & testimonium habet bonum, & non poterat uenire ad sacerdotem, sed præoccupauit eum mors in domo, aut in uia, faciant pro eo parentes eius oblationem ad altare, & dent redemptionem pro captiuis. Item Hugo de sancto Victore. Quod si forte peccator uere pœniteat, sed intercurrente articulo necessitatis ad confessionem peruenire non possit, confidenter credere debemus, quod summus sacerdos complet in eo,

Epaonen. syn.  
c. 11. citata a  
Burchardo lib.  
11. c.51.

Hugo de sancto  
Victore tom.2.  
c.10. institutio  
nis monastichæ  
primæ.

quod

quod mortalis non potuit : et iam apud Deum factū constat , quod homo quidem uere uoluit adimplere : quia confessionem non contemptus exclusit , sed impediuit necessitas .

## De confessionis utilitate ,

### Cap. V.

**Q**UANTA ac qualis utilitas sit , quæ ex confessione nascatur , & prodeat , explicatu haud facile fuerit : ingens enim emolumentum pœnitenti ex erubescencia comparatur , dum cum pudore crimen exprimitur , quod sine pudore perpetratum est . An non ingens utilitas , ut peccanti per confessionem remittatur peccatum , & æterna peccato grauiori debita pœna in temporariam transmutetur ? claudantur ei mortis , & inferni portæ , recuperetur gratia , & sanctorum communio ; serena ei fiat mens , & hilaris conscientia , animæ sanitas recipiatur , & accepto a sacerdote salutari consilio , ad ea pœnitentiæ , & satisfactionis opera peragenda quis se accingat , quæ illum & ab æterna liberatione damnatione , et in cælestem patriam æterna cum felicitate recipiant . testes sunt horum , quæ diximus , quamplurimi ex ueteribus sanctis patribus : nobis satis hac in re fuerit , si ex multis paucos in præsentia citauerimus . Petrus Blesensis ( ut præpositæ utilitatis seriè ordinate narremus ) archidiaconus Londoniensis , diui Thomæ Cantuariensis præcipuus ac singularis amicus , in eo opere , quod de secreta , & auri

De pœn. dist. 1.  
c. uoluisse. §.  
2. & 3. & c. quis  
aliquando. §. 2.  
Et cum ergo.

Petrus Blesen.  
in lib. de con-  
fess. auriculari,  
quod inueni-  
tur inter eius  
epistolas, epi-  
stola 203.



auriculari confessione docte, ac erudite elucubrauit, inter cetera, dum de erubescentiæ bono loquitur, ita scribit. Non ergo pudeat dicere, quod non puduit facere, sed utili erubescencia confundatur, ut in splendoribus sanctorum de humilitatis suæ merito gloriatur. deinde aliam confessionis utilitatem explicans ait. Sicut autē per ingratitude peccata redeunt, sic per confessionē opera mortua reuiuiscunt. de peccati uero remissione Hilarius ita testatur. Ad terrorem autem metus maximi, quo in præsens omnes continerentur, immobile seueritatis apostolicæ iudicium præmisit, ut quos in terris ligauerint, idest peccatorum nodis innexos reliquerint, & quos soluerint, confessione uidelicet ueniæ receperint in salutem: in apostolicæ condicione sententiæ, in calis quoque aut soluti sint, aut ligati. Item de certa remissionis spe diuus Augustinus: Sed fac incertū esse utrum ignoscat Deus: quid perdit homo cum supplicat Deo? qui salutem perdere non dubitauit, cum offenderet Deū? quis enim certus est etiam quod Imperator ignoscat? & tamen pecunia funditur, maria transeuntur, procellarum incerta subeuntur, et ut mors uitetur, pœne mors ipsa suscipitur, supplicatur deinde per homines homini: sine dubitatione fiunt ista, cum sit dubium quo fine proueniant: & tamen certiores sunt clauēs Ecclesiæ, quàm corda regum, quibus clauibus quodcunque in terra soluitur, etiam in calo solutum promittitur. de remissione autem pœnæ diuus Ambrosius ita scribit: sicut enim in ciuitatibus leuitarū

Hilarius super  
Matth. Can. 18.

Aug. in libr. de  
pœnit. medici-  
na, quæ est ho-  
milia 50.

Ambr. in lib. de  
Cain & Abel c. 4  
Deut. 4.  
Ios. 14.

erat

erat pœnarum remissio, ut si quis ad eas confugeret, qui non uoluntariam necem hominis admiserat, nullieum occidere liceret, intra urbes dumtaxat positum leuitarum: ita quem peccati proprii pœnitet, quod aut imprudenter, aut inuitus admisit, si leuitarum adhæreat incolatui, & ab his præceptoribus qui Dei mandata dispensant, recedendum non putet, lex ipsa ab omni eum commissi flagitij pœna, supplicioque liberat. Item, ut ceteras prosequamur utilitates, beatus Hilarius: O in nuncupatione noui nominis felix Ecclesiæ fundamentum, dignaque ædificatione illius Petra, quæ infernas leges, & tartari pœnas, et omnia mortis claustra dissolueret. o beatus cæli ianitor, cuius arbitrio clauēs æterni aditus traduntur: cuius terrestre iudicium, præiudicata auctoritas sit in cælo, ut quæ in terris aut ligata sint, aut soluta, statuti eiusdem condicionem obtineant et in cælo. Item Clemens Papa martyr, Petri apostoli discipulus: Quod si forte alicuius uel cor, uel liuor, uel infidelitas, uel aliquod malum ex his, quæ superius memorauimus, latenter irrepsit, non erubescat qui animæ suæ curam gerit, confiteri hæc huic qui præest, ut ab ipso per uerbum Dei, & consilium salubre, curetur; quo possit integra fide, & operibus bonis pœnas æterni ignis effugere, & ad perpetuæ uitæ præmia peruenire. Item diuus Augustinus. Esto tristis antequam confitearis: confessus exulta; iam saluaberis: non confitentis conscientia saniem collegerat, aposthema tumuerat: cruciabat te

Hilarius super  
Matth. can. 16.  
dum exponit ea  
uerba, Quæ-  
cunque ligaue-  
ris.

Clemens Papa  
martyr epist. 1.  
ad Iac. fratrem  
Domini.

Augusti. super  
psal. 66.

te, requiescere nō sinebat : adhibet medicus fomenta uerborū : tu agnosce medici manū : confitere : exeat in confessione & defluat omnis sanies . De utilitate consilii, quod in confessione a sacerdote pænitenti tribuitur, supra ex Origene, et alibi in opere, ubicunq; alia ex causa contigerit, pertractamus, hic tamen aliqua, quæ hoc in capite cōmodiorem inuenere locū, describimus. Theodulphus Aurelianus episcopus in libro de ecclesiasticis obseruationibus, ita hac de re scribit : In primis Deo confitendum est, deinde sacerdoti, propterea quòd confessio quæ fit sacerdoti, in hoc nobis adminiculum præbet, ut accepto salutarī ab eis consilio, saluberrimis pænitentiae obseruationibus, seu mutuis orationibus peccatorum maculas diluamus . Item Beda dum, refert historiam Aidani cuiusdam Scoti, qui in iuuentute scelestus, ac facinorosus fuit, mox conuersus ad Dominū factus fuit monachus in monasterio Angliæ Coludiurbensi, ita scribit : Accedens ergo ad sacerdotem, a quo sibi sperabat iter salutis posse demonstrari, cōfessus est reatum suum, petiitque ut consiliū sibi daret, quo posset fugere a uentura Dei ira : qui audito eius commissō, dixit, grande uulnus grandioris curam medelæ desiderat ; & ideo ieiunijs, psalmis, & orationibus, quantum uales, insiste : quo præoccupando faciem Domini in confessione, propitium eum inuenire merearis . At ille, quem nimius reæ conscientiae tenebat dolor, & internis peccatorum uinculis, quibus grauabatur, ocys desiderabat absolui, Adolescentior  
sum

Theodulph. Au-  
relian. episco-  
pus.

Bed. lib. 4. hist.  
Anglicanæ, c.  
25.



sum, inquit, etate, & uegetus corpore, quidquid mihi imposueris agendum, dummodo saluus fiam in die Domini, totum facile feram, etiam si totam noctem, stando, in precibus peragere, & integram septimanam iubeas abstinendo transigere. qui dixit: Multum est, ut tota septimana absque alimento corporis perdures, sed biduanum, uel triduanum satis est obseruare ieiunium: hoc facito, donec, post modicum tempus rediens ad te, quid facere debeas, & quam diu penitentia insistere, tibi plenius ostendam. quibus dictis, & descripta illi mensura penitendi, abiit sacerdos, & ingruente causa subita, secessit Hiberniam, unde originem duxerat, neque ultra ad eum, iuxta suum condictum, rediit. At ipse memor præcepti eius, simul & promissi sui, tantum se lacrymis penitentia, uigilijs sanctis, & continentiaë mancipauit, ita ut quinta solum sabbati, & Dominica, sicut prædixi, reficeretur, ceteris septimanaë diebus ieiunus permaneret. cumque sacerdotē suum Hiberniam secessisse, ibique defunctum esse audisset, semper ex eo tempore, iuxta condictum eius, memoratum continentiaë modum obseruabat. Diuus Gregorius alteram præcipuam confessionis explicat utilitatem, quæ est, sordium, ac macularum animæ ablutio. hæc autem etsi magna in confitente sit, sacerdoti tamē periculum tentationis inijcit, quippe cū eius mens, dum peccatorum, præsertim carnis, audit uarietates, interdum & ipsa pulsetur. Gregorij autem uerba hæc sunt. In qua uidelicet compassione, necesse

neceſſe eſt, ut talem ſe qui præeſt, exhibeat, cui ſub-  
 iecti quique occulta quoque ſua prodere non erube-  
 ſcant : ut cum tentationum ſuarum fluctus parvuli  
 tolerant, ad paſtoris mentem, quaſi ad matris ſinum  
 recurrant : & hoc, quod ſe inquinari pulſantis  
 culpæ ſordibus prævident, exhortationis eius ſo-  
 latio, & lacrymis orationis lauent : unde & an-  
 te fores templi ad abluendas ingredientium ma-  
 nus mare æneum, ideſt luterem, duodecim boues por-  
 tant, qui quidē facie exterius eminēt, ſed ex poſterio-  
 ribus latent. Quid namque xij. bobus niſi uniuerſus  
 Paſtorum ordo ſignatur ? de quibus lex, Paulo diſſe-  
 rente, dicit, non obturabis os boui trituranti : quorū  
 quidem nos aperta opera cernimus, ſed apud diſtri-  
 ctum iudicem, quæ illos poſterius maneat in occul-  
 ta retributione, neſcimus. Qui tamen cum conde-  
 ſcenſionis ſuæ patientiam abluendis proximorū con-  
 feſſionibus preparant, uelut ante fores templi, lute-  
 rem portant, ut quisquis intrare æternitatis ianuam  
 nititur, tentationes ſuas menti Paſtoris indicet, &  
 quaſi in bouum lutere, cogitationis, uel operationis  
 manus lauet. Et ſit plerunque ut dum rectoris ani-  
 mus tentamenta condeſcendendo recognoſcit, auditis  
 tentationibus et ipſe pulſetur : quia et hæc eadē, per  
 quam populi multitudo diluitur, aqua proculdubio  
 luteris inquinatur : nam dum ſordes diluentium ſu-  
 ſcipit, quaſi ſuæ munditiæ ſerenitatem perdit. Sed  
 hæc nequaquam Paſtori timenda ſunt, quia Deo ſub-  
 tiliter cuncta penſante tanto facilius a ſua eripitur,  
 quanto

atione 9. c. 24.  
 epiſt. ad Ioan.  
 Conſtantinopo-  
 litan. epiſcopū.

3. Reg. 7.

1. Cor. 9.

*quanto misericordius ex aliena tentatione fatigatur.  
Hæc omnia diuus Gregorius.*

**An quis non facta exhomologesi, uel  
statim post eam factam, sacram eu-  
charistiam sumere debeat.**

**Cap. VI.**

**E T V S** est institutio Ecclesiæ, ratione, et  
**V** ueterum sanctorum auctoritate firmata, ut  
quis ad eucharistiam non accedat, nisi fa-  
cta prius peccatorum exhomologesi, & pænitentia  
a sacerdote illi imposita, ad finem usque perducta.  
quamobrem in hanc sententiam diuus Cyprianus ita  
testatur: Honor ergo datur Deo, quando sic Dei ma-  
iestas, & censura contemnitur? ut cum indignari se  
ille, & irasci sacrificantibus dicat, & cum pænas  
aternas, & supplicia perpetua comminetur, propo-  
natur a sacrilegis, atque dicatur, ne ira cogitetur  
Dei, ne timeatur iudicium Domini, ne pulsetur ad  
Ecclesiam Christi? sed sublata pænitentia, nec ulla  
exhomologesi criminis facta, despectis episcopis, atq;  
calcatis, pax non a ueris presbyteris, uerbis falla-  
cibus prædicetur. et ne lapsi surgant, aut foris ad Ec-  
clesiam redeant, communicatio non communicanti-  
bus offeratur. et alibi: Quicumque ederit panem,  
aut biberit calicem Domini indigne, reus erit corpo-  
ris, et sanguinis Domini. spretis his omnibus, atque  
contemptis, uis infertur corpori eius, & sanguini  
eius

Cyprianus ad  
Corn. Papā con-  
tra hæresiar-  
chas lib. 1. epi-  
stola 3.

Idem in sermo-  
ne de lapsis.

1. Cor. 11.



eius : plus modo in Dominum manibus , atque ore delinquunt , quàm cum Dominum negauerunt : ante expiata delicta , ante exhomologesim factam criminis , ante purgatam conscientiam sacrificio , & manus sacerdotis , ante offensam placatâ indignantis Domini , & minantis , pacem putant esse , quam quidem uerbis fallacibus uenditant . Item alibi , dum inuehitur in presbyteros , qui temere quosdam lapsos in pacem , et ad eucharistiam receperunt , ait : Nam cum in minoribus peccatis agant peccatores pœnitentiam iusto tempore , & secundum disciplinæ ordinem , & ad exhomologesim ueniant , et per manus impositionem episcopi , & cleri , ius communicationis accipiant : nunc crudo tempore , persecutione adhuc perseuerante , nondum restituta Ecclesiæ ipsius pace , ad cõmunicationem admittuntur , et offertur nomen eorum ; & nondum pœnitentia , nondum exhomologesi facta , nondum manu eis ab episcopo , aut clero imposta , eucharistia illis datur , cum scriptum sit : Qui ederit panem , aut biberit calicem Domini indigne , reus erit corporis , et sanguinis Domini . Item alio in loco : Illi contra euangelii legē , uestram quoque honorificam petitionē , ante actam pœnitentiā , ante exhomologesim grauissimi , atque extremi delicti factam , ante manum ab episcopo , & clero in pœnitentiam impositam , offerre pro illis , & eucharistiam dare , idest sanctum Domini corpus prophanare , audeant , cum scriptum sit , Qui ederit panem , aut biberit calicē Domini indigne , reus

Erit

Idem in epistola ad clerū de quibusdā presbyteris qui temere pacem lapsis dederunt.

1. Cor. 11.

Idem in epistola ad martyres & confessores qui lapsis petierunt pacē dari

1. Cor. 11.

Idem in episto  
la ad plebē de  
eadem re.

Eusebius Cæsariensis  
lib. 6. hist.  
ecclesiasticæ c.  
25.

erit corporis, & sanguinis Domini. et rursus alibi. Nam cū in minoribus delictis, quæ non in Deum committuntur, penitentia agatur iusto tempore, et exhomologesis fiat, inspecta uita eius, qui agit penitentiam, nec ad cōmunicationem uenire quis possit, nisi prius illi ab episcopo, & clero manus fuerit imposita, quanto magis in his grauissimis, & extremis delictis, caute omnia, & moderate secundum disciplinam Domini obseruari oportet? Perpulchra est historia, & digna quæ a cunctis memoriter teneatur, ea quæ in eandem sententiam ab Eusebio Cæsariensi de Philippo Augusto his uerbis refertur. At Gordiano, cum per sex annos Romanum gubernasset imperium, Philippus una cum Philippo filio succedit. de hoc traditum nobis est, quod Christianus fuerit, & in die paschæ, idest in ipsis uigilijs, tum interesse uoluisset, & communicare mysterijs, ab episcopo loci non prius esse permissus, nisi confiteretur peccata sua, & inter penitentes staret, nec ullo modo copiā sibi mysteriorū futuram, nisi prius per penitentiam culpas, quæ de eo ferebantur plurimæ, diluisset. ferunt igitur libenter eū quod a sacerdote imperatum fuerat, suscepisse: diuinum sibi inesse metum, & fidem religionis plenissimam, rebus, atque operibus comprobans. hæc Eusebius. fuit autem Philippus, primus ex Romanis Augustis, Christianus, Magnumque illum & ubique percelebrem Constantinū tempore per annos plurimos antecessit. subscribit huic sententiæ Augustinus, ita dicens.

*dicens . Sed neque de ipsis criminibus quamlibet magnis in sancta Ecclesia remittendis Dei misericordia desperanda est, agentibus penitentiam secundum modum cuiusque peccati : in actione autem penitentiae, ubi tale commissum est, ut is qui commisit, a Christi etiam corpore separetur, non tam considerata est mensura temporis, quam doloris . cor enim contritum & humiliatum Deus non spernit . uerū quia plerunque dolor alterius cordis occultus est alteri, nec ad aliorum notitiam per uerba, uel quacunque alia signa procedit, cum sit coram illo, cui dicitur, gemitus meus non est absconditus, recte constituuntur ab his, qui ecclesiis praesunt, tempora penitentiae : ut satisfiat etiam Ecclesiae, in qua remittuntur ipsa peccata : extra eam quippe non remittuntur . Ergo cum tanta est plaga peccati, atque impietas morbi, ut medicamenta corporis, & sanguinis Domini differenda sint ; auctoritate antistitis debet se quisque ab altari remouere ad agendam penitentiam, & eadē auctoritate reconciliari : hoc est enim indigne accipere corpus, & sanguinem Domini, si eo tempore accipiat, quo debet agere penitentiam . Item Prosper Aquitanicus . At hi qui in aliquo gradu ecclesiastico constituti, aliquod occulte crimen admittunt, ipsi se uana persuasionē decipiunt, si eis uidetur propterea communicare, & officium implere debere, quod homines occultatione sui criminis fallunt . exceptis enim peccatis, quae tā parua sunt, ut cauēri non possint, pro quibus expiandis quotidie*

Aug. in libr. de  
penit. medici-  
na quæ est ho-  
mil. 50.

Psal. 37.

Prosper Aquit-  
anicus in lib.  
de uita contem-  
platiua c. 7.



Matth. 6.

Deo clamamus, & dicimus, dimitte nobis debita nostra, sicut & nos dimittimus debitoribus nostris: illa crimina caueantur, quæ publicata suos auctores humano faciunt damnari iudicio. Qui autem ea commiserint, & ideo prodere metuunt, ne sententiam iuste excommunicationis accipiant, sine causa communicant: immo uero dupliciter contra se iram diuinæ indignationis exaggerat, quod et hominibus innocentiam fingunt, & contempto Dei iudicio abstinere se ab altari propter homines erubescunt.

Quapropter Deum sibi facilius placabunt illi, qui non humano conuicti iudicio, sed ultro crimen cognoscunt, quia aut propriis illud confessionibus produnt, aut nescientibus alijs, quales occulti sunt, ipsi in se uoluntarie excommunicationis sententiam ferunt, & ab altari, cui ministrabant, non animo, sed officio separati, uitam suam tanquam mortuam plangunt, certi quòd reconciliato sibi efficacis penitentiae fructibus Deo, non solum amissa recipiant, sed etiam ciues supernæ ciuitatis effecti, ad gaudia sempiterna perueniant. Diuus Ambrosius reprehendit eos, qui statim post confessionem, nondum scilicet peracta grauium criminum penitentia, ad eucharistiam accedunt. ait enim: Nonnulli ideo poscunt penitentiam, ut statim sibi reddi communionem uelint: hi non tam se seducere cupiunt, quàm sacerdotem ligare: suam enim conscientiam non exuunt, sacerdotis induunt. præceptum est, Nolite sanctum dare canibus, neque miseritis margaritas uestras ante

Ambr. lib. 2. de  
penit. c. 9. inue-  
nitur apud Gra-  
tiantum de pæ-  
nit. distin. 1. c.  
nonnulli.

Matth. 7.

porcos:

porcos : hoc est immundis spiritibus , sacre commu-  
 nionis non impendenda consortia . Gregorius Neo-  
 cæsariensis θαυματουργὸς a miraculis appellatus ,  
 cuius uitam luculento libro Gregorius Nyssæ Epi-  
 scopus conscripsit , non solum penitentiam ante eu-  
 charistiæ sumptionem , ubi adsunt peccata , necessa-  
 riam , post confessionem esse testatur , uerum etiam  
 quibus modis , quoue ritu illa perageretur , diserte  
 ( ut infra in libello de antiquis penitentis senten-  
 tiam eius recitabimus ) scriptum reliquit .

Greg. Neocæs.

## De personis ad hoc sacramentum spectantibus . Cap. VII.

OC in capite tractatur quinam sint illi ,  
 H quibus peccatorum confessiones , ex diuina  
 scilicet institutione , audire liceat , & qui  
 ad illas peragendas ex Ecclesiæ præcepto teneantur .  
 Quatenus autem ad primam pertinet questionem ,  
 exploratissimum est , a Christo seruatore nostro au-  
 thoritatem ligandi , atque soluendi , seu retinendi , ac  
 dimittendi peccata , non cuilibet e uulgo , ordine in-  
 discreto , ut asseuerant hæretici , sed solis apostolis ,  
 & per apostolos eorum successoribus , fuisse conces-  
 sam : Petro enim , & per Petrum Ecclesiæ catholi-  
 cæ dictum est , Et tibi dabo clauēs regni cælorum , et  
 quodcunque ligaueris super terram , erit ligatum et  
 in cælis , & quodcunque solueris super terram , erit  
 solutum & in cælis . Manasse hanc auctoritatem

Matth. 16.

Innocentius pri-  
mus Aurelio,  
item Siluano,  
uide Augustini  
tom. 2. epist. 91.  
& 93.

Matth. 18.

Vide Bedā in-  
frā in c. de cla-  
uibus.

Ioan. 20.

Chrysost. hom.  
2. super psal. 50

per Petrum in ceteros deinde Pastores Ecclesiæ qui  
Petri fidem, & confessionem de Christo, quod esset  
filius Dei uiui, secuti sunt, ostendit idem euangeli-  
sta Matthæus, dum postea, modico rerum posito in-  
teruallo, cunctorum apostolorum explicans potesta-  
tem, quæ eadem cū catholicæ Ecclesiæ potestate est,  
subdit. Quod si non audierit eos, dic Ecclesiæ: si au-  
tem Ecclesiam non audierit, sit tibi sicut ethnicus  
et publicanus: Amen dico uobis, quæcunque alliga-  
ueritis super terram, erunt ligata & in cælo, &  
quæcunque solueritis super terrā, erunt soluta et in  
cælo. Quod autem apostolis solummodo hæc tanta  
sit tributa facultas, & non passim cuilibet e uulgo,  
diuus Ioannes euangelista clare & luculenter osten-  
dit, dum refert Christū in apostolos insufflasse, atque  
dixisse: Accipite Spiritum sanctum, quorum remi-  
seritis peccata, remittuntur eis, & quorum reti-  
nueritis, retenta sunt. Dictum est hac de re a nobis  
supra, cum de confessionis institutione tractauimus,  
quo in capite, ueterum sanctorum sententias, idip-  
sum asseuerantium, ante oculos lectorum posuimus.  
Quod autem laicis, aut palam multis e uulgo se-  
creta peccata per confessionem dicenda non sint,  
quippe cum ita dicta confusionem, & exprobratio-  
nem potius quàm utilē uerecundiam, & consolatio-  
nem peccantibus afferant, asserit diuus Chrysosto-  
mus, dum ait. Peccata tua quotidie dicito, ut de-  
leas ea: sed si cōfunderis alicui dicere, dicito ea quo-  
tidie in animo tuo: nō dico, ut cōfitearis ea conseruo  
tuo



tuo , ut tibi exprobrat , dicit Deo , qui curat ea . et alibi . Non dico tibi ut te prodas in publicum , neque ut te apud alios accuses , sed obedire te uolo prophete dicenti , reuela Deo uiam tuam . Peccata igitur laicis cōseruis nostris , qui ea nobis exprobrare quidem possunt , remittere autem non possunt , dicere minime debemus per sacram Ecclesie catholice confessionem , neque ea , quæ latent , prodere in uulgus ex propria uoluntatis temeritate , sed post confessionem Deo factam , ad aures sacerdotum ministrorum Christi accedere , ibique ea reuelare conuenit . Isti enim , ut idem Chrysostomus inquit , sunt , qui non tantum regenerant nos in baptismo , sed peccata post baptismum remittunt , & ueteris testamenti sacerdotes longe exuperant : illis enim lepram tantū corporis non purgare , sed probare concessum erat : nostris uero animorum sordes , & corporis uitia non solum probare , sed etiam purgare , & emundare facultas tributa est . Quod autem apostolis facultas dimittendi peccata concessa sit , & per apostolos eorum successoribus episcopis scilicet , & sacerdotibus ultra ea quæ superius diximus , & alibi in opere dicimus , asserit Origenes , dum ait . ligata enim erat asina peccatis , quæ tunc fuit synagoga , ligatus fuit & pullus cum ea , qui postmodum factus est uouel-  
lus ex gentibus populus credens : & hos ambos appropinquans ad Hierusalē celestē , idest ascendens in celum , iussit discipulos suos , ut soluerent eos , dans eis Spiritum sanctum , dicens : Accipite Spiritum

Idē super c. 12.  
ad Hebræos ho  
mil. 31. uide Pe  
trum Lombar.  
lib. 4. dist. 17. &  
Gratianum de  
pœnit. dist. 1. c.  
qui aliquando.  
§. e contra.  
Psal. 36.

Idem lib. 3. de  
sacerdotio.

Origenes super  
Matth. c. 21. ho  
mil. 14.

Ioan. 20.

Idem super le-  
uiticū hom. 2.

Psal. 6. & 41.

Psal. 31.

Iac. 5.

Hier. in epist.  
ad Heliodorū.

August. in lib.  
de pænit. medi-  
cina, quæ est  
hom. 50.

sanctum, si cuius dimiseritis peccata, dimittentur  
eis, & si cuius tenueritis, tenebuntur. Et semper  
discipuli Christi soluentes ligatam asinam, & pul-  
lum, adducunt ad Iesum, uolentem eis uehiculis uti  
per discipulos suos solutis a uinculo peccatorum prio-  
rum. & alibi: Est adhuc & septima, licet dura &  
laboriosa per pænitiæ remissio peccatorum, cum  
lauat peccator in lacrymis stratum suum, & sunt  
ei lacrymæ suæ panis die, ac nocte, cum non erube-  
scit sacerdoti Domini indicare peccatum suum, &  
querere medicinam secundum eum, qui ait: Dixi  
pronunciabo aduersum me iniustitiam meam Domi-  
no, & tu remisisti impietatem cordis mei. in quo im-  
pletur & illud, quod Iacobus apostolus dicit: si quis  
autem infirmatur, uocet presbyteros Ecclesiæ, &  
imponant ei manus ungentes eum oleo in nomine Do-  
mini, & oratio fidei saluabit infirmum, et si in pec-  
catis fuerit, remittentur ei. asserit hoc ipsum etiam  
diuus Hieronymus in epistola quam ad Heliodorum  
scripsit, dum ait. Sed de hoc gradu pulsus prouoca-  
bis ad clericos: an de his aliquid audeam dicere, qui  
certe in suis urbibus commorantur? absit ut de his  
quidquam sinistrū loquar, qui apostolico gradui suc-  
cedentes, Christi corpus sacro ore conficiunt, per  
quos & nos Christiani sumus: qui clauēs regni celo-  
rum habentes quodammodo ante iudicij diem iudi-  
cant. Item beatus Augustinus in eo opere, quod de  
pænitiæ medicina inscripsit, ubi multa de confes-  
sione, quæ sacerdoti sit, docte, eleganterque locu-  
tus

tus est, ait. Iudicet ergo se ipsum homo uoluntate dum potest, & mores conuertat in melius, ne cum iam non poterit, etiam præter uoluntatem a Domino iudicetur: et cum in se protulerit seuerissimæ medicinae, sed tamen medicinae, sententiam, ueniat ad antistites, per quos illi in Ecclesia clauēs ministrantur, & tanquam bonus incipiens esse filius, matrum membrorum ordine custodito, a præpositis sacramentorum accipiat satisfactionis suæ modum, et supplex. Ostendit id ipsum etiam diuus Ambrosius, dum asserit, potestatem relaxandi peccata sacerdotibus a Christo concessam esse, non aliis. Item Angelomus eruditissimus quidem uir, & in exponendis sacris litteris nulli fere secundus, dum libros Regum interpretatur, in eandem sententiam dicit. Pecuniam uero pro delicto, & pecuniam pro peccatis non inferebant in templum Domini, quia sacerdotum erat. hæc sententia ostendit quod non quis proprio arbitrio facile se credere debet, sed magis sciat, quod confessio peccatorum, & penitentia, sacerdotum iudicio peragenda est, qui habet scientiam discernendi inter mundum, & immundum, & lepræ maculam diiudicare, & aut condemnare, aut mundum discernere. similia his scribit Philippus presbyter, diui Hieronymi discipulus, in comentarijs super Iob: ait enim super ea uerba: sapientes confidentur, & non abscondunt patres suos, siue, ut alij dixerunt, & non celauerunt parentes suos: id est, non defendendo se ipsos, suosque patres, similes sui,  
uel

Ambr. uide de  
penit. distin. 1.  
c. Deus.

Angelomus fu  
per 4. lib. Re-  
gum, c. 12.

Philip. presby-  
ter super Iob,  
c. 15.



Ephrem Syrus  
lib. i. admonit.  
c. 8.

Cyprianus in  
sermone de la-  
pſis.

uel quos imitando, parentes habere cæperunt, peccata sua, siue parentum non cooperiunt, nec abscondunt, siue non celant patres suos, idest seniores, uel sacerdotes, uel magistratus suos, quibus peccata salubre est confiteri. Item Ephrem Syrus libro primo admonitionum, de compunctione cordis, post multas criminum enumerationes ait. Et si te deuetum in hoc senseris, festina sanitatem recipere, et statue custodiam in corde tuo, & per confessionem a spiritali patre, & a medico quære medelam, ne rursum eadem patiaris: si ita sollicitudinem habueris omni hora, saluabis mercimonium tuum, & Domino tuo placebis, & tibi metipsi utilis eris. Approbat eandem sententiã diuus etiam Cyprianus in sermone de lapsis, ita scribens. Confiteantur singuli queso fratres delictum suum, dum adhuc delinquant, & in sæculo sunt: dum admitti confessio eorum potest: dum satisfactio, & remissio per sacerdotes facta, Deo grata est. conuertamur ad Dominum mente tota, & Pænitentiam criminis dolore exprimentes, Dei misericordiam deprecemur. Illi se anima prosternat, illi mæstitia satisfaciât, illi spes omnis incumbat: ad Dominum toto corde redeamus, iram & offensam eius, ieiunijs, fletibus, planctibus, sicut ipse admonet; placemus. subibant olim ipsi episcopi labores pænitentes reconciliandi: mox aucto credentium numero aut urgente necessitate in ceteros primum sacerdotes, postremo ex eorum incuria, uel imperitia, in monachos quoque similiter sacerdotes

dotes partita hæc prouincia est . In hanc sententiam beatus Cyprianus concedit sacerdotibus , ut eo absente & necessitate mortis urgente pænitentes per manus impositionem reconcilient , ut ad Dominum cum pace uenire possint . et synodus tertia Carthaginensis , dum ait . Vt presbyter inconsulto episcopo non reconciliet pænitentem , nisi absente episcopo , et necessitate cogente . Et alibi . Aurelius episcopus dixit : si quisquam in periculo fuerit constitutus & reconciliari diuinis altaribus petierit , si episcopus absens fuerit , debet utique presbyter consulere episcopum , & sic periclitantem , eius præcepto reconciliare : quam rem debemus salubri consilio roborare . Presbyteris autem una cum episcopis communem audiendis peccatorum cōfessionibus & pænitentiis indicendi fuisse prouinciam , testatur Moguntina synodus dum ait . Vt episcopi et presbyteri examinent qualiter confitentibus peccata diiudicent , & tempus pænitiæ constituent . Item synodus Aquisgrani congregata , in qua Carolus Magnus interfuit , Vnusquisque , inquit , Princeps unum presbyterum secum habeat , qui peccata confitentibus iudicare , & indicare pænitentiam possit . Ad monachos quoque transmissos postea peccatores pænitentes , ex Nicephoro superius diximus . episcopus igitur , ac presbyter , siue e seculo , ut uocant , ille sit , seu potius alicui mancipatus religioni , peccatorum audire confessiones , & pænitentiæ præfigere , Ecclesiæ tamen ordine custodito , potest : at is qui laicus

Cyprianus lib. 3. epist. 18.

Carthag. 3. syn. c. 31.

Carthag. syno. cap. 4. citatur a Burchardo lib. 18. c. 13.

Moguntina syno. c. 6. citatur a Burchard. lib. 19. c. 98.

Aquisgran. syno. Burchard. lib. 1. c. 118.

Thomæ 3. parte in add. q. 8. articulo 1.

Art. 4.

cus

Act. 19.

Ioan. 20.

2. Cor. 2.

Marc. 1.

Matth. 16. &  
18.

cus dumtaxat fuerit, et qui per sacrum presbyteratus ordinem apostolico gradui non succedit, id facere minime potest. Audiuit quidem Paulus in Epheſo, peccantium confessiones, sicut scriptum est, multique credentium ueniebant confitentes, & annunciantes actus suos: uerum audiuit ut apostolus, & tanquam unus ex ijs, quibus dictum erat: Quorum remiseritis peccata, remittuntur eis, & quorum retinueritis, retenta sunt. remisit & alibi penitentibus, condonauitque peccata, cum dixit. Si cui autem quid donastis, & ego, nam & ego quod donauimus propter uos in persona Christi. uerum non temere hoc ipsum fecit, sed tanquam apostolus ius sibi a Domino concessum uindicauit, nō usurpauit indebitum. Audiuit sicut Paulus, etiam Ioannes Baptista apud Iordanem peccata eorum, qui ad baptismum ab eo suscipiendum contendebant, quemadmodum scriptum est. Baptizabantur ab illo in Iordane flumine, confitentes peccata sua: uerū nec ipse uulgaris homo, sed ortus e tribu Leui, et sacerdotis filius fuit, speciatimque a Deo in ministerium baptizandi uocatus. quod si baptismus, & qualis penitentia quæ in eo fit per sacerdotes ordinata iurisdictione, solummodo ministratur, cur penitentia, et peccatorum confessio, quæ fit post baptismum, per eosdem sacerdotes non fiat, cum clauēs regni cælorum non cuilibet e uulgo, sed apostolis tantum, & per apostolos eorum successoribus datæ sint? Qualis autem debeat esse is, qui audiendis confessionibus, præsi-



præfigendisque penitentiis operam exhibet, Nicephorus erudite pariter, ac eleganter explicat, dum monachis ab episcopis hanc demandatam proninciâ scribit. ait enim. Nihil tale in expertis, & indoctis permiserunt. Equidem in aduersa corporis ualitudine illum inquirimus; dicimusque medicum, qui tam re ipsa, quâ uerbis male habentē curare queat. Itaque non recipiemus in hunc, uel illum, qui præter medici nomen, nihil habeat medici, sed in eum, qui, sicut expedit, medicum præstare poterit. Porro si quis expertus sit, & frugi, & sacerdos etiam sit, ad illum imprimis accedendum: nam poterit indigo prodesse, & accedentem ad se diligentius curare, reconciliare item, & corrigere. Puto autē nullum, qui pie, & caute huius molesti temporis uitā agat, ex hoc ordine ex auctorandum: ceterum si canonū peritior fuerit, hoc amplius instruet: contra qui canonum uigorem, & suam cuiusque delicti multam ignorarit, is nulli ulla in re unquam usui esse poterit. Præterea qui fratrem in se, uno eodemque die septies peccantem, uenia cōdonandum, suscipiendumque diiudicarit, is lapsos, quamuis et sæpe, & multum deliquerint, quo pacto repellet, & abijciet? immo quo pacto spiritualibus increpationibus admonebit, utiliter instruet uitam futurā, & æterna supplicia in memoriam reducet? Vnum cauebit, ne indulgentius, & citrà omnem obiurgationem absoluat, fiatque alienorum criminum particeps. nam si qui peccauerant, lacrymis liquefcant,

& con-

Nicepho. char  
tophylax in  
episto. ad Theo  
dosium mona  
chum.

& continenter malorum suorū abalienationem meditentur, licet in eadem reincident, suscipiendos tamen eos duxeris, congruumque deputaueris locum: penes te enim facultas est, et, ut nosti mensuram castigationis adhibeas. Et Basilus, confessio, inquit peccatorum hanc habet rationem, quam habet uulnus aliquod corporis, uel passio, quæ medico demonstranda est. si ergo non omnibus quis uitia, uel uulnera corporis sui reuelat, nec quibuslibet, sed ijs tantummodo, qui summæ peritiæ testimonium habent, & curæ, ac medelæ disciplinam: ita confessio peccatorum fieri debet apud eos tantummodo, qui curare hæc proualent, & emendare secundum quod scriptum est. Vos qui fortiores estis, infirmitatem infirmorum portate. hoc est auferte, & exportate per purgationem. Paulinus Nolanus episcopus in libro, quem de Ambrosii uita conscripsit, ait eum ita solitum esse flere, dum in confessione peccata aliquis audiret, ut etiam peccatorem consistentem in lacrymas deduceret: lapsus enim alienos tanquam suos deflebat, qua de re precari Dominū ipse in hæc uerba solebat. Ego sciebam, quod non eram dignus uocari episcopus, quoniam dederam me sæculo huic: sed gratia tua sum, quod sum: & sum quidem minimus omnium episcoporum, & infirmus merito: tamen quia & ego laborem aliquem pro sancta Ecclesia tua suscepi, hunc fructum tuere, ne quem perditum uocasti ad sacerdotium, eum sacerdotem perire patiaris: ac primum ut condolere norimus peccanti-

Basil. in regula  
monachorū, c.  
98.

Rom. 15.

Paulinus No-  
nus episcopus.

Ambr. lib. 2. de  
panit. c. 8.

cantibus affectu intimo: Ego enim summa uirtus, quia scriptum est, & non gaudebis super filiis Iuda in die perditionis eorum, quotiescunque peccatum alicuius lapsi exponitur, compatiar, nec superbe increpem, sed lugeam, & defleam, ut dum alium fleo, me ipsum defleam, dicens iustificata est magis Thamar, quàm ego. Talem etiam se erga peccantes beatus Cyprianus exhibebat, dum caritatis, & christianæ benignitatis ardore, cunctos ad penitentiam reuersos, hilare, & letanter amplectendo excipiebat: ait enim. Opto omnes in Ecclesiam regredi, opto uniuersos cõmilitones nostros intra Christi castra, & Dei patris domicilia concludi: remitto omnia, multa dissimulo, studio & uoto colligendæ fraternitatis: etiam quæ in Deum cõmissa sunt, non pleno iudicio religionis examino. delictis plusquam oportet remittendis, pene ipse delinquo, amplector prompta, & plena dilectione cum penitentia reuerentes, peccatum suum satisfactione humili, et simplici confitentes. Quatenus autem ad secundam pertinet questionem, is ex præcepto Ecclesiæ ad peccatorum confessionem faciendam tenetur, qui ea ætate & animi uigore est, ut discretionis iudicio bonum a malo, & iustitiam ab iniquitate cognoscat: & recte. quo modo enim alioqui peccatum confitebitur, qui ex ætate, & mentis imbecillitate, utrum peccatum sit, aut non sit, discernere minime potest? usque ad legem, inquit Paulus, peccatum erat in mundo, peccatum autem non imputabatur, cū lex

Gen. 38.

Cyprian. epist.  
3. ad Corneliū  
papā contra hæ  
resiarchas libr.  
primo.

Innocen. ter-  
tius in syn. ge-  
nerali c. omnis  
utriusq; sexus  
de penit. & re-  
miss.

Rom. 9.

non



non esset : quare non imputabatur , quia ubi non est lex , nec prævaricatio . cum igitur uoluntarium sit peccatum , & contra legem , siue in cordibus , siue in tabulis conscriptam , perpetretur , ubi neque uoluntas est , quæ peccatum agnoscat , & uelit , neque lex , quæ illud prohibeat ; peccatū utique quod mortem perpetranti generet esse non potest . Ab hac autem confitendi necessitate , nullus sexus excluditur , nulla condicio : quia ubicunque graue reperitur peccatum , ibi peccatorum confessio post baptismum necessaria est . Is autem , qui ad confessionem faciendam tenetur , nequaquam per nuncium , aut epistolam , sed per se ipsum facere illam debet . neque unus potest pro multis crimina in confessione detegere , sed idem ille qui peccauit , peccatum agnoscere , & confiteri tenetur . dixi , inquit Dauid , confitebor aduersum me iniustitiam meam Domino , & tu remisisti impietatem peccati mei .

De pœnit. dist.  
1. c. quem pœnit  
tet .  
Thomas 3. p. in  
add. q. 9. art. 3.

Psal. 50.

## De tempore, Cap. VIII.

ET VS erat institutum , ut peccatores  
 V sub initium quadragesimæ peccata sacerdo-  
 tibus confiterentur , legibusque pœnitent-  
 iæ ab eis acceptis , illas per totum quadragesimæ  
 tempus exequendo adimplerent , & prope pascha-  
 le festum , ad sacram accipiendam eucharistiam per  
 impositionem manus reconciliarentur . Veteris in-  
 stituti uestigiū hætenus ab Ecclesia seruatur , dum  
 qua-

quadragesimæ initio super fidelium capita, in pœnitentiæ signum, cinis imponitur, in cinere enim & cilicio pœnitentia grauium criminum peragebatur. Vera hæc fuisse quæ dicimus, testatur liber, qui pœnitentiale Romanum appellatur: ait enim: hebdomada priori ante initium quadragesimæ, presbyteri plebium conuocent ad se populum, & discordantes canonica auctoritate reconcilient, & omnia iurgia sedent, & tunc primum confitentibus pœnitentiam dent, ita ut antequam caput ieiunii ueniat, omnes confessi pœnitentiam acceptam habeant, ut liberius dicere possint, dimitte nobis debita nostra, sicut & nos dimittimus debitoribus nostris. Item synodus quædam uetus: presbyteri admonere debent plebem sibi subiectam, ut omnis, qui se sentit mortifero peccati uulnere sauciatus, feria quarta ante quadragesimam, cum omni festinatione recurrat ad uiuificatricem matrem Ecclesiam, ubi quod male commisit, cum omni humilitate, et contritione cordis simpliciter confessus, suscipiat remedia pœnitentiæ, secundum modum canonicis auctoritatibus præfixum: Pœnitentia quoque publica die primo quadragesimæ, reuertentibus peccatoribus, & sacco, cilicioque indutis imponebatur. meminit confessionis, quæ in quadragesima fit, diuus etiâ Chrysostomus in commentarijs super Matthæum, & in expositione super genesim. Omnes uero pœnitentes, quibus longius tempus, ueluti tempus, quod est plurius annorum, aut usque ad mortem, præfixum

Toletana tertia  
syn. c. 12.

Pœnitentiale  
Rom. citatur a  
Burchardo lib.  
19. c. 1.

Matth. 6.

Agathen. syn.  
uide apud Gra-  
tianum dist. 50.  
c. in cap.

Chrysost. super  
Matth. hom. 41  
& super Gene-  
sim hom. 1.

F non

Innoc. primus  
Decentio eugu-  
bino c. 7.  
Damafus epist.  
4. de Chorep.  
& Hispalen. 2.  
syn. c. 7.

C. omnis utri-  
usque sexus de  
pæni. & remiff.

De pæni. distin-  
ctione 7.

Iul. Papa cita-  
tur a Burchar.  
lib. 18. c. 21.  
Ezech. 18.  
Hannoten. syn.  
cap. 2. citatur a  
Burchardo lib.  
18. c. 3.  
lib. 4. sen. dist.  
20. distinct. d.

non erat, die quinto ante pascha, tum cum sacrificium publice in Ecclesia offerretur (uti Innocentius, & Damasus testantur) reconciliabantur. Innocentij autem uerba sunt hæc. De penitentibus autem, qui siue ex grauioribus commissis, siue ex leuioribus penitentiam gerunt, si nulla interuenit ægritudo, quinta feria ante pascha, eis remittendum, Romanæ Ecclesiæ consuetudo demonstrat. In synodo generali ubi Innocentius tertius præfuit contra desides, ac parum cautæ conscientie Christianos statutum est, ut omnes Christi fideles, qui discretionis iudicio, & rationis usu præditi sunt, semel saltem in anno ad confessionem peccatorum suorum faciendam, & eucharistiam in die paschæ suscipiendam teneantur, & hanc constitutionem, ne illa semel saltem in anno prætermittatur, catholica hodie seruat Ecclesia. Tempus autem penitentis aptum, est omne istud, quod uiuimus: & si ad extremum usque uitæ penitentia differatur, non tamen reiicienda est, quia non sine salutis spe etiâ ipsa peragitur. Si quis presbyter, inquit Iulius papa, penitentiam abnegauerit morientibus, reus erit animarum, quia Dominus dicit, quacunque die conuersus fuerit peccator, uita uiuet, & non morietur. Item Hannoten-sis synodus. Infirmus, qui necessitate mortis urgente confitetur peccata sua, sub ea conditione a sacerdote reconcilietur, ut si ei Dominus uitam donauerit, sanitatemque reddiderit, secundum qualitatem delicti, & secundum canonum statuta, et penitentialium



tialium probatorum, pœniteat. Item Nicephorus: Eos autem qui hinc emigrant in quocunque fuerint peccato detenti, ne ligaueris, sed diuinorum, puro rumque sacramentorum facito participes, qui citra pactum polluti, gratias agant Deo nostro, quod de faucibus diaboli liberati sunt: parum in horum castigatone præscribere operæ pretium: non enim nostrum est definire, sed uoluntatis eorum, qui mandatis parent, tempus etsi longum sit, non tamen amplius est quàm correctio requirat: forte nihil omnino commodi correpto afferet. uidimus autem et breui tempore multos multa absterxisse, ac emendas se: alioquin etsi mensura temporis cui iniungatur, is tamen tandem declarabit an digne admissus, uel repudiatus fuerit, qui mandatis obtemperauerit. et si is qui in pœnitentia erat, ad mortem usque deduceretur, etiam nondum expleto pœnitentiæ tempore, reconciliabatur Ecclesiæ, ne sine sacri uiatici adiumento miser ex hac uita migraret. Sane, inquit Innocentius, si quis in ægritudinem inciderit, atque usque ad desperationem deuenerit, ei est ante tempus paschæ relaxandû, ne de hoc sæculo absque communione discedat. Verum etsi confessio, ac pœnitentia, quæ in extremo uitæ fit, suam quoque salutis habeat spem, certior tamen est illa, quæ ab homine sano, uegetique animi peragitur, dum eo scilicet tempore, quo peccare quis potest, peccata ipsa dimittit, & satisfaciendi commoditas illi minime deest. Testis est huius sententiæ diuus Augustinus,

Niceph. charto  
phylax ad Theo  
dosium mona-  
chum.

Innocen. Decē  
tio Eugubino  
c.7.

lib.4. sent. dist.  
20.

Aug. hom. 41.

& iisdem ferme uerbis diuus Ambrosius . Non solum , inquit Augustinus , post pœnitentiam ab istis uitis se homo seruare debet , sed ante pœnitentiam , dum sanus est : quia si ad ultimum uitæ steterit , nescit si ipsam pœnitentiam accipere , ac Deo , & sacerdoti peccata sua confiteri poterit : ecce quare dixi , quia et ante pœnitentiâ bene uiuendum est , & post pœnitentiam melius : quod dico attendite . debeat illud planius exponere , ne me aliquis male intellexisse intelligat . nunquid dico damnabitur ? non dico . sed dico etiam liberabitur ? non . et quid dicis mihi ? nescio : non præsumo , non promitto , nescio . uis te de dubio liberare ? uis quod incertum est , euadere ? age pœnitentiam , dum sanus es . et Ambrosius .

Amb. in lib. exhortatorio ad pœnitentiam agendam.

Matth. 12.

Quid est bene uiuere post pœnitentiam ? doce nos : dico uobis : abstinere ab ebrietate , a concupiscentia , a furto , a malo eloquio , ab ipso immoderato risu , a uerbo otioso , unde reddituri sunt homines rationem in die iudicij . Ecce quàm leuia dixi , ut tacerem grauiâ , & pestifera : & aliud dico : non solum post pœnitentiam ab istis intus homo obseruare se debet , sed & ante pœnitentiam , dum sanus est : quia nescit si possit ipsam pœnitentiam accipere , et confiteri Deo , & sacerdoti peccata sua : ecce quod dixi , post pœnitentiam , dico ante pœnitentiâ , melius . Agens uero pœnitentiam ad ultimum , et reconciliatus , si exierit , an securus hinc exeat , ego non sum securus . pœnitentiam dare possum , securitatē dare non possum : quod dico , attendite . Ego illud planius expono : ne aliquis

*aliquis me male intelligat. Nunquid dico damnabitur? non dico: sed nec liberabitur, dico. An aliud mihi dicis sancte episcope? quid tibi dicam, nescio. dixi, non præsumo, non promitto. prorsus nescio de Dei uoluntate. Vis te frater a dubio liberare? uis quod incertum est, euadere? age penitentiam dum sanus es.*

## Deloco, Cap. IX.

**P**ERTINET ad hoc caput, ut enarremus, an quis audire confessionem hominis, qui alterius diocesis & parochia sit, ex ueterum constitutionum iure, eique penitentiam imponere ualeat, & utrum eundem penitentem reconciliare possit. et certum est, eum ordinata iurisdictione non posse. Placuit, inquit Urbanus, ut deinceps nulli sacerdotum liceat quemlibet commissum alteri sacerdoti, ad penitentiam suscipere, sine eius consensu, cui prius se commisit, nisi pro ignorantia illius, cui penitens prius confessus est. qui uero contra hæc statuta facere tentauerit, gradus sui periculo subiacebit. Item Felix Papa. Curandum uero maxime, & omni cautela prouidendum, ne quis fratrum, coepiscoporumque nostrorum, aut etiam presbyterorum, in alterius ciuitate, uel diocesi penitentem, uel sub manu positum sacerdotis, aut eum, qui reconciliatum se esse dixerit, sine episcopi, uel

Urban. 2. Papa  
in decret.

Felix Papa in  
epist. decret. c.  
8. citatur a Bur  
cardo lib. 19.  
c. 62.



Cabilonē. syn.  
c. 45.

Innoce. tertius  
in c. omnis utri  
usque sexus de  
pœni. et remissi.

Petrus abbas  
Cluniacen. lib.  
1. de miraculis  
cap. 4.

presbyteri testimonio, & litteris, ad cuius pertinet  
parochiam, suscipiat. Testes sunt huius sententiæ  
etiam synodus Cabilonensis, cui Carolus Magnus  
interfuit, & Innocentius tertius, qui in concilio ge  
neralī statuit, ut quis non alieno, sed proprio sacer  
doti peccata sua confiteatur. Ex his ueteribus con  
stitutionibus receptum est, ut monachi suo abbati,  
& ceteri religioni alicui mancipati suis præfētis,  
quocunque illi nomine censeantur, confessionem pec  
catorum suorum faciant. Hinc Petrus Cluniacen  
sis abbas ait. hac igitur de causa & a uobis absui,  
& ad uos redire permissus sum. his ita dictis, alijs  
remotis, Priorem aduocans, peccatum illud ei con  
fessus est. a quo huius, & omnium peccatorum suo  
rum absolutione suscepta, sequenti die, prima hora  
diei, astantibus, & orantibus fratribus, læto uul  
tu, bono fine, quieuit. Quis uero esset in Ecclesia  
pœnitentium locus, & quotnam illi essent, inferius  
in libello, quem de ueteribus pœnitentijs inscripsi  
mus, enarramus.

## De modo. Cap. X.

**T**RACTAMVS in hoc capite, quanam  
peccata in confessione dicenda sint, utrum  
grauia dumtaxat, quæ mortalia dicuntur,  
an etiam leuia, & utrum occulta, & cogitationes  
etiam animi: Item publice, an secrete, & ad au  
res solummodo sacerdotis dicenda sint: Itē an omnia  
speciatim

*speciatim uni ex integro, uel potius quædam & pluribus, prout libuerit, omiſſis aliis, enarranda ſint. Nec non, quo ritu, quoque corporis habitu explicanda, & quo modo reo impoſita pænitentia ſit peragenda. Quatenus autem ad primam pertinet capituli diſtinctionem, communis theologorum ſententia eſt, ad mortalia ſolummodo enarranda ex præcepto quemquam teneri, ad leuia uero & quotidiana non niſi ex conſilio; & ita utilitatem ingentem homini eſſe, ſi leuia quoque fateatur, tam conſilii, & remiſſionis ratione, quàm etiam uerecundiæ merito, & ne per ignorantiam grauiâ, ueluti quædam leuia in confeſſione prætereantur. Verum ad explicati-  
nem grauium peccatorum, ſiue animo dumtaxat illa perpetrata ſint, ſiue etiam opere, homini non uoluntas, ſed neceſſitas conſitendi incumbit. et recte hoc a patribus ſtatutum eſt: leuia enim quæ imbecillitatis humanæ potius lapſu, quàm uoluntatis decreto, committuntur, & in eis committendis eminus non cominus lex ſauciatur, plura remiſſionis habent remedia. quolibet enim religionis, ac pænitentia actu, etiam extra confeſſionem adhibito, expunguntur. At mortalia, ueluti quibus altiori uulnere animus ſit ſauciatus, & lex ipſa grauiori manu percuſſa, fortiora ſibi medicamenta, & perſpicaciorẽ requirunt medicum. Diximus ſupra ex Beda, & Proſpero Aquitano, quoddã grauioris lepræ immunditia, & ea crimina, quæ publicata homines a ſacra remouerent cõmunione, & iuris ordine con-*

F 4 demna-

Thomæ 3.p. ſũ.  
in add.q.8. art.  
3.

De pæn. diſt. 3.  
c. de quotidiana

Thomas 3.p.q.  
87.art.3.  
De conf.diſt.3:  
aquam.  
Aug. libr. 1. de  
ſymbolo c.6.&  
Seleucianæ epi  
ſto.108.

Beda ſuper epi  
ſto. Iacobi c.5:  
Proſper in lib.  
de uita contem  
platiua, c.7.

Hugo de sancto  
Victore tom. 2.  
sermone 53. in-  
stitutionis mo-  
nasticae secun-  
da.

demnarent, sacerdotibus in confessione pandenda sint. In hanc sententiam ita scribit Hugo de sancto Victore: In facienda autem confessione talis discretio esse debet, ut quotidiana, leuiaque peccata, alterutrum coequalibus consteamur: ut orationibus proinuiç saluemur. porro grauioris leprae immunditiam sacerdoti, idest nostro summo praelato, scilicet abbati pandere debemus, ut ad eius arbitrium iustificari curemus. Est enim quedam communis in Ecclesia confessio, & penitentia, quam quotidie ad inuicem facimus; in qua oratione fusa proinuiçem pro quotidianis, & leuibus peccatis, indulgentiam & remissionem consequimur. grauioris autem culpae reatum, singulari confessione, sacerdoti aperi-  
mus, & secundum eius consilium, munere satisfactio-  
nis oblato, indulgentiam peccati obtinemus.

Aug. c. 53. de ec-  
clesiasticis dog-  
matibus.

Itè beatus Augustinus in libro de Ecclesiasticis dogmatibus. Nam quem, ait, mortalia crimina post baptismum commissa premunt, hortor prius publica penitentia satisfacere, & ita sacerdotis iudicio reconciliatum, communioni sociari, si uult non ad iudicium, & condemnationem sui eucharistiam percipere. sed & secreta satisfactione solui mortalia crimina non negamus. sed mutato prius seculari habitu, & confesso religionis studio, per uitae correctionem, et iugi, immo perpetuo luctu, miser ante Deo; ita dumtaxat; ut contraria pro his, quae penitet, agat, & eucharistiam omnibus diebus dominicis supplex, & summissus usque ad mortem percipiat.

Quod

Hæc eadem as-  
ferit, & iisdem  
uerbis in libr.  
de penit. medi-  
cina quæ est ho-  
mil. 50.



Quod autem homines, qui Deum timent, & qui ex uehementi Christianæ religionis amore, culpâ etiam leuem reformidant, utiliter minima quoque facinorosa confiteantur, testatur Petrus abbas Cluniacensis, dum cuiusdam sancti uiri obitum his uerbis refert. Flebat ita de leuibus, ac si de grauissimis peccatis, quantum poterat sincerissima ac luctuosa confessione, animam, corpusque suum benigno Saluatori affectuosissime cõmendabat: quodque nullo modo tacendum est, cum in cõfessione illa, gloriosæ matris Domini occurrisset casu aliquo memoria, iam singultibus, fletus fletibus iungebantur, & confessionis continuatio ad illius nomen, cuius se maxime auxilio saluari sperabat, lacrymosæ deuotionis augmento interrumpebatur. Item cum morbi importunitas eum confitentem aliquando uehementius aggrauaret: Sancte spiritus, inquit, auxiliare mihi, & si quid de confessione oblitus sum, mihi ad memoriam reuoca: hoc non semel, nec bis tantum, immo sæpe dicens docebat me quanta cura quilibet deberet confiteri maiora, cum ipse tanto studio confiteretur etiam minora. deinde a me absolutus, pœnitentia indieta, confessione fidei, & dominica oratione, me iubente præmissa, biduo superuixit. Item synodus quædam uetus: cuius Burchardus meminit, ait. Non solum autem ille qui mortale aliquid commisit, sed etiam omnis homo, quicumque se recognoscit, immaculatam Christi tunicâ, quam in baptismo accepit, peccati macula polluisse, ad proprium sacer-

Petrus abbas  
Cluniacen. lib.  
5. epist. 39. ad  
abbatem de Ru-  
pibus.

sacerdotem festinet uenire : & cum puritate mentis omnes transgressiones , omnia peccata , quibus Dei offensam se incurrisse meminit , humiliter confiteatur , & quidquid a sacerdote fuerit iniunctum , ac si ab ipso omnipotentis Dei ore esset prolatum , ita diligenter attendat , etiam cautissime obseruet , occulta deinde peccata sacerdotibus in confessione pandenda , dubiū minime est : dilucide hoc asserunt Prosper Aquitanicus , Gregorius , Hieronymus , atque Nicephorus : nos alia ex causa eorum uerba supra posuimus , quapropter iteranda hoc in loco nequaquam sunt : Gregorius cogitationes etiam , tentationesque , menti pastorum indicari solitas , prodit : hoc enim consilij , remedijque quod a sacerdote quis refert , ratione expedit : præterquod mente etiam per consensum peccatur , leuius autem , uel grauius , prout res ipsa perpetranda , leuior , aut grauior fuerit . Qui uiderit , inquit Christus , mulierē ad concupiscendū eam , iam mœchatus est eam in corde suo . Lex ipsa in hanc sententiam prohibet , ne quis cum alterius damno concupiscat uxorem , aut rem proximi sui . peccatum autem esse huiusmodi præfinitū desiderium ; ait diuus apostolus , per legem se fuisse edoctum . concupiscentiam , inquiens , nesciebam , nisi lex diceret , non concupisces . Petrum , apostolorum principem , huius fuisse sententiæ , ut cogitationes male pastoribus indicaretur , asserit Clemens martyr , eius discipulus , in hæc uerba ita scribens . Instruebat actus suæ uitæ , omni hora custodire , &

in

Matth. 5.

Exod. 20.

Rom. 7.

Clemens Papa  
martyr epist. 1.  
ad Iacob. fratrem Domini.

in omni loco Deum respicere: firmiter scire cogitationes malas cordi suo aduenientes: mox ad Christum allidere, & sacerdotibus Domini manifestare. asserit hoc idem diuus etiam Cyprianus, ita scribens.

Cyprianus in sermone de lapsis.

Quamuis nullo sacrificii, aut libelli facinore constrikti, quia tamen de hoc uel cogitauerunt, hoc ipsum apud sacerdotes Dei dolenter, & simpliciter confitentur, exhomologesim conscientiae faciunt, animi sui pondus exponunt, salutarem medelam paruis licet, & modicis uulneribus exquirunt scientes scriptum esse, Deus non irridetur. Publica autem peccata, quae in Ecclesiae scandalum uenerant, publice, & in conuentu fidelium detegebantur, occulta autem, & quae clanculum peracta erant, non ita, sed ad aures tantum episcopi, uel sacerdotis. Eusebius Caesariensis, dum cuiusdam uiri Natalis nomine, publicum quendam errorem refert, publice illum in Ecclesia propalatum quoque fuisse, ita scribit. Confessor quidam erat apud nos Natalis nomine, nostra adhuc confessus memoria. hic deceptus aliquando ab Asclepiodoto quodam, & Theodoto, collectarijs, qui ambo discipuli erant Theodoti Coriarij illius, qui primus pro hac stulta assertione ab Ecclesiae societate depulsus est, a Victore tunc Urbis Romae episcopo, acquieuit, ut accepto ab eis salario, episcopus illius haeresis nominaretur, certa portione, id est centum quinquaginta denarijs menstruae praestationis. qui Natalis cum se in hoc deceptus locasset, frequenter admonebatur in somnis a Domino: quia miseri-

Gal. 6.  
De pæn. dist. 1.  
c. quis aliquando. §. secreta. &  
§. similiter. §. prae-  
missis & §. in quo.  
Eusebius Caesariensis. lib. 5. hist. ecclesiasticae c. 28.



*misericors Deus, & Dominus noster Iesus Christus  
 nolebat martyrem suum, qui sibi in multis passioni-  
 bus testis extiterat, de Ecclesia perdere. Sed cum  
 negligentius susciperet uisiones, primatus amore, et  
 turpis lucri denictus illecebra, ad ultimum a sanctis  
 Angelis per totam noctem uerberatus, et pœnis gra-  
 uibus excruciat, mane consurgens, cilicio se in-  
 duit, & cinere conspersit, ac multis lacrymis erro-  
 rem suum deflens, ante pedes se Zepherini episcopi  
 prosternit, & uestigijs omnium, non modo clerico-  
 rum, sed etiam laicorum, multa cum lamentatione  
 prouolutus, in lacrymas, & miserationes omnem  
 prouocauit ecclesiam, ut indulgentiam sibi a Chri-  
 sto continuis, & iugibus pro ipso precibus implora-  
 rent, ostendente simul in conspectu omnium liuores  
 corporis eius, et cicatrices, quas pro nominis ipsius  
 confessione susceperat. uix aliquādo in communio-  
 nem ecclesiastici corporis reuocatus est. Similia quæ  
 dam his scribit Ireneus, Polycarpi discipuli Ioan-  
 nis euangelistæ auditor, ita dicens. Adhuc etiam ut  
 amatoria, & adlectantia efficit, ut & corporibus ip-  
 sarum contumeliam irroget, hic idem Marcus qui-  
 busdam mulieribus, etsi non uniuersis. hæ sepiissi-  
 me conuersæ ad Ecclesiam Dei, confessæ sunt, et se-  
 cundum corpus exterminatas se ab eo uelut cupidi-  
 nie, & inflammatas, ualde illum dilexisse: ut &  
 diaconus quidam eorum, qui sunt in Asia, susci-  
 piens eum in domum suam, inciderit in huiusmodi  
 calamitatem: nam cum esset uxor eius speciosa, &  
 senten-*

Ireneus libr. i.  
 aduersus hære-  
 ses c. 9.

sentētia, et corpore corrupta esset a mago isto, et secuta eū esset multo tempore, post deinde cum magno labore fratres eā conuertissent, omne tempus in exhomologesi cōsumauit, plangens, et lamentans ob hāc quā passa est ab hoc mago corruptelam. Theodosius

Imperator publicam ideo egit, Augustino auctore, Aug. hom. 49.

pēnitentiā, quia peccatū eius, ob Thessalonicensium urbem publice obsidione caſam, inuulgatum erat.

Origenes ob utilitatem confitentis, & Ecclesiæ adificationem publice hanc confessionem fieri solitam as-

Origenes super  
psal. 37. hom. 2.

seuerat. et quia publice peccantes per publicam pē-

nitentiam reconciliabantur, propterea Alexander

Alex. Papa in  
decret. citatur  
a Burchar. lib.  
19. c. 100.

Papa ait. Vt nemo presbyterorum xenium, uel

quodcunque emolumentum temporale, immo detri-

mentum spirituale a quocunque publice peccante, ac

incestuoso accipiat, ut episcopo ac ministris eius pec-

catum illius reticeat: nec per respectū cuiusque per-

sonæ, aut consanguinitatis, uel familiaritatis, alie-

nis communicans peccatis, hoc episcopo innotescere

detrectet: nec a quoquam pēnitente, aut gratia,

aut fauore, aut munus suscipere præsumat, aut mi-

nus digne pēnitentem ad reconciliationem adducat,

& ei testimonium reconciliationis ferat, uel quo-

cunque liuore alium quemlibet dignius pēnitentem

a reconciliatione remoueat: quia hoc symoniacum,

& Deo, & hominibus contrarium est. Deferebat

autem ad episcopum, aut ministros eius presbyteri

grauiora, et inuulgata crimina, quæ tamen per ex-

currentem uulgi famam aliunde quam in cōfessione

perce-

Aug. in libr. de  
pñi. medicina

perceperant, nam crimina secrete in confessione dicta, reuelari non possunt. At non solum clerici, sed etiam laici crimina ad episcopos deferrebant, ut ea emendarent. hinc diuus Augustinus ait. Plerique autem boni Christiani propterea tacent, & sufferunt aliorum peccata, quæ nouerunt, quia documentis sepe destituuntur, ut ea quæ ipsi sciunt, iudicibus ecclesiasticis probari possint. quamuis enim uera sint quædam, non tamen iudici facile credenda sunt, nisi certis indicijs demonstrantur. nos uero a communione quemquam prohibere non possumus, (quamuis hæc prohibitio nõdum sit mortalis, sed medicinalis) nisi aut sponte confessum, aut aliquo siue seculari, siue ecclesiastico iudicio accusatum. Cum autem publicus reconciliabatur peccator, in ecclesiæ ipsius propatulo, & editiori loco manus illi imponebatur. unde Carthaginensis tertia synodus, Cuiuscunque, inquit, pænitentis publicum et uulgatissimum crimen est, quod uniuersam Ecclesiam commouerit, ante absidem manus ei imponatur. At si peccatum erat occultum, occulta quoque pænitentia, & confessione remittebatur. propterea super pænitentes constitui solebat presbyter, qui secretum seruare nosset. Verum esse utrunque quod dicimus, testatur Moguntina synodus, dum ait, sed distinctio seruanda est inter pænitentes publice et absconse. nam qui publice peccat, oportet ut publice multetur pænitentia, et secundum ordinem canonũ pro merito suo excommunicetur, & reconcilietur.

Carthaginien.  
3. syn. c. 32.

Moguntina syn.  
no. c. 10. citatur  
a Burchar. lib.  
19. c. 28.

Item



*Item Toletanum Concilium . De uiris ordinatis, quorum occulta peccata sunt , nec manifeste ab aliquo argui possunt , si salubriter compuncti pro peccatis suis , confessionem episcopo , siue presbytero occulte faciunt , bonum mihi uidetur , ut secundum id quod sibi decretum fuerit ab episcopo , siue presbytero , pœnitentiam agant , non tepide , nec tarde , sed feruenter , & sollicitè , ac si se ueniam peccatorum a Domino percepturos , & gradû se retenturos confidant . Item Augustinus , ut est penes Burchardum , si quis incestum occulte commiserit , & sacerdoti occulte confessionem egerit , indicetur ei remedium canonicum , quod subire debuiisset , si eius facinus publicatum fuisset : uerum quia latet commissum , detur ei a sacerdote consilium , ut saluti animæ suæ pro occulta pœnitentia proficiat : hoc est ut ueraciter ex corde se grauiter deliquisse confiteatur , & per ieiunia , & eleemosynas , uigiliasque ac sacras orationes , cum lacrymis se purgare contendat , & sic se ad spem ueniæ pro misericordia Dei peruenire confidat . et alibi . Id tamē agat , quod non solum ipsi prosit ad recipiendam salutem , sed etiam ceteris ad exemplum , ut si peccatum eius non solum in graue eius malum , sed etiam in tanto scandalo aliorû est , atque hoc expedire utilitati Ecclesiæ uidetur , ac plebis , publicam agere pœnitentiam non recuset , ne letali plagæ per timorem addat tumorem , cum tanta est plaga peccati , & impetus morbi , ut medicamenta corporis , & sanguinis Domini differenda sint ,*

Toletana syn.  
citatur a Burchar. lib. 19. c.  
151.

Burchar. lib. 19  
c. 36.

Aug. de pœnitē  
tiæ medicina,  
hom. 50.

sint, auctoritate antistitis debet se quis remouere ab altari ad agendam pœnitentiam, & eadem reconciliari. poterat autem, si quis uoluisset, in publico ecclesiæ conuentu, uel propositus libellis, uel propria confessione, suum etiam occultum prodere crimen, idque aliquando factitatum memoriæ proditur: uerum Leo primus Pôtifex, ter magnus a ueteribus appellatus, execrabilem hanc esse consuetudinem, & omnino abolendam his uerbis asserit. Illam etiam contra apostolicam regulam præsumptionem, quam nuper agnoui a quibusdam illicita usurpatione committi, modis omnibus constituo submoueri. De pœnitentia uidelicet, quæ ita a fidelibus postulatur, ut de singulorum peccatorum genere, libellis scripta professio publice recitetur, cum reatus conscientiarum sufficiat solis sacerdotibus indicari cōfessione secreta. quamuis enim plenitudo fidei uideatur esse laudabilis, quæ propter Dei timorem apud homines erubescere non ueretur, tamen quia non omnium huiusmodi sunt peccata, ut ea quæ pœnitentiam poscunt, non timeant publicare, remoueatur tam improbabilis consuetudo, nè multi a pœnitentiæ remedijs arceantur, dum aut erubescunt, aut metuunt, inimicis suis sua facta referare, quibus possunt legum cōstitutione percelli: sufficit enim illa confessio, quæ primū Deo offertur, tunc etiam sacerdoti: qui pro delictis pœnitentium precator accedit. tunc enim demū plures ad pœnitentiā poterunt prouocari, si populi auribus non publicetur conscientia

con-

Leo. episto. 78.  
uniuersis epi-  
scopis per Cam-  
paniā Samniū  
& Picenū con-  
stitutis.

confitentis . Datū secundo nonas martij , Recimero  
 Consule . Damnabilem hanc fuisse consuetudinem , ea  
 quæ Constantinopoli propterea euenerunt , clare o-  
 stendunt : nam cum mulier quædam occultū , quem  
 cum diacono pluries habuisset illicitum in ecclesia,  
 quod pænitentia causa conueniebat , concubitum pu-  
 blice confessæ esset , populus in eam rabiem aduersus  
 sacerdotes Dei , pro ecclesiæ iniuria uindicāda , exar-  
 sit , ut Neētarius urbis episcopus has publicas con-  
 fessiones , et pænitentias , presbyterumque eis præ-  
 sidentē remouerit . non enim confessionē , quæ secre-  
 te fit sacerdoti , uti hæretici putant , Neētarius re-  
 mouit , sed eam quæ uelut in theatro sub testimonio  
 ecclesiastici populi fiebat . hoc autem uerū esse , tam  
 ex Sozomeni uerbis , quàm etiam ex ea , quam re-  
 fert historia , dilucide constat . certe Socrates , in ea-  
 dem historia , presbyterum , qui super pænitentes a  
 Decij persecutione propter Nouatianos , qui lapsis  
 communicare nolebant , usque ad ea tempora consti-  
 titus fuerat , remotum asserit : at cum cōfessio De-  
 cij tempore nequaquam cœperit , sed diuinum , ut su-  
 pra probauimus , sit institutum , pænitentia genus ,  
 illud scilicet quod occasione Decianæ persecutionis  
 cœperat , abdicatum , non ipsam pænitentiam liqui-  
 do apparet . Chrysostomus , qui post Neētarium Con-  
 stantinopolitanam sanctius , & eruditius rexit  
 ecclesiam , cum confessionis quæ sacerdotibus fit ,  
 tam clare pluribus in locis honorifice meminerit , li-  
 brumque , qui impressus non est , diserte , περι τῆς

Sozomen. lib.  
 9. histo. trip. c.  
 35.

Socrates lib. 9.  
 hist. trip. c. 35.

Chrysost. hom.  
 3. in Matth. &  
 lib. 2. & 3. de  
 sacerdotio .

G

μετανοίας ,



μετανοίας ; καὶ ἐξομολογήσεως, de pœnitentia scilicet, & confessione conscripserit ; cumque hac eadem de re doctissimus eius sermo super illa uerba : Quæcunque solueritis super terram, erunt soluta & in celo : in Gallia apud regiam bibliothecam, nec ipse etiam editus, græce, ut ipse met uidi, in uolumine unius & quadraginta sermonum eius asseruetur, proculdubio confessionem ipsam aut non inuenit abdicatam, aut ut male abdicatam statim restituit. Sicut igitur publica peccata, publica pœnitentia emendabantur, ita occulta, secreta confessione, & satisfactione dimittebantur, quod fieri etiam in mortalibus, & grauioribus peccatis posse, diuus Augustinus, ut supra retulimus confitetur. Secreta hanc confessionem, quoniam ad aures tantum sacerdotis fit, auricularē appellant, quo nomine utitur etiam Petrus Blesensis, diui Thomæ Cantuariensis archiepiscopi intimus, & dilectus amicus. edidit enim libellum, quē de confessione auriculari inscripsit. Quatenus autem ad aliam pertinet quæstionem, dubium minime est, quin omnia peccata sint detegenda, & speciatim etiam enumeranda, causis quoque, & ut uocant, circumstantijs, fideliter explicatis : idque non pluribus, prout libuerit, uerecundia causa, sed uni tantum sacerdoti fieri debet. Nam pudore, aut alio quopiam humano respectu, confessionē ubi memoria suppetit, & fieri commodè potest, in plures sacerdotes diuidere, minime licet. Si funibus peccatorum suorum, ut ait sapiens, unusquisque constrin-

Petrus Blesen.  
uide inter epi-  
sto. eius nume-  
ro 203.

Prou. 5.

constringitur, quidnam prodesset homini, si per sacerdotum manus certis resolutis uinculis, aliis quibusdam remaneret innexus? aut quo modo sanus uocari posset ille, si cum multis distenderetur morbis, non ab omnibus, uerum a certis solummodo liberaretur? Qui offendit, inquit apostolus, in uno, factus est omnium reus: certe nil prodest naui, quod fortibus & perpulchris e robore tabulis, repagulisque munita aduersus undas sit, si per unum tantum foramen fluctus in eam, quibus obrui possit, ingradientur. propterea Cabilonensis synodus hanc sententiam statuens, ita testatur. Sed et hoc emendatione indigere perspeximus, quod quidam dum confitentur peccata sua sacerdotibus, non plene id faciunt. Quia ergo constat hominem ex duabus esse substantijs, anima uidelicet, & corpore, & interdum animi motu, interdum carnis fragilitate peccatur, solerti indagatione debent inquiri ipsa peccata, ut ex utrisque plena sit confessio: scilicet ut et ea confiteantur, quæ per corpus gesta sunt, & ea, quibus in sola cogitatione delinquitur. Instruendusque est itaque peccatorum suorum confessor, ut de octo principalibus uitijs, sine quibus in hac uita difficile uiuitur, confessionem faciat: quia aut cogitatione, aut, quod grauius est, opere, eorum instinctu peccauit: odium enim, inuidia, superbia, uel ceteræ huiusmodi animæ pestes, tanto periculosius lædunt, quanto subtilius serpunt. Item Innocentius secundus. Presbyteri falsis penitentiis laicos

Iac. 2.

Cabilonē. syn.  
c. 31. citatur a  
Burchard. libr.  
19. c. 34.

Innocen. II.  
uide de penit.  
dist. 5. c. ult.

Burchard<sup>i</sup>. lib.  
19. c. 4.

non damnent . falsa est cum de uno crimine tantum agitur , alijs omissis : uel cum mala negotia non relinquantur : & Penitentiale Romanum , ut ipsismet uerbis a Burchardo Vormatiensi episcopo citatur , cum ad interrogationes omnium criminum , quæ in eo singulatim fiunt , uenerit , ait , uidens autem eum uerecundantem rursus prosequatur . fortassis carissime non omnia quæ gessisti ad memoriam modo ueniunt : ego te interrogabo : tu caue ne diabo lo suadente aliquid celare præsumas ; & tunc eum ita per ordinem interroget . fecisti homicidium , & cetera . Neque etiam diuidi confessio debet , ut uni sacerdoti quedā , alia uero crimina alteri patefiant . quoniam superbiæ opus est , ideo diuidere confessionem , ne quis probitatis , & sanctitatis nomen iam sibi partum apud aliquem amittat : præterquod commodum salutis remedium , consiliumque ei qui cuncta simul non confitetur , si memoria suppetit , dari non potest . cōfessionem meam inquit Hugo , diuisi ut diuersis Sacerdotibus diuersa manifestarem : & ita uenia carui , ad quam per partes peruenire putauī : execranda nanque fictio est peccatum diuidere et superficie tenus radere , non intrinsecus eradicare . non enim utilis est confessio , nisi sit in oris ueritate , & cordis puritate . speciatim quoque peccata enumeranda esse satis constare ex euangelicis uerbis uidetur : nā cum apostolis potestas a Christo tributa sit , ut uel remittant , soluantque , uel retineant , & ligent peccata , & ita tum remissio , tum etiā retentio

Hugo de sancto Viatore institutionis monastica primæ c. 10.

Matt. 16. & 18.

Ioan. 20.



tio ad eos spectet, utique utrumnā remittenda sint, aut potius retinenda, cognosci minime potest nisi explicentur, & enumerentur ipsa peccata: ridicula enim eorum hæreticorum sententia est, qui satis conscientia fidelium factum esse putant, si quis cōfusus, & generaliter tantum, peccatorem se esse coram sacerdote confiteatur, ipsis interea peccatis non explicatis, neque enumeratis: unde enim ita dictis sciet sacerdos, si remissione indignus sit ille qui cōfitetur, an non? nam quod omnes, ut ipsi putant, nullo interim facto discrimine, absoluendi sint, Christus ipse non asserit, immo dilucide contradicit, cum potestatis ligandi, retinendique peccata, mentionem facit. si igitur sunt quædam, quæ dimitti, & alia quæ retineri debent, utique hæc facultas illis non explicatis confusa est. gesserunt huius rei figuram testamenti ueteris sacerdotes quibus in diiudicanda lepra potestas tributa erat: nam ut agnoscerent an homo, uel domus, aut etiam uestis uere leprosa esset, opus erat ut lepram diligenter considerarent, attenderentque non solum colorem, squammas, & morbi superficiem, sed etiam profunditatem, & temporis locique uarietates. quibus diligenter peractis, non solum an homo leprosus esset, præfiniebant, uerum etiam lepram a lepra distinguebant non secus quam cum diuersis peccatis, quæ a lege enumerantur, diuersa quoque remedia, eodem ita sanciente Moysse exhibebant. sicut igitur in Ecclesia remissionis clauem, utpote omnibus necessariam, summopere ex-

Leuit. 13.

Leu. 4. 5. 6. 7. 9.  
12. 14. 16. & c.

Sozomen. libr.  
9. hist. tripar. c.  
35.

tollimus, & prædicamus, ita retentionis quoque clauem non abdicamus. nam etsi hæc propter illam ultra causas alias sit instituta, cum homo ideo ligetur, multisque ecclesiasticis subdatur, ut resipiscens absolui aliquando possit, necessaria tamen ipsa etiam est, & legis officio, ut ad Christum, hoc est remissionis clauem, quis perueniat, fungitur. Sozomenus cum asserit minora peccata pro pudore confessionis, et subtilitate examinantiū olim perpetrari solitū esse, quidnā aliud dicit nisi quòd peccata ipsa explicabātur et enumerabātur? Itē quid aliud Leo, dum ne publice occulta peccata per libellos enarrentur, prohibet, ne quis puniri a iudice possit, et ne ceteri a confitendo deterreantur? et Origenes dum sacerdoti non solum languorem, uerum etiam languoris causam explicandam esse prodit? & quidnam aliud asserunt Paulini uerba, dum Ambrosium ad singula quæque peccatā confitentium lugentē introducunt? certe diuus Hieronymus, dum Matthæi uerba de clauibus loquentis exponit, ait, quod episcopus, aut sacerdos tunc cognoscet, qui ligandus sit, quique soluendus, cum peccatorum audierit uarietates. Longum et superfluum esset, hoc in loco repetere ueterum sanctorum sententias, quas alibi in opere ponimus: & tamen pauci eorum sunt, ex quorum uerbis hæc ueritas non eliciatur. omittimus etiam consulto, quæ ad hanc eandem rem pertinentia, disertissime e græcis conscripserunt, Ioannes Climachus, Nilus, Isaacus, Maximus, & Thalassius

sius monachi, nec non Marcus abbas multis in locis, praesertim in libro, qui in Gallia apud bibliothecam regiam hoc titulo asseruatur, Περὶ τῆς μετανοίας τοῖς πᾶσι πάντοτε προσηκούσης. certe Burchardus Vormatiensis episcopus, trium paenitentialium antiquorum mentionem facit, Romani scilicet, & eius, quod a Theodoro Cantuariensi, & alterius, quod a Beda presbytero compilatum fuit: in his autem non solum uera esse, quæ dicimus, demonstratur, uerum etiam interrogationes, & paenitentiae de singulis ponuntur, & explicantur. Quod dicimus de peccatorum enumeratione, dicimus etiam de causis, et, ut uocant, de circumstantiis, una cum eodem Paulino, & beato Gregorio. Petrus Blesensis in eadem sententiam ait. omnes circumstantias peccatorum is qui confitetur aperiat, causam, locum, tempus, modum, et quidquid mensuram reatus exagget. et synodus Vormatiensis, Paenitentibus, inquit, secundum differentiam peccatorum, sacerdotis arbitrio paenitentiae decernantur. debet itaque sacerdos in paenitentia danda singulorum causas singulatim considerare, originem quoque modumque culpam, & affectus, gemitusque delinquentium diligenter examinare, manifesteque cognoscere: temporum etiam, & personarum, locorum quoque, et aetatum qualitates inspicere: ut etiam pro consideratione locorum, aetatum, uel temporum, seu pro qualitate delictorum, atque gemitum uniuscuiusque delinquentis, a sacris regulis oculos non reflecat hæc.

Petrus Blesensis.  
in opere de confessione auriculari  
epist. 103.

Vormatien. syn.  
no. c. 25.



synodus : Ritus autem , statusque corporis in confessione , & pœnitentia facienda , quisnam antiquo tempore esset , latius infra in libello , quem de ueteribus pœnitentijs inscripsimus , explicamus . hic autem satis fuerit , si dixerimus , quòd magna cum humilitate fieri confessio debet , utpote quæ non ipsi tantum sacerdoti , sed Deo , cuius uice in terris ille fungitur , medio sacerdote fit . Peccator igitur cum lacrymis , & gemitu seipsum accuset , non excuset : neque superbo corde , & elata ceruice scelera referat , sed humilis , animoque contrito : quoniam , ut ait Dauid , Cor contritum , & humiliatum Deus non despicit . Neque culpam in alium quempiam , uel in ipsum diabolum , se excusando reiiciat : uti primi omnium parentes , Adam scilicet , & Eua fecerunt , dum ille uxorem sibi a Deo datam criminaretur , & ita ipsum , qui dederat , Deum quodammodo accusando impeteret , hæc uero culpam omnem in serpente reiiceret : nam etsi diabolus ad scelera , & facinora nos suggerendo , tentandoque impellat : nos tamen diuino , quod nobis adest , auxilio , liberoque arbitrii , uoluntatisque consensu , abdicare a nobis tentationem ipsam possumus : itaque si peccamus , nos ipsos qui consensimus , diuinamque opem ad repellendas tentationes malas , non inuocauimus , non hominem aliquem , aut diabolum , & quod impium est , Deum ipsum criminemur : nam Deus intentator , ut inquit apostolus , malorum est , nec sinit nos tentari supra id , quod possumus , sed facit cum tentatione

Psal. 50.

Gen. 3.

1. Petr. 5.  
Matth. 13  
Ioan. 13.Iac. 1.  
1. Cor. 13.

tione prouentum . flexis igitur genibus regulariter  
 confessio fieri debet , & ita Natalem episcopum hæ  
 resi quondam pollutum , illam fecisse , ex Eusebio Cæ  
 sariensi supra retulimus . id ipsum prodit Augusti-  
 nus , dum ait . resistit mihi filius pestilentie , & eru-  
 bescit genu figere sub benedictione Dei . Antiquissi-  
 mum autem hoc institutum fuisse , & apostolorum  
 cæpisse tempore , Dionysius Areopagita Pauli apo-  
 stoli discipulus testatur , dum Demophilum quendam  
 reprehendit , quod peccatorem coram sacerdote pro  
 consequenda uenia peccatorum procidentem , repu-  
 lerit , & inflicto etiam calce abiecerit . ait enim . Tu  
 uero , ut tue litteræ indicant , procidentem sacerdo-  
 ti impium , atque peccatorem nescio quo pacto , con-  
 tra disciplinæ ordinem astans calce abiecisti , ac re-  
 pulisti , cum ille quidem uerecunde , quod oportuit fa-  
 teretur se ad peccatorum remedia quærenda uenisse .  
 Item Tertullianus Afer , dum homines ad confes-  
 sionem criminum , & publicâ agendam animat pæ-  
 nitentiam , ait . plerosque tamen hoc opus , ut publi-  
 cationem sui aut suffugere , aut de die in diem differ-  
 re præsumo , pudoris magis memores quàm salutis :  
 uelut illi qui in partibus uerecundioribus corporis  
 contracta uexatione , conscientiam medentium ui-  
 tant , et ita eam erubescentiâ sua pereunt . et infra .  
 ceterum inter fratres , atque conseruos , ubi commu-  
 nis spes , metus , gaudium , dolor , passio , quia cõmu-  
 nis spiritus de communi Domino , & Patre , quid  
 tuos aliud quàm te opinaris ? quid consortes casuum  
 tuorum

Aug. hom. 49.  
 uide superius .

Diony. Areopa-  
 gita epist. 6. ad  
 Demophilum .

Tertullian. in  
 lib. de pænit.

tuorū ut plausores fugis? non potest corpus de unius membri uexatione letari: condoleat uniuersum, et ad remediū conlaboret necesse est: in uno & altero Ecclesia est: Ecclesia uero Christus: ergo cum te ad fratrum genua protendis, Christum contrectas, Christum exoras, æque illi cum super te lacrymas agunt, Christus patitur, Christus patrem deprecatur: inter agendam uero pænitiā, ij scilicet, qui publica, non secreta satisfactione emundabantur, toto pænitiæ tempore, in Ecclesia cum gemitu, & planctu se prosternebant: quam rem Sozomenus his uerbis elegantissime explicat. Quoniam non peccare omnino, diuinum, & ultra humanam naturā esse cognoscitur; peccantibus autem, & pænitentiam agentibus ueniam Deus dari præcepit; qui uero confiteri refugium, maius peccatorū onus acquirunt: propterea uisum est antiquis Pontificibus, ut uelut in theatro sub testimonio ecclesiastici populi delicta pandantur: et ad hanc rem presbyterum bonæ conuersationis, seruantemque secretum, ac sapientem uirum statuerunt: ad quem accedentes hi qui deliquerant, delicta propria fatebantur. at ille secundum uniuscuiusque culpam indicebat & multam: quod etiam hætenus diligenter in occidentalibus seruatur ecclesiis, & maxime apud Romā, ubi etiam certus est locus pænitentium: stant enim rei, & uelut in lamentationibus constituti: cum enim sacra celebratio fuerit adimpleta, illi communionem non percipientes, cum gemitu, & lamentatione

Sozomen. lib. 9  
hist. tripar. c. 35



tione se ipsos in terram prosternunt : ad quos concurrens episcopus , & ipse cum lacrymis , & gemitu spiritali prosternitur , & omnis ecclesiæ plebs fletibus inundatur . post hoc autem prior surgit episcopus , & eleuat iacentes a terra : at illi afflictionibus sponte uacantes , aut ieiunijs , aut abstinentia lacrimari , aut suspensione ciborum , aut rebus alijs quæ iubentur , expectant commune tempus quod decernit episcopus : constituto uero tempore , uelut quoddam debitum exoluentes , afflictione de peccato curati , cum populo communionem participant . hæc ergo antiquitus Romani Pontifices usque ad nostrum conseruauerunt tempus . Alium publicæ penitentiae ritum Agathensis synodus , Celestini tempore celebrata , his uerbis refert . Penitentes , tempore quo penitentiam petunt , impositionem manuum , & cilicium super caput a sacerdote , sicut ubique constitutum est , consequantur . si autem comas non deposuerint , aut uestimenta non mutauerint , abiiciantur : & nisi diuine penituerint , non recipiantur . iuuenibus etiam penitentia non facile committenda est propter ætatis fragilitatem : uiaticum tamen in omnibus morte positum non est negandum . hæc synodus . cetera ad penitentiae historiam pertinentia , inferius in libello de penitentijs late prosequimur .

Agathen. syn.  
C. 15.

## De secreto, seu, ut nunc uocant, sigillo confessionis, Cap. XI.

Thomæ in add.  
3. p. sum. q. 11.  
De pæn. & re-  
miss. cap. omnis  
utriusque se-  
xus.

Q UOD autem confessio sacerdotibus facta,  
reuelari ab eis non possit, certissimum est  
apud omnes, & tam theologis, quàm etiã  
iuris canonici peritis, persuasissimum. hoc autem  
ea ratione receptum est, quia sacerdos, qui aliorum  
peccata in confessione percipit, non ut priuatã quã-  
dam persona, neque ut ipsemet, sed tanquam is qui  
publico hac in re Ecclesia ministerio fungitur, et ue-  
luti Deus ipse, ea percipit, & intelligit. non enim  
ut homo homini, peccator sacerdoti seipsum cū tan-  
ta humilitate, & deuotione in confessione prostrat,  
& cuncta tam cordis, quàm operis malefacta ei re-  
ferat; sed ipsimet Deo omnia in sacerdote percipien-  
ti se totum expandit, et reclusis animi uisceribus pa-  
tescit: audit igitur Deus confitentem in sacerdote,  
& in eodem sacerdote ligat, & absoluit confessum.  
Dicat itaque una cum Isaia propheta, Ecclesia, cui  
officio deseruit ministro ipse sacerdos: secretũ meum  
mihi, secretum meũ mihi: quia si Cham patri Noe  
displicuit, quodd uerenda corporis ipsius non abscon-  
derit, sed cum irrisione monstrauerit, propterea que  
in nepotem maledictionis nota hereditario quodam  
iure proiecta est: quãto magis diuinã incurret iram,  
qui animorum dedecora, occulte sub uelo confes-  
sionis audita inuulgauerit? Sacramentum enim Regis  
confessio est: at sacramentũ Regis, ut inquit Tobias,  
abscondi

Isa. 24.  
Gen. 9.

Tob. 12.

abscondi debet. Ecclesiasticam & antiquissimam sententiam hanc esse, discamus a beato Ambrosio, de quo ita scribit Paulinus eius discipulus. Erat enim gaudens cum gaudentibus, & flens cum flentibus: siquidem quotiescunque illi aliquis ob percipiendam penitentiam lapsus suos confessus esset, ita flebat, ut & illum flere compelleret. uidebatur enim sibi cum iacente iacere. causas autem criminum quas illi confitebantur, nulli nisi Domino soli, apud quem intercedebat, loquebatur, bonum relinquens exemplum posteris sacerdotibus, ut intercessores apud Deum sint, magis quam accusatores apud homines: nam & secundum apostolum, circa huiusmodi hominem confirmanda caritas est, quia ipse sui accusator est; nec expectat accusatorem, sed præuenit, ut confitendo, suum allenet ipse delictum, nec habeat quod aduersarius criminetur. ideoque scriptura dicit, iustus in principio sermonis accusator est sui: uocem enim eripit aduersario, & quasi dentes quosdā paratos ad prædam criminationis infestæ peccatorū suorum confessione confringit, dans honorem Deo, cui nuda sunt omnia, & qui uult uitam magis peccatorum, quàm mortem. nam ipsi penitenti non sufficit sola confessio, nisi subsequatur emendatio facti, ut penitens non faciat penitenda. humiliet etiā animam suam, sicut David sanctus, qui postquam audiuit a propheta, dimissum est peccatum tuum, humilior factus est in emendatione peccati, ita ut cinerem sicut panem manducaret, & potum suum cum

Paulinus Nolæ  
episcopus in ui  
ta diui Ambr.

2. Cor. 12.

Pro. 18.

2. Reg. 12.

Psal. 101.



Aug. ad Iulian.  
comitem epist.  
111.

cum fletu misceret. hac omnia Paulinus de confessione, & eius secreto. Augustinus eodem sensu, quia et eodem spiritu ita scribit. Si transgredimur in aliquo peccato post baptismum, idest fontem lacrymarum, ordinauit nobis penitentiam propter fragilitatem nostram: ideo debemus nostras confessiones ueraciter confiteri, et fructus dignos facere. idest præterita ne iteremus, secundum iussione Deum timentis sacerdotis: qui sacerdos ut sapiens, et medicus, primum sciat curare peccata sua, & postea aliena uulnera detergere, & sanare, & non publicare. nos sequamur, perquiramus, & cum talibus consilium salutis nostræ ineamus, ut non perdamus hereditatem celestem, quā nobis Dominus ab initio mundi præparauit. Item Sozomenus, dum scribit de presbytero super penitentes ad audiendas confessiones, & imponendas penitentias, præposito, ait. Ad hanc rem presbyterum bonæ conuersationis, seruantemque secretum, ac sapientem uirum statuerunt. & synodus sub Carolo magno celebrata, cuius Ansegisus abbas Leobienfis meminit, Presbytero, inquit, nō licet peccatum episcopo prodere, quia super eum est. Et si forte sacerdos peccatum sibi in confessione ecclesiæ patefactum reuelauerit, ultra depositionem et alias pœnas, credi ei non debet, tum quia testimonium unius nullius, ut iura inquirunt, testimonium est, cum in ore duorum, uel trium testium stet omne uerbum, tum etiam quia reuelando delinquit, & delinquendo tanquam infamis a testimo-

Sozomen. lib.  
9. hist. tri. c. 35.

Ansegisus lib.  
5. c. 48.

C. omnis utri-  
usque sexus de  
pæn. & remiss.

Matth. 18.

testimonio ferendo , in eo præsertim in quo testando peccat , reijcitur . uerum hoc est , etiam si extra sacram Ecclesiæ confessionem peccatum auditum detexerit : & hoc sensu Africanam synodum interpretor dum ait . Item placuit , ut si quando episcopus dicit , aliquem sibi soli proprium crimen fuisse confessum , atque ille postea negat , & pænitere noluerit , non putet ad iniuriam suam episcopus pertinere , quod illi soli non creditur : et si scrupulo propriæ conscientiæ se dicit neganti nolle cõmunicare , secrete tamen interdicat ei cõmunionem , donec obtæperet .

Africana syn.  
c. 77. citatur a  
Burchardo lib.  
19. c. 27.

## De clauibus , Cap. XII.

**C** L A V E S , quas saluator noster Christus Ecclesiæ suæ catholicæ per Petrum , et apostolos reliquos dedit , tres præcipuas esse patres ueteres docuerunt , scientiæ scilicet , ordinis , et quæ minus proprie ita dicitur , iurisdictionis . Scientiæ clauis est illa , qua quis alterum de ueritate , et religionis instruit fide , et peccatum a peccato , lepramque a lepra distinguendo , cordis interea contritione , & pænitentia peccatoris consideratis , nouit quis soluendus sit , quisue ligandus . Scribas , & Phariseos , qui supra cathedram Moysei legem interpretaturi sedebant , hanc clauem tulisse Christus asserit , proptereaque illos reprehendit , quod nec ipsi in calorum regnum intrarent , nec alios uolentes sinerent introire . Ioannes euangelista eandem clauem

Thomæ 3. p. in  
add. q. 18. art. 3

Luc. 11.

Apoc. 3.

Beda c. 10. super Ioan. ita hanc clauē exponit.  
Lib. 4. sent. di-  
ctin. 19.

Matth. 16.

De hac clauide diui Thomæ 3. p. in add. q. 19. artic. 3. in resp.

clauem, David appellat clauem, & Christo illam asserit datam. qui claudit, & nemo aperit, aperit & nemo claudit. Animaduertendum tamen est, scientiam in horum clauem non esse, nisi postquam is ad sacrum presbyteratus ordinem assumptus est. nam cum clauis sacerdotali tantum ordini tributæ sint, in eo qui sacerdos non est, scientia quidem esse potest, clauis uero scientiæ nequaquam. ordinis uero clauis est illa, quam quis acquirit, dum per sacros Ecclesiæ ordines, apostolico gradui, cui clauis tributæ sunt, in sacerdotium adscribitur. non enim omnibus (ut supradictum fuit, cum de personis tractauimus) clauis regni cælorum datæ sunt, sed apostolis tantum, & per apostolos ceteris, qui in eorum ordinem sufficiuntur. iurisdictionis autem clauis est illa potestas, quam quis in alterum, tanquam in inferiorem superior, exercere ualet: per quam sicut oues suis pastoribus subiectæ sunt, ita etiam Pastores Pastoribus, seruato Ecclesiæ ordine, subiiciuntur; donec ueniatur ad unum, qui nemini in terris subiectus, supra ceteros omnes sit: ad quem omnes Ecclesiæ, & fidei maiores quæstiones, & appellationum causa, tanquam ad supremum iudicem deferantur. hic autem Romanus Pontifex est, catholice Ecclesiæ pastor, et maximus hac ratione inter omnes Pontifices appellatus: Christi enim Ecclesia, quam Christus regnum, & ecclesiasticam hierarchiam Dionysius uocat, ad exemplar cælestis regni & hierarchiæ formata est: sicut enim in illa diuersi angelorum



angelorum ordines sunt, & unus altero maior, & excellentior, et super omnes est Deus ipse, a quo singuli creati sunt: ita etiã in ecclesiastica hierarchia diuersi ministri, & dispensatores mysteriorum Dei sunt, & unus altero tam officio dignitatis, quã etiam uirtutum merito, superior, & nobilior, & super omnes est Petrus ipse, per quem reliqui, qui eum in fide & religione secuti sunt, clauces regni cælorum acceperunt, & munere dispensationis, et officij præcellentia donati sunt. Tu es Petrus, inquit Christus, et super hanc petram ædificabo Ecclesiam meam. Tu scilicet omnium primus me Christum filium Dei uiui confessus es, propterea que primus super Ecclesiæ fundamentum, ueluti firmissima quedam, & præcipua omnium petra, collocaberis, & ita ceteri, qui idem de me, quibusuis postea temporibus, sensuri sunt, super te ipsum disponentur, & a te tanquam a basi quadam dependent, nec aliter Ecclesiæ ædificio, ipsique propterea fundamento, quod ego sum, cohærebunt, nisi tibi per fidei, et religionis cæmentum annexi sint. in me igitur fundata Ecclesia, super te, primam illius petram, tanquam super alterum a me fundamentum, ædificabitur. scribens de hac Pastorũ iurisdictione Gregorius Nazanzenus, in concione, quam habuit coram Imperatore de Hieremiæ dictis, Lex, inquit, Christi, sacerdotali uos, nostræque subijcit potestati, atque iustis tribunalibus: dedit etiã et nobis potestatem, & principatum, multo perfectiorem uestris. et in-

Matth. 16.

1. Cor. 3.

Grego. Nazanzenus.

H fra.

fra . scio te ouem esse gregis mei , a Christo mihi summo Pastore adnumeratam , & a Spiritu sancto signatam . scio te inter sacra altaria cum ueneratione subiici sacerdotibus . scientiæ clauis usus est Petrus , cum per prædicationem tria Iudeorum millia cōuertit ad fidem : ordinis , cum Cornelium centurionem baptizauit , & Paulum gentium apostolum , data dextera , una cum Iacobo , & Ioanne ordinauit : iurisdictionis uero clauis usus est in synodo , ubi cum tractaretur de Iudæ proditoris morte , quid fieri deberet , non accepto , neque dato consilio , sed tanquam omnium princeps , præiudicata potestate , apostolis , ceterisque omnibus , qui aderant , dixit . oportet ergo ex his uiris , qui nobiscum sunt congregati in omni tempore , quo intrauit , & exiuit inter nos Dominus Iesus , incipiens a baptismo Ioannis , usque in diem quā assumptus est a nobis , testem resurrectionis eius nobiscum fieri unum ex istis . Paulus similiter per scientiæ clauem Titum una cum Timotheo , ea quæ fidei , & religionis sunt , docuit . per ordinis eundem Titum , & Timotheū , impositis manibus , apostolicæ dignitati adscribens , episcopos ordinauit . per iurisdictionis autem clauem , unum Crete , alterum uero Ephesi reliquit episcopos . Augustinus scribens contra aduersarium legis , clauēs Ecclesiæ , ligandi , soluendique potestatem interpretatur . quam sententiam secutus uenerabilis Beda , ait . Ecclesia ergo quæ fundatur in Christo , clauēs ab eo regni cælorum accepit in Petro , idest potestatem soluendi ,

A&amp;. 2.

A&. 10.  
Gal. 2.

A&amp;. 1.

Tit. 1. 2. 3.  
1. Timo. 1. &  
inde.  
2. Tim. 1.  
Tit. 1.

Lib. 1. c. 17.

Bed. super Ioā.  
c. 21.

uendi, ligandique peccata. et post pauca: Omnibus igitur sanctis ad Christi corpus inseparabiliter pertinentibus, propter huius uitæ procellosissimæ gubernaculum, ad liganda, & soluenda peccata, clauēs regni cælorum primus apostolorum Petrus accepit.

Ambrosius scribens de clauibus in hunc modum testatur. Nam Petro sicut bono dispensantori clauem regni cælestis dedit: Paulo tanquam idoneo doctore magisterium ecclesiasticæ institutionis iniunxit, ut quos iste erudierit ad salutem, ille suscipiat ad quietem: & quorum corda Paulus patefecerit doctrina uerborum, eorum animabus Petrus aperiat regna cælorum. clauem enim quodam modo a Christo scientiæ & Paulus accepit: clauis enim dicenda est, quæ ad fidem, peccatorum dura reserantur, mentium secreta panduntur, & quidquid intrinsecus clausum tenetur, in palam rationali manifestatione producitur: clauis, inquæ, est, quæ et conscientiam ad confessionem peccati aperit, & gratiam ad æternitatem mysteriorum salutaris includit. ambo igitur clauēs a Domino perceperunt, scientiæ iste, ille potentiæ. diuitias immortalitatis ille dispensat, scientiæ thesauros iste largitur. Ad hæc cum clauēs Ecclesiæ datæ sint, intra ipsam Ecclesiam operantur, non extra, quippe cum extra Ecclesiam peccata, ut inquit August. non remittantur. de quâ re ita scribit beatus Ambrosius. Ecclesia in utroque seruat obedientiam, ut peccatum & alliget, & relaxet: hæresis in altero immitis, in altero inobediens: uult ligare quod non resoluat, non uult

Ambr. de Natali apostolorum Petri & Pauli sermone. 66.

Ambr. uide de penit. c. dist. 1. c. uerbū Dei.

August. de penit. medicina homil. 50.

Ambr. lib. 1. de pen. c. 2.



*soluere quod ligauit : in quo se sua damnat sententia . Dominus enim par ius & soluendi esse uoluit , et ligandi , qui utrunque pari condicione permisit . Ergo qui soluendi ius non habet , nec ligandi habet . sicut enim secundum dominicam sententiam , qui ligandi ius habet , & soluendi habet : ita istorum assertio se ipsam strangulat , ut quia soluendi sibi ius negant , negare debeant & ligandi . quomodo igitur potest alterum licere , alterum non licere ? si quibusdam datum utrunque est , licere , aut utrunque non licere , certum est Ecclesiæ utrunque licere , hæresi utrunque non licere . ius enim hoc solis promissum sacerdotibus est . recte igitur Ecclesia uendicat , quæ ueros sacerdotes habet : hæresis uendicare non potest , quæ sacerdotes Dei non habet . non uendicando autem ipsa de se pronunciat , quòd cum sacerdotes non habeat , ius sibi uendicare nõ debeat sacerdotale . ita in impudenti contumacia pudentem cernimus confessionem . spectat etiam illud , quòd qui Spiritum sanctum accipit , & soluendi peccati potestatem , et ligandi accipit . sic enim scriptum est . Accipite Spiritum sanctum , quorum remiseritis peccata remittuntur , et quorum retinueritis , retenta sunt . Ergo qui soluere non potest peccatum , nõ habet Spiritum sanctum . munus Spiritus sancti est officium sacerdotis . ius autem Spiritus sancti in soluendis , ligandisque criminibus est . quomodo igitur munus eius uendicant , de cuius diffidunt iure , & potestate ? quid quòd insolentiores sunt ? nam cum ad misericor-*

Ioan. 20.

ricor-

ricordiam promptior quàm ad seueritatem sit spiritus Dei, quod ait se uelle, id nolunt, quod nolle, hoc agunt. cum uindicare iudicis sit, remittere misericordis. tolerabilius igitur Nouatiane remitteres, quàm ligares. aliud enim quasi delinquēti parcens usurpares, aliud quasi ærumnæ cōpassus ignosceres. Augustinus, Spiritum sanctum extra Ecclesiam neminem uiuificare, nullique peccata dimittere, una cum Ambrosio sentiens, alio quodam in loco his uerbis scribit. isti autē cum quibus agimus, uel de quibus agimus, non sunt desperandi, adhuc enim sunt in corpore: sed non quærant Spiritum sanctum nisi in Christi corpore, cuius habent foris sacramentum, sed rem ipsam non tenent intus, cuius est illud sacramentū, & ideo sibi iudicium manducant, & bibunt. Vnus enim panis sacramentum est unitatis, quoniam, sicut apostolus dicit, Vnus panis, unum corpus multis sumus. proinde Ecclesia catholica sola corpus est Christi, cuius ille caput est, saluator corporis sui. extra hoc corpus neminem uiuificat Spiritus sanctus, quia sicut ipse dicit apostolus, caritas Dei diffusa est in cordibus nostris per Spiritum sanctum, qui datus est nobis. non est autē particeps diuinæ caritatis, qui hostis est unitatis. nō habent itaque Spiritum sanctum, qui sunt extra Ecclesiam. de illis quippe scriptum est, qui se ipsos segregant animales, spiritum non habentes. sed nec ille eum percipit, qui fictus est in Ecclesia, quo modo deinde scriptum est. sanctus enim spiritus discipuli

Aug. Seleucia  
nz, epist. 50.

*ne effugiet fictum. qui ergo uult habere Spiritum sanctum, caueat foris ab Ecclesia remanere, caueat in eam simulate intrare. aut si iam talis intrauit, caueat in eadem simulatione persistere, ut ueraciter coalescat arbori uiti.*

## De absolutione, Cap. XIII.

**S**PECTAT ad hanc operis partitionem ut enarremus primum, quo ordine ad absolutionem deueniatur, et quid Ecclesia post Deum ea in re operetur. Item utrum malus sacerdos aequè ut bonus absoluat: & an omne peccatum remitti per sacerdotes in confessione possit: demum nunquid tanta sit Ecclesiae, ministrorumque eius facultas, ut pro uoluntatis libito, insontes damnare, & fontes absolvere ualeant. Item quæ preces absolutionem præcedant. Quatenus autem ad primam pertinet questionem, exploratissimum, et receptissimum est, hominem propter graue peccatum, quod mortale nuncupatur, spiritali uita destitui, & ita Deo, qui omnium rerum uita est, mori, mortuumque peccatorum uinculis irretitum, & scelerum funibus illaqueatum iacere: stipendium enim peccati, inquit apostolus, mors est. et funibus peccatorum suorum, ait sapiens, unusquisque constringitur. sed quid hic aget Ecclesiae medicus sacerdos? nunquid mortuum reuocabit ad uitam? & deinde ad confessionem peccati reuocatum adducet? at diuinum opus hoc

Rom. 6.  
Pro. 5.



hoc est : de Christo enim scribitur . Ego sum resurre- Ioan. 11.2  
ctio , & uita . et alibi . Mortui audient uocem filii Ioan. 5.  
Dei , & qui audierint , uiuent . monere potest medi-  
cus , terrere , adhortari , & una cum sororibus La-  
zari lugere , et dicere , Domine si fuisses hic , frater Ioan. 11.  
meus non fuisset mortuus : sed & nunc scio , quia  
quæcunque poposceris a Deo , dabit tibi Deus : sed  
resuscitare non potest . propterea scriptum est . Nun Psal. 87.  
quid medici suscitabunt , et confitebuntur tibi ? Chri-  
stus ergo peccatorem a peccati suscitatur morte : & si  
in cubiculo domus mortuus iacet , propterea quod Marc. 5.  
corde tantum ab eo peccatum fuerit , cordis penetra-  
lia per diuinæ gratiæ illuminationem ingreditur , &  
animam defunctam resuscitat . Quod si non tantum Luc. 7.  
corde deliquerit , uerum etiam operibus malas ani-  
mi deliberationes impleuerit , ad portam feretrum  
sistit , & adolescentem , qui ad sepulcrum obdura-  
tionis , et obstinatæ consuetudinis a quattuor carnis  
portitoribus effertur , ad uitam reuocat , & matri-  
uiduæ reuocatum restituit . At si nedum mente , et Ioan. 11.  
opere deliquerit , uerum etiam lapide obstinationis  
oppressus , in peccatis longo perseuerauerit tempore ,  
proptereaque in eis sepultus iaceat , & animæ  
uirtutibus putrefactis , suorum scelerum fetorem  
emittat , accedit ad sepulcrum Christus Iesus , &  
obdurationis lapidem primum mandat auferri , de-  
inde magna uoce ad mortuū exclamat : Veni foras :  
prodit ad hanc uocē statim is qui defunctus iacebat ,  
sed prodit ligatus manus , & pedes inslitis , et facie

sudario quoque obiecta : surgit mortuus , uerū quia  
 surgit ligatus , ambulare non potest , operari , cerne  
 re , et nutririnō potest : nō prodest igitur surrexisse ,  
 nisi soluatur , et ad incedendum aptus reddatur : pro  
 pterea ait Christus , soluite illum , et finite abire . qui  
 bus hoc mandat ? profecto apostolis , et eorū successo  
 ribus Ecclesiæ ministris mandat . iis enim dictū est :  
 quæcunque solueritis super terram , erunt soluta et  
 in calis : Christus igitur mortuum suscitatur , sed apo  
 stoli soluunt : ille uitæ restituit , hi peccatorum au  
 ferunt onus : ille ad Ecclesiam mittit , hi intra Eccle  
 siam recipiunt . hæc autem omnia quæ apostoli fa  
 ciunt , ut ministri Christi , & per uirtutem Spiritus  
 sancti faciunt . diuinum donum est non humana usur  
 patio : Dixit enim eis Christus , accipite Spiritū san  
 ctum , quorum remiseritis peccata , remittuntur eis ,  
 & quorum retinueritis , retenta . quod autem catho  
 lica sententia hæc sit , Audiamus obsecro Augusti  
 num orthodoxæ fidei præcipuum parentem , & ce  
 leberrimum propugnatorem . Quid prodest , inquit ,  
 Ecclesia , si iam confessor uoce dominica resuscitatus  
 prodit ? Quid prodest Ecclesia confitenti , cui Domi  
 nus ait , quæ solueritis in terra , soluta erunt & in  
 caelo ? ipsum Lazarum attende , cum uinculis prodit :  
 iam uiuebat confitendo , sed nondum liber ambula  
 bat , uinculis irretitus . quid ergo facit Ecclesia , cui  
 dictum est , quæ solueritis soluta sunt , nisi quod ait  
 Dominus continuo ad discipulos , soluite illum , &  
 finite abire . et alibi . Cum audis hominem penitere  
 pecca-

Matth. 18.

Ioan. 20.

Aug. sermone  
 8. de uerbis do  
 mini secundū  
 Matth.  
 Matth. 18.

Ioan. 11.

peccatorum suorum, iam renixit: cum audis hominem confitendo proferre conscientiam suam, iam de sepulcro eductus est, sed nondum solutus est: quando soluitur? a quibus soluitur? quæ solueritis, inquit, in terra, erunt soluta & in cælo. merito per Ecclesiam dari solutio peccatorum potest, suscitari autem ipse mortuus nõ nisi intus clamante Domino potest. et alio in loco. Etenim mortuus in corde tuo tanquam in sepulcro iacebas, & tanquam saxo malleæ consuetudinis grauaris. surge, & procede, & crede, & confitere. qui enim credit, surrexit: qui confitetur, processit. quare processisse dicimus confidentem? quia antequam cõfiteretur, occultus erat, cum autem confitetur, procedit de tenebris ad lucẽ; & cū confessus fuerit, quid dicetur ministris? quod dictum est ad funus Lazari: soluite illum & sinite abire. quo modo dictum est ministris apostolis, quæ solueritis in terra, soluta erunt et in cælo. & alibi. est pænitentia grauior atque luctuosior, qua proprie uocantur in Ecclesia pænitentes, remoti etiam a sacramentis altaris participandi, ne accipiendo indigne, iudicium sibi manducent, & bibant: illa uero pænitentia luctuosa est. graue uulnus adulteriũ forte cõmissum est, forte homicidium, forte aliquid sacrilegum, grauis res, graue uulnus, letale, mortiferum, sed omnipotens medicus est. iam post suggestionem facti, & delectationem, et confessionẽ, et perpetratiõẽ, quasi quatrIduanus mortuus putet. sed nec ipsum Dominus deseruit, sed clamauit: La-

Idẽ super psal.  
101.

Matth. 18.

Idem c. quinto  
super Ioannẽ  
tract. 22.

Ioan. 11.

Idem hom. 26.

Ioan. 11.

Zare



Matth. 18.

Grego. homil.  
26. super illa  
uerba Ioa. quo-  
rum remisere-  
tis peccata.

Ioan. 11.

zare ueni foras. cessit uoci misericordiae moles sepul-  
turae, cessit mors uitae, cessit infernus superno; ele-  
uatus est Lazarus, processit tumulo, et ligatus erat.  
sicut sunt homines in confessione peccati agentes pæ-  
nitentiam. iam processerunt a morte, nam non con-  
fiterentur, nisi procederent. ipsum confiteri ab oc-  
culto, & tenebroso procedere est. Sed quid Domi-  
nus Ecclesiae suae inquit? quæ solueritis in terra, so-  
luta erunt in caelo: proinde Lazaro procedente, quia  
impleuit Dominus misericordiae suae bonum, produ-  
cere ad confessionem mortuorum latentem, puten-  
tem, iam cetera implet Ecclesiae mysteria, soluite  
illum, & sinite abire. Et diuus Gregorius in eun-  
dem sensum: Causæ, inquit, pensandæ sunt, et tunc  
ligandi atque soluendi potestas exercenda. uidendū  
est quæ culpa, aut quæ sit penitentia secuta post cul-  
pam: ut quos omnipotens Deus per compunctionis  
gratiam uisitat, illos Pastoris sententia absoluat.  
tunc enim uera est absolutio præsidentis, cum æter-  
ni arbitriū sequitur iudicis. quod bene quatruiduani  
mortui resuscitatio illa significat: quæ uidelicet de-  
monstrat, quia prius mortuum Dominus uocauit,  
& uiuificauit dicens: Lazare ueni foras: & post-  
modum is qui uiuens egressus fuerat, a discipulis est  
solutus, sicut scriptum est: cumque egressus esset,  
qui fuerat ligatus institis, tunc dixit discipulis, sol-  
uite eum, & sinite abire. Ecce illum discipuli iam  
uiuentem solunt, quem magister resuscitauerat  
mortuum: si enim discipuli Lazarum mortuum sol-  
uerent,

uerent, factorem magis ostenderent, quàm uirtutē.  
 ex qua consideratione intuentum est, quòd illos nos  
 debemus per pastoralement auctoritatem soluere, quos  
 auctorem nostrum cognoscimus per suscitantem gra-  
 tiam uiuificare: quæ nimirum uiuificatio ante ope-  
 rationem reëctitudinis, in ipsa iam cognoscitur con-  
 fessione peccati: unde & huic ipsi mortuo Lazaro  
 nequaquam dicitur, reuiuiscere, sed ueni foras. omnis  
 quippe peccator dum culpam suã intra conscientia  
 abscondit, introrsus latet, in suis penetralibus oc-  
 cultatur: sed mortuus uenit foras, cum peccator ne-  
 quitias suas sponte confitetur. Lazaro ergo dicitur  
 ueni foras, ac si aperte cuilibet mortuo in culpa dice-  
 ceretur, cur reatum tuum intra conscientiam abscon-  
 dis? foras iam per confessionem egredere, qui apud  
 te interius per negationem lates. ueniat itaque fo-  
 ras mortuus, idest culpam confiteatur peccator: ue-  
 nientem uero foras soluant discipuli, ut pastores Ec-  
 clesie ei pœnam debeant amouere, quã meruit, qui  
 non erubuit cõfiteri quod fecit. Hæc de solutionis or-  
 dine breuiter dixerim, ut magno sub moderamine  
 Pastores Ecclesie uel soluere studeant, uel ligare.  
 hætenus diuus Gregorius. et Beda, scribens de La-  
 zaro resuscitato, quo modo processit, inquit, liga-  
 tis pedibus miraris? & non miraris, quia resurre-  
 xit quatrduanus? in utroque potetia Domini erat,  
 non uires mortui. processit, & adhuc ligatus, ad-  
 huc inuolutus, tamen foras iam processit. quid si-  
 gnificat? quando contemnis, mortuus iaces; & si  
 tanta

Bed. super Ioa:  
 c. 11.

tanta, quanta dixi, contemnas, sepultus iaces: quando confiteris, procedis. quid est enim procedere, nisi ab occultis uelut exeundo manifestari? sed ut cōfitearis, Deus facit uoce magna clamando, idest magna gratia uocando. ideo cū processisset mortuus adhuc ligatus, confitens, et adhuc reus, ut soluerentur peccata eius, ministris hoc dixit. soluite illū, et finite abire: quæ solueritis in terra, erunt soluta in cælis. potuit enim ligamenta soluere, qui mortuum resuscitauit: sed propter unitatē sanctæ Dei Ecclesiæ, et indiuiduam caritatem, dicitur ministris idest discipulis Christi, soluite eum, quia sine unitate catholicæ fidei, & caritate ecclesiasticæ sanctitatis, peccata nō soluuntur. Ex his ergo, quæ diximus, constat, quod ipsius tantum Dei est hominē, per internam cordis compunctionē excitare a morte: sed ad Pastores Ecclesiæ deinde spectat suscitatum a Deo soluere a peccatorū uinculis, pænā, ut ait Greg. amouere, quam meruit, & ab aliquo temporario etiā alterius sæculi flagello eruere, & liberare. hanc uero tā excellentem, et diuinā potestatem non indebite a se usurpatā, sed ut a Christo sibi gratuito elargitā, Pastores retinent, atque exercent. peccata enim nō dimittunt nisi in illa Spiritus sancti uirtute, quā una cum potestate diuinitus a Christo acceperunt, cum illis in apostolis dictum est, accipite Spiritū sanctū, quorum remiseritis peccata, remittuntur eis, et quorū retinueritis, retenta sunt. toto igitur aberrant celo ij qui asserunt, nequaquā per Pastores remitti peccata, sed tantum declarari

Thomæ 3. p. in  
add. q. 18. art. 2

Ioan. 20.



declarari remissa. hoc. n. modo falsa et alieno in sensu  
posita essent illa uerba Christi, cum dixit, quaecunq;  
solueritis super terrā, erunt soluta et in cælo. et ali-  
bi. quorum remisistis peccata, remittuntur eis. cū  
aliud omnino sit soluere, & remittere, aliud solu-  
tum, & remissum declarare, & illud ad iudicē, hoc  
uerius ad doctorem & expositorem pertineat. nec  
refert quod leprosi, quos Christus ad sacerdotes mi-  
sit, in uia antequam ad eos uenirent, mundati sint :  
quia sicut testamenti ueteris sacramenta signifi-  
cabant tantum gratiā, non etiam continebant; ita il-  
lius temporis sacerdotes monstrabant dumtaxat ho-  
mines a lepra mundatos esse, non tamen eos munda-  
bant. at nostris sacerdotibus, ut ex Chrysostomo su-  
pra diximus, non solum probare, sed etiam mundare  
non corporis, uerum animæ lepram concessum est.  
hunc errorem, ultra alios, ante nos Hugo & Ricar-  
dus de sancto Victore, eleganter, et apposite confu-  
tarunt. ait enim Hugo. Non dicit, quodcunque sol-  
ueris, hoc est ut illi aiunt solutum ostenderis, fuit so-  
lutum, sed erit solutum: quia sententiam Petri non  
præcedit, sed subsequitur sententia cæli. et post Pau-  
ca: ubi autem dixit, si ostenderis, scilicet solutum,  
fuit solutum? nusquam dixit hoc. sed dixit, si fece-  
ritis, id est si solueritis, erit solutum. & Ricardus.  
extat, inquit, quorundam de potestate ligandi, atq;  
soluendi sententia, ut ridenda uideatur potius quàm  
refellenda. putant enim, & prædicant, sacerdotes  
non habere potestatem soluendi, et ligandi, sed osten-  
dendi

Matth. 18.  
Ioan. 20.

Luc. 17.

Chrysost. lib. 2  
& 3. de sacerdotibus.

Hugo de sancto  
Victore lib. 2.  
de sacramen-  
tis p. 14. c. 8.

Ricard. c. 12. de  
potestate ligandi  
& soluendi.

dendi homines esse solutos, siue ligatos. Sed nunquid Dominus dicit, quodcunque ligatum ostenderis, erit ligatum, & quodcunque solutum ostenderis, erit solutum? Origenes dum exponit asinam, et eius pullum a discipulis Christi solutos, eidem se subscribit sententiæ, asserens quod sicut cum ascenderet Hierosolymam Christus, iussit apostolos ut utrumque iumentum soluerent, & ad se adducerent, ita cum esset ascensurus in cælum mandauit, ut peccata dimitterent, dans eis Spiritum sanctum, & dicens: quorum remisieritis peccata, remittuntur eis, & quorum retinueritis, retenta sunt. & Cyrillus super Ioannem, querens rationem, qua discipulis Christus potestatem remittendorum peccatorum, Dei solius propriam, sit elargitus, statim sibi ipsi respondens ait: Quia certe absurdum non est, peccata remitti posse ab illis, qui Spiritum sanctum in seipsis habeant: nam cum ipsi remittunt, aut detinent, spiritus, qui habitat in eis, per eos remittit, aut detinet. Cum autem queritur utrum malus sacerdos æque ut bonus absoluat, dubium non est, quod cum uterque potestate diuina, non facultate propria, aut meritis, peccatorem absoluat, æque uterque absoluit. dictum enim est a Christo, Accipite Spiritum sanctum, quorum remisieritis peccata, remittuntur eis, & quorum retinueritis, retenta sunt. cum igitur per Spiritum sanctum dimittantur peccata, impedimentum nullum est, quin ille tam per bonos, quam per malos ministros æque operari possit, quia

&

Origenes super  
Matth. c. 12. ho  
mil. 14.

Matth. 21.  
Marc. 11.

Ioan. 20.

Cyr. 12. in Ioā.  
c. 56.

lib. 4. sent. diff.  
19.

Ioan. 20.

& per Caypham Spiritus sanctus , propterea quod Ioan. 11.  
 esset sacerdos , locutus fuit : & Moyse decreta , ac le Matth. 23.  
 ges , etiã in pessimis Phariseis Christus defendit . diui  
 nũ itaq; institutũ hominis malitia nequaquã tollit ,  
 aut uariat . Quod autẽ non ab hominibus , sed per ho  
 mines dimittantur peccata , hoc est quod ministerio  
 tantũ hominis in dimittendis peccatis utatur Spiri  
 tus sanctus , asserit diuus Bernardus dum ait . *Claues*  
*regni celoru tam singulariter accepit , ut precedat*  
*sententia Petri sententiam celi : ac ipse quidem hoc*  
*auctoritate sua Deus efficit , sed in ea tamen re mini*  
*sterio sacerdotis utitur : itaque quidquid eius sacer*  
*dos facit , non sua propria , sed a Deo sibi concessa*  
*potestate facit . Confirmat hoc ipsum beatus quoque*  
*Augustinus , dum scribit . Sicut misit me Pater , et*  
*ego mitto uos . hoc cum dixisset , insufflauit , & di*  
*xit , Accipite Spiritum sanctum , si cui dimiseritis*  
*peccata , dimittentur , & si cui retinueritis , retine*  
*buntur : contra nos esset , ut cogeremur fateri ab ho*  
*minibus hoc non per homines fieri , si postquam di*  
*xit , & ego mitto uos , subiecisset continuo , si cui*  
*dimiseritis peccata , dimittentur , & si cui tenueri*  
*tis , tenebuntur . Cum uero interpositum est , hoc*  
*cum dixisset insufflauit , & ait illis , accipite Spiri*  
*tum sanctum , & deinde illatum , per eos uel remis*  
*sionem , uel retentionem fieri peccatoru , satis oster*  
*ditur , non ipsos id agere , sed per eos utique Spiri*  
*tum sanctum : sicut alio loco dicitur . non enim uos*  
*estis qui loquimini , sed Spiritus sanctus qui in uobis*  
 est

Bernardus fer  
 mone 1. in die  
 Petri , & Pauli  
 uide eũ in fer.  
 ctiam ad mili  
 tes templi.

August. contra  
 epistolam Par  
 meniani c. 11.  
 Ioan. 20.

Marc. 13.



est. Spiritus autē sanctus in Ecclesiā pręposito uel ministro sic inest, ut, si fictus non est, operetur per eum Spiritus sanctus, & adeius mercedem in salutem sempiternam; & eorum regenerationem, uel edificationem, qui per eum siue consecrantur, siue euangelizantur. scribit autem hæc Augustinus, dum contra Parmenianum probare nititur, quòd tam per bonos, quàm per malos dimittantur peccata. In eundem sensum diuus Ambrosius. Nunc uideamus, inquit, utrum peccata donet spiritus: sed hic dubitari non potest, cum ipse Dominus dixerit: Accipite Spiritum sanctum, quorum remiseritis peccata, remissa erunt. Ecce quia per Spiritum sanctum peccata donantur. homines autem in remissionem peccatorum, ministerium suum exhibet, non ius aliquius potestatis exercent. neque enim in suo, sed in patris, & filij, & spiritus sancti nomine peccata dimittuntur. isti rogant, diuinitas donat: humanum enim obsequium, sed munificentia supernæ est potestatis: in baptismo quoq; peccata donari non est ambiguum: in baptismo autē operatio patris, & filij, & spiritus sancti est. hæc Ambrosius, dum astruit tam in baptismo, quàm etiam in confessione, Spiritum sanctum dimittere peccata, uerum per homines Ecclesiæ ministros. ex quibus omnibus constat, quod cum peccata per homines, non autem ab hominibus dimittantur, per malos æque ac per bonos ministros Spiritus sanctus, qui ea dimittit, operatur. quia quemadmodum naturæ totius ordinem a Deo creatis

Ambr. lib. 3. de  
Spiritu sancto  
cap. 19.

creatis rebus præfixum, hominum peccata non mutant, aut uariant, sed semper idem ex Dei constitutione semel posita, illibatus seruatur, tam in celi & celestium cunctorum splendore, ac motu, quibus in subiecta quæque, & ipsos etiam homines, propter quos omnia creata sunt, operantur, quàm etiam in temporum successione, elementis, et uniuersis rebus, quæ ab eis compositæ sunt: ita etiam relictum à Deo hominibus propter homines spirituale institutum, ut per sacerdotes in ecclesia remittantur peccata, hominum peccata mutare, & uariare non possunt.

De eo uero, quod quæritur, utrum omne peccatum remitti per sacerdotes possit, sciendum est Christum, unum tantum, quod in Spiritum sanctum dicitur, a remissionis exclusisse remedio. Ioannes apostolus, prædilectus discipulus, qui in sinu eius recumbens, secreta celestia didicit, et enarrauit nobis, peccatum ad mortem hoc uocat, & quoniam remissionem non habet, orari pro eo negat, dum ait: qui scit fratrem suum peccare peccatum non ad mortem, peccat, & dabitur ei uita peccanti non ad mortem. est peccatum ad mortem, non pro illo dico, ut roget quis: omnis iniquitas peccatum est, & est peccatum ad mortem. peccat autem in Spiritum sanctum quis pluribus modis, uerum absque remissionis spe his tantum scilicet dum aut Christi fidem, & agnitam Spiritus sancti ueritatem ex professo, consuloque oppugnat, & in oppugnatione obstinato animo perseverat, aut maius appellat peccatum suum, quàm

Matth. 12.

Ioan. 5.

Aug. Bonifacio comiti. de moderate coercent. hæc. epist. 50. circa finem.

I per

Matth. 12.

Gen. 4.

Matth. 27.

Hebr. 6.

per Spiritum sanctum, a quo omne donatur peccatum, remitti possit: primo modo peccarunt Iudæi, dum Christum ex miraculis agnitum, & in uirtute Spiritus sancti operantem expellentemq; demonia, in Beelzebub tamen, demoniorum Principe, illum hoc facere asseuerarunt, et ea in obstinatione perseuerarunt. altero peccauit Cain, dum dixit, maius est peccatum meum, quam ut dimittatur. & Iudas Ischarioth, qui de immensa Spiritus sancti caritate diffidens, agnito peccato, non supplex ad diuinam misericordiã accessit, sed illud irremissibile ratus, abiit longe ab ea, et laqueo se suspendit. nõ remittitur ergo peccatum, quod aut non emendatur, aut remitti non posse putatur, quia in Spiritum sanctum peccat, & in eo peccato perseuerat, qui aut Spiritum sanctum obstinatus oppugnat, aut eum remittere non posse peccatum a se perpetratum existimat. itaque dum aut impugnando, aut etiam detrahendo offendit, indignus fit, ut ab eo per remissionem iuuetur, cum nullum peccatum, nisi quis ab eo se subtrahat, & remissibile existimet, remittatur. nihil aliud igitur est peccatum in Spiritum sanctum, & quod ad mortem uocat apostolus, nisi impenitentia & desperatio perpetua. Nouatus hæreticus, lapsis omnibus post baptismum, penitentiam & remissionem omnium peccatorum (dum male Paulum ad Hebræos intelligit) negauit, & ita per sacerdotes absolui non posse contendit. eius uero sectatores, dum tantam præceptoris acerbiter risu, & indignatione



tione ab omnibus exceptam uiderent, paululum non tamen plene se corrigentes peccata dumtaxat, quæ ad mortem uocat apostolus, a remissionis uenia excludebant, asserentes hæc per sacerdotes nullo modo dimitti posse. Verum & ipsi quoque errabant, quia omne graue peccatum, peccatum ad mortem appellabant, et a remissionis uenia reijciebant, contra errorem hunc acriter D. Ambrosius inuehitur, & inter alia, quæ ad confutandum illum profert, ita quodam in loco scribit. sed aiunt se exceptis grauioribus criminibus, relaxare ueniam lenioribus: nõ quidem auctor uestri erroris Nouatus ait, qui nemini penitentiam dandam putauit, ea scilicet contemplatione, ut quod ipse non posset soluere, nõ ligaret: ne ligando sperari a se faceret solutionem. in eo igitur patrem uestrum propria damnatis sententia, qui distinctionem peccatorum facitis, quæ soluenda a uobis putetis, & quæ sine remedio esse arbitremini. sed Deus distinctionem non facit, qui misericordiam suam promisit omnibus, & relaxandi licentiam sacerdotibus suis sine ulla exceptione concessit: sed qui culpam exaggerauerit, exaggeret etiam penitentiam: maiora enim crimina maioribus abluuntur fletibus. ita nec Nouatus probatur, qui ueniam interclusit omnibus, nec uos imitatores eiusdem & condénatores, qui ibi minuitis studia penitentiae, ubi augeri oportet, quia grauiora peccata maioribus sustentanda fulcris docuit Christi misericordia. Constantinus Magnus Imperator, dum esset in Nicena Synodo, Acesium Nouatiam

Ambros. lib. 1.  
de penit. c. 2.

Socr. lib. 3. histo. trip. c. 13.

num episcopum conueniens, de eodem reprehendit errore, uti Socrates in hæc uerba testatur. Porro de-  
nuo Imperatore requirente, cur ergo te o Acesi a  
communione separas? ille ea quæ sub Decio gesta  
sunt persecutionis tempore, replicauit, & subtilita-  
tem acerbissimæ regulæ deduxit ad medium: quòd  
non oporteat eos, qui post baptismum peccant pecca-  
tum, quod ad mortem esse scripturæ diuinæ pronun-  
tiant, cōmunicatione sacramentorū fieri dignos, sed  
inuitandos quidem ad penitentiam, spem uero remissio-  
nis, non a sacerdotibus, sed a Deo solummodo sustine-  
re, qui potestatem habet peccata remittere. hæc cum  
dixisset Acesius, Imperator ait, o Acesi, pone sca-  
lam, & si potes, ascende solus in calum. Reprehen-  
dit hunc eundem Nouatianorum, qui cathari a mun-  
ditie, ut ipsi gloriabantur, cognominati sunt, erro-  
rem, Epiphanius Cypri Salaminæ episcopus, diui  
Hieronymi amicissimus, eoque in loco uocalis con-  
fessionis, quæ sacerdotibus fit, mentionem etiam facit.  
Nullum peccatum igitur est, quòd per penitentiam  
a sacerdotibus remitti nō possit. dum dico per pæni-  
tentiam, peccatum in Spiritum sanctum, quod est ir-  
remissibile, excludo, hoc est impenitentiam, & de-  
sperationem: quæ in penitente non sunt. prima non  
est quia penitet, altera quia nisi remissionem spera-  
ret, non peniteret. Penitentia uero tres in se conti-  
net partes, contritionem, confessionem, & satisfac-  
tionem. contritio est cordis, confessio oris, satisfac-  
tio operis: per contritionem Deum, per confessio-  
nem

Epiphanius cō-  
tra catharos.

nem Deum et Ecclesiam, per satisfactionem Deum, Ecclesiam, et offensam a nobis placamus partē. Vbi ergo uera penitentia adest, nullum peccatum sine remissione est. At quamuis omne peccatum dimittatur, illud tamen quod grauius est, maiorem sibi postulat penitentiam. Triburiensis Synodus latrones, & prædones etiam recipit post confessionem, dum ait. Fures, & latrones si in furando, & prædando occiduntur, uisum est pro eis non orandum: si comprehensi, aut uulnerati presbytero confessi fuerint, communionem eis non negamus. In absoluendo autem magna debet esse sacerdotum discretio, ut non facile quemquam absoluant, nisi illum peccati peniteat, & animi dolorem aliquo exteriori explicet signo. quia solui ab homine non potest, qui primus a Deo suscitatus non est. tunc enim (ut inquit Gregorius) uera est absolutio sacerdotis cum superni arbitrium sequitur iudicis. Christus Mariam Magdalenam, omni scelerum genere irretitam, non absoluit nisi post lacrymas, & animi contritionem: & Dauid audire non potuit a propheta Nathan, Dominus transtulit peccatum tuum, nisi postquam ipse ingenti cum dolore confessus est se peccasse. ligandus est itaque primum peccator, & penitentie legibus subiiciendus, postremo a peccatorum uinculis absoluentus. facit hoc quotidie Deus, qui filios suos ideo punit, & cruciat, ut recipiat, & misereatur. fecit hoc Paulus apostolus, dum pessimum illum hominem incestuosum, qui cum nouerca patris uxore

Triburiē. syn.  
cap. 5. citatur  
a Burchar. lib.  
11. c. 59.

Luc. 7.  
2. Reg. 12.

1. Cor. 5.



apud Corinthios nefando contubernio iungebatur, extra cœtum ecclesiæ, eo quod inuulgatum esset crimen, proijciendo, tradidit Sathana in interitum carnis. at quare tradidit? ipsum audiamus apostolum: ut spiritus, inquit, saluus sit in die domini nostri Iesu Christi: ergo carnem uerberat, ut saluet animam; mortificat, ut uiuificet; deducit ad inferos, ut reducat; ligat, ut postremo absoluat: clauis enim ligaminis, Moysi tenet locum, Christi uero ea quæ est solutionis: propterea Moyses percutit, & peccatum ostendit, ut quis ad Christum pro solutione recurrat. Vis scire quod Paulus qui Moysi primum uices ligando tenuit, Christi postea absoluendo tenuerit. audi quid ipse erga huiusmodi fecerit incestuosum. sufficit, inquit, illi qui eiusmodi est, obiurgatio hæc quæ fit a pluribus: ita ut econtrario magis donetis, & consolemini, ne forte abundantiori tristitia absorbeatur, qui eiusmodi est. propter quod obsecro uos, ut confirmetis in illum caritatem: ideo enim & scripsi uobis ut cognoscam experimentum uestrum, an in omnibus obedientes sitis: cui autem aliquid donastis, & ego: nam & ego quod donauit, si quid donauit, propter uos in persona Christi, ut non circumueniamur a Sathana: non enim ignoramus cogitationes eius. Audis quod donauit, & remisit peccatum: at qua nam auctoritate donauit? in persona, inquit, Christi, hoc est potestate a Christo sibi collata, non autem a se usurpata, menti enim tenebat apostolus uerba illa Christi. Accipite Spiritum

1. Reg. 2.

2. Cor. 3.

Ioan. 20.

ritum sanctum, quorum remiseritis peccata, remittuntur eis: sed quando donauit, & quare donauit? donauit utique post penitentiam, et donauit, ne abundantiori tristitia absorberetur is qui ab eo ligatus fuerat: sed quare non absoluit Hymenæum, et Alexandrum ararium, quos similiter ligauerat, et Sathanae tradiderat? utique quia non resipuerant, & penitentiam de blasphemia non egerant. qui ergo peccatum non deserit, & de peccato penitentiam non agit, absolui nullo modo potest: infantes itaque damnare, & fontes non penitentes absolvere ecclesiæ clauis non ualet. ligandum enim est (ut scribit Clemens martyr) quod oportet ligari, et soluendum quod expedit solui. Apostoli, ut ex Nicena altera Synodo apparet, damnant presbyterum, qui conuersum, & penitentem peccatorem non recipit & absoluit. ita enim scribunt. Si quis presbyter eum, qui a peccato conuertitur, non receperit, sed reijcit, deponitor. Siquidem Christum offendit, qui gaudium in calo super peccatorem resipiscentem oboriri dixit: & beatus Hieronymus reprehendit episcopos, & presbyteros, qui uel damnant, uel absolunt immeritos: ait enim dum uerba illa Christi exponit: Et tibi dabo clauis regni calorum, & quodcunque ligaueris super terram erit ligatum & in calis, et quodcunque solueris super terram erit solutum & in calis: istum locum episcopi, & presbyteri non intelligentes, aliquid sibi de Phariseorum assumunt supercilio, ut uel damnent innocentes, uel soluere se no-

1. Timoth. 1.

Thomæ 3. p. in addit. q. 18. ar. 4.

Clemens epist. 1. ad Iac. fratrem Domini

Canō apost. 51 citat. a Nicena Syn. 2. actione 1. uerū citatur pro canone 53.

Hier. super Matth. c. xvi.

Leu. 14.

xios arbitrentur: cum apud Deum non sententia sacerdotum, sed reorum uita quærat. legimus in Leuitico de leprosis, ubi iubentur, ut ostendant se sacerdotibus, et si leprâ habuerint, tunc a sacerdote immun di fiant: non quo sacerdotes leprosos faciât, et immun dos, sed quo habeant notitiam leprosi, et non leprosi, et possint discernere qui mundus, quique immundus sit. quo modo ergo ibi leprosum sacerdos mundum, uel immundum facit, sic et hic alligat, uel soluit episcopus, & presbyter, non eos qui in fontes sunt, uel no xij, sed pro officio suo, cum peccatorum audierit uarietates, scit qui ligandus sit, quique soluendus. Hæc beatus Hieronymus: cui Magnus Gregorius se subscribens, non solum reprehendit pastores, qui uel odij uel inimicitiarum causa ligant innoxios, uel gratiæ, & beneuolentiæ comparandæ studio noxios sine ulla criminum satisfactione absoluunt: uerum etiam illos indignos fieri, qui amplius sacerdotalem ligandi, soluendique potestatem exercent, asseuerat, ait enim. Et plerumque contingit, ut hic iudicij locum teneat, cui ad locum uita minime concordat: ac proinde sæpe agitur ut uel damnet immeritos, uel alios ipse ligatus soluat: sæpe in soluendis ac ligandis subditis, suæ uoluntatis motus, non autem causarum merita sequitur: unde fit ut ipsa hac ligandi, & soluendi potestate se priuet, qui hanc pro suis uoluntatibus, non pro subiectorum meritis exercet. sæpe fit, ut erga quemlibet proximum odio, uel gratia mouea tur pastor: indicare autem de subditis digne nequeant, qui

Greg. homi. 26  
super illa uer  
ba Ioã. quoru  
remiseritis pec  
cata, remittun  
tur eis.



qui in subditorum causis sua uel odia, uel gratiam  
sequuntur: unde recte per prophetam dicitur, morti-  
ficabant animas, quæ non moriuntur, & uiuifica-  
bant animas, quæ non uiuunt. non morientem quip-  
pe mortificat, qui iustum damnat, & non uicturum  
uiuificare nititur, qui reum a supplicio absolvere co-  
natur: causæ ergo pensandæ sunt, & tunc ligandi,  
atque soluendi potestas exercenda. At quamuis ini-  
usta pastorum sententia sit, & a rationis tramite re-  
cedat, timenda nihilominus est, quia bonarum men-  
tium est timere culpam, ubi culpa non inuenitur. ual-  
de, inquit *Vrbanus martyr*, timenda est sententia  
episcopi, licet iniuste liget aliquem, quod tamen sum-  
mopere præuidere debet. & *beatus Gregorius*. Sed  
utrum iuste, an iniuste obliget pastor, pastoris tamē  
sententia gregi timenda est: ne is qui subest, et cum  
iniuste forsitan ligatur, ipsam obligationis suæ sen-  
tentiam ex alia culpa mereatur. Pastor ergo uel ab-  
soluere indiscrete timeat, uel ligare. is autem, qui  
sub manu pastoris est, ligari timeat uel iniuste, nec  
pastoris sui iudicium temere reprehendat: ne, etsi  
iniuste ligatus est, ex ipsa tumidæ reprehensionis su-  
perbia, culpa, quæ non erat, fiat. Ante uero quàm  
ad absolutionem perueniretur, presbyter aliquas ad  
Deum deuote, & magna cum humilitate præmitte-  
bat orationes. earum autem non una ubique terra-  
rum erat forma, quamuis una esset precantium  
omnium intentio. Extat apud *Ansegisum abbatem*  
synodus quædam sub *Carolo magno* celebrata, in qua  
de

Ezech. 13.

*Vrbanus Papa*  
martyr epist. 1*Greg. hom. 26.*  
super illa uer-  
ba quorum re-  
miseritis pec-  
cata.*Ansegisus lib.*  
5. c. 51.

de huiusmodi precibus mētio his uerbis habetur: ut nemo sacerdotum populi sibi peccata confitentiū si- ne auctoritate canonum iudicare præsumat: & ut quando unicuique quisquam sacerdos sibi scelera sua confitenti iuxta prædictum canonicum modum pænitentiam tribuit, si is comam dimiserit, aut habitū mutauerit, manus ei secundum canonicam auctori- tatem imponat, cum orationibus, quæ sacramenta- rio ad dandam pænitiētiā cōtinentur. si uero occul- te, & sponte confessus fuerit, & occulte fiat. si pu- blice, aut manifeste cōuictus, aut confessus fuerit, publice, ac manifeste fiat, & publice coram ec- clesia iuxta canonicos pæniteat gradus. post per- actam uero secundum canonicam institutionem pæni- tentiam, occulte, aut manifeste canonicè reconcilie- tur, et manus ei cum orationibus, quæ in sacramen- tario ad reconciliandum pœnitentem continentur, imponatur, ut diuinis precibus, & miserationibus absolutus a suis facinoribus esse mereatur. Burchardus Vormatiensis in Germania episcopus, uir doctus et pius, & orthodoxæ fidei propugnator acerrimus, (utinam tales hodie Germania nobis progigneret) normam quandā orandi hac in re præfixit. est autē huiusmodi. Tunc prosternat, inquit, se pœnitens in terram, & cum lacrymis dicat. Et in his, et aliis uitiis, quibuscunque humana fragilitas cōtra Deū & creatorem suum, aut cogitando, aut loquendo, aut operando, aut delectando, aut concupiscendo peccare potest, in omnibus me peccasse, & reum  
in

in cōspectu Dei super omnes homines esse cognosco,  
 et confiteor : humiliter etiā te sacerdos Dei exposco,  
 ut intercedas pro me, & pro peccatis meis ad Do-  
 minum & creatorem, quatenus de his, & omni-  
 bus sceleribus meis ueniam, & indulgentiam conse-  
 qui merear. Deinde sacerdos cum pœnitente proster-  
 nat se in terram, et decantet hos sequentes psalmos.  
 Imprimis dicat psalmum trigesimumseptimum to-  
 tum, Domine ne in furore tuo : & postea dicat, ore-  
 mus : & cantet psalmum centesimum undecimum,  
 Benedic anima mea Domino . et iterum dicat , ore-  
 mus . & cantet Psalmum quinquagesimum, Mife-  
 rere mei Deus . Post hæc cantet psalmum quinqu-  
 gesimum tertium, Deus in nomine tuo, et dicat, ore-  
 mus ; & cantet psalmum quinquagesimum pri-  
 mum, Quid gloriaris in malitia . tunc dicat has  
 subsequentes orationes .

Deus, cuius indulgentia nemo non indiget, me-  
 mento famuli tui N. qui lubrica terreni corporis  
 fragilitate nudatus est : quaesumus, da ueniam confi-  
 tenti, parce supplici, ut qui suis meritis accusatur,  
 tua miseratione saluetur. Per Dominū nostrū &c.

Domine sancte Pater omnipotens æterne Deus,  
 qui per Iesum Christum filium tuum, dominum no-  
 strum, uulnera nostra curare dignatus es, supplices  
 rogamus, & petimus ut precibus nostris aurē tuæ  
 pietatis inclinare digneris: qui etiā remittis omnia  
 crimina, & peccata uniuersa condonas, da quasi-  
 mus huic famulo tuo Domine pro suppliciis ueniā,

pro



pro mærore letitiam, pro morte uitam: ut de tua misericordia confidens peruenire mereatur ad uitã eternam. Per eundem Dominum nostrum &c.

Omnipotens & misericors Deus, qui peccatorum indulgentiam in confessione celeri posuisti, succurre lapsis, miserere confessis, ut quos delictorum catena coustringit, magnitudo tuæ pietatis absoluat. Per eundem Dominum nostrum &c.

Precor Domine clementiæ, & misericordiæ tuæ maiestatem, ut famulo tuo N. peccata & facinora sua confitenti, debita relaxare, et ueniam præstare digneris, & præteritorum criminum culpas indulgere. qui humeris tuis ouem perditam reduxisti, qui publicani precibus, & confessione placatus es: tu etiam Domine huic famulo tuo placatus esse digneris: tu huius precibus benignus aspira, ut in confessione placabilis permaneat. Fletus eius, & petitio perpetuam clementiam tuam celeriter exoret. sanctisque altaribus restituas, spei rursus æternæ, ac celesti gloriæ mancipatum. Qui uiuis, & regnas &c.

Deus omnipotens sit adiutor, & protector tuus, & præstet indulgentiam de peccatis tuis præteritis, præsentibus, & futuris. Amen. Peractis orationibus imposita manu pænitens absoluebatur, ea scilicet uerborum forma, quæ infra sequenti capite statim adscribetur. Neminem autem absque manus impositione absolui solitum esse, synodus quædam sub Carolo Magno celebrata, his uerbis testatur. si-

ne

Ansegisus ab-  
bas lib. 5. statu-  
torum Caroli  
magni c. 51.

ne manus, inquit, impositione nemo absoluitur ligatus, & ideo Dominus et magister noster discipulis suis, ac successoribus eorum ligandi, ac soluendi dedit potestatem, ut peccatores ligandi habeant potestatem, & penitentiam condigne agentes absoluerunt, ut peccata cum diuina inuocatione dimitti queant: nec mirum hoc. quod si homines suis seruiscunt potestatem de subditis ligandi, atque soluendi, & nocendi, et adiuuandi apud se, quanto magis Dominus omnium hominum hanc potestatem potestatum prepositis sanctæ Ecclesiæ dedit, dicens, accipite Spiritum sanctum, quorum remiseritis peccata remittuntur eis, & quorum retinueritis retenta sunt. Ioan. 20.

De forma, & materia, & quod confessio sacramentum est.

Cap. XIII.

**P**ENITENTIAE sacramentum a Christo institutum esse superius enarrauimus: nam non solum Petro, & in Petro Ecclesiæ omni quæ super ipsum ædificata est, clauis regni cælorum, & soluendi, ligandique is tradidit potestatem: uerum etiam ad apostolos omnes erudit, & clarissimis uerbis loquens, dixit. Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt. his autem uerbis tam formam, quàm etiam materiam sacramenti confessionis significanter expressit. Matth. 16.  
Ioan. 21.  
Ioan. 20.

forma

Matth. 18.

Matt. 28.

forma est: Ego te absoluo in nomine patris, et filij, et Spiritus sancti. hæc autem forma elicitur ex illis uerbis, quæcunque solueritis, erunt soluta; sicut forma baptismi, qua dicitur; ego te baptizo in nomine patris, & filij, & Spiritus sancti, ducitur ex illis: Baptizantes eos in nomine patris, & filij, & Spiritus sancti. Materia autem duplex est, propinqua, & remota: sicut in statuis conflagandis, propinqua materia est metallum, aqua uero remota. remota materia sunt penitentis peccata, quatenus tamen detestanda, & reiicienda sunt, non quatenus amplectenda. at quamuis ea penitens detestetur, materiam tamen præbent confessioni faciendæ. nam & mali, corruptique in corpore humores phar-  
 macis adhibendis materiam præbent, ut expellantur tamen e corpore, non ut permaneant. Proxima autem materia sunt actus ipsius penitentis, cum de præteritis sceleribus contritus firmo etiam proposito non solum a peccatis omnibus abstinendi, uerum etiam de illis satisfaciendi, ad confessionem accedit. Actio ergo penitentis materia loco hic est, quemadmodum in matrimonij quoque accidit sacramento. In alijs uero quinque sacramentis, substantiæ quædam exteriores sunt, quibus patitur, non autem agit nisi per accidens, is qui in illis sanctificatur. & hæc substantiæ materiæ locum obtinent. nam in baptismo est aqua, in confirmatione chrisma, in eucharistia panis & uinum, in extrema unctione, & ordine olei unguentum; nec mirum, cum in medi-  
 nis,



nis, quæ corporibus sanandis adhibentur, idem eueniat: interdum enim ut curetur, ægrotus patitur, interdum uero agit. patitur dum ei ulcus rumpitur, & præciditur, dum perforatur abscessus, aut membrum secatur: agit dum corporis exercitatione sanatur. cum igitur materiam, & formam habeat penitentia, & inuisibilem gratiam, quæ est peccatorum remissio, in se contineat, per uisibile signum, quoddam actus ipsius penitentis, passioni per accidens admixti, & sacerdotalis manus impositio sunt, dilucide apparet, quod penitentia sacramentum sit. An non sacramentum dicemus illud, quod tanta obseruatione, & accuratone a saluatore nostro Christo est institutum? Pacem primum annunciat, idque non semel, sed iterum, atque iterum facit, ut inde sciremus quod pax, quæ per unam tantum remissionem peccatorum in animis fidelium nascitur, primo per baptismum, deinde per confessionem acquiratur. non est pax impijs, dicit Dominus. Ioan. 20. at hoc nomine tam is qui non credit, quam etiam is qui credit, sed de peccatis conteri, & penitentiam agere recusat, intelligitur. Hæc cum dixisset, insufflauit. Magnum profecto mysterium: non enim insufflauit, ut uita inde apostolis elargiretur, quemadmodum insufflauit in Adam, cum inspirauit in eum spiraculum uitæ, & factus est, ut inquit apostolus, in animam uiuentem: sed insufflauit in eos Spiritum sanctum. propterea continuo post insufflationem adiunxit, Accipite Spiritum sanctum. quid ad-

Ioan. 20.

Isa. 48.

Gen. 2.

1. Cor. 15.

Pfal. 118.  
Pfal. 106.

Pfal. 32.

Luc. 15.

Eph. 5.

2. Cor. 6.

adlatabunt hic græci, qui Spiritum sanctum a filio non procedere tam obstinato animo asseuerant? si inspiratur a filio, necesse est ut a filio quoque procedat: propterea Dauid propheta, os Domini, & uerbum Domini filium uocat, ipsum uero Spiritum sanctum, Spiritum oris eius appellat, cum ait. Verbo Domini cæli firmati sunt, & spiritu oris eius omnis uirtus eorum. An non igitur sacramentum, ubi Spiritus sanctus tam clare dimittendo peccata operatur? ubi peccatum tam dilucide constat dimitti? ubi quis Deo, & Ecclesiæ reconciliatur? ubi in cælo maius gaudium fit, quàm supra nonaginta nouem iustis, qui non indigent penitentia. Si matrimonium, magnum uocat apostolus sacramentum, propterea quòd nobis referat Christi, & Ecclesiæ coniunctionem, cur non eadem ratione penitentia nobis sit sacramentum, cum per eam significanter in Ecclesia explicetur, nouam Dei & animæ, a qua se ille propter peccatum subtraxerat, coniunctionem? quippe cum is qui adhæret Deo, unus spiritus est cum eo? Accedit ergo præclarum, & diuinum Ecclesiæ uerbum, cum dicitur, Ego te absoluo, ad elementum, hoc est ad actus penitentis, & fit sacramentum: Aqua in baptismo sicut nihil prodest, et sordes tantum corporis mundare, non etiam animæ potest, nisi accedat diuinum illud uerbum, Ego te baptizo in nomine patris, & filij, & Spiritus sancti. ita & hic actus ipsius, sordes, ieiunia, & gemitus penitentis, quid essent nisi squalores, & corporis cruciatus

ciatus uerius, & tormenta, nisi, ubi facultas sup-  
petit, accederet præclarum illud uerbum Ecclesiæ:  
Ego te absoluo in nomine patris, & filij, & Spi-  
ritus sancti. Verbum ergo Christi, diuina utique po-  
testas, quam uti pretiosissimum pharmacum ad cu-  
randos animarum morbos, ipse reliquit Ecclesiæ,  
necessarium est: sed tantum dic uerbo, inquit centu-  
rio, et sanabitur puer meus. Verbum Dei filius Dei  
est, qui nouissimis temporibus propter nos homines,  
& propter nostram salutem descendens e caelo,  
incarnatus est de Spiritu sancto, natus ex Maria  
uirgine: propterea sicut omnia per ipsum uerbum  
facta sunt, & sine ipso factum est nihil eorum quæ  
in mundo facta sunt, ita etiam nihil est in Ecclesia,  
credentium saluti necessarium, quod per ipsius uer-  
bi uerbum non fiat. hoc autem ea ratione institutum  
est, ut in omnibus rebus siue corporeis, siue incorpo-  
reis, & spiritualibus, agnoscamus Christum Dei  
uerbum, & Dei uirtutem: qui omnia in omnibus  
operatur, & ut eum in omnibus ueneremur, am-  
plectamur, & adoremus, qui peccata nostra per-  
tulit in corpore suo, & cuius liuore sanati sumus.  
Sacramenta ergo nō auferunt neque offuscant Chri-  
sti gratiā, ut falso cauillantur hæretici, immo con-  
ferunt, & ueluti tubi quidam diuini, e caelo eam ad  
nos in Ecclesiam ducunt. qui igitur sacramenta ab  
Ecclesia tollunt, ipsi gratiam auferunt, propterea  
quod illius diruunt instrumenta. nō est ergo cur tan-  
topere se solos gratiæ defensores, & præcones esse

Luc. 7.

Ioan. 1.

1. Cor. 12.



Matth. 16.

Prou. 9.

iaſtitent, cum ipſi gratiam, ipſi Spiritum ſan-  
ctum, ipſi remiſſionem peccatorum ab Eccleſia de-  
turbent, atque eliminent. ſed quid inquam elimi-  
nant? immo Eccleſiam omnē diruunt, cum Petrum  
Eccleſiæ petram, cui totum poſt fundamentum Chri-  
ſtum ædificium nititur, e fundamento ſubducant,  
cum ſeptem Eccleſiæ columnas, hoc eſt ſeptem Ec-  
cleſiæ ſacramenta, quibus diuina ſapientia, Dei ſci-  
licet uerbum, domum ſibi, ut ait Salomon, extru-  
xit, prorsus conuellant, atque euerant: & quam-  
uis Eccleſiæ fundamentum Chriſtum retinere ſe ia-  
ſtitent, ſine fundamento tamen ſunt, quia ſicut Ec-  
cleſia non eſt niſi ſupra fundamentum, ita etiam  
fundamentum non eſt extra Eccleſiam.

## De Abusu, Cap. XV.

NIHIL eſt in Eccleſia tam ſanctum, &  
tam diuine inſtitutum, quod eo mali, &  
iniqui homines interdum non abutantur.  
Chriſti ſatisfactione, quam is pro abolendis totius  
humani generis peccatis, cum tanta ſanguinis effu-  
ſione, egit in cruce, reperiri ne aliquid ſanctius, &  
diuinius poteſt? non proſecto. Et tamen homines,  
qui ſenſus non ſpiritus ductum ſequuntur, in occaſio-  
nem carnis, & deſidiæ illam (ut infra dicemus) ac-  
cipiunt: & ita quod ad uitam inſtitutum remedium  
eſt, fit uenenum ad mortem. hoc autē Moyſi etiam  
legi eueniſſe, apoſtolus ad Romanos commemorat,  
cum

Rom. 7.

cum ait. inuentum est mihi, mandatum quod erat ad uitam, hoc esse ad mortem: nam peccatum occasione accepta per mandatum seduxit me, & per illud occidit. idem prorsus euenire in eucharistiæ sacramento omnibus constat; quia quamuis pro alimento, et salute animarum, ueluti glutinum quoddam, quod nos una cum Christo, quem in eo uere, ac re ipsa sumimus passionis illius interea memores, coniunctos et unitos retineat, sit institutum; nihilominus is qui indigne ad illud accedit, iudicium sibi manducat, & bibit. hoc autem non contingit ex ipsius remedij defectu, uerum ex abutentis culpa. idem quoque multis modis in penitentiae sacramento euenire posse, neminem dubitare existimo. Diuus Ambrosius reprehendit eos, qui nullam aliam penitentiam agunt, nisi quod se a sacramentis tantum abstinant, eosque miseros interea appellat, qui cum deberent eam agere, ut communionem acciperent, nolunt tamen, ut non communicent. Alibi inuehitur in eos, qui cum a sacerdotibus corripuntur, peccatum suum aggrauant, dum negare cupiunt, aut defendere; asserens quod eorum lapsus ibi sit maior, ubi speratur correctio. Gregorius malos sacerdotes, qui iniuste ligant, absoluuntque homines, taxat; cum non causarum merita, sed uoluntatis dumtaxat sue motus sequuntur. diuus Augustinus Auxilium episcopum reprehendit, quod una anathematis sententia omnes unius domus animas, etiam quæ non peccauerint, indistincte percussit.

1. Cor. 11.

De penit. dist.  
1. c. sunt qui.Ambr. in Apologia Dauid c.  
2.Grego. homil.  
26. super ea  
uerba, quorum  
remiseritis pec-  
cata.Aug. Auxilio  
epist. 75.

cusserit. ait enim. Nos quoque docere digneris, quo modo recte anathematizetur pro patris peccato filius, aut pro mariti uxor, aut pro domini seruus, aut quisquam etiā in domo nondum natus, si eodē tempore quo uniuersa domus est anathemate obligata, nascatur, nec ei possit per lauacrū regenerationis in mortis periculo subueniri. neque enim hæc corporalis est pœna, qua legimus quosdam contemptores Dei cum suis omnibus, qui eiusdem impietatis participes non fuerunt, pariter interfectos. tunc quidem ad terrorem uiuentium mortalia corpora perimebantur, quandoque utique moritura. spiritualis autem pœna, qua fit, quod scriptum est, quæ ligaueris in terra, erunt ligata & in calo, animas obligat: de quibus dictum est: Anima patris mea est, & anima filii mea est: anima quæ peccauerit, ipsa morietur.

Etc. 18

## De satisfactione, Cap. XVI.

ATISFACTIO tertia pœnitentiæ pars  
 s est, & post absolutionem plerunque hodie  
 sequitur, licet olim ipsam præcederet, non  
 tamen ante confessionem: confitebatur enim quis scelera sua, præfigebatur deinde illi pœnitentia; quæ peracta, absolutio postremo impendebatur. fit autem satisfactio per eleemosynas, ieiunia, preces, corporis castigationes, & alia Christianæ discipline opera. necessaria autem est, non pro reatu criminum, & æterna pœna, quæ illis debetur, abolendis



dis : hæc enim contritione cum sacramento ipso confessionis , uel eius uoto , ubi sacramentum haberi non potest penitus , tolluntur , sed pro temporali pænâ , quæ , deleto peccato , remanet . Catholica enim sententia , peccata , quæ ante fidem , ab his , quæ post fidem perpetrata sunt , manifesto distinguit : illa enim quæ baptismum antecessere , penitus tolli , & quo ad reatum , & quo ad omnem pœnam , per baptismum asseuerat : at non ita facit in ijs , quæ post baptismum peracta sunt , quippe cum temporariam quandam , ita ex æterna commutatam , sanctificato ad purgandum superesse pœnam in illis prodat . hoc autem iusta ratione a diuina iustitia introductum , recte ab Ecclesia , quæ est columna , & firmamentum ueritatis , defenditur . consentaneum siquidem est , ut peccata quæ ante ueritatis cognitionem , ante depulsas e mente hominum tenebras , ante susceptam Christi fidem , ante datas de non peccando promissiones , & ante adoptionem filiorum Dei peracta sunt , ampliorem & uberiores consequantur remissionem , quàm ea , quæ post hæc omnia secuta sunt . Peccantes enim quis , naturali ratione , cuius Deus ipse auctor fuit , in cordibus hominum eam describendo , ante fidem fractam , & uiolatum iusiurandum , maiori , & ampliori cum misericordia recipit , quàm qui post hæc omnia pollicita peccauerunt : quia is qui ignoranter peccat , paucis , ille uero qui scienter , multis uapulat plagis . Ratio altera horum est , quia in baptismo ueluti in quo regemur

Thom. 5 . p. in  
add. q. 6. arti. 1.  
& q. 10. arti. 1.  
& 2.  
De pæn. di. 1. c.  
uoluissent . §.  
2. & 3. & cap.  
quis aliquan-  
do . §. 2.  
Thomas 3. p. q.  
86. art. 4.

1. Tim. 3.

Rom. 2.

Luc. 12.

Thom. 3. p. in  
add. q. 2. artic.  
6. ad 3. & q. 18.  
art. 2.

Luc. 3.  
A& 9.  
Luc. 23.

Marc. 1.  
A& 2. & 4.

Ioan. 8.

Luc. 22.

Clemens in li-  
bro recognitio-  
num.

2. Reg. 12.

Pfal. 109.

*neremur, maiori coniunctione Christo quam in pœni-  
tencia incorporamur, & ita maiorem etiam ab eo  
gratiam reportamus. Si cum hac Ecclesiæ catholi-  
cæ distinctione, latum sacrarum scripturarum cam-  
pum ingrediaris, nihil tibi in ambulando, quod  
offendat, occurrat, nullibi pedem impinges, nus-  
quam cades impactus: si Matthæum publicanum,  
si Mariam peccatricem, si Paulum, si latronem,  
& alios quamplurimos absque aliqua satisfactione  
a Christo susceptos legis: si audis idem fecisse Ioan-  
nem Baptistam, & Petrum erga eos, qui ab illis su-  
scipere baptismum: si audis Christum nihil aliud di-  
xisse, nisi, uade, & noli amplius peccare: hoc pro-  
pterea euenit, quia ante fidem, et baptismum pro-  
lapsi, suscepti ad fidem postea sunt. Da mihi alios  
post fidem, & baptismum peccantes, & ego tibi  
ex Ecclesiæ sententia aliud dicam: Da Petrum apo-  
stolorum principem postea, Christum negando, de-  
linquentem, nonne audis quod egressus foras fleuit  
amare? immo tantum fleuit, quod semper usque ad  
mortem sub galli cantum, quo tempore se Christum  
negasse reolebat, eum ad lugendum, & orandum  
surgere solitum fuisse, memoriæ a Clemente marty-  
re eius discipulo proditum sit. Da prophetam Dauid  
post tanta a Deo beneficia suscepta peccantem: sen-  
tis quia quamuis audierit a Nathan dimissum fuisse  
sibi peccatum, acriter tamen se ipsum excruciat, ci-  
nerem tanquam panem manducando, & lacrymis  
stratum suum rigando. & ut amplius abluatur*

*Domi-*

Dominum rogat, dicens: secundum multitudinem miserationum tuarum dele iniquitatem meam:

Psal. 50.

Amplius laua me ab iniquitate mea, & a peccato meo munda me. Asperges me Domine hyssopo, & mundabor, lauabis me, & super niuem dealbabor. super quæ uerba non satis habet, inquit Chrysostomus, curatum esse uulnus; etiam cicatricem sanari, pristinum etiam decorem restitui petit. Quid autem erant in eo cicatrices, nisi signa quædam sanati uulneris, & reliquæ, seu dispositiones quædam ad peccandum, post dimissum peccatum in anima remanentes? quas alibi non bene per penitentiam curatas, propterea que rursum putrefactas dolet, cum ait: Putruerunt, et corruptæ sunt cicatrices meæ a facie insipientiæ meæ. Neque hoc propheta satis fuit. concubinam etiam matrimonio sibi iungit, ut ablatum illi ex illicito, per licitum concubitum honorem reddat. Facit hæc omnia sponte per se propheta: Deo tamen illa nõ satis sunt, propterea nolens etiam uerberatur: filium ex adulterio natum, ingenti cum dolore statim amittit, & uxores suas, in pœnam quòd alienas ipse inuaserat, ab alijs corrumpendas audit: in quam sententiam scriptum est ab Eucherio Lugdunensi episcopo. Si peccatum Dauid tam detestabile Dominus transtulit, quid est quòd omnia, quæ de eodem peccato per prophetam ei a Domino dicta sunt, postmodum tolerauit? sed proculdubio Dominus delet illud, sed sine ultione non deserit. aut enim ipse hoc homo in se penitens

Chrysost. homil. 2. in psal. 50.

Thomas 3. p. q. 86. art. 5.

Psal. 37.

2. Reg. 12.

Eucherius in libro 2. reg. c. 8.



2. Reg. 13.

Greg. lib. 9. moralium c. 27.

Num. 10.

1. Cor. 3.

Eph. 4.

punit, aut hoc Deus cum homine vindicans percutit. nequaquam igitur peccato parcit, quod nullatenus sine vindicta dimittit. sic enim David audire post conversionem meruit. Dominus transtulit peccatum tuum: & tamen multis post cruciatibus afflictus, ac fugiens, reatum, quem perpetraverat, exoluit. confirmat hoc ipsum diuus Gregorius ducentis plus minus annis Eucherio posterior. Peccatum diffidentie Moysi, & Aaron remissum utique fuit, & tamen temporaria in illos mansit pœna: ex hac enim causa, ipsomet Deo teste, promissionis terram ingredi non potuerunt. idē euenit Mariæ sorori Moysi, idem reliquo populo Israel. Paulus incestuosum Corinthium non recipit, nisi post tristitiam, & publicam obiurgationem: ait enim: sufficit illi qui eiusmodi est, obiurgatio hæc quæ fit a pluribus. deinde subdit: ita ut e contrarij magis donetis, & consolemini, ne forte abundantiori tristitia absorbeatur, qui eiusmodi est. propter quod obsecro nos ut confirmetis in illum caritatem. & alio in loco: Qui furabatur, inquit, iam non furetur, magis autem laboret operando manibus suis, quod bonum est, ut habeat unde tribuat necessitatē patienti. Audis quam satisfactionem furibus imponat apostolus: non est satis, inquit, furtum relinquere, opus est ut furto contraria quis operetur, hoc est, ut ubi ab alijs ipse prius illicite res auferebat, eas nunc ipse labore manuum suarum licite partas, pauperibus elargiatur. Nō ignorabat hoc ipsum Zacheus, qui satis se fecisset

se in ablatis per fraudem rebus non arbitrabatur, nisi in quadruplum illas dominis restitueret, & ultra hæc multa etiam de substantijs suis pauperibus donaret. Ecce, inquit, dimidium bonorum meorum Domine de pauperibus, & si aliquem defraudavi, reddo quadruplum. approbat hanc satisfactionem Dominus Iesus: propterea subdit: Hodie salus facta est huic domui. Mox huius salutis rationem explicans, subiungit: eo quod & ipse filius Abraham sit. filius scilicet non per carnem, sed per fidem, operibus, & caritate secundam: quia sicut Abraham credidit, & obtulit etiam filium suum super altare, ita Zacheus fidem, quæ est in Christum amplexus, Deo multa de substantijs suis in pauperibus est elargitus. hi autem ueri penitentiae fructus sunt, ad quos faciendos Ioannes Iudeos exhortans, aiebat: Facite fructus dignos penitentiae. dignos fructus penitentiae facimus, inquit Chrysostomus, (hoc enim nomine circumfertur liber) cum commissis peccatis aduersa facimus: aliena rapuisti, incipe donare propria: longo tempore fornicatus es, a legitimo quoque coniugij usu suspendere, ac perpetuam continentiam paucorum dierum castitate sæpius meditare. iniuria, uel opere quenquam uel sermone affecisti, refer benedictionis uerba: conuiijs te percutientem, nunc officijs, nunc beneficijs placare contende: neque enim uulnerato sufficit ad salutem, spicula de corpore euellere, sed etiam remedia uulneribus oportet adhibere. Delicijs antea, & temulentia dissuebas,

Luc. 19.

Iac. 2.

Matth. 3.

Chrysost. hom. 10. operis imperfecti in Matth.

bas, ieiunio, & aqua potu utrunque compensa, ut famem superes imminentem: uidisti impudicis alienum decorem oculis, feminam omnino iam non uideas, maiore tactus cautione post uulnera. Ioannes euangelista Ephesiorum populum post acceptam fidem prolapsum reprehendens, ait: Habeo aduersum te pauca, quòd caritatem tuam primam reliquisti: memor esto itaque unde excideris, & age penitentiam, & prima opera fac: sin autem, ueniam tibi cito, & mouebo candelabrum tuum de loco suo, nisi penitentiam egeris. audis quòd ad penitentiam illum exhortatur, & ne penitentiae nomine nudam tantum cordis conuersionem interpretareris, caritatis opera etiam indicit. Vis scire quòd Deus hominem, cuius miseretur, temporaliter ad correptionem, & emundationem castigat, audi quid Deus per psalmographum suum testetur. Visitabo, ait, in uirga, iniquitates eorum, et in uerberibus peccata eorum: misericordiam autem meam non dispergam ab eis. subscribit huic sententiae Salomon illius filius, dum ait: Disciplinam Domini fili mi ne abijcias, nec deficias cum ab eo corripieris: quem enim diligit Dominus corripit, et quasi pater in filio complacet sibi. Item Paulus apostolus: Fili mi noli negligere disciplinam Domini, neque fatigeris dum ab eo argueris: quem enim diligit Dominus castigat: flagellat autem omnem filium quem recipit. Vocat filium, ut intelligas post fidem, & adoptionem in filium peccasse, & non flagellari nisi ad salutem: recipi deinde illum prodit, ut scias per peniten-

Apoc. 2.

Psal. 88.

Prou. 3.

Hebr. 11.



penitentiam, alteram post baptismum salutis tribulam hoc fieri: postremo castigationis meminit, ut cognoscas illum nō recipi absque aliquibus flagellis. hoc autem Deus facit, ne ingens eius misericordia omnem prorsus excludat iustitiam, sed potius, ut iustitia et pax in dimittendis peccatis osculentur se ipsas. Castigat enim nos Deus, postquam ex ingenti misericordia, & infinitis Christi meritis peccata dimisit, & eternam peccatis grauioribus debitam, condonauit pœnam, ut purificati, & emundati celestem illam beatitudinem, in quam nihil coinquinatum intrat, ingrediamur; ueluti cōformes facti imagini filij sui, qui pro nobis passus est, nobis relinquens exemplum, ut sequamur uestigia eius: quoniā per multas tribulationes oportet nos introire in regnum Dei. nam non conregnabimus, ut ait apostolus, nisi etiam compatiamur. propterea per Zachariam prophetam de eo dicitur: Ipse enim quasi ignis conflans, & quasi herba fullonum, sedebit conflans, & emundans argentum: et purgabit filios Levi, et colabit eos quasi aurum, & quasi argentum. deinde quis fructus ex hac purgatione sequatur, adiungens ait: Et erunt Domino offerentes sacrificia in iustitia, & placebit Domino sacrificium Iuda, et Hierusalem. placet profecto Deo sacrificiū quod a mundatis, & purificatis fidelibus offertur, ab ijs scilicet, qui igne tribulationis, et penitentiae excoquantur, & a reliquijs peccatorum omnium expurgantur, ut in celesti beatitudine una cum Christo, a quo redem-

Psal. 84.

Apoc. 21.

Rom. 8.

1. Petr. 2.

Act. 14.

1. Timoth. 2.

Zach. 3.

1. Cor. 3.

redempti per sanguinem ipsius sunt, gaudere in æternum ualeant: quando opus est, ut tunctionibus, pressuris expoliti lapides, ex quibus cælestis illa Hierusalem edificatur, suis coaptentur locis per manum artificis. Paulus apostolus ligna, fenum, stipulam quæ supra Christum Ecclesiæ fundamentum a fidelibus constructa sunt, ob quam aliam causam ab igne prodit exuri, nisi ut is qui ea contra fundamenti rationem, ex minimis peccatis, quæ ligni, feni, & stipulæ nomine intelliguntur, extruxit, per huius, uel alterius sæculi temporarios cruciatus emundetur, et emundatus salutem consequatur æternam? propterea dicit: si cuius opus arserit, detrimentum patietur, ipse autem saluus erit, sic tamen quasi per ignem: quemadmodum sic audis Christum Iesum Ecclesiæ fundamentum esse, & extra eum aliquid edificari non posse, quod ad salutem æternam promerendam condignum sit: ita etiam audi quod tibi satis non est hoc fidei fundamentum iecisse, nisi supra illud ædifices, & tale sit ædificium, quod iacto congruat fundamento, cuiusmodi sunt aurum, argentum, lapides pretiosi, hoc est Christianæ iustitiæ, & ueræ caritatis opera: hoc enim ædificium non amburetur, immo uti fundamento conueniens manebit, & mercedem ille qui extruxit, accipiet. At si quid fundamento parum conueniens superædificatum sit, cuiusmodi peccata leuia sunt, a fundamenti tamen gratia non recedentia, necesse est, ut hoc opus incongruum, in eo qui extruxit destruatur, & amburatur per ignem, & temporarios

rios cruciatus, ad hoc ut ille qui ædificauit, saluetur.  
 quid hic autem nobis significare uoluit Paulus nisi <sup>Iac. 2.</sup>  
 quòd fides sine operibus mortua est: quoniam fun-  
 damentum, quod est fides in Christum, ædificium  
 operum congruū sibi, & conueniens postulat. Item  
 quòd homo, qui præter fundamenti rationem ali-  
 quid ædificauit, per temporariam pœnam, ante-  
 quàm æternam consequatur salutem, expurgandus  
 est. quòd si se ipsum per penitencias et satisfactiones,  
 auersus interea a peccatis, non emūdauerit, ab ipso  
 per tribulationes & flagella emūdabitur Deo. pro-  
 pterea in eundem sensum alibi dicit: si nosmetipsos  
 iudicaremus, non utique iudicaremur: cum iudica-  
 mur autem, a Domino corripimur, ut non cum hoc  
 mundo damnemur. quod ibi dixit, detrimentum pa-  
 tietur, & saluus erit, sic tamen quasi per ignem,  
 hic dicit: iudicatur, & corripitur, ut non cum hoc  
 mundo damnetur. Huic locum exponens diuus  
 Bernardus ait: Bonum iudicium, quòd me illi di-  
 stricto, diuinoque iudicio subducit, & abscondit:  
 prorsus horreo incidere in manus Dei uiuentis: uolo  
 uultui iræ iudicatus præsentari, nō iudicandus: spi-  
 ritualis homo omnia diiudicat, & ipse a nemine iu-  
 dicatur. iudicabo proinde mala mea, iudicabo & bo-  
 na: mala melioribus curabo corrigere actibus, dilue-  
 re lacrymis, punire ieiunijs, ceterisque sanctæ labo-  
 ribus disciplinæ: in bonis de me humiliter sentiam,  
 & iuxta præceptum Domini, seruum me inutilem <sup>Luc. 17.</sup>  
 reputabo, qui quod facere debui tantum feci: dabo  
 operam

I. Cor. 11.

 Bernardus ser.  
 55. super can-  
 tica.

I. Cor. 2.



Soph. 1.  
Nahum 1.

Chrysost. de La-  
zaro con. 3.

Ambr. lib. 2. de  
penit. c. 10.

operam nec lolia pro granis, nec paleas cum granis  
offerre: scrutabor ego vias meas, & studia mea:  
quo is qui scrutaturus est Hierusalem in lucernis, ni-  
hil in scrutatū in me siue indiscussum inueniat: neq;  
enim iudicaturus est bis in id ipsum. et Chrysostomus  
eadē exponens uerba, Vides, ait, quo modo hic in-  
flicta pœna liberat a pœna quæ illic est. et in sequenti  
homilia: Vt neque, inquit, puniamur, neque pœ-  
nas demus, in suam quisque conscientiam ingredia-  
tur, uitamque explicet; cunctisque commissis dili-  
genter excussis, condemnet animam, quæ hæc patra-  
uit, puniatque cogitationem, affligat, crucietque  
suam ipsius mentem: suppliciumque a se ipso exigat  
pro peccatis per condemnationem, per diligenter a-  
ctam penitentiam, per lacrymas, per cōfessionem,  
per ieiunium, per eleemosynam, per continentiam,  
& caritatem, ut possimus omnes omni modo hic de-  
positis peccatis, multa cum fiducia illuc proficisci.  
diuus Ambrosius de hac per penitentiā satisfactio-  
ne scribens, ait: An quisquam illam penitentiā pu-  
tat, ubi acquirendæ ambitio dignitatis, ubi ipsius  
copulæ coniugalis usus? renunciandum sæculo est,  
somno ipsi minus indulgendum quàm natura postu-  
lat: interpellandus est gemitibus, interrumpendus  
est suspirijs, sequestrandus orationibus, uiuendum  
ita, ut uitali huic moriamur usui: se ipsum sibi ho-  
mo abneget, & totus mutetur. sicut quendam ado-  
lescentem fabulæ ferunt, post amores meretricios  
peregre profectum, & abolito amore regressum, po-  
stea

stea ueteri occurrisset dilecta: quæ ubi non interpellatam mirata putauerit non recognitam, rursus occurrens dixerit: Ego sum, responderit ille: Sed ego non sum ego. unde bene Dominus ait: Qui uult post me uenire, abneget semet ipsum, & tollat crucem suam, et sequatur me. et Augustinus. Non sufficit mores, inquit, in melius commutare, et a factis malis recedere, nisi etiam de his quæ facta sunt satisfiat Domino per pænitiæ dolorem, per humilitatis gemitum, per contriti cordis sacrificium cooperantibus eleemosynis. et his longe uetustior Cyprianus: Is ueram, inquit, pænitentiam agit, qui Dei & sacerdotis præceptis obediens, obsequiis suis, & operibus iustis Dominum promeretur. et Cabilonensis synodus, in qua Carolus Magnus interfuit, ait: Qui uero peccata sua sacerdotibus, in quorum sunt parochiis, confessi sunt, & ab his agendæ pænitiæ consilium acceperunt, si orationibus insistendo, eleemosynas largiendo, mores componendo, uitam emendando, apostolorum limina, uel quorumlibet sanctorum inuifere desiderant, horum est deuotio modis omnibus collaudanda. Extat liber Timothei nomine inscriptus, cuius Saluianus episcopus Massiliensis ad Salonium episcopum scribens, meminit: in hoc sero pænitens, & qui ad mortem usque pænitentiam differt, reprehenditur, propterea quod satisfacere non ualeat. unde dicitur: Quando enim lugebit, qui dies lugendi perdidit? quando satisfaciet, qui tempus satisfactionis amisit? ad ieiunia forsitan longa

Aug. de pænit. medicina, quæ est homin. 50.

Cyprian. ad clericum de modo agendi pænit.

Cabilonensis synod. c. 45.

longa cōfugiet? est quidem hoc aliquid: sed eleemosynis misceatur secundum illud; Bonū est ieiunium cum eleemosyna. sed quo modo ei exhomologesis diuturna opitulabitur iam in extremis sito? Si nulla, dimisso per confessionē peccato, temporaria pœna sanctificatum manet, & castigationem omnem abdicamus ab eo, ut quid tam acriter apostolus Paulus Corinthiis fidelibus post baptismum prolapsis comminatur, dum ait: Quid uultis in uirga ueniā ad uos, an in caritate, et spiritu mansuetudinis. et rursum: Rogo autem uos ne præsens audeā per eam confidentiā, qua existimor audere in quosdam, qui arbitrantur nos tanquam secundum carnem ambulemus. et alio in loco. Prædixi enim, et prædico ut præsens uobis, & nunc absens, ijs qui ante peccauerunt, & ceteris omnibus, quoniam si uenero iterum non parcam. Pepercerat prolapsis Paulus, & reuertentibus misericordiæ gremium non occluserat: hortatur modo ad penitentiam & satisfactionem, & pœnam contra inobedientes minatur. propterea quibusdam interiectis subdit: Ideo hæc absens scribo, ut non præsens durius agam, secundum potestatem quam Dominus dedit mihi in ædificationem, & non in destructionem. Sed quænam potestas hæc est, quæ in ædificationem sit, & non in destructionem? Si enim castigas, & excommunicas apostole, utique destruis, non ædificas. Sed audiamus eum alibi exponentem seipsum: Tradidi, inquit, huiusmodi hominem Sathanæ in interitum carnis, ut Spiritus saluus sit in die

1. Cor. 4.

2. Cor. 9.

2. Cor. 13.

1. Cor. 15.



in die Domini. carnem destruit, ut spiritum ipsum saluet. non est igitur hæc destructio, uerum ædificatio. rursus alibi ait. Gaudeo, non quia contristati estis, sed quia contristati estis ad penitentiam. discite igitur quod ad correctionem, & ædificationem castigat apostolus, non ad uindictam, & destructionem: et si ligat, ligat ut reuertentes soluat, & penitentes recipiat. quod si ipsi reuerſi, et satisfacere noluerint, quidnam aliud aget, quam quod alio in loco dicit, Timeo ne cum iterum uenero, humiliet me Deus apud uos, & lugeam multos ex ijs, qui ante peccauerunt, & non egerunt penitentiam super immunditia, & fornicatione, & impudicitia, quam gesserunt. Si ex peccato originali per baptismum dimisso, temporaria pœna remanet sanctificato, cuiusmodi est dolor, metus, labor, fames, ipsa denique mors, de qua dicebat apostolus: Sicut per unum hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt: et si ex eodem peccato reliquie quedam superant baptizatis, ad exercitium, probationem, & meritum a Deo relicta, qualis est fomes ille, quem uidemus in membris nostris uti aliam legem repugnantem legi mentis nostre, & captiuantem nos in legem peccati, quæ est in membris nostris: cur mirum uideatur alicui, ut idem asseratur ab Ecclesia euenire peccatis per confessionem deletis? præsertim cum minus abstergat confessio, quam baptismus. si dimissa culpa, ait Augu-

2. Cor. 7.

2. Cor. 12.

Rom. 5.

Rom. 7.

August. contra  
Faustum Mani-  
cheum lib. 22.  
c. 67.  
Sap. 10.

Eucherius lib.  
2. Rég. c. 8.  
Greg. in mora-  
libus lib. 9. cap.  
27.

stinus aduersum Faustum, nullus reliquus esset ad  
pœnam reatus, utique nec Adam, postquam ( au-  
ctore Salomone ) eduxit eum Deus a delicto suo, mor-  
tuus esset, nec tot ærumnis huius sæculi, & calami-  
tatibus obnoxius fuisset. At uerum est, quod Eu-  
cherius Lugdunensis episcopus, & post eum diuus  
Gregorius asseuerat, exemplum hoc originalis pec-  
cati in probationem eorum quæ dicimus, producens  
in medium: quod absoluihur quidem a Deo, et a rea-  
tu culpæ, & æterna pœna diluimur, et liberamur:  
uerum temporaria pœna remanet absolutis: quia de-  
lictum nostrum siue per nos, siue per se ipsum Deus rese-  
cat, cum relaxat: ab electis enim suis iniquitatum  
maculas studet temporali afflictione tergere, quas  
in eis in perpetuum non uult uindicare. Bonus pa-  
ter, qui immensæ misericordiæ, qua suos semper  
prosequitur, temporariam quandam iustitiæ seueri-  
tatem admiscet, & ad tempus irascitur, ne contra  
illos irascatur postea in æternum: recipit quidem sem-  
per peccantes ex multitudine, & immenso thesauro  
miserationum suarum, & in Christo uniuersa pec-  
cata illis condonat: uerum peccatis, et sceleribus ex  
remissione ansam præbere illis non uult, nec segnes,  
& desidiosos efficere: hoc enim Christi militibus  
haudquaquã conuenit, sed potius sollicitos, & ad  
omne opus bonum instructos: & quamuis ex mise-  
ricordia semper parcat, miscet tamen iustitiam mi-  
sericordiæ, ne dum nimium misericordiæ indulget,  
credatur non esse iustus, & iusti nomine amisso, non  
iuste

*iuste miserationes exerceat. Verū hoc a diuina illa* Psal. 114.  
*natura prorsus est alienum: iustus enim & miseri-* Iacob. 2.  
*cors Dominus est: attamē erga nos exaltat iudicium* Psal. 144.  
*miseriordia, quia miserationes eius super omnia*  
*opera eius. ut pater enim semper nos recipit, & tan-*  
*quam iudex corrigit ut recipiat: si castigat, non sim-*  
*pliciter uti iudex castigat, quia non ad uindictā, sed*  
*ad correptionem hoc facit. pater igitur esse non desi-*  
*nit, dum iudex est, sed bene desinit esse iudex, dum*  
*pater fit: quia etsi ad tempus uti iudex castigat, in*  
*eternum tamen miseretur ut pater, si nulla sanctifi-*  
*cato per confessionem homini, temporaria eluenda*  
*supereſt pœna, si nulla dimissi peccati reliquiæ, &*  
*sanati uulneris cicatrices, seu uerius dispositiones* Eccl. 3.  
*quædam ad malum per peccatum cōtractæ manent,*  
*ob quam rem scriptum fuit: Sicut aqua extinguit*  
*ignem, ita eleemosyna peccatum extinguit. delictū*  
*enim semel extinctum, ut amplius extinguatur ne-*  
*cessarium minime habet. sed uerum est quod eleemo-*  
*syna peccatum extinguit, quia temporarios crucia-*  
*tus tollit, et fauillas omnes extincti abluit ignis. at*  
*non solum extinguit, uerum etiam si ante fidem fa-*  
*cta sit, hominem ut a Deo illuminetur, de congruo,*  
*ut uocant, adiuniat: quemadmodum de Cornelio cen-*  
*turione infideli homine legimus, quod apparens illi* Act. 10.  
*Angelus dixerit: Orationes tuæ, & eleemosynæ*  
*tuæ ascenderunt in memoriam in conspectu Dei. Sed*  
*quia sine Christo, & eius fide, hæc illi nihil prode-*  
*rant ad salutem, propterea subdidit, ut in Ioppem*



ad arcessendum Petrum mitteret, et ab ipso audiret, quidei factū opus esset. Scribens de satisfactione diuus Ambrosius hanc eandem statuens sententiam ait: Si enim mulierculæ solent, aliquas ferias suscepturæ, maculas uestium suarum aqua diluere: cur non magis nos, excepturi natalem Domini, maculas animarum nostrarum fletibus abluamus? & illæ quidem, si adeo infectæ res cellulæ sordibus extiterint, quod maculas sola aqua non purget, addunt molliem olei, saponis etiam acrimoniam: nos quoque, si tam graue peccatum fuerit, ut minime solis fletibus abluatur, addamus misericordiae oleum, acrimoniæque ieiunij, nullum enim tam graue delictum est, quod non purgetur abstinentia, eleemosynis extinguatur. ait enim sanctus propheta: Sicut aqua extinguit ignem, ita eleemosyna extinguit peccatum. magna ergo est eleemosyna, quæ ardentium criminum globos beneuolentiæ suæ fonte refrigerat, & quodam irriguo largitatis obruit incendia delictorum: ut quāuis offensus Deus, quāuis criminibus prouocatus, cogatur liberare eleemosynis, quem disposuerat punire peccatis. cogitur enim a nobis quodam modo, dum cōpellitur pro actibus nostris mutare sententiam, & in uno eodemque homine nunc seueritate iudicis promoueri, nunc patris pietate blandiri. pater enim nobis Deus est cum bene agimus, iudex noster est cum peccamus. Augustinus in eundem sensum: Vt cicatricū uestigium peccantibus post dimissum peccatum manens aboleatur,

tur, ad penitentiam, & medicamenta salubria peccatores mittit: quia medico nostro satis non est plagas nostras, & vulnera curasse, cicatrices quoque tollere; & pristinum decorem restituere solet. hoc autem uerberando hominem facit, si ipse per penitentiam se ipsum non uerberat, & emundat: quia omnis uictima igne expurgatur, et sale salitur. De propitiato peccato, inquit sapiens, noli esse sine metu. Sine metu est is, qui nihil amplius cogitat sibi faciendum esse post dimissum peccatum, & nullam sibi superesse penam ad plenam abstersionem recogitat; qui iram Dei, temporaliter homines post abolita scelera uerberantem, sibi ante oculos non ponit. Vis scire quod nobis semper aliquid superest ad extergendum, & abluendum: audi saluatorem ipsum nostrum dicentem, Qui lotus est non indiget nisi ut pedes lauet, sed est mundus totus. pedum uero nomine siue peccata ipsa leuia, quæ per humanam conuersationem infima nostræ animæ quoquo modo deturpant, siue reliquias quasdam post abolita peccata remanentes intelligas; non contendo: satis est quod abstersionem exposcunt, & Christi manu nobis abluuntur: at quamuis abluantur a Christo, non tamen sine candido quodam bonorum operum linteo abluuntur. bonum & candidum linteum ad extergendum eleemosyna, de qua scriptum est: Date eleemosynam, et ecce omnia munda sunt uobis: bonum linteum oratio, atque ieiunium, quia demones etiã alioqui peruiaces ex anima nostra depellunt. hoc genus demo-

Marc. 9.  
Eccl. 1.

Ioan. 13.

Beda super  
Ioan. c. 13.

Luc. 11.

Mat. 17.

Iac. 2.

1 Cor. 13.

Isai. 64.

Eph. 2.

Ioan. 15.

niorum, inquit Iesus, non cijcitur, nisi in ieiunio, et oratione. sed quare Christus abstergit, non tamen sine linteo tergit? quia fides sine operibus mortua est, & gratia nobis non cooperantibus non operatur. non ego sed gratia Dei mecum, ait apostolus: bonum linteum, quod manu saluatoris nostri Christi mundatur, & ad extergendum maculas idoneum redditur. quid enim essent uniuersae iustitiae nostrae, si Christi gratia non accederet, nisi, ut ait propheta, pannus menstruatæ? accedit illa, & emundat, et e panno menstruato, purificationis efficit pannum: meritum ex non merito facit, fidem qua mereamur elargiens. Vis scire quòd hoc linteum operum Christus requirat, audi eum per apostolum Paulum clamantem: Gratia enim estis saluati per fidem, et hoc non ex uobis: Dei enim donum est, non ex operibus, ut ne quis glorietur: ipsius enim sumus factura, creati in Christo Iesu in operibus bonis, quæ præparauit Deus ut in illis ambulemus. Vides quod Paulus opera post fidem nequaquàm excludit, sed fidem tantum operibus anteponebat: quia opera ipsa quibus mereamur, sequuntur fidem, non antecedunt. Dum audis fidem, & gratiam, Christum recogita: dum uero legis creatos nos esse in Christo Iesu in operibus bonis, ut in illis ambulemus, succurrat tibi linteum in manu Christi: quia sine me, ait ipse, nihil potestis facere: dum subditur in operibus bonis, linteum tibi candor succurrat. quid autem aliud in his uerbis uult sibi apostolus, nisi quòd pannum menstruatam,



struatum, non linteum purificatum excludit: hoc est non opera bona in Christo nata, et Christi gratia, & nomine a nobis facta, sed ea quæ fidem omnis iustitiæ, ut ait Augustinus, initium præcessere: apparuit enim nobis gratia saluatoris nostri Iesu Christi, non ex operibus iustitiæ, quæ fecimus nos, sed secundum misericordiam suam saluos nos fecit, & erudit nos, atque a peccatorum facibus liberatos in lucem ueritatis eduxit. non autem fecit hoc, ut liberati a peccatis, rursum in peccatis inuoluti iaceremus, sed ut liberati a peccatis, serui efficeremur iustitiæ, ut abnegantes impietatem, et sæcularia desideria, sobrie, iuste, & pie uiuamus in hoc sæculo. Gratia enim & misericordia Dei, & saluatoris nostri Iesu Christi, non pigritiæ, & iniquitatis, sed sollicitudinis, et bonitatis est causa. Quod si ais, Christus pro me subiit crucem: subiit utique ut saluaret, & crucem tuam sanctificaret, & idoneam ad ascendendum in calum redderet scalam, non ut tu sine cruce, & penitentijs, in delicijs uiueres, & uoluptatibus. Qui uult uenire post me, abneget, inquit, semetipsum, tollat crucem suam & sequatur me. dum audis crucem tuam, intellige tibi quoque crucem esse ferendam. non est ergo cur tantopere tibi in illa uerbis oblandiaris, si interim ipse cum tua Christum non sequeris, quia non decet sub capite spinis coronato, delicatum cubare membrum. propterea Christus subdit: quod qui uoluerit animam suam saluam facere, perdet eam: & qui perdiderit animam suam

Aug. Sixto pref  
bytero ep. 105.

Tit. 1.

Rom. 6.

Tit. 2.

Luc. 9.

propter me, saluam faciet illam. saluam profecto facit animā, & perdere illam recusat, qui cum Christo pati renuit, & crucifigi: qui uentri & uoluptatibus deditus, Christi crucem a se proijcit: cuiusmodi erant illi, de quibus flens dicebat apostolus: Inimicos crucis Christi, quorum Deus uenter est. Si apostolus clamat; Non sunt condigna passiones huius temporis ad futuram gloriam, quæ reuelabitur in nobis: quis hic apostolo contradicit? immensus enim thesaurus æterna felicitas est, & nullis humanis meritis acquiri, & comparari potest, si ut hominum tantum merita, et non ut merita filiorum Dei, & per Christi gratiam in hominibus facta attendere: at si Christum in nobis operantem, atque merentem, si filiorum Dei opera, eorum qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt, cōsideraueris, utique cum eodem apostolo dices: Omnia possum in eo, qui me confortat: & plus omnibus laboraui, non autē ego, sed grātia Dei mecum. et rursum: Bonum certamen certavi, cursum consummaui, fidem seruaui: in reliquo reposita est mihi corona iustitiæ, quam reddet mihi Dominus in illa die iustus index, non solum autem mihi, sed & iis qui diligunt aduentum eius. In hanc sententiam ita scribit beatus Thomas: Si consideretur, inquit, opus hominis meritorum secundum substantiam operis, & quatenus ex libero profiscitur arbitrio, uita æterna indignum est: sin autem spectetur quatenus procedit ex grātia Spiritus

Philip. 3.

Rom. 8.

Ioan. 1.

Philip. 4.

1. Cor. 15.

2 Tim. 4.

Thomas p. secunda, q. 114. art. 3.

tus sancti dignum est non propter suam, sed propter Rom. 4.  
 Spiritus sancti dignitatem. Si legis apud Paulum,  
 Abraham non ex operibus, sed ex fide iustificatum; Iac. 2.  
 legas etiam expositorem Pauli Iacobum apostolum  
 cum ait: Vis autem scire, o homo inanis, quoniam  
 fides sine operibus otiosa est: Abraham pater noster  
 nonne ex operibus iustificatus est, offerens Isaac fi-  
 lium super altare? Vides quoniam fides cooperaba-  
 tur operibus illius, & ex operibus fides consumma-  
 ta est. inanem te uocat hominē, uanum, atque inuti-  
 lem, qui fidem ab operibus seiungens, & opera a  
 fide, semper credere, operari autem nunquam qua-  
 ras: & fidem tuam operibus non consummatam,  
 caritateque minime expletam, otiosam appellat &  
 mortuam. Quid enim aliud sonant illa uerba: Fi-  
 des cooperabatur operibus illius, & ex operibus fi-  
 des consummata est, nisi quod cum fide operabatur,  
 & fidem ex operibus explebat? Paulus igitur uete-  
 ris legis sine Christo, ut apostolica sedes recte ex-  
 posuit, ac etiam gentilitatis, ( quod facit in tota illa  
 epistola ad Romanos ) non fidei, & Christianae reli-  
 gionis opera a iustitia & merito excludit: & nos nō  
 contra gratiam, & fidem opera defendimus, sed Philip. 3.  
 contra inimicos crucis Christi, illos scilicet, qui ope-  
 ra seiungunt a fide, & credere quidem uolunt, pati  
 autem, & operari recusant. contra illos inquā qui  
 nihil sibi cum Christo agendum, nihil tolerandū exi-  
 stimant: qui nullum meritum, nullam mercedem,  
 nullam satisfactionem in sanctificationis a Christo po-  
 nunt

Arausicensis 2.  
 Syn. c. 16. & 12.  
 uide late Au-  
 gust. epist. 89.  
 ad hilarium.



nunt hominibus : qui falso se in Christo gloriantes , cum homines deicere , et meritum ab hominibus auferre quarant , Christum interea in nobis uiuentem deiciunt : & eius in fidelibus , fideliumque in eo merita tollunt , & Spiritus sancti uirtutem in nobis , non tamen sine nobis operantem , iugulant , & occidunt : qui nos ueluti muta , & irrationabilia animalia efficientes , & uolendi , & uoluntarie operandi facultatibus priuant , propterea uel nō mereri etiam asseuerant . Vis ab apostolo Paulo paucis uerbis discere cuncta quæ dicimus ; audi quo modo ille ad Ephesios scribat . Huius rei gratia flecto genua mea ad patrem domini nostri Iesu Christi , ex quo omnis paternitas in caelis , & in terra nominatur ; ut det uobis secundum diuitias gloriæ suæ , uirtutem corroborari per spiritum eius in interiori homine ; Christum habitare per fidem in cordibus uestris , in caritate radicati , et fundati . Percipis quod Deum orat ? ut quid hoc ? quia omne datum optimum , & omne donum perfectum desursum est , descendens a patre luminis . Sed quid orat ? ut uirtutem Spiritus sancti illis elargiatur . Sed ubinā orat ut elargiatur ? profecto non externe , & imputatiue tantum , ut dicitis , sed in interiori homine , illum scilicet commutando , & sanctificando , sicut alio in loco ait : Caritas Dei diffusa est in cordibus nostris per Spiritum sanctum qui datus est nobis . et alibi : Renouamini spiritu mentis uestre , & induite nouum hominem qui secundum Deum creatus est in iustitia , et sanctitate ueritatis .

ad

Ephc. 3.

Iac. 1.

Rom. 5.

Eph. 4.

ad quid autem orat ut donet Spiritum sanctum? ut per eum Christi fidem recipiant, & non perfunctorie, sed inhabitatē recipiant. propter quid autem orat ut Christi fidem recipiant? ut in caritate radiceantur, & fundentur: hoc est ut non fidem uacuam, & mortuam, sed caritate secundam, & operibus uiuam recipiant. est ne aliud hoc quā quod dicebat Iacobus apostolus? Fides cooperabatur operibus illius, & ex operibus fides consummata est. utique non aliud, quia nec alius spiritus, sed unus et idem Spiritus sanctus, qui Paulum docuit, & Iacobum. discite igitur nec Dei gratiam, nec operum per gratiam factorum meritum a nobis auferre, & caritatem a fide nō separare: quia opus quod fides inchoat, caritas perficit: et fides sine caritate nudum est sine edificio fundamentum. Si audis Paulum proclamantem: Arbitramur hominem iustificari per fidē sine operibus legis: rursus nos illud tibi, quod supra, respondemus, quod Iudæis infidelibus loquitur, qui iustitiam sibi per legem tantum nō per Christi fidem uindicabant: quod de illis qui Christo nondum per fidem & sacrum lauacrum incorporati sunt, sermonem facit apostolus: qui cum nondum sint effecti filij Dei, salutis iustitiam per opera quæ fide carent astruere sibi non possunt. propterea non opera simpliciter, sed legis opera, id est ea quæ fidem Christi non habent, commemorat: sicut alibi quoque dicit: Ex operibus, inquit, legis non iustificabitur omnis caro in conspectu Dei. et ad Galathas qui ad Iudais-

Iac. 2.

Rom. 3.

Vide Arausic.  
2. Syn. can. 16.  
& 21.

Rupertus idem  
asserit.  
Exod. 28.

Rom. 3.

mum

- mum reuerſi fuerant, reprehendens eos ait: Scientes autem quòd non iuſtificatur homo ex operibus legis, niſi per fidem Ieſu Chriſti, & nos in Chriſto Ieſu credidimus, ut iuſtificemur ex fide Chriſti, & non ex operibus legis: propter quòd ex operibus legis non iuſtificabitur omnis caro. et rursus: Itaque lex pædagogus noſter fuit in Chriſto, ut ex fide iuſtificemur: at ubi uenit fides, iam non ſumus ſub pædago-  
gogo: omnes enim filij Dei eſtis per fidem quæ eſt in Chriſto Ieſu. et iterum: Ecce ego Paulus dico uobis, quoniam ſi circūcidamini, Chriſtus uobis nihil proderit. teſtificor autem rursus omni homini circumcidenti ſe, quoniam debitor eſt uniuerſæ legi faciendæ. euācuati eſtis a Chriſto qui in lege iuſtificamini: a gratia excidiſtis. At ſi dederis homines Deo renatos, & Chriſti membra effectos, qui legi, et eius iuſtitie mortui, fide uiuant: utique audies eundem apoſtolum dicentem: Itaque fratres mei, & uos mortificati eſtis legi per corpus Chriſti, ut ſitis alterius qui ex mortuis reſurrexit, ut fructificetis Deo. et rursus: Obſecro itaque uos fratres, ut exhibeatis corpora ueſtra hoſtiam uiuentem, ſanctam, Deo placentem, rationabile obſequium ueſtrum: & nolite conformari huic ſaculo, ſed renouamini in nouitate ſenſus ueſtri. et iterum: Ipſe enim Spiritus teſtimonium reddit ſpiritui noſtro, quòd ſumus filij Dei: ſi autem filij, & heredes: heredes quidem Dei, coheredes autem Chriſti, ſi tamen compatimur, ut et glorificemur. et per Iacobum apoſtolum: Eſtote fi-  
ctore.*
- Gal. 3.
- Gal. 5.
- Rom. 7.
- Rom. 12.
- Rom. 8.
- Iac. 1.



Etiores uerbi, & non auditores, fallentes uosmet ip-  
 sos: quoniam qui perspexerit in lege perfectæ liber-  
 tatis, & permanserit in ea, non auditor obliuiosus  
 factus, sed factor operis, hic beatus in facto suo erit: Augu. ep. 105.  
 si beatus in facto, utique iustus: quam iustitiam fi-  
 des accepit, caritas consummauit. fallit autem se-  
 met ipsum, ait apostolus, qui sibi in sola fide sine ca-  
 ritate blanditur, & nudam fidem sine operibus præ-  
 dicat, & extollit: qui ideo se iustitiæ per gratiam, et  
 fidem renatum credit, ut ipse illam non conseruet,  
 non expleat, neque augeat, per caritatem: qui in le-  
 gem quidem perfectæ libertatis perspicit, dum se in  
 ueram & perfectam libertatem a Christo uindica-  
 tum fuisse considerat, non autem in ea permanet,  
 operando, nouit quidem se a peccatis liberatum &  
 lege, non autem se iustitiæ et caritatis seruum putat  
 effectum: contra illud quod Paulus docet, cum ait: Rom. 6.  
 Liberati autem a peccato, serui facti estis iustitiæ:  
 humanum dico propter infirmitatem carnis uestre.  
 Sicut enim exhibuistis mēbra uestra seruire immun-  
 ditie, & iniquitati ad iniquitatem, ita nunc exhibe-  
 te membra uestra seruire iustitiæ in sanctificationē:  
 cum enim serui essetis peccati, liberi fuistis iustitiæ.  
 quem ergo fructum habuistis tunc in illis, in quibus  
 nunc erubescitis? nam finis illorum mors est: nunc  
 uero liberati a peccato, serui autem facti Deo, ha-  
 betis fructum uestrum in sanctificationem, finē ue-  
 ro uitam æternam. et alibi. Qui dicit se in Christo, 1 Ioan. 3.  
 manere, debet, sicut ille ambulauit, & ipse ambula-  
 re.

2. Tim. 4. butionem : cur ipsemet apostolus , seruata sibi , & omnibus qui diligunt aduentum filij Dei , mercedem , iustitiæ scilicet coronam , tantopere asseuerat : cur Christus calicem aquæ frigidæ , pauperibus suo nomine propinatum , & prophetis iustis que hospitium eodem nomine præstitum , suam asserit habere mercedem . & ut eodem exemplo tibi respondeam , tecum animo paulisper examina , cur loquens Deus ad Abraham dixerit : Ego sum merces tua magna nimis , si nec merces inuenitur , nec meritum . at hæc mutuo inter se non aduersantur , si opera , uti supra diximus , ante partam fidem , ab iis quæ processerunt ex fide separaueris . Illa enim cum in Christo facta nõ sint , & diuinam illam Spiritus sancti uirtutem , omnem beatitudinem promerentis , in se non habuerint , cum non filiorum Dei , sed filiorum iræ opera fuerint ; mereri utique fidem , ex qua Abraham iustificatum fuisse apostolus dicit , digna non sunt : quæ uero prodierunt ex fide , cum fidei habeant fundamentum , quod Christus est , & a filiis Dei omnia bona promerētis peracta sint : cum Christum in nobis uiuentem , & operantem agnoscant . De quo dicebat Paulus , *Viuo ego , iam non ego , uiuit uero in me Christus .* & alibi : *An experimentum queritis eius , qui in me loquitur Christus .* & rursum , dum opera a se facta recenset , ait : *Non autem ego , sed gratia Dei mecum , & meritum habent , & mercedem . Habent autem , quia quamuis diuino inchoentur , & perficiantur auxilio , fiunt tamen a nobis*
- Aug. 1. Sixto  
presbytero cō  
tra pelagianos  
epist. 105.
- Thomas 1. 2. q.  
114. art. 3.
1. Cor. 13.
- Gal. 2.
1. Cor. 13.
1. Cor. 15.

nobis & uolentibus, et cooperantibus : gratia enim Dei sicut non abolet, sed adolet, ut inquit ille, liberam hominis uoluntatem, ita cum adiuvat ad operandum, confortat, & erigit operantem, non debilitat, aut debilitat. non enim, ut ait Augustinus, uoluntatis arbitrium ideo tollitur, quia inuatur, sed ideo inuatur, quia non tollitur. Non habuit igitur Abraham fidem ex merito, sed meritum ex fide est affecutus, & ita non fidem, sed Deum ipsum pro mercede recepit : quia non erant in eo opera ante fidem, ex quibus ipsam fidem promereretur, sed bene fuerunt opera condigna post fidem, ex quibus aeternam beatitudinem, quæ Deus est, pro mercede assequeretur. Quod si audis, Christum pro peccatis totius mundi satisfecisse, & ipsum esse propitiationem pro peccatis nostris, nosque per eum liberatos fuisse a lege peccati, & mortis : quis tibi hac in re contradicit ? quis non credit, non confitetur, & cum ingenti gratiarum actione non amplectitur magnum hoc & diuinum immensæ misericordiæ beneficium, quod immeritis nobis & cunctis peccatorum generibus illaqueatis, præstitum est ? de quo admiratus apostolus exclamabat dicens : Ut quid enim cum adhuc infirmi essemus Christus pro impijs mortuus est ? & Ioannes : sic Deus, inquit, dilexit mundum, ut filium suum unigenitum daret : Nunquid hunc fontem aquæ uiuæ derelinquemus, & fodiemus nobis cisternas dissipatas, quæ continere aquas non possunt ; cum non sit aliud nomen sub cælo datum homi-

Prosper Aquitanicus.

Aug. Hilario  
epist. 89.

August. late in  
dicta epist. 105.

1. Ioan. 2.  
Rom. 8.

Rom. 5.

Ioan. 3.

Hier. 2.

A&. 4.

M nibus



ad arcessendum Petrum mitteret, et ab ipso audiret, quidei facto opus esset. Scribens de satisfactione diuus Ambrosius hanc eandem statuens sententiam ait: Si enim mulierculæ solent, aliquas ferias susceptræ, maculas uestium suarum aqua diluere: cur non magis nos, excepturi natalem Domini, maculas animarum nostrarum fletibus abluiamus? & illæ quidem, si adeo infectæ res cellulæ sordibus extiterint, quod maculas sola aqua non purget, addunt mollitiem olei, saponis etiam acrimoniam: nos quoque, si tam graue peccatum fuerit, ut minime solis fletibus abluatur, addamus misericordiæ oleum, acrimoniæque ieiunij, nullum enim tam graue delictum est, quod non purgetur abstinentia, eleemosynis extinguatur. ait enim sanctus propheta: Sicut aqua extinguit ignem, ita eleemosyna extinguit peccatum. magna ergo est eleemosyna, quæ ardentium criminum globos beneuolentiæ suæ fonte refrigerat, & quodam irriguo largitatis obruit incendia delictorum: ut quauis offensus Deus, quamuis criminibus prouocatus, cogatur liberare eleemosynis, quem disposuerat punire peccatis. cogitur enim a nobis quodam modo, dum cõpellitur pro actibus nostris mutare sententiam, & in uno eodemque homine nunc seueritate iudicis promoueri; nunc patris pietate blandiri. pater enim nobis Deus est cum bene agimus, iudex noster est cum peccamus. Augustinus in eundem sensum: Vt cicatricum uestigium peccantibus post dimissum peccatum manens aboleatur,

tur, ad pœnitentiam, & medicamenta salubria peccatores mittit: quia medico nostro satis non est plagas nostras, & uulnera curasse, cicatricēs quoque tollere, & pristinum decorem restituere solet. hoc autem uerberando hominem facit, si ipse per pœnitentiam se ipsum non uerberat, & emundat: quia omnis uictima igne expurgatur, et sale salitur. De propitiato peccato, inquit sapiens, noli esse sine metu. Sine metu est is, qui nihil amplius cogitat sibi faciendum esse post dimissum peccatum, & nullam sibi superesse pœnam ad plenam abstersionem recogitat; qui iram Dei, temporaliter homines post abolita scelera uerberantem, sibi ante oculos nō ponit. Vis scire quòd nobis semper aliquid superest ad extergendum, & abluendum: audi saluatorem ipsum nostrū dicentem, Qui lotus est non indiget nisi ut pedes lauet, sed est mundus totus. pedum uero nomine siue peccata ipsa lenia, quæ pex humanam conuersationem infima nostræ animæ quoquo modo deturpant, siue reliquias quasdā post abolita peccata remanentes intelligas; non contendo: satis est quòd abstersionem exposcunt, & Christi manu nobis abluuntur: at quamuis abluantur a Christo, non tamen sine candido quodam bonorum operum linteo abluuntur. bonum & candidum linteum ad extergendum eleemosyna, de qua scriptum est: Date eleemosynam, et ecce omnia munda sunt uobis: bonum linteum oratio, atque ieiunium, quia demones etiā alioqui pernicaces ex anima nostra depellunt. hoc genus demo-

Marc. 9.  
Eccl. 1.

Ioan. 13.

Beda super  
Ioan. c. 13.

Luc. 11.

Mat. 17.

Iac. 2.

I Cor. 15.

Isai. 64.

Ephc. 2.

Ioan. 15.

niorum, inquit Iesus, non eiicitur, nisi in ieiunio, et oratione. sed quare Christus abstergit, non tamen sine linteo tergit? quia fides sine operibus mortua est, & gratia nobis non cooperantibus non operatur. non ego sed gratia Dei mecum, ait apostolus: bonum linteum, quod manu saluatoris nostri Christi mundatur, & ad extergendum maculas idoneum redditur. quid enim essent uniuersae iustitiae nostrae, si Christi gratia non accederet, nisi, ut ait propheta, pannus menstruatus? accedit illa, & emundat, et e panno menstruato, purificationis efficit pannum: meritum ex non merito facit, fidem qua mereamur elargiens. Vis scire quod hoc linteum operum Christus requirat, audi eum per apostolum Paulum clamantem: Gratia enim estis saluati per fidem, et hoc non ex uobis: Dei enim donum est, non ex operibus, ut ne quis glorietur: ipsius enim sumus factura, creati in Christo Iesu in operibus bonis, quae preparauit Deus ut in illis ambulemus. Vides quod Paulus opera post fidem nequaquam excludit, sed fidem tantum operibus anteposit: quia opera ipsa quibus meremur, sequuntur fidem, non antecedunt. Dum audis fidem, & gratiam, Christum recogita: dum uero legis creatos nos esse in Christo Iesu in operibus bonis, ut in illis ambulemus, succurrat tibi linteum in manu Christi: quia sine me, ait ipse, nihil potestis facere: dum subditur in operibus bonis, linteum tibi candor succurrat. quid autem aliud in his uerbis uult sibi apostolus, nisi quod pannum menstruat,



struatum, non linteum purificatum excludit: hoc est non opera bona in Christo nata, et Christi gratia, & nomine a nobis facta, sed ea quæ fidem omnis iustitiæ, ut ait Augustinus, initium præcessere: apparuit enim nobis gratia saluatoris nostri Iesu Christi, non ex operibus iustitiæ, quæ fecimus nos, sed secundum misericordiam suam saluos nos fecit, & erudit nos, atque a peccatorum facibus liberatos in lucem ueritatis eduxit. non autem fecit hoc, ut liberati a peccatis, rursus in peccatis inuoluti iaceremus, sed ut liberati a peccatis, serui efficeremur iustitiæ, ut abnegantes impietatem, et sæcularia desideria, sobrie, iuste, & pie uiuamus in hoc sæculo. Gratia enim & misericordia Dei, & saluatoris nostri Iesu Christi, non pigritiæ, & iniquitatis, sed sollicitudinis, et bonitatis est causa. Quod si ais, Christus pro me subiit crucem: subiit utique ut saluaret, & crucem tuam sanctificaret, & idoneam ad ascendendum in celum redderet scalam, non ut tu sine cruce, & penitentis, in delicijs uiueres, & uoluptatibus.

Aug. Sixto pref  
bytero ep. 105.

Tit. 1.

Rom. 6.

Tit. 2.

Qui uult uenire post me, abneget, inquit, semetipsum, tollat crucem suam & sequatur me. dum audis crucem tuam, intellige tibi quoque crucem esse ferendam. non est ergo cur tantopere tibi in illa uerbis oblandiaris, si interim ipse cum tua Christum non sequeris, quia non decet sub capite spinis coronato, delicatum cubare membrum. propterea Christus subdit: quod qui uoluerit animam suam saluam facere, perdet eam: & qui perdiderit animam suam

Luc. 9.

propter me, saluam faciet illam. saluam profecto facit animā, & perdere illam recusat, qui cum Christo pati renuit, & crucifigi: qui uentri & uoluptatibus deditus, Christi crucem a se proijcit: cuiusmodi erant illi, de quibus flens dicebat apostolus: Inimicos crucis Christi, quorum Deus uenter est. Si apostolus clamat; Non sunt condignæ passionēs huius temporis ad futuram gloriam, quæ reuelabitur in nobis: quis hic apostolo contradicit? immensus enim thesaurus æterna felicitas est, & nullis humanis meritis acquiri, & comparari potest, si ut hominum tantum merita, et non ut merita filiorum Dei, & per Christi gratiam in hominibus facta attendaris: at si Christum in nobis operantem, atque merentem, si filiorum Dei opera, eorum qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt, cōsideraueris, utique cum eodem apostolo dices: Omnia possum in eo, qui me confortat: & plus omnibus laboraui, non autē ego, sed gratia Dei mecum. et rursum: Bonum certamen certauī, cursum consummaui; fidem seruaui: in reliquo reposita est mihi corona iustitiæ, quam reddet mihi Dominus in illa die iustus index, non solum autem mihi, sed & iis qui diligunt aduentum eius. In hanc sententiam ita scribit beatus Thomas: Si consideretur, inquit, opus hominis meritorum secundum substantiam operis, & quatenus ex libero profiscitur arbitrio, uita æterna indignum est: sin autem spectetur quatenus procedit ex gratia Spiritus

Philip. 3.

Rom. 8.

Ioan. 1.

Philip. 4.

1. Cor. 15.

2 Tim. 4.

Thomas p. secunda, q. 114. art. 3.

tus sancti dignum est non propter suam, sed propter Spiritus sancti dignitatem. Si legis apud Paulum, Abraham non ex operibus, sed ex fide iustificatum; legas etiam expositorem Pauli Iacobum apostolum cum ait: Vis autem scire, o homo inanis, quoniam fides sine operibus otiosa est: Abraham pater noster nonne ex operibus iustificatus est, offerens Isaac filium super altare? Vides quoniam fides cooperabatur operibus illius, & ex operibus fides consummata est. inanem te uocat hominē, uanum, atque inutilem, qui fidem ab operibus seiungens, & opera a fide, semper credere, operari autem nunquam querat: & fidem tuam operibus non consummatam, caritateque minime expletam, otiosam appellat & mortuam. Quid enim aliud sonant illa uerba: Fides cooperabatur operibus illius, & ex operibus fides consummata est, nisi quod cum fide operabatur, & fidem ex operibus explebat? Paulus igitur ueteris legis sine Christo, ut apostolica sedes recte exposuit, ac etiam gentilitatis, (quod facit in tota illa epistola ad Romanos.) non fidei, & Christianae religionis opera a iustitia & merito excludit: & nos non contra gratiam, & fidem opera defendimus, sed contra inimicos crucis Christi, illos scilicet, qui opera seiungunt a fide, & credere quidem uolunt, pati autem, & operari recusant. contra illos inquam qui nihil sibi cum Christo agendum, nihil tolerandum existimant: qui nullum meritum, nullam mercedem, nullam satisfactionem in sanctificationis a Christo ponunt

Rom. 4.

Iac. 2.

Arausicensis 2.  
Syn. c. 16. & 12.  
uide late August.  
epist. 89.  
ad hilarium.

Philip. 3.



nunt hominibus : qui falso se in Christo gloriantes, cum homines deicere, et meritum ab hominibus auferre quarant, Christum interea in nobis uiuentem deiciunt : & eius in fidelibus, fideliumque in eo merita tollunt, & Spiritus sancti uirtutem in nobis, non tamen sine nobis operantem, iugulant, & occidunt : qui nos ueluti muta, & irrationabilia animalia efficiunt, & uolendi, & uoluntarie operandi facultatibus priuant, proptereaue nō mereri etiam asseuerant. Vis ab apostolo Paulo paucis uerbis discere cūcta quæ dicimus; audi quo modo illē ad Ephesios scribat. Huius rei gratia flecto genua mea ad patrem domini nostri Iesu Christi, ex quo omnis paternitas in cælis, & in terra nominatur; ut det uobis secundum diuitias gloriæ suæ, uirtutem corroborari per spiritum eius in interiori homine; Christum habitare per fidem in cordibus uestris, in caritate radicati, et fundati. Percipis quod Deum orat? ut quid hoc? quia omne datum optimum, & omne donum perfectum desursum est, descendens a patre luminis. Sed quid orat? ut uirtutem Spiritus sancti illis elargiatur. Sed ubinā orat ut elargiatur? profecto non externe, & imputatiue tantum, ut dicitis, sed in interiori homine, illum scilicet commutando, & sanctificando, sicut alio in loco ait: Caritas Dei diffusa est in cordibus nostris per Spiritum sanctum qui datus est nobis. et alibi: Renouamini spiritu mentis uestre, & induite nouum hominem qui secundum Deum creatus est in iustitia, et sanctitate ueritatis.

ad

Eph. 3.

Iac. 1.

Rom. 5.

Eph. 4.

ad quid autem orat ut donet Spiritum sanctum? ut per eum Christi fidem recipiant, & non perfundorie, sed inhabitatem recipiant. propter quid autem orat ut Christi fidem recipiant? ut in caritate radicentur, & fundentur: hoc est ut non fidem uacuam, & mortuam, sed caritate secundam, & operibus uiuam recipiant. est ne aliud hoc quam quod dicebat Iacobus apostolus? Fides cooperabatur operibus illius, & ex operibus fides consummata est. utique non aliud, quia nec alius spiritus, sed unus et idem Spiritus sanctus, qui Paulum docuit, & Iacobum. discite igitur nec Dei gratiam, nec operum per gratiam factorum meritum a nobis auferre, & caritatem a fide non separare: quia opus quod fides inchoat, caritas perficit: et fides sine caritate nudum est sine edificio fundamentum. Si audis Paulum proclamantem: Arbitramur hominem iustificari per fidem sine operibus legis: rursus nos illud tibi, quod supra, respondemus, quod Iudaeis infidelibus loquitur, qui iustitiam sibi per legem tantum non per Christi fidem uindicabant: quod de illis qui Christo nondum per fidem & sacrum lauacrum incorporati sunt, sermonem facit apostolus: qui cum nondum sint effecti filij Dei, salutis iustitiam per opera quae fide carent astruere sibi non possunt. propterea non opera simpliciter, sed legis opera, idest ea quae fidem Christi non habent, commemorat: sicut alibi quoque dicit: Ex operibus, inquit, legis non iustificabitur omnis caro in conspectu Dei. et ad Galathas qui ad Iudaismum

Iac. 2.

Rom. 3.

Vide Arausic.  
2. Syn. can. 16.  
& 21.

Rupertus idem  
asserit.  
Exod. 28.

Rom. 3.

mum

*munum reuersi fuerant, reprehendens eos ait: Scientes autem quod non iustificatur homo ex operibus legis, nisi per fidem Iesu Christi, & nos in Christo Iesu credidimus, ut iustificemur ex fide Christi, & non ex operibus legis: propter quod ex operibus legis non iustificabitur omnis caro. et rursus: Itaque lex pædagogus noster fuit in Christo, ut ex fide iustificemur: at ubi uenit fides, iam non sumus sub pædagogo: omnes enim filij Dei estis per fidem quæ est in Christo Iesu. et iterum: Ecce ego Paulus dico uobis, quoniam si circûcidamini, Christus uobis nihil proderit. testificor autem rursus omni homini circumcidenti se, quoniam debitor est uniûersæ legi faciendæ. euacuati estis a Christo qui in lege iustificamini: a gratia excidistis. At si dederis homines Deo renatos, & Christi membra effectos, qui legi, et eius iustitiæ mortui, fide uiuant: utique audies eundem apostolum dicentem: Itaque fratres mei, & uos mortificati estis legi per corpus Christi, ut sitis alterius qui ex mortuis resurrexit, ut fructificetis Deo. et rursus: Obsecro itaque uos fratres, ut exhibeatis corpora uestra hostiam uiuentem, sanctam, Deo placentem, rationabile obsequium uestrum: & nolite conformari huic sæculo, sed renouamini in nouitate sensus uestri. et iterum: Ipse enim Spiritus testimonium reddit spiritui nostro, quod sumus filij Dei: si autem filij, & heredes: heredes quidem Dei, coheredes autem Christi, si tamen compatimur, ut et conglorificemur. et per Iacobum apostolum: Estote fi-  
store.*

Gal. 3.

Gal. 5.

Rom. 7.

Rom. 12.

Rom. 8.

Iac. 1.



Etiores uerbi, & non auditores, fallentes uosmet ipsos : quoniam qui perspexerit in lege perfectæ libertatis, & permanserit in ea, non auditor obliuiosus factus, sed factor operis, hic beatus in facto suo erit: Augu. ep. 105.  
si beatus in facto, utique iustus : quam iustitiam fides accepit, caritas consummauit. fallit autem semet ipsum, ait apostolus, qui sibi in sola fide sine caritate blanditur, & nudam fidem sine operibus prædicat, & extollit : qui ideo se iustitiæ per gratiam, et fidem renatum credit, ut ipse illam non conseruet, non expleat, neque augeat, per caritatem : qui in legem quidem perfectæ libertatis perspicit, dum se in ueram & perfectam libertatem a Christo uindicatum fuisse considerat, non autem in ea permanet, operando, nouit quidem se a peccatis liberatum & lege, non autem se iustitiæ et caritatis seruum putat effectum : contra illud quod Paulus docet, cum ait : Rom. 6.  
Liberati autem a peccato, serui facti estis iustitiæ : humanum dico propter infirmitatem carnis uestre. Sicut enim exhibuistis membra uestra seruire immunditiæ, & iniquitati ad iniquitatem, ita nunc exhibete membra uestra seruire iustitiæ in sanctificatione : cum enim serui essetis peccati, liberi fuistis iustitiæ, quem ergo fructum habuistis tunc in illis, in quibus nunc erubescitis ? nam finis illorum mors est : nunc uero liberati a peccato, serui autem facti Deo, habetis fructum uestrum in sanctificationem, finem uero uitam æternam. et alibi. Qui dicit se in Christo, 1 Ioan. 3.  
manere, debet, sicut ille ambulauit, & ipse ambulare.

re. Quod si iterum legis: Iustus autem ex fide uiuit: uiuit utique si fidem ipsam operibus uiuam retineat, alioquin audiet ab apostolo, Fides sine operibus mortua est. quod si illa sine operibus mortua est, uiuificare utique mortuum hominem mortua ipsa non potest: nam uitam quam a fide accepit, amittit, illam operibus non nutriendo: fides enim sine operibus uera quidem esse potest, uiua uero nequaquam. Si iterum audis, Ei qui non operatur, credenti autem in eum, qui iustificat impium, reputatur fides eius ad iustitiam: recte reputatur ad iustitiam fides, quam nulla condigna merita praecessere, quippe cum sine meritis, ut ait Ambrosius, ueniat ad fidem, ex qua nascuntur merita: non autem reputari ad iustitiam potest opus, quod fide caret; de quo genere tractat apostolus. et quamuis ipsa fides habeat opus, credendi scilicet per uoluntatem, & ad baptismum postea uoluntarie accedendi, cum nolentium, & renuentium nec fides esse possit, nec salus, prima tamen iustitiae origo a fide non ab opere est: uerum iustitiae nomen amittit, si iustitiae operibus non uirescat, & per caritatem; dum uiuitur, non perficiatur, cum fides per dilectionem operetur, & legis plenitudo dilectio sit. apostolus omnem fidem, etiam si montes transferat, & in ardentibus ignium globos credentem iaciat hominem, inutilem, et nullius momenti esse prodit, si caritatem sibi iunctam non habeat. moritur enim fides si per caritatem non alatur & conseruetur, non secus quam moriatur enatus

Iac. 2.

Rom. 4.

Aug. Sixto pre  
sbytero episto.  
105. circa prin-  
cipium.

Gal. 5.

Rom. 13.

1. Cor. 13.

Iac. 2.

tus puer, cui corporis alimenta non suggerantur: quoniam, ut ait Beda, filius Dei non manet in illorum cordibus, qui non seruant quæ audiunt. Fides hominem ad iustitiam format, spes animat ad agendum, caritas ad actiones impellit. prima gignit, secunda firmat, tertia nutrit. & sicuti fides spem, & spes caritatem progignit, ita etiam caritas ambas cõseruat, & auget. et licet tria hæc mutuo se amplectantur, & una indigeat altera, caritas tamen, uti omnium finis, æternum manet: quemadmodum dicebat apostolus. Caritas nunquam excidit: & quia æternum manet, & finis omnium est, propterea maior etiam est. unde subditur: Nunc autem manent fides, spes, caritas, tria hæc: maior autem horum est caritas. Tu ergo qui caritatẽ a iustitia excludis, quid aliud nisi Deum ipsum excludis? cum scriptum sit: Deus caritas est, & qui manet in caritate, in Deo manet, & Deus in eo. & licet te præconem fidei facias, & defensorẽ, tu ipsam potiùs iungulas fidem, cum ab ea caritatem seungas, et contra fidem operibus, quæ a fide prodeunt, blasphemando detrahas, & allatres. et si tibi debiti, & mercedis reijci nomen eo in loco ab apostolo uideatur, cogita tecum parumper cur non reijciat Christus, cum ait: Voca operarios, & re lde illis mercedem, cur ille sub iudicij die, electos in cælestem uocet beatitudinem, propterea quod pauperes caritatis operibus inuerint, & sustentauerint. reputa cur inquit David propheta, Custodini mandat tua propter retributio-

Beda super  
Ioan. c.

1. Cor. 13.

1. Ioan. 4.

Rom. 4.

Matth. 20.

Matth. 25.

Psal. 118.



2. Tim. 4.

Marc. 9.

Gen. 14.

August. Sixto  
presbytero cō  
tra pelagianōs  
epist. 105.Thomas 1. 2. q.  
114. art. 3.

1. Cor. 3.

Gal. 2.

1. Cor. 13.

1. Cor. 15.

butionem: cur ipsemet apostolus, seruata sibi, & omnibus qui diligunt aduentum filij Dei, mercedem, iustitiæ scilicet coronam, tantopere asseuerat: cur Christus calicem aquæ frigidæ, pauperibus suo nomine propinatum, & prophetis iustisque hospitium eodem nomine præstitum, suam asserit habere mercedem. & ut eodem exemplo tibi respondeam, tecum animo paulisper examina, cur loquens Deus ad Abraham dixerit: Ego sum merces tua magna nimis, si nec merces inuenitur, nec meritum. at hæc mutuo inter se non aduersantur, si opera, uti supra diximus, ante partam fidem, ab iis quæ processerunt ex fide separaueris. Illa enim cum in Christo facta nō sint, & diuinam illam Spiritus sancti uirtutem, omnem beatitudinem promerentis, in se non habuerint, cum non filiorum Dei, sed filiorum iræ opera fuerint; mereri utique fidem, ex qua Abraham iustificatum fuisse apostolus dicit, digna non sunt: quæ uero prodierunt ex fide, cum fidei habeant fundamentum, quod Christus est, & a filiis Dei omnia bona promerētis peracta sint: cum Christum in nobis uiuentem, & operantem agnoscant. De quo dicebat Paulus, *Viuo ego, iam non ego, uiuit uero in me Christus.* & alibi: *An experimentum queritis eius, qui in me loquitur Christus.* & rursum, dum opera a se facta recenset, ait: *Non autem ego, sed gratia Dei mecum, & meritum habent, & mercedem. Habent autem, quia quamuis diuino inchoentur, & perficiantur auxilio, fiunt tamen a nobis*

nobis & uolentibus, et cooperantibus : gratia enim Dei sicut non abolet, sed adolet, ut inquit ille, liberam hominis uoluntatem, ita cum adiuuat ad operandum, confortat, & erigit operantem, non deicit, aut debilitat. non enim, ut ait Augustinus, uoluntatis arbitrium ideo tollitur, quia iuuatur, sed ideo iuuatur, quia non tollitur. Non habuit igitur Abraham fidem ex merito, sed meritum ex fide est affecutus, & ita non fidem, sed Deum ipsum pro mercede recepit : quia non erant in eo opera ante fidem, ex quibus ipsam fidem promereretur, sed bene fuerunt opera condigna post fidem, ex quibus aeternam beatitudinem, quæ Deus est, pro mercede assequeretur. Quod si audis, Christum pro peccatis totius mundi satisfecisse, & ipsum esse propitiationem pro peccatis nostris, nosque per eum liberatos fuisse a lege peccati, & mortis : quis tibi hac in re contradicit ? quis non credit, non confitetur, & cum ingenti gratiarum actione non amplectitur magnum hoc & diuinum immensæ misericordiae beneficium, quod immeritis nobis & cunctis peccatorum generibus illaqueatis, præstitum est ? de quo admiratus apostolus exclamabat dicens : Ut quid enim cum adhuc infirmi essemus Christus pro impijs mortuus est ? & Ioannes : sic Deus, inquires, dilexit mundum, ut filium suum unigenitum daret : Nunquid hunc fontem aquæ uiuæ derelinquemus, & fodiemus nobis cisternas dissipatas, quæ continere aquas non possunt ; cum non sit aliud nomen sub cælo datum homi-

Prosper Aquitanicus .

Aug. Hilario  
epist. 89.

August. late in  
dicta epist. 105.

1. Ioan. 2.  
Rom. 8.

Rom. 5.

Ioan. 3.

Hier. 2.

A& 4.

M nibus

Rom. 3.

Gal. 2.

1. Cor. 15.

2. Cor. 6.

Rom. 5.

1. Cor. 5.

Eph. 4.

nibus, in quo oporteat nos saluos fieri? & ubi nam erit spes nostra, si salutem, quam habemus a Christo, proyiciamus, cum illum solum proposuerit Deus propitiatorē per fidē in sanguine ipsius ad ostensionem iustitiæ suæ propter remissionē præcedentium delictorum? non ergo abijcimus gratiam Dei, sed illam tantum uacuam esse nolumus: neque qualesquales satisfactiones nostras aduersus Christi immensam, & plenam satisfactionem defendimus, immo nostris ab ea uires mutuamur, & robora: & sicut a Christo gratiam ad merendum, ita ab eius satisfactione uires ad satisfaciendū accepisse nos dicimus. non enim Christi membra effecti sumus, ut ille in nobis per iustitiam & caritatem nō uiuat: hoc enim ad mortua non ad uiua pertinet membra: sed conssepulti sumus cum illo per baptismum in mortē, ut quō modo Christus surrexit a mortuis per gloriā patris, et ita nos in nouitate uitæ ambulemus. Quod si nulla in nobis operatio sancta, si meritū nullū, et nulla satisfactio est, neque Christus in nobis habitat, per quē hæc omnia facere ualeamus, neque nos una cū Christo cōiuncti, et incorporati sumus: hoc si dicimus, profecto contra apostolū dicimus; cum ait: Qui adheret Deo, unus spiritus est cū eo. et contra illud. Veritatem autē facientes in caritate crescamus in illo per omnia, qui est caput Christus: ex quo totū corpus cōpactum, et connexū per omnem iuncturā subministrationis, secundū operationē in mensuram uniuscuiusq; mēbri augmentū corporis facit in ædificationem suā in caritate. Si Christus igitur uiuit in nobis



per Spiritum sanctū, qui datus est nobis, si nos una cum eo tanquam membra cum capite coniuncti & uniti sumus; & si ex capite, ut ait apostolus, totum corpus compactum, & connexum est, & nullum est corporis membrum, nulla iunctura, quæ ab ipso capite participationem non habeat: operari ergo in eo, mereri, et satisfacere possumus, quia cum pertineamus ad caput, ad eius quoque pertinemus gratias, & uirtutes: quæ tot & tantæ sunt, ut nō solum in corpus, sed in oram quoque corporis uestimenti descendant, ut ait psalmographus. alioqui si nec mereri, nec satisfacere ualeremus in Christo, corpus nec augmentū sui faceret, neque in Christo cresceret, contra illud quod docet apostolus, et contra Christi sententiam, qui gratiarum, & miserationum suarum donata talenta, augeri ab ijs qui acceperunt, & multiplicari, non intacta, & defossa seruari nos docuit. Tu igitur Christum a nobis diuidere, & nos ab illo separare contendis: tu uti arida & mortua membra a capitis uigore nos scindis: & dum nos nihil mereri, nihil satisfacere posse contendis, non aduertis quòd Christo in nobis habitanti iniuriam facis; nescis quia Spiritū sanctum exsufflas, & explodis a nobis: non uides quòd uiuentem in nobis Deum occidis, quippe cum simus in eo, uiuamus & moueamur: nec attendis quòd nos ueluti irrationalia pecora efficis, dum tanquam per muta, & mortua quedam instrumenta, illum operari argumentaris in nobis. sapientia hæc, teste Iacobo, mun-

Psal. 132:

Matth. 23.

Luc. 19.

Ag. 17.

Iac. 3.

Eph. 5.

Luc. 17.

1. Theff. 3.

1. Theff. 4.

2. Theff. 1.

Apoc. 22.

Eph. 1.

Eph. 4.

dana est terrena: at ea quæ desursum est sapientia, plena est misericordia, & fructibus bonis, cum fructus lucis, ut inquit apostolus, in omni bonitate sit, iustitia, & ueritate. Vis scire quòd fidem, caritatem, & omnem iustitiam augere, non uacuas, & inanes, ac solo nomine, & nuda credulitate amplexatas retinere debeamus: audi obsecro orantes apostolos, & dicentes: Domine adauge nobis fidem. et Paulum docentē parumper ausculta: Nocte ac die, inquit, orantes, ut uideamus faciem uestram, & compleamus ea, quæ desunt fidei uestre. et post pauca: Vos autem Dominus multiplicet, & abundare faciat caritatem uestram in inuicem, & in omnes. & rursus: Rogamus autem uos fratres, ut abunde magis, & operam detis, ut quieti sitis. & in alia epistola: Gratias agere debemus semper Deo pro uobis fratres, ita ut dignum est, quoniam supercrescit fides uestra, et abundat caritas uniuscuiusque uestrum in inuicem. et Ioannes: Qui iustus est, ait, iustificetur adhuc. Si corpus igitur Christi, quod est Ecclesia, augmentum sui per iustitiam facit & caritatem, necesse est ut iustitia & caritas nō in humana persuasione, sed in ueritate consistant. alioqui non iustitiæ & caritatis, sed persuasione illarum esset augmentum. at quorsum hæc? ut cōcludamus, quod sicut uirtus, & iustitia uere inueniri, & augeri per Dei gratiam, ita etiam per eandē gratiam inueniri, & augeri satisfactio potest in nobis, cum uirtute, & iustitia, non persuasione quis satisfaci-

tisfaciat. *At inquis, si Christus pro nobis plene, & exuberanter per passionem suam satisfecit, ut quid tu alteram satisfactionem prædicas nobis? num uis contra illud quod dixeras, relicto fonte aquæ uiuæ, ad cisternas dissipatas nos ducere? non profecto: cū omnis satisfactio nostra Christi satisfactio sit.* a Christo enim & recte operandi, & satisfaciendi uires accipimus, & ille meretur, & satisfacit in nobis, et nos in illo. Verum ut tanti, & tam diuini mysterij altitudinem, et præcellentiam nōscas, considera quod Ecclesia, uti corpus quoddam perfectum & absolutum, ex capite constat, & membris. Caput Christus est, de quo scribit apostolus: Omnia subiecit sub pedibus eius, & ipsum dedit caput super omnem Ecclesiam. membra uero fideles illius sunt, sicut scriptum est: Nos sumus corpus Christi, & membra de membro. tanta autem coniunctio est inter caput ipsum, & membra, ut excellentius quàm humani corporis more (in quo si patitur unum membrum compatiuntur etiam cetera membra) dicatur capiti euenire quod membris euenit, & membris similiter euenire, quod capiti euenit. Magna unitas, diuina profecto copulatio, immo tanta, ut uxoris & uiri coniunctio, qua maior in hoc terrarum orbe aliqua non reperitur, ab hac Ecclesie cum Christo coniunctione formam & decorem acceperit. Sacramentum hoc magnum est, ait apostolus: ego autē dico in Christo, & in Ecclesia. hoc est ideo magnum sacramentum uiri & uxoris coniunctio,

Hier. 31

Eph. 1.

1. Cor. 12.

Eph. 5.



1. Cor. 6.

Ioan. 17.

Gal. 2.

2. Cor. 13.

Gal. 3.

Ioan. 15.

3. Cor. 5.

Rom. 8.

quia Christi et Ecclesie coniunctionem præ se fert .  
 quo modo non magna coniunctio , ubi cuncta mutuo  
 communicantur ; & ubi qui adheret Deo unus spiri-  
 tus fit cum eo ? quo modo nõ magna , cum pro ea ita  
 ad patrem Christus orauerit : Non pro eis autẽ ro-  
 go tantum , sed et pro eis qui credituri sunt per uer-  
 bum eorum in me , ut omnes unum sint , sicut tu pa-  
 ter in me , & ego in te , ut & ipsi in nobis unũ sint ,  
 ut credat mundus quia tu me misisti : & ego clarita-  
 tem , quam tu dedisti mihi , dedi eis : ut sint unum ,  
 sicut et nos unum sumus ; ego in eis , et tu in me , ut  
 sint consummati in unum . Audi diuinæ altitudinẽ  
 coniunctionis : ausculta innoationis mysteriũ . Chri-  
 sto confixus sum cruci , clamat apostolus , uiuo ego ,  
 iam non ego , uiuit uero in me Christus . & alibi :  
 An experimentum eius queritis , qui in me loquitur  
 Christus ? & rursus . Quicumque in Christo bapti-  
 zati estis , Christum induistis . et iterum : Qui ma-  
 net in me , & ego in eo , hic fert fructum multum .  
 Vis discere quod quæ capiti euenerunt , membris  
 quoque euẽnisse dicuntur , et contra ? si pro omnibus  
 Christus mortuus est , inquit apostolus , ergo omnes  
 mortui sunt . et alio in loco , dum nos per Spiritus  
 sancti uirtutem ad lacrymas , et gemitus inter oran-  
 dum excitatos exprimere uellet , ipsum Spiritũ san-  
 ctum lugere dixit . nã quid oremus , ait , sicut oportet ,  
 nescimus , sed ipse spiritus postulat pro nobis ge-  
 mitibus inenarrabilibus . Audistine , quod nos in  
 Christo passi fuisse dicimur ? audi nunc quo modo  
 ille

ille in nobis pati dicatur. Loquitur ad Saulum & ait: Saule, Saule quid me persequeris? qui dixit, quis es Domine? & ille, ego sum Iesus quem tu persequeris. Membra persequabatur Saulus, non ipsum caput, & tamen se a Saulo persecutionem pati caput clamabat. quemadmodum percusso pede, lingua proclamat, & ait, tu me percutis. hoc autem non attritione caput faciebat, aut dolore: cum diuina natura a cunctis humanis passionibus omnino expers sit, et aliena: sed quia iniuriam suis membris illatam sibi reputabat illatam: quemadmodum in alio loco misericordiam suis exhibitam, uti sibi exhibitam adscribit, cum ait: Quod uni ex minimis meis fecistis, mihi fecistis. hanc igitur diuinam, et admirabilem Ecclesie cum Christo, et Christi cum Ecclesia coniunctionem si recte perceperis, & intellexeris, profecto non miraberis quod dicimus, Ecclesiam quotidie mereri, et satisfacere: quia sicut uiuit Christus, & operatur quotidie in membris suis, ita etiam meretur, & satisfacit in membris, & membra similiter in eo. non autem hoc euenit quod illi ad satisfaciendum aliquid desit, cum una tantum eius sanguinis gutta, ne dum ingens illa profusio, satis fuerit ad totum terrarum orbem redimendum, sed quia qui passus est in se, tanquam in capite, in membris quoque suis pati uult, & satisfacere. hoc autem facit, ut conformia capiti membra sint, & ut quemadmodum regnare, & beari cum capite cupiunt membra, ita etiam patiantur cum eo, sicut scriptum est:

Matth. 25.

Si autem filij, & heredes; heredes quidem Dei, coheredes autem Christi, si tamen compatimur, ut & conglorificemur. Nihil ergo deest passioni, & satisfactioni Christi, quam uti caput in cruce pro nobis egit, sed deest passioni, et satisfactioni illi, quam in suis membris adimplere requirit. Ne turberis ad hæc, neque exhorreas: audi Paulum hoc ipsum eruditissimis, & clarissimis uerbis dicentē. Qui nunc gaudeo, inquit, in passionibus pro uobis, et adimpleo ea quæ desunt passionum Christi, in carne mea pro corpore eius, quod est ecclesia. Audis quòd aliqua deesse passionibus Christi clamat apostolus. sed quo modo deesse dicit? utique non Christo tanquam capiti, quippe cum omnis passionum eius mensura impleta, & consummata per crucem fuerit, quemadmodum significauit, cum dixit: Consummatum est. et sicut docet apostolus cum ait: In qua uoluntate sanctificati sumus per oblationem corporis Iesu Christi semel. et post pauca: Vna enim oblatione consummauit in sempiternum sanctificatos. sed deest, inquit, passionibus Christi in carne mea: hoc est in me tanquam illius membro: ueluti diceret: Christus qui in membris suis quotidie humano loquendi modo, patitur, adhuc in me perfecte passus non est: quia ego mensuram passionum eius in me a Deo præfixam, & ordinatam nondum impleui: Et agnus ille qui ab origine mundi in membris suis, cuiusmodi fuit Abel, occidi cæpit, adhuc in me plene passus, & crucifixus minime est, propterea gaudeo, inquit, quòd quotidie

Col. 1.

Ioan. 19.

Heb. 10.

Apoc. 13.

Gen. 4.

Matth. 23.



quotidie adimpleo ea quæ desunt ad profectum, & utilitatem uestrâ, & ad emolumentum totius Ecclesia. Si igitur Christus quotidie operatur in nobis, quemadmodum scriptum est: Pater meus usq; modo operatur, & ego operor. Si in ipso quotidie sumus, uiuimus, & mouemur, cur mirum uideatur alicui, quod dicimus, Christum mereri et satisfacere in nobis & nos in illo? hæc enim continua, & qualisqualis satisfactio, diuinæ, & immensæ illi satisfactioni, quam semel in cruce pro nobis egit, nihil detrahit, nihil præiudicat, immo ab ea uirtutē mutuatur, & robur: præter quod Christi satisfactio hæc etiam est: non enim nisi per eius opem, auxiliumque impletur: ipse enim perficit eam in membris suis. quare autem perficiat, ab apostolo audiamus. Oportet nos, inquit, per multas tribulationes introire in regnum Dei. quia quamuis Christus pro nobis passus sit, nobis tamen reliquit exemplum ut sequamur uestigia eius. propterea caput ipsum clamabat ad membra & dicebat: Qui uult uenire post me, abneget semetipsum, tollat crucē suam, & sequatur me. & per Paulum: Si complantati facti sumus similitudini mortis eius, simul & resurrectionis erimus: hoc scientes, quia uetus homo noster simul crucifixus est, ut destruat corpus peccati, ut ultra non seruiamus peccato: qui enim mortuus est, iustificatus est a peccato. Si autem mortui sumus cum Christo, credimus quia simul etiam uiuemus cum Christo. & ad Hebræos: Ut non segnes

Ioan. 5.  
Act. 17.

Act. 14.

1. Petr. 2.

Matth. 8.

Rom. 6.

Heb. 6.

efficia -

Heb. 6.

2. Cor. 4.

Psal. 65.

Hebr. 11.

2. Cor. 4.

efficiamini, uerum imitatores eorum qui fide, & patientia hereditabunt promissiones. & ad Corinthios: Semper mortificationem Iesu Christi in corpore nostro circūferentes, ut et uita Iesu manifestetur in corporibus nostris. Semper enim nos qui uiuimus, in morte tradimur propter Iesum, ut & uita Iesu manifestetur in carne nostra mortali. Per tribulationem itaque & crucem transire facit Dominus filios suos: in quem sensum dictum est a propheta David: Transiuimus per ignem, & aquam, & eduxisti nos in refrigerium. & nullus a Deo extra castigationis disciplinam relinquitur, ut ait Paulus apostolus, nisi spurius, & adulter. Tria hætenus diximus: primo quodd inter Christum, & Ecclesiam ingens & admirabilis per spiritum coniunctio, & unitas est. Secundo quodd ex ista coniunctione, & unitate sequitur quodd in Christo recte operari, mereri, & satisfacere pro tēporaria possumus pœna, quæ reliqua est post dimissum peccatū, & æternam una cum dimissione peccati abolitam. Tertio quodd emundatio hæc & satisfactio, si sponte a nobis non suscipiatur, ab ipso Deo per flagella, & tēporarios cruciatus, prout illi placuerit, subeundos nobis, cum ab eo diligimur, etiam nolentibus, & renuentibus implenda statuitur. & licet momentanea & breuis sit disciplina, æternam tamen et immensam beatitudinem nobis promeretur in cælis, sicut dictum ab apostolo est, cum ait: Id enim quod in præsentie est, momentaneum, & leue tribula-

bulationis nostræ, æternum gloria pondus operatur  
 in nobis : non contemplantibus nobis quæ uidentur,  
 sed quæ non uidentur. quæ enim uidentur temporalia  
 sunt, quæ autem non uidentur æterna sunt. Vis au-  
 tem hæc tria ab ipso Dei uerbo, unico cuncta perdi-  
 scere exemplo : audi obsecro, quid dicat : Ego sum  
 uitis uera, & pater meus agricola est : omnem pal-  
 mitem in me non ferentem fructum, tollet eum : &  
 omnem qui fert fructum purgabit eum, ut fructus  
 plus afferat. & post pauca : Manete in me, & ego  
 in uobis : sicut palmes non potest ferre fructum a se-  
 metipso, nisi manserit in uite, sic nec uos nisi in me  
 manseritis. Ego sum uitis, uos palmites : qui ma-  
 net in me, & ego in eo, hic fert fructum multum,  
 quia sine me nihil potestis facere : si quis in me non  
 manserit, mittetur foras, sicut palmes, et arefcet,  
 & colligent eum, & in ignem mittent, & ardebit.  
 Christi & Ecclesiæ diuina, & spiritualis coniunctio  
 exprimitur per ea uerba, quibus dicitur : Ego sum  
 uitis, & uos palmites. quæ enim maior coniunctio  
 esse potest, quàm uitis, & palmitis ? palmes enim  
 ita iunctus, & unitus est uiti, ut in ea sola uiuat, et  
 ab ea uigorem capiat. Quod autem in Christo recte  
 operemur, & per eius gratiam meriti ac satisfac-  
 tionis fructus feramus, ostenditur ex illis, sicut pal-  
 mes non potest ferre fructum a semetipso, nisi man-  
 serit in uite, ita & uos, nisi in me manseritis. pro-  
 pterea subditur : Qui manet in me, & ego in eo,  
 hic fert fructum multum. si inquis hominem per so-  
 lam

Ioan. 15.



lam dumtaxat fidem in Christo manere, cum scri-  
 ptum sit : Tu autem fides stas : audi per eundem  
 Rom. 11. Ioannem apostolum quid tibi hac in re respondeatur.  
 1. Ioan. 2. Qui dicit, ait, se nosse Deum, & mandata eius non  
 custodit, mendax est, & in eo ueritas non est. qui  
 autem seruat uerbum eius, uere in hoc caritas Dei  
 perfecta est : in hoc scimus quoniam in ipso sumus.  
 Matth. 7. qui dicit se in ipso manere, debet sicut ille ambula-  
 uit, & ipse ambulare. in quam sententiam a Chri-  
 sto etiam dictum fuit : Ex fructibus eorum cognosce  
 Gal. 5. tis eos. Paulus, qualisnam in christiano requira-  
 tur fides, eleganter exprimit, dum ait : in Christo  
 1. Tim. 1. Iesu neque circumcisio aliquid ualet, neque præpu-  
 tium, sed fides, quæ per caritatem operatur. et ali-  
 1. Ioan. 4. bi : finis autem præcepti est caritas de corde puro, &  
 conscientia bona, et fide non ficta. et Ioannes. Qui  
 Iac. 2. manet in caritate in Deo manet, & Deus in eo. fi-  
 des enim quæ per dilectionem non operatur, mortua  
 a Iacobo apostolo dicitur ; & Paulus uacuam appel-  
 lat gratiam, quæ sanctis operibus non expleatur,  
 2. Cor. 6. unde ait : Videte ne in uacuum gratiam Dei recipia-  
 1. Cor. 15. tis. et rursum : Gratia autem Dei sum id, quod sum :  
 & gratia eius in me uacua non fuit. cur autem non  
 fuerit uacua, statim se ipsum exponendo, dicit : Sed  
 abundantius illis omnibus laboraui. et ne putares il-  
 lum sine Dei gratia, aut potius gratiam absque eo  
 opera perfecisse, subdit : Non autem ego, sed gratia  
 Dei mecum. quid autem aliud est hoc, nisi illud, quod  
 Ioan. 15. exemplo uitis a Christo didicimus ? cum ait quod pal-  
 mes

mes fructum ferre non potest, nisi manserit in uite.  
 si igitur a fide caritatem amoveas, profecto langue-  
 scet fides, arescet ac morietur, quia fides sine operi-  
 bus mortua est. Sed quid eueniet homini qui sine ca-  
 ritate inuenitur? audiamus hoc ab ipso, & fidei &  
 caritatis auctore Christo. Omnem palmitē, inquit,  
 in me non ferentem fructum tollet eum: & si quis in  
 me non manserit, mittetur foras, sicut palmes, &  
 arescet, & colligent eum, & in ignem mittent, &  
 ardebit. similia his dicit Ioannes Baptista, cum ait:  
 Iam securis ad radicem arboris posita est. omnis er-  
 go arbor non faciens fructum bonum excidetur, et  
 in ignem mittetur. Quid autem est, colligent eum, et  
 in ignem mittent, & ardebit? utique quod alibi di-  
 xit: Ligatis manibus, & pedibus mittite illum in  
 tenebras exteriores. et discedite a me maledicti in  
 ignem æternum: quia caritatis opera erga me mini-  
 me exercuistis. Quod autem si nos ipsos de male per-  
 petratis rebus sponte non castigamus, ab ipso, a quo  
 diligimur, Domino pro emendatione nolentes flagel-  
 lemur ad tempus, supra ex Paulo ostendimus ex il-  
 lis uerbis: Ideo inter uos multi infirmi, & imbecil-  
 les, & dormiunt multi: quod si nos met ipsos dijudi-  
 caremus, non utique iudicaremur: cum iudicamur  
 autem a Domino, corripiamur, ut non cum hoc mun-  
 do damnemur. At hoc satis non est: interdum enim  
 Dominus castigat etiam bonos, illos, inquam, qui  
 fidē operibus explent, & caritate: quemadmodum  
 legimus euenisse Iob homini ipsius Dei ore super cete

Iac. 2.

Ioan. 15.

Luc. 3.

Matth. 22.

Matth. 25.

1. Cor. 11.

Greg. 21. mor.  
c. 4.

Iob. 1.

Iacob. 5.

Iac. 251

Thomas 3. p. q.  
86. art. 5.

ros omnes mortales laudato, de quo ita scribit Iacobus apostolus: Sufferentiam Iob audistis, & finem Domini uidistis, quod misericors Dominus est, & miserator. hoc autem Dominus facit, uel ad propagandam ipsius gloriam, & ut ceteris salutis, & patientie inde oriatur exemplum, uel ut emundatus a peccatorum reliquijs, filius qui deliquit, maiores et uberiores in Christo afferat fructus. unde subditur: Eum uero, qui fert fructum, purgabit, ut fructus plus afferat. si igitur purgatur palmes, qui fructifer manet in uite, quo nomine fidelis in Christo manens, & caritatis operibus exercendis intentus significatur, unde tam mirum tibi uidetur, quod per diuersos cruciatus, uel a diuina iustitia nobis inflictos, uel a nobis uoluntarie susceptos, hominem sacramento confessionis absolutum purgari a quibusdam peccatorum reliquijs, & a temporaria diximus poena, & ita diuinae satisfactum iri iustitiae, eo modo, quo est expositum, confirmauimus? Palmes enim qui manet in uite, fidelem in Christo manentem nobis significat: manere autem in Christo non potest nisi gratiam aut susceptam, aut recuperatam obtineat. Sed quamuis in uite solutus a peccatis maneat homo, purgandus tamen a minimis etiam est: quia quanto magis a peccati reliquijs emundabitur, tanto maiores, & uberiores afferet fructus. nam et uiti superflua quaedam, & arida sarmenta ideo praeciduntur, ut uigor plantae in se collectus, fortior ad ferendas uuas egrediatur. Mirum igitur non est, si tribu-



tribulationes, & flagella fidelibus hominibus im-  
mittantur a Deo: quippe cum per ea se se recolligat  
animus, qui per diuersas mundi uanitates egressus,  
creatoris, & salutis suæ oblitus, quoquo ferebat  
sensus, euagari solebat. Est aliud etiā, et præcipuum  
bonum, quod per tribulationes, et castigationes seu  
sponte susceptas, seu nolentibus a Domino iniectas,  
nobis paratur. Hoc autem seruitus est, in quā rebel-  
lans a spiritu corpus redigitur, ne in legem peccati,  
quæ in membris nostris uiget, captiuus animus dedu-  
catur: discit enim per eas corpus a spiritu nō rebella-  
re. in quē sensum se ipsum flagellasse clamat aposto-  
lus cum ait: Castigo corpus meū, et in seruitutem  
redigo, ne cum alijs prædicauerim, ipse reprobus  
efficiar. Si se ipsum castigat apostolus, & in la-  
boribus plurimis, uigilijs, inedijs, & alijs Chri-  
stianæ operibus disciplinæ corpus suum emaciat, &  
distendit, quisnam Christianorum erit tam audax,  
ut penitentias, & pia misereantis Ecclesiæ flagra a  
se abdicare, & reijcere uelit? periret altera Eccle-  
siæ clauis, & ubi ad remedium, & medicinam pec-  
catorum est instituta, eius usus nisi in rebelles, &  
obstinatos non esset, si penitentias ab Ecclesia pro-  
truderemus. Quid si iniquas satisfactionis nomen  
in sacris litteris, prout modo accipimus, minime in-  
ueniri, propterea que etiam satisfactionē ipsam reij-  
ciendā fore inde argumenteris: uide ne ita sentiens,  
una cum Arianis sentias, & eorum hæreseos de-  
fensor euadas, consubstantiali patri filium ideo ne-  
gans

1. Cor. 9.

2. Cor. 11.

gans, quòd hoc nomen ὁμοούσιον græcis dictum penes sacram scripturam non inueniatur. Idemque de Trinitate, & alijs quamplurimis, primis fidei nostræ dogmatibus, etiam facias: quasi nobis de nomine, & non potius de re ipsa quæstio sit. Quid autem aliud est satisfactio, quàm digna pænitentiae opera facere? quod ipsum eleganter simul & sancte explicans Ioannes Baptista aiebat: Progenies uiperarum, quis demonstraui uobis fugere a uentura ira? facite ergo fructum dignum pænitentia, & ne uelitis dicere intra uos, Patrem habemus Abraham. his uerbis Phariseos, & Sadducæos ad istam pænitentiam adhortabatur, & eos interim admonebat, ne se securos propterea existimarèt, quòd e progenie Abraham essent: Ne uelitis, inquit, dicere intra uos, Patrem habemus Abraham. Quid est hoc, Patrem habemus Abraham? utiq; id ipsum, quod uos etià dicitis, cum in sola fide, cuius pater Abraham fuit, (pænitentias interea, et omnem ecclesiæ disciplinam proijcientes) confiditis. facite, ait, fructum dignum pænitentia. et ne putares, ut dicitis, solà cordis a peccatis auersione, et cōuersionem ad Deū, pænitentiae nomine illū intellexisse, illico se ipsum declarat dicēs: Omnis arbor quæ nō facit fructum bonū, excidetur, & in ignem mittetur. si exciditur arbor, quæ bonos non progignit fructus, quanto magis excidi meretur illa, quæ se a malis fructibus per pænitentiae, & satisfactionis opera non emundauerit? satisfactionem igitur per fructus pænitentia dignos Ioan-

nes

nes Baptista intelligit: & in hunc modum locum istum interpretantur, Basilius Chrysostomus, August. Gregorius, alijque quāplurimi catholica Ecclesia procures. sed quid interpretatione hic opus est, cū catholica Ecclesia semper ab ipso natiuitatis sue initio usq; ad nostra tempora ( quēadmodum in libello de antiquis pēnitentijs statim ostendemus ) pēnitentias huiusmodi, et satisfactiones in usu habuerit? & si exemplis persuaderi aliquid potest ( potest autē quāplurimū ) pone tibi ante oculos ueteres omnes, quotquot Christum fide & pietate secuti sunt, nullum prorsus ex ijs inuenies, qui se uigilijs, ieiunijs, elemosynis, & ceteris sanctæ operibus disciplinæ, ex quibus satisfactio ipsa constat, quā maxime non addixerit, & mancipauerit. Non est igitur cur tibi in sola tantū fide blandiaris, & ad reiiciendam crucem, & retundendas pēnitentias, eius scuto utaris: cum fidei usus ad extrudendam incredulitatem, & ad extinguenda, ut inquit apostolus, omnia tela nequissimi ignita, nobis a Deo concessus sit, non ad impugnandam Ecclesiam, & ad euertendam illius decreta, aut nos a seruitute iustitiæ uendicandos. quoniam quamuis in libertatem a Christo uocati simus, libertas tamen hæc non est aut male agendi, aut potius nihil agendi libertas, ( illa enim sathanica libertas est, non christiana ) sed est libertas a peccato, & morte, quoniam a peccato, & morte per Christum liberati sumus: ab his tamen soluti serui illius, qui nos soluit, effecti sumus, ut non

N. secun-

Basil. in Ethicis & in regulis contraſtioribus q. 287. Chryſ. ad populum Antiochæ homil. 41. & 86. August. de ciuit. Dei lib 21 c. 66. Greg. homi. 20

Eph. 6.



textu excussos nequaquam existiment. & ut te a catholica Ecclesie disciplina, & ab obedientia Pastorum spiritualium subtrahas, Christiana libertatis nomen mihi obtendes? ingens profecto demetia, & diabolica persuasio hæc est. Subiecti, inquit Petrus, estote omni humanae creaturae propter Dominum, siue regi quasi præcellenti, siue ducibus tanquam ab eo missis, ad uindictam malefactorum, laudem uero bonorum: quia sic est uoluntas Dei, ut beneficientes obmutescere faciat imprudentium hominum ignorantiam: quasi liberi, et non quasi uelamen habentes malitiæ libertatem, sed sicut serui Dei. Paulus eodem spiritu, fideles Romanos multis admonet, ne Christianam libertatē aduersus sublimiores potestates, ad excutiendū se se a iugo terrarum præstationū obtendant, quia non est potestas, nisi a Deo. et propterea qui potestati resistit, Dei ordinationi resistere ait, et ne illi arbitrarentur præcepisse apostolum hæc, iræ, et supplicij tantum timore, quo affici, uti debiliores, a præpollentibus eo tempore Romanis principibus, Christiani, qui sub eorū degebant imperio, poterant, statim adiungit: Ideo; que necessitati subditi estote, nō solum propter iram, sed etiam propter conscientiam. ideo enim & tributa præstatis. ministri enim Dei sunt in hoc ipsum seruietes. reddite ergo omnibus debita; cui tributū, tributum; cui uestigal, uestigal; cui timorem, timorem; cui honorem, honorem; & tute ab Ecclesia, quæ te in Christo progenuit, per libertatem, quam

1 Pet. 3.

Rom. 13.

quæ fidem comitantur , aut sequuntur . hoc autem  
usitatissimū est apostolo asseuerare in omnibus fere,  
quas scribit , epistolis , præsertim uero in ijs , quæ sunt  
ad Romanos , ad Galatas , & Ephesios : persuade-  
re autem ille cunctis uolebat , nos immeritos ad gra-  
tiam uocatos esse , eo scilicet tempore , quo Deo ini-  
mici , & rebelles eramus : et ita non ex operibus iu-  
stitiæ , sed ex immensa illius bonitate , et misericordia  
fidem , ex qua filij Dei effecti sumus , assécutos fuisse.  
erant enim gentiles ante uocationem hanc ( ut late  
ille ad Ephesios prosequitur ) sine Deo in hoc mundo  
& sine Christo , nullam Mosaycæ legis promissio-  
nem habentes , alienati a conuersatione Israel , &  
hospites testamentorum : qui cum ex rebus istis uisi-  
bilibus Deum conditorem omnium agnouissent ,  
tamen non sicut Deum glorificabant , sed secundum  
cogitationes suas euanescentes , ex creatis rebus ua-  
rios sibi Deos constituiebant , pleni interea omni im-  
munditia , & cunctis scelerum generibus contami-  
nati . id ipsum quoque Iudæis eueniebat , quoniam et  
si legem a Deo per manum Moy si receperant , illam  
tamen minime obseruabant : præter quod per legem  
nullam sibi iustitiam uindicare , uti per legem solam  
poterant : quia iustitia omnis quæ promittebatur et  
adimplebatur in lege , a fide , quæ legem in Abra-  
ham præcesserat , originem ducebat , non ex præce-  
ptis a Moy se postea latis : quippe cum per legem co-  
gnitio daretur peccati : & tanquam per pædagogum  
pueri eo tempore Hebræi ad Christum , futurum Sal

Aug. Sixto epi.  
105.

Rom. 5.

Ephc. 2.

Rom. 1.

Rom. 3.

Araus. 2. syn c.  
16. & 21. &  
Augustinus Bo  
nifacio epist.  
106. & Optato  
epist. 157. in  
principio. & Hi  
lario epist. 89.  
Rom. 3.  
Gal. 3.

Aug. Innocen-  
tio Papæ, epist.  
115.

Rom. 4.

Iac. 2.

Rom. 3.

Aug. Bonifa-  
cio, epist. 106.  
& Vitali. epi.  
107. & Sixto,  
epist. 105.

Ioan. 15:

uatorem, pro abolitione cogniti peccati per eam de-  
ducerentur. Latam igitur, ait apostolus, fuisse le-  
gem, non ad euacuandam promissionem, & testa-  
mentum Abrahamæ factum ullo modo rumpendum,  
sed potius ad confirmadum, & ad continendum sub  
obedientia populum usque quo Saluator omnium Chri-  
stus ueniret, de quo Abrahamæ facta repromissio fue-  
rat. adeo autem apostolus opera, quæ fide carent, a  
iustitia, & æternæ beatitudinis merito reijcit, ut  
nec ipsum Abraham ex operibus ante fidem pera-  
ctis, eo uidelicet tempore, quo Christi cognitio illi  
nondum illuxerat, iustificatum fuisse contēdat. Ve-  
rum quod ex operibus fidei iustificatus idem sit, of-  
ferendo filium suum super altare, Iacobus aposto-  
lus manifeste testatur. & ita ubi Paulus opera in  
Abraham reijcit ante fidem, Iacobus post fidem ad-  
mittit, et prædicat. Causabatur igitur Paulus tam  
Iudæos quàm Græcos, omnes sub peccato fuisse, &  
eo tēpore reconciliatos fuisse Deo per mortē filij sui,  
quo rebelles illi erant, & inimici: & ita sine pæni-  
tentia fuisse dona, & uocationem Dei assēuerat:  
quia uocati sumus ad fidem, & ad iustitiam, quæ  
ex fide caritatē plena enascitur, per meram ipsius  
gratiam, non per aliqua condigna opera, quæ an-  
te fidem, & uocationem egerimus. Et in eundem  
sensum donatam gratiam, & iustitiam nobis affir-  
mat exhibitam: quemadmodum in eandem senten-  
tiam a Christo quoque dictum est: Non uos me ele-  
gistis, sed ego elegi uos. Sed contra te qui in sola fi-  
de



de, & uocatione requiescis, statim addidit: Vt eat-  
tis, & fructum afferatis, & fructus uester ma-  
neat. Similia istis dixit Paulus apostolus, cū ait;  
electos nos fuisse in Christo ante mundi constitutio- Eph. 1.  
nem, ut essemus sancti, & immaculati in conspe-  
ctu eius in caritate. Audis ne quoddam ideo electi su-  
sumus, ut sancte, & sine macula coram Deo, &  
pleni caritatis operibus coram proximis nostris in  
mundo uiuamus? est ne aliud hoc ab eo quod nō mul-  
to postea subdidit? Gratia, inquit, estis saluati Eph. 2.  
per fidem, & hoc non ex uobis: Dei enim donū est,  
non ex operibus, ut ne quis gloriatur: ipsius enim  
sumus factura, creati in Christo Iesu in operibus  
bonis, quæ præparauit Deus, ut in illis ambulemus.  
Opera igitur bona a Christo enata asseuerat, & ea  
quæ ante fidem fuerunt, a iustitia excludit. et ut  
facilius perciperetur gentilitatis opera ab eo exclu-  
sa fuisse, illico adiungit: Memores estote quoddam ali-  
quando uos eratis gentes, &c. At post fidem expo-  
stulat a nobis opera, asserens illa a Deo præparata  
fuisse, ut in illis ambulemus. et mox postquam di-  
xit, nos ædificatos fuisse super fundamentum apo-  
stolorum, & prophetarum, ipso summo angulari  
lapide Christo Iesu, statim addidit: In quo omnis  
ædificatio constructa crescit in templum sanctum in  
Domino. hoc autem fecit ut cognosceres, quoddam sicut  
fundamentum fidei, ita etiam ædificium operum,  
quod excrescat, nobis necessarium est. quod etiam  
in epistola ad Corinthios docuit, cum dixit; se ut sa- 1 Cor. 3.

*Sunt omnia noua. fingimur ergo, idest formamur, & creamur in operibus bonis, quæ non præparauimus nos, sed præparauit Deus, ut in illis ambulemus. itaque carissimi uita nostra bona nihil aliud est quàm Dei gratia, sine dubio & uita æterna, quæ bonæ uitæ redditur, Dei gratia est. & ipsa enim gratis datur, quia gratis data est illa cui datur, sed illa cui datur tan modo gratia est, hæc autem quæ illi datur, quoniam præmium eius est, gratia est pro gratia, tanquam merces pro iustitia, ut uerum sit, quoniam uerum est, quoniam reddet unicuique Deus secundum opera eius. & diuus Bernardus: Nolo meritum quod gratiâ excludit: horreo quidquid meum est, ut sim meus: nisi quòd illud magis forsitan meum est, quod meum facit. gratia reddit me mihi iustificatum gratis, et sic liberatum a seruitute peccati. et ex decreto apostolicæ sedis Arausicensis secunda synodus: Debetur merces, inquit, bonis operibus, si fiant, sed gratia, quæ non debetur, præcedit, ut fiant. Nunc cum ostensum a nobis sit, recte ab Ecclesia penitentias, seu satisfactiones indici, sciendum est quod publica de publicis & uulgatis peccatis peragebatur penitentia, de occultis uero non ita. unde Aurelianensis synodus, Nam si quis, ait, publicam raptinam, seu furtum fecerit, publicam inde agat penitentiam; iuxta sanctorum canonum sanctiones. Si uero occulte sacerdotum consilio peniteat: quoniam raptores (ut apostolus ait) nisi inde ueram ege-*

Rom. 2.  
Bernardus super cātica ser.  
67.

Arausi. 2. syn.  
c. 18.

Aurelianen.  
syn. c. 8. citatur a Burchardo lib. 11. c. 57

1. Cor. 6.

egerint pænitentiam, regnum Dei non possidebunt. qui uero de rebus ecclesiarum aliquid abstulerit, grauius iudicetur: quia quamuis ultio furum, & raptorum ad comites respiciat, pænitentia tamen ad episcopos pertinet. Imponebatur autem pænitentia arbitrio episcopi, uel sacerdotis. Vnde Carthaginensis tertia synodus, Vt pænitentibus, ait, secundum peccatorum differentiam episcopi arbitrio, pænitiæ tempora decernantur. Et Innocentius primus, Ceterum, inquit, de pondere æstimando delictorum, sacerdotis est iudicare, ut attendat ad confessionem pænitentis, & ad fletus, atque lacrymas corrigentis, ac tum iubere dimitti, cum uiderit congruam satisfactionem. Verum propter imperitiam aliquorum sacerdotum, quid cuique peccato congruum pro satisfactione esset, statutum postea fuit. Omnibus his actis, ait Rhemensis synodus, uentilata est ratio pænitiæ, ut sacerdotes certius intelligerent, quo modo confessiones recipere, et pænitentiam secundum canonicam institutionem pænitentibus deberet indicare. et Moguntina, Modus tempusque pænitiæ peccata sua confitentibus, aut per antiquorum canonum institutionem, aut per sanctarum scripturarum auctoritatem, aut per ecclesiasticam consuetudinem probatam imponi debet a sacerdotibus. nam qui peccatis grauib, leues quosdam & inusitados imponunt pænitiæ modos, consuunt puluillos secundum propheticum sermonem, sub omni cubito manus, & faciunt ceruicalia

Carthag. 3. syn.  
c. 31.

Innocent. epi.  
c. 7.

Rhemen. Syn.  
c. 12.

Moguntina syn.  
c. 10. Burchard  
do lib. 19 c. 28.

Ezech. 13



uicalia sub capite uniuersæ ætatis ad capiendas animas . Per idem tempus Dagoberti, ait Beda, Theodorus archiepiscopus, & abbas Adrianus doctissimus, a Vitelliano Papa missi sunt in Britaniam, plurimasque ecclesias Anglorum doctrinæ ecclesiasticæ fruge fecundarunt . e quibus Theodorus archiepiscopus peccantium iudicia, quantis scilicet annis pro unoquoque peccato quis penitere debeat, mirabili, & discreta ratione describit . Post Theodorum ipse etiam Beda alterum penitentialem, ut uocant, librum Theodori conscripsit exemplo . is qui Romanus dicitur, & qui integer penes Burchardum Vormatiensem inuenitur, quem habuerit conditorem, nõ proditur : constat tantum Romæ in usu fuisse . simili aliquo libro Beati forsitan presbyteri, aut Rabani, qui penitenciales canones ipsi etiam conscripserunt, usos Gallos fuisse, patet ex legibus, quas Pipinus, Carolus Magnus, Ludouicus, & Lotharius Imperatores, pro inuulgatione, et executione synodaliū decretorum, eorum tempore promulgatorum, ( ut Ansegisus abbas Leobienfis collegit ) sanciuerunt . Nostra autem ætate arbitrariæ penitentiæ, seu satisfactiones sunt, idque introductum est a synodo generali Romæ sub Innocentio tertio celebrata . At si quis præfixas sibi penitencias adimplere non potuisset, hoc modo se ab earum onere, auctore Theodoro Cantuariensi archiepiscopo, redimebat . ait enim ille : Item qui ieiunare non potest, & obseruare quod in penitentiali scriptum

Beda in hist.  
Anglicana.

C. ois utriusq;  
fexus de pæn.

Theodorus in  
penitentiali ci-  
tatur a Bur-  
chardo lib. 19.  
c. 21.

ptum

tenebras . luce enim clarius ex libello illo nostro cun-  
 eti ediscunt , a Christi , & apostolorum doctrina ,  
 per orthodoxos omnium seculorum patres acce-  
 pta , atque exposita , purgatorium ipsum proba-  
 ri : ibique non solum per incruentum Christi sacri-  
 ficiū , in ara ab Ecclesia quotidie oblatum , uerum  
 etiam per eleemosynas , ieiunia , orationes , peregrina-  
 tiones , indulgentias , aliaque pia uiuentium ope-  
 ra , fideles , qui in eos sunt , adiuuari : uerumque es-  
 se , quod ex Christi de peccato in Spiritum sanctum  
 sermone eruitur , etiam in altero seculo , quorun-  
 dam peccatorum , leuium scilicet , uel initio , uel pœ-  
 nitentia ita factorum , esse remissionem : et quod huic  
 ueritati par altera in libris Machabeorum ab Au-  
 gustino etiam citata inuenitur , qua dicitur , san-  
 ctam , et salubrem esse cogitationem , pro defunctis  
 exorare , ut a peccatis soluantur : et quod ueræ ( ut  
 idem August. Gregorius , omnisq; ferme antiquitas  
 interpretatur ) ad astruendum hunc emundatorium  
 ignem , Paulus ad Corinthios testatur , diem Domi-  
 ni in igne reuelandum , cuiuscunq; opus , quate sit ,  
 per ignē esse probandū , eumque , cuius arserit opus ,  
 quod ex lignis scilicet , feno , & stipula constructum  
 sit , ( quo opere leuia peccata , a fundamenti gratia  
 non recedentia , intelliguntur ) detrimentum qui-  
 dem pati , uerum saluum ipsum futurum , sic tamen  
 quasi per ignem . Satis itaque omnibus nunc sit col-  
 ligi clare ex hoc satisfactionis opere posse , quod cum  
 satisfactio pœnitēti necessaria sit , necesse etiam esse ,  
 ut uel

Tertull. in lib.  
 de corona mi-  
 lit .

Chryso. ho. 69  
 Diony. Arcop.  
 de eccl. hierar.  
 c. ultimo .

Aug. Aurelio  
 epist. 74. & 9.  
 conf.  
 Hierony super  
 ecclesiasten .

Matth. 12 .

Aug. in. lib. de  
 agēda cura pro  
 mortuis .

2. Mach. 12 .  
 August. super  
 Psal. 37 .

Gregor. lib. 4.  
 dialog .

Syn. Floren-  
 tina .

1 Cor. 3 .

Aug. in enchi-  
ridio.

Apoc. 21.

Matth. 12.

ut uel hic, uel in altero sæculo expleatur, rationiq;  
congruum esse, Augustino teste, ut sicut boni ea  
non indigent, nec malis, damnatisque prodesse illa  
potest, ita etiam mediocriter malis, aut mediocri-  
ter bonis proficua, ac necessaria sit; præsertim  
cum scriptum inueniamus, nihil coinquinatū, quod  
scilicet non antea uel hic, uel in alio sæculo emun-  
detur, in caelestem patriam intraturum; et quòd de  
omni otioso uerbo, cui perpetua inferni pœna haud-  
quaquam debetur, reddituri sint homines rationem  
in die iudicij.



DE ANTIQVIS *gar*  
PAENITENTIIS *gar*  
DISERTISSIMA  
HISTORIA, *Haalt*

ex ueteribus sanctis synodis,  
et orthodoxis patribus,  
summo studio, & dili-  
gentia composita. *gar*

Synodi, et auctores, ex quibus  
hæc de antiquis paenitentiis  
collecta historia est. *gar*

Africana synodus	Basilii Magni.
Agathensis Syn.	Beda Britannus.
Ambrosius Mediola-	Burchardus Vorm-
nensis episcopus.	tiensis.
Antiochena Syn.	Cabilonensis Syn.
Arelatensis Syn. 1.	Carpentoraetensis
Arelatensis secunda.	Syn.
Augustinus Hippo-	Carthaginiensis 2.
nensis episcopus.	Carthaginiensis 3.
Aurelianensis 1. Syn.	Carthaginiensis 4.
Aurelian. secunda.	Celestinus Papa.
Aurelian. tertia.	Damasus Papa.
Aurelian. quinta.	Diony. Arcopagita

# DE ANTIQVIS PÆNITENTIIS HISTORIA.

PÆNITENTIA, de qua, partitionibus  
 P suis seruatis, scripturi sumus, uulgata  
 hic nuncupatione accipiendo, nihil aliud  
 est, nisi temporaria quædam pœna peccatis post con-  
 fessionem debita, et ab Ecclesiæ ministris in satisfa-  
 ctionē peccatoribus imposita. <sup>a</sup> Augustinus in hanc  
 sententiam humilium bonorumque fidelium pœnam  
 appellat. est autem pœnitentiæ duplex genus; pu-  
 blica, quæ interdum sollemnis erat, et priuata. Pu-  
 blica dicitur illa, quæ publice coram fidelium cœtu  
 peccatori, cuius peccatum uulgatū est, imponitur.  
 hæc autem, si adhibitis sollemnitatibus, de quibus  
 statim dicitur, imponatur, sollemnis etiam appella-  
 tur. Priuata uero dicitur illa, quæ pro secretis, et  
 non propalatis criminibus indicitur. Et licet omnis  
 impositio manus in remissione cuiuscunque peccati  
 adhibita, publica regulariter sit, non tamen omnis  
 pœnitentia publica propterea uocari potest: quoniā  
 non manus impositio, sed peccati publici, aut secre-  
 ti differentia, unam ab altera segregat, & disun-  
 git. <sup>b</sup> Sollemnis pœnitentia semel tantū in uita con-  
 cedebatur. in quem sensum ita scribitur ab <sup>c</sup> Au-  
 gustino. Quamuis ergo caute, salubriterque pro-  
 uisum sit, ut locus illius humillimæ pœnitentiæ se-

a Aug. c. tres  
 aut de pœnit.  
 dist. 1.

b Lib. 4. sent.  
 dist. 14. & de  
 pœn. dist. 3. c.  
 nihil.

c Aug. Mace-  
 donico epi. 54.

O mel

mel in Ecclesia concedatur, ne medicina uilis minus  
 esset utilis ægrotis, quæ tanto magis salubris est,  
 quanto minus contemptibilis fuerit, quis tamen au-  
 deat dicere Deo, quare huic homini, qui post primâ  
 penitentiam rursus se laqueis iniquitatis obstrin-  
 git, adhuc iterum parcis? at priuata, non ita, sed  
 solo episcopi, aut sacerdotis arbitrio sine sollemnita-  
 te aliqua, toties, quoties opus erat, <sup>d</sup> imponebatur.  
 imponebatur autem, <sup>e</sup> Augustino auctore, ijs, qui  
 post baptismi lauacrum ita peccauerant, ut pro per-  
 petrato peccato excommunicari mererentur. De sol-  
 lemni publica penitentia, post <sup>f</sup> Dionysium Areo-  
 pagitam, & <sup>g</sup> Origenem, multa beatus <sup>h</sup> Ambro-  
 sius cõmentatus est. Et de publica scribens Sozo-  
 menus, ita ait. Quoniam omnino non peccare, di-  
 uinum, & ultra humanam naturam esse cognosci-  
 tur, peccantibus autem, et penitentiam agentibus  
 ueniam Deus dari præcepit: qui uero confiteri resu-  
 giunt, maius peccatorû onus acquirunt: propterea  
 uisum est antiquis Pontificibus, ut uelut in theatro,  
 sub testimonio ecclesiastici populi delicta pãdantur,  
 & ad hanc rem presbyterum bonæ conuersationis,  
 seruantemque secretum, ac sapientem uirum sta-  
 tuerint, ad quem accedentes ii qui deliquerant, de-  
 licta propria fatebantur: at ille secundum uniuscu-  
 iusque culpam indicebat, & multam. quod etiam  
 hætenus diligenter in occidentalibus seruatur eccle-  
 siis, & maxime apud Romam; ubi etiam certus est  
 locus penitentium. stant enim rei, & uelut in la-  
 menta-

d De pœnit.  
 dist. 3. c. septies  
 cum seq. & lib.  
 4. sent. dist. 14.  
 e Aug. Seleucia  
 næ epist. 108.  
 f Dionysius de  
 cælesti hierar.  
 c. 3.  
 g Orig. super  
 Leuiticû c. 15.  
 h Amb. de pœ-  
 nit. lib. 2. c. 10.  
 i Sozomenus  
 hist. trip. lib.  
 9. c. 35.



mentationibus constituti: cum enim sacra celebratio fuerit adimpleta, illi communionem non percipientes, cum gemitu, & lamentatione se ipsos in terram prosternunt. ad quos concurrens episcopus, & ipse cum lacrymis, & gemitu spirituali prosternitur, & omnis ecclesiae plebs fletibus mundatur: post hæc autem prior surgit episcopus, & eleuat iacentes e terra: tum competenter pro penitentibus facta oratione, dimittit omnes. at illi afflictionibus sponte uacantes, aut ieiunijs, aut abstinentia lauacri, aut suspensione ciborum, aut rebus alijs, quæ iubentur, expectant commune tempus, quod decernit episcopus. constituto uero tempore, uelut quoddam debitum exoluentes, afflictione de peccato curati, cum populo communionem participant. Sollemnitates autem, quæ ueteres in penitentia publica sollemni indicenda utebantur, hæc erat. Die primo quadragesimæ penitentiam accepturi, sacco cilicioque induti, nudis pedibus uultuque in terram demisso, pro foribus ecclesiae coram episcopo se prosternebant, parochis, et archipresbyteris, eoque sub cuius parochia penitens erat, presentibus, quorum arbitrio, lacrymis, conuersationeque penitentis perpensis, penitentia imponebatur. mox illis in ecclesiam introductis, episcopus una cum clericis in terram prostratus, penitentiae psalmos pro eorum absolutione cantabat. postea ab orando surgens, manuque illis imposita, aquam benedictam super eos spargebat: & iniecto prius cinere, cilicio

K Dist. 50. in capite.

eorum capita operiebat : crebrisque suspirijs, & luctibus denunciabat eis, quòd sicut Adam propter peccatum eiectus fuit e paradiso, ita ipsi ab Ecclesia pro suis criminibus projicerentur. iubebat deinde ministris, ut eos e tēplo expellerent : quod dum fieret, clerus cantato hoc uersu, In sudore uultus tui uesceris pane tuo, eos projiciebat. hoc autem facto, ita a liminibus Ecclesiæ illi extorres erant, ut nisi in sacra Domini cœna (& tunc ab eorum decanis, & presbyteris ducti) ea attingere non possent. <sup>1</sup> Theodosium Augustum instante diuo Ambrosio Mediolanensi episcopo, & ante eum <sup>m</sup> Philippum, primum ex Imperatoribus Romanis Christianum, & beati Hieronymi temporibus <sup>n</sup> Fabiolam matronam publice pœnituisse memoriæ proditur. <sup>o</sup> Leo primus publicam pœnitentiam clericis ex traditione Apostolica imponi uetitū esse scribit : P sicut contra, ex publicis pœnitentibus neminem ad aliquem clericatus ordinē, nisi in magna necessitate, et tunc in minorem tantum, admitti posse lege cauetur. <sup>q</sup> Synodus Arelatensis asserit eam coniugatis quoque, nisi ex amborum consensu, imponi consuetum minime fuisse : <sup>a</sup> Et si quis imparem se eam tunc tolerandi sensisset, in aliud quoddam commodius pœnitenti tempus differebatur. <sup>b</sup> Imponebatur autem, diuo Augustino teste, publica pœnitentia episcopi arbitrio, ijs qui publico scelere ecclesiam offendissent, ut si quis publice gentium Dijs, quod Marcellinus egit, sacrificasset. in quam sententiā ita scribit

I Hist. trip.  
lib. 2. c. 13.

m Euseb. Cæsariensis. hist.  
Eccl. lib. 6. c. 25.

n Hieron. in epitaphio Fabiolæ.

o Leo ad Rusticum Narbonensem. epist. 90. c. 2. & dist. 50. c. confirmandū cum seq.

p Dist. 50. c. quicunq; cum quinque seq. & c. illud quoq; cū tribus seq.

q Arelaten. 1. syn. c. 21.

a Aug. de eccl. dogmatibus c. 53.

b Aug. homil. 50.

bit<sup>c</sup> Leo Papa. Qui conuiuio solo gentiliū, & escis immolatitijs usi sunt. possunt ieiunijs et manus impositione purgari, ut deinceps ab idolothitis abstinentes, sacramentorum Christi possint esse participes: si autem aut idola adorauere, aut homicidijs, & fornicationibus contaminati sunt, ad communionem eos nisi per penitentiam publicam non oportet admitti. <sup>d</sup> si quis autem peracta publica penitentia, in simile aliquod crimen, de quo illam egerat, recidisset, (quia iterari pro eodem non poterat scelere) a sacra communione percipienda usque ad obitum, licet sacris interesse interea posset, prohibebatur. Quæ autem penaijs qui eam deseruissent, infligeretur, <sup>e</sup> Venetica synodo in hæc uerba ostenditur. Penitentes quoque qui susceptam publice penitentiam intermiserint, & ad prioris erroris consuetudinem reuoluti, uitæ seculari conuersationique reddiderint, non solum a communione dominicorum sacramentorum, sed etiam a conuiujs fidelium submouendos. <sup>f</sup> Similia a Gratiano, & ab Aurelianensi prima scribuntur synodo. Impleto autem penitentia tempore, tam ij qui publice, quam etiam qui priuate penituerant, reconciliari non solebant, præterquam in quinta feria ante Pascha, quæ cæna Domini appellatur, nisi aliud ægritudinis causa statueretur. eo igitur die inter sacrorū sollemnia, per episcopum manu illis publice imposita, omnes, quod asserit <sup>g</sup> Innocentius, reconciliabantur, & ad percipienda dominica sacramenta, idonei per publicæ

c Leo p. ad Rusticum Narbonen. epist. 90. c. 17.

d Siricius Papa c. 5. & Innocentius p. c. 11.

e Venetica syn. c. 3.

f De pen. dist. 5. c. alias qui Aurelianen. 1. syn. c. 13.

g Innocent. 1. Decretio Eugubino episcopo c. 7. & de consecr. dist. 3. c. de penitentibus



h Africana sy  
no. c. 10.

i Carthag. 3.  
syn. c. 32. & 16  
q. 6. c. presby-  
ter inconsulto

K Aug. epist.  
203.

l Leo primus  
epist. 86.

absolutionem reddebantur. publice enim peccanti,  
publice quoque manum imponi solitam esse, & a  
presbytero inconsulto, aut absente episcopo peniten-  
tem, nisi magna in necessitate reconciliari non debe-  
re, <sup>h</sup> Africanis synodis egregie explicatur. in quem  
sensum ita scribit <sup>i</sup> Carthaginiese concilium ter-  
tium. Presbyter inconsulto episcopo non reconciliet  
penitentem, nisi absente episcopo, & necessitate co-  
gente. & cuiuscunque penitentis publicū, & uul-  
gatissimum crimen est, quod uniuersam ecclesiam  
commouerit, ante absidem manus ei imponatur. <sup>k</sup>  
Augustinus edito loco absides positas interpreta-  
tur, nam gradatas alicubi eas appellat. Munus au-  
tem reconciliandi penitentes sicut non erat presby-  
teri, nisi eo quo diximus modo, ita quoq; ad chore-  
piscopum non pertinuisse, ter magnus cognomento  
<sup>l</sup> Leo testatur. Vt autem latius hanc penitentiae ma-  
teriam explicemus, in aliquot eam capita partie-  
mur. tractabimus enim primo de personis, ijs scili-  
cet, quæ aut accipiunt penitentiam, aut imponunt:  
item de illis quæ penitentes reconciliant, et quæ pe-  
nitentibus inferuiunt: mox deueniemus ad tempus,  
quo singulis scilicet peccatorum generibus peni-  
tentiae imponebantur, et ad eius remissionem: dein-  
de tractabimus de loco penitentiae peragenda, item  
de uestibus penitentium, postea de seueritate prisca-  
rum penitentiarum. ad hæc de ritu qui in eis serua-  
batur, postremo de earum remissione, & peniten-  
tium reconciliatione.

Vt

Vt autem a primo capite exordiamur, sciendum est, personarum respectum in penitentibus imponendis ita habitum fuisse, ut pueris, quia hæc ætas non consilio, sed sola tēporis lubricitate peccare solet, nulla indiceretur penitentia, nisi quod sub manus impositione aliquo interdum tempore detinebantur. seruatum etiam Romæ<sup>o</sup> Siluestri temporibus legimus, penitentiam petenti concedi solitam non fuisse, nisi is qui peteret quadraginta fuisset annorum. in his quoque qui ætate maiores, & rationis compotes erant, quædam seruabatur diuersitas, quippe cum alia catechumenorum delictis, alia clericorum, alia laicorum fidelium sceleribus penitētia imponeretur, præter quod illa<sup>p</sup> horum omnium, ætate, dignitate, peccatorumque uariabat diuersitate, ut ex canonibus Gregorij Neocæsariensis archiepiscopi, & ijs qui a Petro Martyre Alexandrino de penitentia conscripti sunt, manifestò apparet. <sup>q</sup> Catechumeni igitur, qui ad orandum in ecclesiam admittebantur, si forte aliquod in crimen prolaberentur, ab oratione reiecti, tribus annis inter audientes tantum catechumenos ascribebantur: quo tempore peracto, orationi una cum alijs catechumenis primo restituebantur, deinde illis penitentibus, quibus manus imponebatur, annumerabantur: at si dum inter audientes tantum essent, catechumeni rursus peccassent, omnino ab ecclesia expellebantur. <sup>a</sup> qualitas enim criminis eos a baptismo citius uel tardius percipiendi impediēbat. Clerici uero pec-

m Elibertina  
syn. c. 22.  
n Felix tertius  
epist. i. c. 4.

o Syn. Roma-  
na sub Silue-  
stro, c. 12.

p Felix i i i.  
epi. i. c. i.

q Nicæna syn.  
c. 13.  
Felix 3. epist.  
i. c. 4.  
Neocæsar. syn.  
c. 5.

a Elibertina  
syn. c. 73.

cantes aut ab officij sui ministerio tantum, aut a laica etiam communione, hoc est ab ea quam laici percipere solent, ad tempus, aut ad extremum uitæ deijciebantur; interdum solo ieiunio crimen eluebant, interdum etiam deponebantur. quamuis non solum tempore, sed etiam locorum uarietate, hoc uarijs seruatum fuisse modis, <sup>b</sup> Epaonensis synodus, quæ omnem clericum letali prolapsum crimine, ab officio deponit, & in monasterium usq; ad obitum includit, dilucide ostendit. <sup>c</sup> Depositi uero clerici, si a peccatis abstinerent, & sanctis operam nauarent operibus, post decennij penitentiam, quæ ieiunijs, & orationibus, modo quodam a Gangrensi concilio præscripto, peragebatur, ad ordinem restituebantur. omnis enim ordinis depositio decennali penitentia <sup>d</sup> nisi aliter cautum fuisset, redimebatur. <sup>e</sup> deijci autem, deponique clerici non poterant nisi quisque a suo superiori. <sup>f</sup> Deponebantur uero clerici etiam ob ea crimina, quæ ante susceptum ordinem perpetrarant, si ea in ordinatione tacuissent. <sup>g</sup> Et si ad ali quod tempus depositi, ad crimen postea reuersi fuissent, nõ solum a gradus sui ministerio, uerum etiam a sacra communione usque ad extremum uitæ diem, deijciebantur. et <sup>h</sup> sicut nemo ex publicis penitentibus nisi ingenti aliqua instante necessitate, clericus fieri poterat: ita si ordinatus penitentiam publicam egisset, ad maiorem ordinem ascendere nequaquam poterat. <sup>i</sup> Hæ uero penitentiæ publicæ sicut ceteræ omnes, si synodali auctoritate statutæ nõ fuissent, episcopi

b. Epaonē. syn.  
c. 22.

c Dist. 82. c.  
presbyter.

d Dist. 50. c.  
miror.

e Aurelian.  
quinta syn.

c. 3.  
f Nicena syn.  
c. 9. 10.

g Ilerden. syn. c.  
4. 15.

g Ilerden. syn.  
c. 4. & 15.

h Dist. 50. c.  
quicunq; cum  
capitibus se-  
quentibus.

i Aureliana  
quira syn. c. 3.  
Africana syn.  
c. 5.



scopi, sacerdotumque arbitrio imponebantur: impositæque breuiores, aut longiores, uel leuiores, acrioresque fiebant. Deponebatur autem ab officio clericus <sup>k</sup> usurarius, <sup>l</sup> uxorem retinens, aut accipiens, <sup>m</sup> seipsum abscindens, <sup>n</sup> pascha cum Iudæis celebrans: <sup>o</sup> item fornicator, qui non solum deponebatur, sed etiam in laicam communionem reijciebatur, <sup>p</sup> sicut illi qui ab hæreticis reuertebantur. <sup>q</sup> Verum si presbyter ante ordinationem peccans, delictum postea suum confessus esset, sacrificare, offerreque ulterius non poterat, quamuis alijs in officijs manere posset. quæ ratione diaconus, cui idem euenisset, a ministerio suo prohibebatur. <sup>a</sup> suspendebatur autem ab officio clericus, scilicet non sacer, qui uxorem adulteram retinebat: <sup>b</sup> Et episcopus, qui contra patrum statuta aliquem ordinasset, a sacrificij celebratione ( <sup>c</sup> quod ipsum ob alia quoque crimina fiebat ) per aliquod tempus deponebatur. et si impositam non seruasset penitentiam, a communione fidelium separabatur. <sup>d</sup> et si nimium graue clero ci fuisset delictum, nõ solum ab altari reijciebatur, uerum etiam ab oratione catechumenorum interea separatus, laicam tantum communionem percipere poterat uel ad tempus, uel in extremo tantum ipsius uitæ die. Has autem omnes penitentias loco, ac <sup>e</sup> tempore uariatas fuisse clarissimum est, propterea quod synodus <sup>f</sup> Aurelianensis adulterum clericum, communionem tantum concessa, non solum ab officio deponit, uerum etiam in monasterium toto illius

K Elibert. syn. c. 20.

Neocæsar. syn. c. 1. & Elibertina c. 33.

m Nicæna syn. c. 1.

n Antiochena syn. c. 1.

o Neocæsar. syn. c. 1.

p Innocent. 1. epist. 22. c. 4.

q Neocæsariæ. syn. c. 9. & 10.

a Neocæsar. s. c. 8. & dist. 34.

c. cuius uxorem.

b Aurelian. 3. syn. c. 6.

cæsarei. epist. ex syn. carpæt.

c Dist. 50. student. & carpentoracæn. syn.

in epi. cæsarei.

d Felix tertius epist. 1. c. 2.

e 30. q. 4. c. si pater. Ilerden. syn. c. 4.

f Aureliæ. tert. syn. c. 7.

g Romana syn.  
sub Siluestro.  
c. 16.

h Distin. 81. c.  
ministri alta-  
ris.

i De consecr.  
dist. 2. c. qui be-  
ne.

K Neocæsar.  
syn. c. 9.

l Toletana sy.  
1. c. 2.

m Aurelian. 1.  
syn. c. 14. & di-  
stin. 81. ca. si  
diaconus.  
n Aurelian. 1.  
syn. c. 11. & di-  
stin. 81. c. si dia-  
conus.

lius uitæ tempore includit. Temporis autem ratio-  
nem haberi solitam fuisse, & Romana synodus sub  
Siluestro Papa celebrata, dilucide his uerbis osten-  
dit. Si quis clericus in curiam introierit, anathema  
suscipiat, nunquam rediens ad matrem Ecclesiam:  
communione autem non priuetur propter tempus  
turbidum. In eandem sententiam <sup>h</sup> Lucius Papa,  
clericum qui post ordinationem uxori suæ coniungi-  
tur, non solum ab officio, sicut a Neocæsariensi sy-  
nodo statutum est, deponit, uerum etiam omni illi  
ministerio interdicat. Interdum autem solius ieiun-  
nii penitentia crimē suum clerici expiabant, quem-  
admodum in hanc sententiam ita scribit synodus  
<sup>i</sup> Arelatensis. Qui bene nō custodierit sacrificium,  
& mus, uel aliud aliquod animal illud comederit,  
quadraginta diebus peniteat: qui autem perdiderit  
illud in ecclesia, aut pars eius ceciderit, et non in-  
uenta fuerit, triginta dies peniteat. <sup>k</sup> Clericus au-  
tem ab officio suo depositus, minora quidem, nisi  
aliud cautum esset, exercere poterat, maiora uero  
sumere nullo modo ualebat. <sup>l</sup> quapropter quem-  
admodum presbyter a sacrificii dumtaxat obla-  
tione, non autem a ministerio minorum ordinum,  
ita diaconus ab euangelij, & subdiaconus ab apo-  
stoli lectione deponi solebat. <sup>m</sup> Baptizare uero, ne-  
cessitate urgente, tam presbyter, quam etiam dia-  
conus penitens poterat. Hæ, ut diximus, pæ-  
nitentiæ quamuis Pōtificum arbitrio statuerentur,  
constitutum nihilominus a <sup>n</sup> sacris concilijs, quibus  
epi-

episcopi parebant, inuenitur, ut pro quolibet mortali crimine clericus ab officio, & communione pelleretur. Cum quis autem ex ipso peccabat populo, secundum peccatorum diuersitatem expellebatur, aut ab<sup>o</sup> eucharistia perceptione, inter orantes tantum reiectus (licet is qui secrete pœnitebat, p<sup>o</sup> communicare quidem posset, seculari tamen habitu mutato, & diebus tantum dominicis) aut inter audientes relegabatur, aut, ubi grauius crimen erat, ab ingressu ecclesiæ, uel etiam Christianorum cõuiuijs, aut demum ab omni fidelium consortio separabatur. maiora enim, grauioraque peccata acriori pœnitentia eluebantur, & pari paria emundabatur. hoc autem a Donatistis seruatum non fuisse; <sup>q</sup> Optatus Mileuitanus episcopus cõquerens, his uerbis testatur: Indixistis, inquit, pœnitentiã plebibus, nec enim acta est ab aliquo, sed a uobis exacta, nec æqualibus spatijs temporum, sed egistis omnia pro personis: alter anno toto, alter mense, alter uix tota die, imperantibus uobis pœnitentiam gessit. si unitati consentire, ut uultis, peccatum est, quare non est æqualis pro eodem reatu pœnitentia? <sup>a</sup> Verum si quis e populo matrimonio iunctus peccasset, absque alterius coniugis consensu, ne torus inuito eo qui non peccarat, separaretur, pœnitentiæ legibus addici non poterat. hoc autem de publica, non de priuata intelligi debere, Colonienſi synodo explicatur. <sup>b</sup> eodem modo, si qua mulier uiro suo relicto, alteri nupſisset, nisi uno ex eis mortuo, pœnitere non poterat

o Aug. Macedonio epist. 84. & de eccl. dogmatibus c. 53.  
p Aug. de eccl. dogmatibus c. 63.

q Optatus lib. 2. con. Parmenianum Donatistam.

a Arelaten. 2. syn. c. 22. & 33. q. 4. c. pœn. con iugatis. & Aurelianen. 3. syn. c. 24.

b Innocentius primus ad Vitricium Rhodanensem episcopo magensem episcopo. 2. c. 1. & 27. q. 1 c. quæ Christo spiritualiter.



rat. quod etiam in uirgine sacra, aut nupta, aut tantum corrupta, obseruatum fuisse, memoria proditum est. Imponebat autem penitentiam<sup>c</sup> episcopus, quod obseruatum fuisse exemplo Petri Martyris archiepiscopi Alexandrini discere possumus: is enim quattuordecim penitentiae canones edidit, pro iis qui persecutionis tempore uel a fide exciderunt uel persecutioni se obtulerunt: in ijs autem iuxta peccatorum uarietatem uarie penitentias etiam statuit. non solum autem episcopus, uerum eius permissu presbyter quoque<sup>d</sup> penitentias imponebat, quae a tempore Decij Imperatoris super penitentes constitutum fuisse<sup>e</sup> Socrates in historia testatur. Nicephorus Cartophylax in epistola, quam ad Theodosium monachum scribit, tadio negotiorum, & accurrentium populorum frequentia, ab episcopis ad monachos audiendarum confessionum, & indicendarum penitentiarum munus relegatum deinde quoque assenerat. Loquens de episcopo<sup>f</sup> Carthaginensis tertia synodus, penitentibus, inquit, secundum peccatorum differentiam, episcopi arbitrio penitentiae tempora decernantur. & in eandem ferme sententiam octaua & synodus ita scribit. Hoc sit positum in iudicio eorum qui praesunt, quanto tempore, uel quali modo penitere debeant, qui delinquant: quia aetas ad eruditionem multorum multam haberi facit differentiā poenae.<sup>h</sup> Is uero qui penitentias imponebat, siue fuisset episcopus, siue presbyter, eas ex causa breuiores, remissioresque; aut longiores, grauiioresque facere poterat. imponebatur

c 26. q. 7. c. tēpora & c. hoc fit.  
Elbert syn. c. 32.

d Toletana 3. s. c. 12.  
Beda. Iacobis & de penit. dist. 1. c. quis aliquando §. item in Leuitico, & §. cum ergo.  
e Hist. trip. lib. 9. c. 35.

f Cartag. 3. s. cap. 31. & 26. q. 7. c. penitentibus secundum et Africanā s. c. 10.  
g 26. q. 7. c. hoc fit.

h Ilerden. s. c. 1. & 5. & distin. 50. c. hi qui altario.

batur autē pænitétia post confessionem peccatorum, quemadmodum his uerbis <sup>i</sup> Cabilonensis synodus testatur. De pænitentia, inquit, peccatorum, quæ est medela animæ, utilem omnibus hominibus esse censemus: & ut pænitentibus a sacerdotibus facta confessione indicatur pænitentia, uniuersitas sacerdotum noscitur consentire. sunt qui sacerdotum nomine hoc in loco episcopos intelligant, quam nuncupationem <sup>k</sup> alibi quoque usurpatam fuisse comperitissimum est: aiunt autem hoc propterea quod olim ipsi presbyteri, <sup>l</sup> nisi magna in necessitate, inconsulto episcopo pænitentia leges indicare nequaquā poterant. <sup>m</sup> Reconciliare uero pænitentem solus Episcopus, qui illam imposuerat, poterat: presbyteri uero nunquam nisi eius iussu, & in magna necessitate. quæ ratione statutum fuit, ut imminente <sup>n</sup> morte quilibet presbyter pænitentem absolvere, eique sacramentum uiaticum impartiri possent. is igitur remittebat pænitentiam, qui indixisset, siue fuisset is presbyter, siue episcopus. <sup>o</sup> publice uero reconciliare pænitentem nec etiam chorepiscopi poterant. <sup>p</sup> non tamen omnis episcopus, sed is tantum qui pænitentiam imposuerat, pænitentem reconciliabat, nisi magna quedam necessitas contrarium uoluisset, ueluti si is qui illam præfixerat, obiisset, dummodo latam pænitentiam nosset. quod ipsum etiam in presbytero obseruabatur. in quam sententiam ita scribit Felix Papæ huius nominis tertius. Quod si utpote mortales intra metas præscripti temporis cæperit uita

finis

i Cabelonen.  
syn.c.8.

K Ilerden.syn.

c.1.

Carthag. 4. sy.  
c.74.

l Carthag. 4.  
s.cap.76.& 26.  
q.6.c. is qui in  
infirmirate.

m Carthag. 3.  
s.cap.32.& 26.

q.6. c. presbyter.

a Africana s.  
c.10.

b Elibertina  
s.c. 32.

n 26.q.7.c.tēpora.

Felix 3. epist.  
1 c.3

o Leo 1. ad episcopos Germaniæ & Galliæ  
epist.86

p Felix tertius  
epist 1 c.3

Ibidem

finis urgere, subueniendum est imploranti, & seu ab episcopo, qui pœnitentiam dederit, seu ab alio qui quitamen datam esse probauerit, aut similiter a presbytero, uiaticum abeunti de seculo non negetur. & <sup>q</sup> Epæonensis synodus, Si episcopus ante damnati absolutionem obitu rapiatur, correctum, aut pœnitentem successori licebit absolvere. Erant etiam in ecclesiis presbyteri ab episcopo constituti, qui per hebdomadas pœnitentibus seruiebant: sicut in templis apostolorum Petri, & Pauli, ac beati Laurentij martyris, a <sup>a</sup> Simplicio pontifice ordinatum fuisse memoriæ proditum est. Tempus uero duobus modis considerari potest, scilicet uel in imponendis uel in remittendis pœnitentijs: quando ea quæ quis pœnitentiæ ageret tempore, cum de ritu tractabitur, enarrabimus. nam quæ quis ætate uel imponeret, uel acciperet pœnitentiam, ad personam supra retulimus. pœnitentiæ igitur tempus, synodi, seu episcopi arbitrio decernebatur, siue id finitum esset, siue perpetuum, finitum ut unius, aut plurium annorum, perpetuum ueluti usque ad mortem. Semel autem constitutum tempus, constituentium uoluntate, breuius, aut prolixius ex causa fieri poterat. quod autem arbitrio eorum qui præerant pœnitentiæ tempora constituerentur, præter ea quæ <sup>b</sup> Socrates in historia scribit, & <sup>c</sup> Elibertinum concilium asserit, <sup>d</sup> octauæ œcumenicæ synodi decreto dilucide id uerum esse probatur. A synodis quoque episcoporum tempora pœnitentiæ præfigi solita esse, in

q Epæonen. sy.  
c. 18. & 11. q. 3.  
c. si episcopus  
ante damnati.

a In uita Sim-  
plicii primi.  
Pontificalis hi-  
storia.

b Socrates in  
hist. trip. lib. 9.  
c. 35.

c Eliber. syn.

c. 32.

d 26. q. 7. hoc  
sit positum.



in<sup>e</sup> actis plurimarum legitur synodorū . ipsa uero tempora ex scelerū uarietate longa aut breuia erāt : & ut exemplis explicentur quæ dicimus ; <sup>f</sup> Digmia parui admodum temporis pænitentia indicebatur . <sup>g</sup> quod ipsum seruabatur etiam in eo , qui aut eucharistiam ebrius euomuerat , aut guttas aliquas sanguinis imprudenter effuderat . <sup>h</sup> Duumuiro uero qui dijs sacrificantium coronam portauerant , per annum ab ecclesia arcebantur . <sup>i</sup> Annua autem pænitentia indicebatur ei , qui cum causam aliquam cum proximo suo haberet , iurabat se nullo modo cū eo reconciliari uelle . <sup>k</sup> Item illi qui in carcere ob uirium defectum , fidem negauerat . <sup>l</sup> Legimus in historia synodi Carpentoractensis Casarium episcopum a sacrificii munere per annum Agretiū episcopum remouisse cum propter male latam in Brotadium sententiam , tum etiam quia ad concilium uocatus , ut rei a se gesta in eo rationem redderet , illò accedere noluerit . Duorum uero annorum pænitentia indicitur <sup>m</sup> sacerdotibus , qui coronam dijs sacrificantium portant : <sup>n</sup> falso testi , qui diu tacuit , quod postea fatendo probauit . Item <sup>o</sup> clerico obfessionis tempore a sanguine nō abstinenti . Trium uero annorum <sup>p</sup> ei , qui nullis tormentis incitatus , uoluntarie fidem negauit : <sup>q</sup> Parentibus , qui sponsalium fidem frangunt : <sup>r</sup> ijs . qui uestes ad ornandam seculariter pompam comodant : <sup>s</sup> Diacono , qui mortis crimen in ordinatione tacens , ultro illud postea detexit . Quinque autem annorum imponitur <sup>t</sup> ei ,

qui

e Nicena syn. c. 11. & 12. sy. Rom. sub Siluestro c. 12. & 19. Elibert. syno. multis in locis f. Laodicensa syno. c. 1.

g De consecr. dist. 2. c. si per negligentia , & cap. si quis per ebrietatem.

h Elibert. syn. c. 56.

i Ilerden. syn. c. 7.

k Petrus Martyr. canone 2. de pæn.

l Carpētorac. syn. in episto. Casarii.

m Elibert. sy. c. 55.

n Elibert. syn. c. 74.

o Ilerden. syn. c. 1. & dist. 50. de his clericis.

p Petrus Martyr can. 3.

q Elibert. syn. c. 54.

a Eadem syn. c. 75.

b Eadem 76.

c Eadem 5.

d Eadem 69.

qui casu aliquem occidit. <sup>d</sup> Itē illi qui uxoris mortuæ sororem duxit: <sup>e</sup> coniungi semel tantum lapsos: <sup>f</sup> Viduæ quæ lenonē coniugem postea accepit. <sup>g</sup> Christiano coniungi cum Iudæa, uel gentili peccanti: <sup>h</sup> ei qui sua delatione alicui nocuit. <sup>i</sup> Itē adulteræ. <sup>k</sup> Item parentibus qui Iudæis, uel gentilibus filias matrimonio iungunt: <sup>l</sup> ei qui de idolothitis accipit: <sup>m</sup> in falso testi, dum tamen extra mortis causam testimonium ferat: <sup>n</sup> Diacono, qui crimen mortis, quod postea per alium detectum est, in ordinatione non aperuit. Septem uero annorū pænitentia indicitur <sup>o</sup> homicide uoluntario: <sup>p</sup> proprios fetus necanti: <sup>q</sup> Ecclesiam inuadenti: <sup>a</sup> incestuoso: <sup>b</sup> coniugis peremptori: <sup>c</sup> adultero, <sup>e</sup> periuro: <sup>d</sup> demum pro omni letifero, ac capitali crimine, nisi ipsius peccati grauitas, ac personarum qualitas seueriorē, longiorisque temporis pænitentiam requirat: ueluti si esset non solum homicidium, sed parricidium: coniunctio non naturalis, uerum contra naturam: <sup>e</sup> homicidium non a laico factum, sed uel a diacono, presbytero, aut episcopo: uarijs enim personis uarias hoc in scelere præfixas pænitentias legimus. nec solum ipsius homicide, sed eius etiam qui occisus est, consideratio haberi solet, <sup>f</sup> utpote si Iudæus, uel gentilis fuerit occisus, non Christianus. Decem autem annorum pænitentia oneratur <sup>g</sup> adulter, qui diu in adulterio mansit: Item <sup>h</sup> presbyter qui uxorem duxit, uel <sup>i</sup> fornicatus est, dum tamen a fornicatione discedat. huius autem pænitentiae modum a synodo Gangrensi

c Eadem. 69.

f Eadem 72.

g Eadem 78.

h Eadem 73.

i Eadem 14.

K Eadem 16.

l Eadem 40.

m Eadem 74.

n Eadem 76.

o Eadem 5.

p Illdē. syn. 2.

q 12. q. 2. de uiro.

a 30. q. 4. si pater.

b 33. q. 2. admonerem.

c 22. q. 1. prædicandum

d 33. q. 2. hoc ipsum

e dist. 50. c. ei qui cū 2. capitibus seq.

f Dist. 50. qui uero.

g Elibert. syn. 64.

h Romana syn. sub Siluestro.

c. 10.

i Dist. 82. presbyter si fornicationem.

Gangrensi statutam primo fuisse legimus . eadem quoq; imponitur <sup>k</sup> monacho , ac sanetimoniali fornicanti . Item <sup>l</sup> catholico qui ad haeresim transiit , si tamen postea ad Ecclesiae gremium reuertatur . <sup>m</sup> Item ei qui diu ad Ecclesiam non accessit , si postea ad eam redeat , dummodo desertionis tempore idolatra non fuerit , <sup>n</sup> Nec non ei , qui Capitolium sacrificandi causa ascendit . <sup>o</sup> Item ei qui uxorem suam propter adulterii flagitium dimittit . Item <sup>p</sup> parricidis , <sup>q</sup> & ijs , qui post baptismum ad militiam quam reliquerant , reuersi sunt . Duodecim uero annorum penitentia multabatur <sup>a</sup> episcopus , uel clericus , qui cum spiritali filia fornicatus fuerat . Non tamen stata hac ac firma semper regula erat , <sup>b</sup> quippe cum unius , eiusdemque peccati penitentia , ex leuitate , uel grauitate criminis , eorum , qui praerant arbitrio , uariaret . constat hoc ex canonibus , quos Petrus Martyr archiepiscopus Alexandrinus , et Basiliius Magnus in opere ad Amphilochem de penitentia ediderunt . <sup>c</sup> et Pius in eadem sententiam homini peieranti , aut unius quadragesimae , aut anni , interdum trium , et ubi fuerit grauius crimen , septem annorum penitentiam statuit . <sup>d</sup> & haec ratio fuit , cur omnium peccatorum penitentiam canones non praescripserint , quippe cum in arbitrio sacerdotum esset , illam seu minuere , seu potius augere . <sup>e</sup> Minui autem solebat propter feruorem , ac lacrymas penitentium : <sup>f</sup> augebatur uero tum , cum uel penitentes negligentes in peragenda penitentia essent ,

P uel

K 27. q. 1. de uo-  
ram.

l Elibert. syn.  
22.

m Elibert. syn.  
46.

n Eadem 59.

o Eadem 70.

p 33. q. 2. lato-  
rem.

q. 28. Nicena  
syn. c. 2.

230. q. 1. si quis  
sacerdos.

b Laodicens  
syn. 2.

c 22. q. 5. qui  
compulsus &  
c. qui peierat.

d De penit.  
dist. 1. c. mensu-  
ram.

e Nicena syn.  
12.

Iherden. syn.  
c. 1. 5. & 9.

Neocaesar. syn.  
c. 3.

f Iherd. syn. c. 1  
dist. 50. si quial-  
tario.



uel cum sacerdotum præceptis minime morem gere-  
rent, & ut si de Ecclesia exire iussi, non exiuerint,  
uel si reuersi ad uomitum essent, aut ob aliam quan-  
dam similem causam. sunt etiam quædam crimina,  
quibus perpetua penitentia, hoc est usque ad obi-  
tum, persecutione aduersus Ecclesiam ingruente,  
imponebatur, quæ postea arbitrio eorum, qui præ-  
erant, pastorum imminuta est. nam Elibertina sy-  
nodus, quæ post lapsum Marcellini Pontificis ha-  
bita fuit, <sup>i</sup> sacræ uirgini corruptæ perpetuam pæ-  
nitentiam, quam postea <sup>k</sup> Toletana tertia synodus,  
uti paulo superius diximus, decennalem tulit, im-  
ponit. <sup>l</sup> id ipsum statuit flaminibus, qui dijs quidem  
nō immolarunt, sed munus nihilominus obtulerunt.  
hoc autem multo magis contra eos, qui sacrificam-  
runt, seruatum esse <sup>m</sup> Valentinae synodi quæ in Gal-  
lia sub Gratiano, & Valentiniano Augustis, a tri-  
ginta episcopis habita est, decreto ostenditur. quod  
etiam post remissam persecutionem interdum serua-  
tum esse, <sup>n</sup> multis in locis proditum inuenitur. Ve-  
rum postquam a persecutionibus Ecclesiæ cessatum  
est, pœnarum quoque acerbitas remissa est, quem-  
admodum ab <sup>o</sup> Innocentio his uerbis, cum de incon-  
tinentibus loquitur, egregie est explicatum. De his  
observatio prior durior, posterior, interueniente mi-  
seriordia, inclinatio est. nam consuetudo prior te-  
nuit, ut in extremo uitæ cōcederetur penitentia, sed  
communio negaretur. nam cum illis temporibus cre-  
bræ persecutiones essent, ne cōmunionis concessa faci-  
litas

g Ilerden. syn.  
c. 10.  
h Epaoen. s.  
23.  
Aurelian. pri-  
ma 13.  
Veneticas. c. 3.

i Eliber. syn.  
13.  
K 27. q. 1. deuo-  
tam. dist. 50. si  
quis uoluntate  
l Elibert. syn.  
c. 2.

m Valent. syn.  
3.

n 30. q. 1. oēs  
& si quis sacer-  
dos.

o Innocentius  
primus ad Exu-  
perium episco-  
pū epist. 3. c. 2.

litas, homines de reconciliatione securos, non reuo-  
cetur a lapsu, negata merito communio est, concessa  
pænitentia; ne totum penitus negaretur, & durio-  
rem remissionem fecit temporis ratio. Sed postquã  
Dominus noster pacem ecclesiis suis reddidit, iam  
depulso terrore, communionem dari obeuntibus pla-  
cuit, et propter Domini misericordiam, quasi uia-  
ticum profecturis: et ne Novatiani hæretici negan-  
tis ueniam, asperitatem, & duritiam subsequi ui-  
deamur. rationem autẽ temporis habitam esse, Eli-  
bertinæ synodi, quæ post lapsum Marcellini Ponti-  
ficis Hispaniæ habita est, decretis ostenditur. illa  
enim aliquot delinquentes ad communionem, etiam  
in extremo uitæ tempore haud recipit. huiusmodi au-  
tem sunt, <sup>p</sup> fidelis ad idolatriam reuersus: <sup>q</sup> flamen  
qui post susceptum baptismum rursus sacrificauit.  
<sup>a</sup> idem statuitur, si munus tantum obtulit, actaque  
de eo crimine pænitentia, mæchatus postea fuerit.  
<sup>b</sup> item qui maleficio, ac magiæ, uel idolatriæ arte,  
hominem occidit. <sup>c</sup> Item adulter, qui acta de adulte-  
rio pænitentia, rursus postea mæchatus est. <sup>d</sup> Item  
mulier quæ usque ad mortẽ in lenociniij crimine fuit.  
<sup>e</sup> nec non uidua, quæ lenonis sui nuptijs iungitur,  
deinde eo relicto alterum ducit. <sup>f</sup> femina quæ nulla  
præcedente causa, relicto uiro suo, alteri nupsit. <sup>g</sup>  
ad hæc parentes, qui prostituunt filias: <sup>h</sup> uirgo Deo  
dicata libidini inferuiens: <sup>i</sup> Item qui filias suas sa-  
cerdotibus idolorũ nuptui tradunt: <sup>k</sup> sacri homines  
mæchantes: <sup>l</sup> adultera quæ natũ ex adulterio filium

p Elibert syn.  
c. 1.

q Eadem 2.

a Eadem 3.

b Eadem 6.

c Eadem 7.

d Eadem 64.

e Eadem 72.

f Eadem 8.

g Eadem 12.

h Eadem 13.

i Eadem 17.

k Eadem 18.

l Eadem 63.

P 2 necat:

m Eadem 65.  
 n Eadem 66  
 o Eadem 71.  
 p Eadem 75.  
 q Cabilon.s.8.  
 Toletana 11.  
 c.7.  
 Innocentius  
 primus Decē-  
 tio Eugubino  
 epist. 1. c. 7.  
 Socrates hist.  
 trip. lib. 9. c. 35  
 dist. 50. c. de  
 his uero.  
 a Triburien.  
 s. 55. 56. 57.  
 58. & s. apud  
 Theodonisuil-  
 lam acta,  
 b Toletana 3.  
 s. 11.  
 Leo primus  
 Theodoro fo-  
 roiulienſi epi.  
 89.  
 Elibert. syn. c.  
 5. & 69.  
 c Innocentius  
 primus ad Exu-  
 perium epist. 3.  
 c. 2.  
 Celestinus epi.  
 2. c. 2.  
 d Innocentius  
 ibidem.  
 e Nicena. syn.  
 c. 13.  
 f Nicena s. 13.  
 Elibert 5. 69.  
 Innocent. ibid.  
 Leo primus  
 epist. 89.

necat : <sup>m</sup> Clericus uxorem adulteram scienter reti-  
 nens : <sup>n</sup> is qui priuignam ducit uxorem : <sup>o</sup> supra-  
 tor puerorum : <sup>p</sup> demum is qui sacris initiatum fal-  
 ſo de aliquo crimine inſimulauerit . <sup>q</sup> Imponebatur  
 autem pænitentia ab eccleſiæ præſulibus , ac ſacer-  
 dotibus poſt peractam peccatorum omnium confeſ-  
 ſionem , diligenti prius de ſingulis criminibus habi-  
 ta conſideratione : <sup>a</sup> impoſitæ uero pænitentia tem-  
 pus lacrymis , eleemoſynis , atque ieiunijs impen-  
 debatur , ieiunij autem lex præſidentium arbitrio ,  
 pro criminum diuerſitate , temporis etiam ratione  
 habita , uariabat , quippe cum pænitentiarum acrior  
 quædam apud ueteres cuſtodita ſeueritas , ſemper  
 proceſſu temporis imminuta ſit . Remittebantur  
 autem pænitentia uel tunc cum <sup>b</sup> perfectæ erant ,  
 uel ſi completæ nondum eſſent , mortis tempore : <sup>c</sup> in  
 neceſſitate enim poſitum , ac reſipiſcentem hominem ,  
 eccleſia nullum abſque reconciliationis munere  
 ex hac ad aliam uitam tranſire unquam paſſa eſt :  
 quod æque omni tempore ſeruatum , certiffimum eſt .  
 uerum ad communionis ſacramentum moriētes ad-  
 miſſi ſemper non ſunt : ratio enim temporum , crimi-  
 numq ; <sup>d</sup> hac in re haberi ſolita eſt . <sup>e</sup> Nicena ſynodus  
 etſi uetuiſtiſſimum inſtitutum eſſe prodat , ut ne-  
 mo e pænitentibus ſine uiatico , atque communionis  
 ſacramento ab hac uita recedat , Hiſpaniæ nihilomi-  
 nus hoc ſemper ſeruatum minime eſſe , ex ijs , quæ ſu-  
 pra ex elibertino concilio ſcripſimus , patere omni-  
 bus poteſt . <sup>f</sup> uerum omni tamen tempore fuit , nemi-



ni in morte reconciliationis manum negatam fuisse. Omnes autem, qui nondum pœnitentiæ legibus adimpletis, propter instantis mortis periculum, ecclesiæ reconciliati erant, si postea conualuissent, ad implendas & indictæ pœnitentiæ leges compellabantur. <sup>h</sup> alioqui manibus illis a sacerdotibus secundum institutum uetus <sup>i</sup> sollemniter nō impositis absoluti minime dicebantur. Si qui uero dum pœnitentiæ leges attempte exequuntur, ante reconciliationem, casu aliquo interueniente, mortem obÿissent, <sup>k</sup> memoria eorū orationibus, & oblationibus Deo commendabatur, licet alicubi de hoc (ut a <sup>l</sup> Toletana synodo testatum inuenimus) uariatum fuerit. Tempus autem quo pœnitētes recōciliari solebant, erat <sup>m</sup> feria quinta ante Pascha, <sup>n</sup> tunc scilicet, cum sacrificiū seruatoris Christi publice in ecclesia offerretur.

Imponebatur uero pœnitentia uel <sup>o</sup> publice in ecclesia, uel <sup>p</sup> coram duobus, aut tribus testibus, uel etiam priuate, quippe cum alia publicis, alia priuatis criminibus pœnitentia debetur. Agebatur autem quolibet in loco, nisi quis ob magnam criminis atrocitatem in <sup>q</sup> monasterio, alibiue occlusus fuisset: at etsi omni in loco pœnitentiam homines agerent, quotannis tamen publice pœnitentes ad ecclesiæ fores, coram omni populo, die <sup>a</sup> quinto sacræ hebdomadæ a decanis suis, & presbyteris suis reducebantur. omnesque dum explendis pœnitentiæ legibus operam in ecclesia dabāt, ne dum a ceteris fidelibus <sup>b</sup> separati erant, dum cum illis

g Carthag. 4. syn. 76. Gerūd. syn. c. 9. Græca syn. c. 83.

h Carthag. 4. syn. 78. 26. q. 6. is qui in infirmitate. dist. 50. c. quicunq; i 26. q. 6. is qui recedunt, & in c. is qui in infirmitate.

K Carthag. 4. c. 79. 26. q. 7. sacerdos pœnitentiam.

l Toletana II :

c. 12.

m Innocentius primus Decentio Eugubino

c. 7. dist. 50. in capite de cons.

dist. 2. in cæna.

n Damasus

epist. 4. de corepiscopis Hispanen. 2. syn.

c. 7.

o Toletana II.

c. 7. dist. 50. in capite.

p. Toletana II.

c. 7.

q Dist. 50. si ille qui 26. q. 6.

de lapsis. 20. q. 1. sicut qui monasteria.

c Nicena syn.  
c. 11.  
Felix 3. epist. 1.  
c. 3. & 4.  
d Carthag. 4.  
s. 80.  
Felix 3. epist. 1.  
c. 3. & 4.  
e Hist. eccl. lib.  
5. c. 18.

uel non orarent, <sup>c</sup> uel non communicarent, <sup>d</sup> uerum  
etiam quibusdam statutis diebus manus impositio-  
nem a sacerdotibus accipiebant. Scribens de Theo-  
dosio Imperatore Augusto, qui publicam agebat pæ-  
nitentiam, <sup>e</sup> Theodoretus, in hanc eandem sententi-  
am sic ait. Ita demum diuus Ambrosius uinculis ipsum  
exoluit. & templum introire fidelissimus Impera-  
tor ausus, non stans, neque genibus flexis suppli-  
cabat Domino, sed pronus humistratus, Dauidicā  
uocem emittebat: Agglutinata est pauimento ani-  
ma mea, uiuifica me secundum uerbum tuum. <sup>f</sup> ma-  
nibus capillum uellens, & frontem percutiens, ac  
guttis lacrymarum pauimentum rigans, dari ue-  
niam sibi petebat.

f Damasus epi.  
4. Hispalēsis 2.  
syn. 7. 26. q. 7.  
sacerdos.  
g Carthag. 3.  
syn. 32.  
African. syn.  
10.  
h 11. q. 3. cum  
aliquis.

Absolutio autem <sup>g</sup> publice in ecclesia impende-  
batur, & ubi publicum ac uulgatissimum fuerat  
crimen, ita ut omnem ecclesiam offenderit, manus  
ante absides in propatulo imponebantur: <sup>h</sup> sicut id ip-  
sum ante fores ecclesiæ fiebat excommunicato, dum  
intra fidelium communionem reciperetur. qui uero  
ob instantē mortis necessitatem, domi, ac <sup>i</sup> priuate  
reconciliatus fuerat, si conualuisset, <sup>k</sup> publice illi  
postea absolutio impendebatur. <sup>l</sup>

i 26. q. 6. is qui  
in infirmitate  
K dist. c. is qui  
in infirmitate.  
l dist. 50. pæni-  
tentes. Toleta-  
na 11. syn. 2.  
m Dist. 50. in ca-  
pite de penit.  
dist. 1. qui san-  
ctus. Tertullia-  
nus in lib. de  
pænitentia.  
n Toletana 3.  
syn. 12.

Vestes etiam <sup>ij</sup>, qui publice pænitebant, mutan-  
tes, <sup>m</sup> cilicio (Tertulliano, alijsque auctoribus) in-  
duebantur. quod obseruatum quoque esse in <sup>ij</sup>, qui  
in extremo uitæ positi pænitiā accipiebant, <sup>n</sup> To-  
letanum cōciliū prodit his uerbis: Quidcunq; ab epi-  
scopo, uel presbytero sanus, uel infirmus pænitiā  
postu-

postulat, id ante omnia episcopus seruet, & presbyter, ut si uir est, siue sanus, siue infirmus, prius eum tondeat, aut in cinere, & cilicio habitum mutare faciat, & sic penitentiam ei tradat. Si uero mulier fuerit, non accipiat penitentiam, nisi prius aut uelata fuerit, aut mutauerit habitum. sapientius enim laicis cum feminis tribuendo desidiose penitentiam, ad lamentanda rursus facinora, post acceptam penitentiam relabuntur. Hanc autem uelandarum in penitentia seminarum consuetudinem, uetustam fuisse, Optatus Afer Mileuitanus episcopus, qui sub Valentiniano Augusto floruit, in secundo aduersus Parmenianum Donatistam libro, aperte diserteq; ostendit. Subscribens huic sententiae<sup>o</sup> Augustinus, etiam eos, qui secreta satisfactione penitentiam agebant, uestes mutare solitos esse asseuerat. Semel autem assumptas penitentiae uestes<sup>p</sup> deponere, nisi peracta penitentia, sicut nec admilitiam quam deseruerat reuerti, nemo poterat, etiam si mortis tempore nesciens quid ageretur, illas indutus fuisset, dummodo illum penitentiam quaesuisse constaret. Penitentiaryum seueritatem longe maiorem priscis temporibus fuisse, iam ex<sup>q</sup> Innocentio diximus: mitius schismatis, aut idolatrie timore tunc quoque cum penitentibus interdum actum esse, <sup>a</sup> diuus Siluester, una cum synodo, uti supra ostendimus, attestatur. At postquam Ecclesia pacem habere cepit increbrescentibus quotidie sceleribus, hominisque natura uitij oblandiente, paulatim

<sup>o</sup> Aug. de eccl. dogmatibus 53

<sup>p</sup> Toletana 13. syn. c. 2.

<sup>q</sup> Innocent. primus Exuperio episcopo epist. 3. c. 2.  
<sup>a</sup> Romana 5. sub Siluestro 16.



b Toletana. 3.  
 syn. 11.  
 c hift. trip. lib.  
 9. c. 35.  
 d Nicena syn.  
 5.  
 e Eadem 11.  
 f Eadē 12. 13.  
 g Ilerden. syn.  
 4. Arelat. 2. c.  
 30. Aurelian. 1.  
 c. 13.  
 h Aurel. 2. c. 30  
 Felix tertius  
 epist. 1. c. 3. 4.  
 i Ilerden. syn. 6  
 K Aurelian. 4.  
 c. 24.  
 l Triburiē. c. 5.  
 m Aurelian. 3.  
 c. 7.  
 n Elibert. syn.  
 28.  
 o Ilerden. syn.  
 10.  
 Aug. 1. c. 13.  
 Epaoenen. 29.  
 p Carthag. 4.  
 c. 75.  
 q Venetica syn.  
 c. 3. Aurelianē.  
 1. c. 13.  
 a Felix tertius  
 epist. 1. c. 6.  
 b Toletana 12.  
 c. 2.  
 c 26. q. 7. qui re  
 cedunt Carth.  
 4. c. 78.  
 d 26. q. 7. ab  
 infirmis.

latim illa ſeuēritas ita in deſuetudinem abijt ,  
 ut nulla , aut parua de criminibus acta pænitentia ,  
 peccatores a presbyteris absolui cœperint . de qua  
 re patres<sup>b</sup> Toletani tertij concilij maxime conquē-  
 runtur . ad rigorem autem illum pertinebat , ul-  
 tra ciborum , lauacriq; iniunctas abſtinentias , mul-  
 tasque alias<sup>c</sup> indiētās ſeparare hominē uel a<sup>d</sup> com-  
 munionē ,<sup>e</sup> oblatione ,<sup>f</sup> oratione , uel a<sup>g</sup> conui-  
 uio<sup>h</sup> colloquio ,<sup>i</sup> conuerſationeque fidelium : uel  
 illi ,<sup>k</sup> ingreſſu eccleſiæ interdicere , aut ab<sup>l</sup> equi-  
 tatione remouere , aut in<sup>m</sup> monaſterium , ueluti in  
 ſacrum carcerem peccatorem uſque ad mortem in-  
 cludere . ueteris quoque rigoris erat , ut qui a com-  
 munionē eucharistiæ prohiberetur , a<sup>n</sup> munerum  
 quoque oblatione prohibitus intelligeretur .<sup>o</sup> Ino-  
 bedientes etiam pænitentes , & qui in pænitentia  
 peragenda<sup>p</sup> deſides ac negligentes erant ,<sup>q</sup> itemque  
 qui impoſitam temere deſerebant , ac ſeue-  
 rius paſtorū arbitrio puniebantur .<sup>a</sup> uetitum etiam  
 erat pænitentibus , ſicut excommunicatis , ab alio  
 presbytero recipi , uel episcopo , quāuis eccleſiæ recon-  
 ciliati fuiſſent , niſi ſuorum rectorum teſtimonio , ſe  
 iam per manus impoſitionem abſolutos fuiſſe pro-  
 barent .<sup>b</sup> Eiūſdem rigoris erat , dimitti non poſſe ab  
 homine pænitentiam , quam prudens in infirmitate  
 poſitus petiſſet , etiam ſi poſtea ſentiēdi uiribus om-  
 nino amiſſis , ignorantī illa fuiſſet impoſita .<sup>c</sup> Item  
 quod qui domi ob inſtāntem mortem abſolutus fuiſ-  
 ſet , morbo liberatus , nō<sup>d</sup> ſolum pænitentiam per-  
 ficere ,

ficere, sed manus quoque impositionem publice pro eadē re in ecclesia accipere teneretur. <sup>c</sup> Veteris quoque instituti erat, ut pænitentiam ab hæreticis peccatoribus impositam, catholici (criminum enarratione rursus audita) iterum in ecclesia indicerent. <sup>f</sup> secundis quoque nuptijs pænitentiam antiquitus inunctam fuisse legimus. hoc autem non ideo fiebat, quòd illicitæ secundum Montani, & Tertulliani errorem illæ sint, sicut non sunt etiam tertiæ, & aliæ ulteriores, sed uel ad cōmendandam Christi cū una tantum ecclesia coniunctionē, & sanctā quandam Christianæ reip. πολιτείαν, uel ne explēdæ libidinis, cū ita scilicet cōtraherentur, probari ardor ab Ecclesia uideretur. quæ causæ, uti existimo, sanctæ religionis nostræ procures mouerūt, ut nec illæ a presbyteris benedicantur, nec ex eis in sacros Christi ministros aliquis nisi priuilegio dispensationis assumatur. Vltra autem expletas, ac exolutas pænitentiae multas, illa m̄super pænitentis ḡ pœna erat, quòd si <sup>h</sup> publice eam egisset, <sup>i</sup> ordinari in clericum nequam poterat, nisi <sup>k</sup> magna in ecclesia necessitate. <sup>l</sup> ordinatus quoque si pænitentiam egisset, minora tantum officia exercere poterat, <sup>m</sup> nisi magna hominū mutatio facta esset, & <sup>n</sup> pænitentia sollemnis illa non fuerit. Nec solum ab ordinibus suscipiendis, uerum etiam a <sup>o</sup> contrahendis nuptijs publice interea pænitentes impediabantur: & si coniugatis indicta pænitentia fuisset <sup>p</sup> (quod tamen fieri sine utriusque consensu non poterat) a coniugij usu <sup>q</sup> abstinere il-

e Mileuitana<sup>2</sup>  
syn. 23.

f Neocæsar.  
syn. 7. Laodice  
na c. 1. 31. q. 1.  
de his,

g Carthag. 4.  
68. dist. 50. ex  
pænitentibus.  
h Dist. 50. in  
cap. S. fi.  
i Siritius ep. 1.  
Himerio. c. 14.  
distin. 50. illud  
quoque.  
K dist. 50. placuit.  
l dist. 50. qui  
sub gradu.  
m dist. 50. sacer  
dos quidā S. 2.  
n dist. 50. si  
quis post. S. 2.  
o Arelaten. 2.  
c. 21. Toletana  
6. c. 8  
p Arelaten, 2.  
c. 22. 33. q. 4. pæ  
nitentiā coniugatis.  
q Leo primus  
Kultico Narbo  
nensi episcopo  
epist. 90. c. 11.

li interea tenebantur, nisi eorum incontinentia huic rei impedimento fuisset. propterea consuetum erat, ut <sup>a</sup> coniugi post mortem socii penitentia indiceretur: ex <sup>b</sup> eodemque prodiit fonte, ut adulteræ, atque pollutæ Virgini, etiam si sacrata illa fuerit, eadem non imponeretur, nisi post mortem adulteri, ac lenonis: quando legitimum haud erat, ut parem in pari crimine penitentia rei ambo non agerent. At non solum matrimonio, eo quo diximus modo, penitentes priuati erant, uerum etiam extremæ unctionis sacramento. ait enim idem Pontifex <sup>c</sup> Innocentius dum ad Decentium Eugubinum episcopum de extrema unctione responsum facit: Penitentibus istud infundi non potest, quia genus est sacramenti: nam quibus reliqua sacramenta negantur, quomodo unum genus putatur posse concedi?

Ritus autem in conferendis penitentibus huiusmodi erat. <sup>d</sup> Sacerdos qui eam indicebat, ne odio aliquo, aut nimia seuitia impulsus moueretur, proprio chirographo inscriptam, testibusque adhibitis, ne factum negari posset, eam signabat. isque qui postulabat, si hæreticus fuisset, ad suscipiendum eam non admittebatur, <sup>e</sup> nisi prius per chrisma, ac impositionem manus in catholicæ Ecclesiæ gremium reuertisset. quod illi urgente necessitate etiam <sup>f</sup> per presbyterum expleri poterat. Cum autem essent in Ecclesia ij qui penitentiam suscepissent, illius legibus adimplendis studiose, humiliterque uacabant. leges autem penitentiae non eadem omnibus, ut diximus, præ-

<sup>a</sup> Innocent. pri-  
mus Viâricio  
epi. c. 15.

<sup>b</sup> Innocentius  
ibidem.

<sup>c</sup> Innocent. pri-  
mus Decentio  
Eugubino ep.  
1.

<sup>d</sup> Toletana II.  
syn. c. 7.

<sup>e</sup> Epianæ. syn.  
c. 16.

<sup>f</sup> Epianæ. syn.  
ibidem.



præfigebantur, quapropter nec unus, idemque pænitentium omnium erat ordo. ad Rectoris enim arbitrium, & aut inter audientes tantum, & catechumenos pænitentes relegabantur, cum quibus de Ecclesia post missam, quæ catechumenorum dicitur, exire compellebantur. <sup>h</sup> Dionysius Areopagita, meriti, & hominis capacitatis in cūciendo rationem habitam fuisse scribit, ita ut pænitentes post catechumenos, uerum ante energumenos e templo ideo expellerentur, quòd pænitentes energumenis inferiores, catechumenis uero digniores crederentur. Aut inter <sup>i</sup> pænitentes alios, quibus sola sacramenti eucharistia susceptio interdicta erat, reiiciebantur: hi <sup>k</sup> autem orare cum populo, communicare autem, aut offerre minime poterant: quando ueteri, ut supra scripsimus, instituto cautum erat, ut <sup>l</sup> offerre non posset, qui communicare non ualebat. Quidam uero a communione quidem minime prohibebantur, uerum <sup>m</sup> peregrinam tantum, hoc est non sui, sed inferioris ordinis, illam suscipiebant. cuiusmodi erat peccans clericus, cui <sup>n</sup> peregrina, hoc est <sup>o</sup> laica tantum communicatio concedebatur. Variæ igitur pænitentium, quemadmodum & catechumenorum, classes erant. <sup>p</sup> Quidam enim catechumeni audiebant tantum, <sup>q</sup> quidam audiebant, & orabant, inter quos reiecti pænitentes eadem prorsus, quæ illi agebant, & ab eisdem, a quibus illi abstinabant. quapropter <sup>a</sup> pænitentes, qui in primam catechumenorum classem reiecti fuerant, audire qui

dem

g Arelaten. 2: c. 11. Valentiniana. 1.

Nicena 11.

Agathensis 61.

Epaonen. 29.

h Dionysius de eccl. hierar. c.

6. 7. 19. 20.

i Arelaten. 2. c. 11.

K Nicena syn. 11. 12.

l Elibert. syn. 28.

m Agathæ. syn. c. 2.

n Agathæ. c. 5.

o Eadem syn. c. 50.

p Neocæsar. 3. c. 5.

q Eadē ibidem Epaonē. syn. 29.

a Epaonē. syn. 29.

b Arelaten . 2.  
syn. c. 10.

c Romana syn.  
sub Siluestro  
16. Laodicens  
c. 1. 2. dist. 82.  
presbiter.  
d Arelaten . 2.  
c. 10. Nicena  
11.

dem uerbum Dei, orare autem nullo modo poterant. Præter hæc erant alij ex pænitentibus, qui a<sup>b</sup> communione tantum prohibebantur: his autem oblationem quoque munerum interdictam fuisse, sæpius diximus. Una uero omnium pænitentium pœna erat, ut a communione abstinere, uel eam cum inferioris ordinis hominibus peregrinam susciperent, nisi ex<sup>c</sup> causa, d<sup>d</sup> humanitate præsulum aliud statutum esset. Gregorius Neocæsariensis archiepiscopus θαυματουργὸς a miraculis appellatus, per quinque loca, in quibus pænitentes, secundum uarias pænitentium pœnas, morabantur, diserte hanc omnem historiam explicat. horum autem locorum primus extra oratorii portam erat, uocabaturque a Græcis πρόκλαυσις, nomine a luctu accepto. ibi enim pænitentes immorantes, magno cum gemitu, & eiulatu, introeuntes ad orationē supplices postulabant, ut pro se, & suorum peccatorū remissione, ad Dominum orarent. Alter uero locus intra portā positus erat, ibique ad audiendum uerbum Dei post catechumenos manebant. uocabatur hic locus ἀκρόασις ab audiendo, et a reflorescentiæ forte tyrsο Νάρτηξ. ex hoc loco post conciones pænitentes expelluntur, quando precibus adhuc interesse una cum catechumenis minime poterant. at si cum catechumenis ad orandum remanere possent, tertio sistebantur loco, qui a speculatione diuinorum oraculorum ὑπόπρωσις dicebatur. ex hoc autem loco postea una cum catechumenis egrediebantur. Quartus uero locus

locus erat, ubi pœnitentes, qui cum catechumenis e templo non egrediebantur, una cum sanctis, et im pollutis hominibus remanebant. proptereaque *συσσις* a stando, appellabatur. Quintus uero, & postremus locus erat, ubi manebant ii, qui omnes pœnitentiæ leges explerant; proptereaque ueluti a sceleribus emundati communionem iam iam recepturi præstolabatur. uocabatur hic locus ex expletionis nuncupatione *μεστοῦς*. Interea autem quod indictæ pœnitentiæ leges implebantur, mos erat, ut de classe in classem gradatim pœnitentes <sup>e</sup> transferrentur, ueluti de prima, quam diximus, ad secundam, et ita usque ad ultimam; quousque omnibus pertransitis, communioni tandem restituerentur. In peragenda quoque pœnitentia, dum pœnitentes in templo morabantur, consuetum erat, ut omnes, singulis <sup>f</sup> ieiunij diebus, sacerdotibus capita palam submitterent. quo tempore post catechumenorum discessum, & orationes super eos fiebāt; <sup>h</sup> manus enim sine oratione minime umquā in ecclesia imponebantur. At non solum sacerdotibus capita quibusdam submittebant diebus, uerum etiam <sup>i</sup> genua in ecclesia semper flectebant. remissionis enim tempore stantes orare una cum ceteris fidelibus minime poterāt. Et sicut seduli in explenda pœnitentia gradatim per classes ad suscipiendam eucharistiam pertransibant, ita illi qui in pœnitentia manentes, rursus prolapsi essent, in inferiorem pœnitentium ordinem reijciabantur: quod ipsum etiam in catechumenis seruabatur,

e Nicena syn.  
c. 11.

f Carthag. 4. c.  
80. 26. q. 7. sacerdos.

g Laodicensia  
syn. 19.  
h 1. q. 1. manus  
impositio.

i Carthag. 4.  
c. 82.



K Neocæsar. s.  
5.

126. q. 7. sacer-  
dos. Carthag.  
4. c. 81.

m Laodicensia  
syn. c. 1. dist. 5. i  
presbyter.  
n Laodicensia  
syn. c. 1. & dist.  
c. presbyter.  
o Toletana 11.  
c. 7.  
p dist. 50. ei  
qui homicidiū  
q Toletana 11.  
c. 7.  
a Dist. 50. ei  
qui homicidiū  
dist. 82. presby-  
ter.  
b Ibidem.  
c Epaoenen. s.  
29.  
d 126. q. 7. sacer-  
dos.  
e dist. 82. pre-  
sbyter.  
f dist. c. presby-  
ter & c. ei qui  
homicidiū.  
Nicensia s. 12.  
g Burchardus  
lib. 19. c. 21.

tur: quippe cum catechumenorum quoque ordines  
essent, alter ab altero diuersus. quamobrem<sup>k</sup> pro-  
ditur, quòd catechumenus peccans si prius audisset,  
et orasset, in classē audientium tantum catechume-  
norum reijciebatur. si uero audisset tantum, omni-  
no ab ecclesia expellebatur. Vespillonum quoq; offi-  
cio pœnitentes fungebantur,<sup>l</sup> mortuos enim in eccle-  
siam afferebant, humique mandabant. infimis pro-  
fecto ecclesiæ munis illis humilitatis, & pœnitentiæ  
causis commissis. Dum uero extra ecclesiā degebant,  
indictam sibi a præsulibus pœnitentiā sedulo adim-  
plebāt, siue illa esset<sup>m</sup> ieiunij, siue<sup>n</sup> orationis, elee-  
mosynæq; ,<sup>o</sup> siue exilij, <sup>p</sup> peregrinationis, aut ali-  
cuius monasterij<sup>q</sup> carceris. Indicendi autem ieiunij  
non una omnium, eademque lex erat: quippe cum  
ex scelerum uarietate ieiuniū etiam uariabat: ma-  
iora enim crimina acriori, longiorique ieiunio elue-  
bantur: fortissimum uero omnium ieiunium erat pa-  
nis, & aquæ: hoc<sup>a</sup> autem ex criminum atrocitate,  
uel<sup>b</sup> singulis statuti temporis diebus indicebatur,  
uel<sup>c</sup> quibusdam dumtaxat. consuetum uero erat,  
ut<sup>d</sup> dominicis festis diebus, aut non ieiunaretur,<sup>e</sup>  
aut si ijs quoque diebus ieiunio propter criminis gra-  
uitatem obnoxij essent lautius caseo, ouis, uinoque  
etiam interdum additis ieiunaretur.<sup>f</sup> Omnis tamen  
indictæ pœnitentiæ seueritas, semper una cum pro-  
cessione temporis mitigabatur. Si quis uero ieiuna-  
re non potuisset, redimebat ieiunium sibi indictum.  
de qua re ita scribit<sup>g</sup> Burchardus Vormatiensis  
epis. o-

Item qui ieiunare non potest, & obseruare quod in  
 pænientiali scriptum est, hoc faciat quod sanctus Bo  
 nifacius Papa constituit: pro uno die quem in pane,  
 & aqua ieiunare debet, roget presbyterum, ut mis  
 sam cantet pro eo, nisi sint crimina capitalia, quæ  
 confessa prius lauari cū lacrymis debent, et tunc ipse  
 adsit, & audiat missam, & deuote ipse offerat pro  
 prijs manibus panē & uinum manibus sacerdotis,  
 & intente respondeat, quantum sapit, ad salutatio  
 nes, & ad exhortationes sacerdotis, & humiliter  
 Deum deprecetur, ut oblatio, quam ipse, & presby  
 ter pro se, & pro peccatis suis Deo obtulerunt, Deus  
 omnipotens misericorditer per angelum suū suscipe  
 re dignetur: et eo die, excepto uino, & carne, & san  
 guine, comedat quidquid uult, et sic redimat reliquos  
 anni dies. Peraētis autem pænitiæ legibus,  
 absolutio sequebatur, quæ quinta sacræ hebdomadæ  
 feria, eo die, quo extremam cēnam Christus cum  
 discipulis suis egit, impendebatur: hoc autem pro  
 pterea eo tempore fiebat, quodd ad suscipiendam com  
 munionem, quæ illo die cunctis fidelibus ministra  
 batur, per absolutionem dimittebantur. Absolui au  
 tem nemo poterat, nisi prius de crimine pænitiā  
 egisset: A saculo enim, inquit <sup>h</sup> Gelasius, non est au  
 ditū, ut peccatores non pænitentes absoluerentur.  
<sup>i</sup> Toletana tertia synodus reprehendit presbyteros,  
 qui peccatores nulla prius imposita pænitiā, sta  
 tim absoluunt: & <sup>k</sup> Moguntina inuehens in eos, qui  
 grauibz peccatis leues imponūt pænitiā, ita ait.

Modus

<sup>h</sup> Gelasius pri  
 mus episc. ad  
 Faustum magi  
 strum.

<sup>i</sup> Toletana 3.  
 c. 12.  
 K Moguntina s.  
 c. 10.  
 Burchardus  
 lib. 19. c. 28.

Modus tempusq; pænitiæ peccata sua confitenti-  
 bus aut per antiquorum canonum institutionem, aut  
 per sacrarum scripturarum auctoritatem, aut per ec-  
 clesiasticam consuetudinem probatam, imponi debet  
 a sacerdotibus. nam qui peccatis grauib; leues  
 quosdam, et inusitados imponunt pænitiæ modos,  
 consuunt puluillos secundum propheticum sermonē,  
 sub omni cubito manus, & faciunt ceruicalia sub  
 capite uniuersæ ætatis ad capiendas animas: sed dis-  
 cretio seruanda est inter pænitentes publice & ab-  
 sconse. nam qui publice peccat, oportet ut pu-  
 blice multetur pænitiā, & secundum ordinem  
 canonum, pro merito suo excommunicetur, &  
 reconcilietur. Hæc synodus. Ita autem pæniten-  
 tia pro peccatis necessaria erat, ut absolutio nisi ea  
 peracta, non impenderetur, nisi in mortis necessi-  
 tate: tunc enim quilibet pænitens statim reconcilia-  
 batur. uerum sub ea conditione hoc fiebat, ut si  
 unquam conualuisset, ad rite peragendam pæniten-  
 tiam æger postea obligaretur: proptereaque nemo  
 post mortem absoluebatur, quia eo tempore, ut in-  
 quit<sup>m</sup> Gelasius, nulla de crimine pænitiā peragi  
 potest. omnis autem absolutio, duobus profecto con-  
 stabat, manus scilicet impositione, et oratione. hæc  
 autem manus impositio alia prorsus est ab ea, <sup>n</sup> qua  
 Spiritus sanctus in confirmatione accipitur. de qua  
 scribens <sup>o</sup> Lucas euangelista ait: Tunc imponebant  
 manus super illos, et accipiebant Spiritum sanctū.  
 quam orationē quoque præcedere solitam esse, idem  
 comme-

Ezech. 13.

1 Hanneten.  
 syn. c. 2. ex Bur-  
 chardo lib. 18.  
 c. 3.

m Gelasius pri-  
 mus epist. ad  
 Faustum magi-  
 strum.  
 n Leo primus  
 episcopis Ger-  
 mania & Gal-  
 lia, epist. 86.  
 o Act. 8.



commemoratur . item diuersa etiam est ab illa, quæ in conferendis ordinibus est in usu, de qua loquens Paulus apostolus ait: Manum nemini cito imposueris, neque communicaueris peccatis alienis . & alibi: Noli negligere gratiam quæ est in te, quæ data est tibi per prophetiam cum impositione manuum presbyterij. Traxit autem hæc, de qua loquimur, impositio manus originem ab ipso Christo, quem in curandis infirmis manus super illos imponere solitum fuisse ex<sup>a</sup> euangelij historia didicimus . quæ enim maior infirmitas, quàm animæ est? hanc autem Christum una cum infirmitate corporis semper curasse, nemo est qui inficietur . Mirum igitur alicui esse non debet, si exemplo seruatoris, præceptorisque sui Christi, ecclesia in curandis animorum languoribus manus super penitentes imponat; præterquod hæc impositio manus similis est etiam ei, qua spiritus sanctus accipitur: homo enim peccator spiritui sancto per eam, dum a peccatis absoluitur, reconciliatur. de qua re loquens David propheta, dum penitens illacrymabat, aiebat: Et spiritu principali confirma me . Est autem hæc manus impositio duplex, publica scilicet, & priuata . Dicitur uero<sup>b</sup> publica ea quæ publice in ecclesia coram omni fidelium cætu super penitentes imponitur . fiebat autem hoc uel ante<sup>c</sup> absidem, quando uulgatissimum crimen fuerat, sublimi scilicet, & conspicuo in loco, aut alibi, ubicunque præsulibus nissum fuisset. Priuata uero dicitur illa, quæ domi, aut ali-

p 1. Tim. 5.

q 1. Tim. 4.

a Marc. 6.

b Damasus  
ep. 4. de cho-  
repiſcopis .  
Carthag. 2. c. 3  
c Carthag. 3. c.  
32.  
Africana syn.  
c. 10.

Q quo

d Carthag. 4. c.  
76.

Toletana. 11.

c. 12.

Leo primus

Theodoro Fo-  
roiulienſi epi-  
ſcopo ep. 89.

Innocent. pri-  
mus Decentio  
Eugubino ep.

1. c. 7.

e Carthag. 4.

c. 75. 78. 26. q.

7. qui recedunt.

f D. c. qui rece-  
dunt.

g Mileuitana  
ſyn. 12.

Africanæ. 70.

h Laodicensa

ſyn. 19.

i Mileuitana

ſyn. 12.

Africanæ. 70.

K Hiſt. trip.

lib. 9. c. 35.

l Laodicensa

ſyn. c. 19.

quo priuato in loco imponebatur ; <sup>d</sup> ut cum inſtante  
morte ubilibet quis abſolueretur . hanc autem quia  
conualeſcente homine , <sup>e</sup> iterari publice in eccleſia  
poſt expletas pœnitentiæ leges , opus erat , <sup>f</sup> quidam  
impoſitionem manus appellare minime uolunt . ſiue  
igitur publice , ſine priuate abſolutio exhiberetur ,  
ſine manus tamen impoſitione nunquam exhibeba-  
tur . comitabantur autem impoſitione manus <sup>g</sup> uer-  
ba & <sup>h</sup> orationes , quibus Deus pro abſolutione ho-  
minis ſuppliciter orabatur : cuiuſmodi erant illæ ,  
de quibus ſupra , cum de forma abſolutionis in ſa-  
cramento confeſſionis pertractauimus , dictum a  
nobis eſt . Hac autem in re ne contra religionis , &  
catholicæ conſuetudinis ueritatem aut diceretur ali-  
quid , aut oraretur , epiſcoporum concilio <sup>i</sup> manus  
impoſitionem , hoc eſt uerba & orationes , quibus  
in impoſitione manus utebantur , approbati neceſſe  
erat . Quod autem ſuper pœnitentes oraretur , non  
ſolum a <sup>k</sup> Socrate in hiſtoria aſſeueratur , uerum  
etiam a <sup>l</sup> Laodicensa ſynodo hiſ uerbis diſerte pro-  
ditur : Quod oporteat ſeorſum primum poſt allo-  
cutiones epiſcoporum , orationes ſuper catechume-  
nos celebrari : & poſtquam catechumeni egreſſi  
fuerint , ſuper eos , qui ſunt in pœnitentia , precem  
fieri . hiſ etiam accedentibus ad manum ſacerdotis ,  
& diſcedentibus , trës orationes conſummari fide-  
lium , ita ut prima quidem ſub ſilentio , ſecunda  
uero et tertia per exclamationes ſolitas expleantur :  
& ita demum pacem ſibi inuicem dabunt . Oraba-  
tur

tur autem pro penitentis absolutione, uel cum<sup>m</sup> septem penitentiæ psalmis, uel cum alijs<sup>n</sup> precibus, et orationibus, quas<sup>o</sup> episcoporum concilium approbasset.<sup>p</sup> Augustinus dum scribit de ea impositione manus, qua Spiritus sanctus in confirmatione accipitur: Quid enim aliud, inquit, est impositio manus, nisi oratio super hominem? hoc autem ex apostolica institutione duxisse originem,<sup>q</sup> Lucas euangelista luce clarius in apostolorum tradit historia. Absoluebatur autem penitens post expletam penitentiam, nisi mors homini immineret: tunc enim omnino tempore, omnique in loco, & a quocunque sacerdote absolui penitentem, consuetum fuisse sæpius diximus. quod ipsum morientibus præstabatur,<sup>a</sup> etiam si loquendi potestatem iam perdidissent, & <sup>b</sup> respondere non possent, si tamen illos penitentiam, & absolutionem postulasse constaret. si quis uero penitens ante receptam absolutionem mortuus esset, eius <sup>c</sup> memoria orationibus, & oblationibus commendabatur. orabatur enim pro eo ab ecclesia, & pro eius delictis, seu temporariarum pœnarum remissione, in cruentum Christi sacrificium a presbyteris Deo offerebatur. hoc enim oblationem pro ipsis recipi, quod<sup>d</sup> toletana synodus dixit, significat.<sup>e</sup> Nullo autem in morte absolutionem negatam,<sup>f</sup> communionem uero interdum, superius diximus. Absolutionem autem ipsam, post preces, & orationes, quibus uerbis sacerdotes præstaret, supra cum de confessionis forma scripsimus explicauimus: absolutus uero

m dist. 50. in c. 11. q. 3. cum aliquis.  
n D. c. cum aliquis.  
o Mileuitana syn. 12.  
Africanæ. 70.  
p 1. q. 1. manus impositio.

q A& 8.

a Carthag. 4. c. 76.  
Leo primus ep. 89. ad Theodorum Foroiulien.  
b Carthag. 3. c. 34.  
c Carthag. 4. c. 79. 26. q. 7. sacerdos.

d Toletana. 11. c. 12.  
e Innocentius primus, Decretio Eugubino ep. 1. c. 7.  
f Elibert. syn. 6. 7. 8



g Agathē. syn.  
 5. & 50.  
 h Ille dō. syn.  
 c. 3.

*pānitens, non semper suo ordini statim restituebatur. legimus enim clericos & interdū inter laicam communionē receptos, <sup>h</sup> interdum inter psallentes tantum.*

*Libet in fine huius operis omnes Christi sacerdotes admonere, ne nimis remissi, indulgentesq; in imponendis pānitentijs sint. ex hoc enim nō solum ecclesiasticæ regulæ disciplina omnis resoluitur, uerum etiā nulla iniecta ex facinoribus præteritis uerecundia, hominibus rursus redeūdi ad scelera, non parua relinquitur occasio. et hæc una, ut equidem reor, præcipua causa est, deploratæ propemodum nunc, prolapsæque religionis, & quòd hodie tam perfrieta fronte, omnique Christiano pudore seposito, crimina perpetrantur, et ecclesiastica uiuendi regula passim contemnitur. nam etsi arbitrariæ pānitentiæ hodie sint, sacerdotis tamen arbitrium iudicio, iustitia, & ueritate inniti debet. & quamuis in tam corrupto, & uitiatō seculo seueritas ista, quam ex ueteribus collectam, in opere ante oculos lectorum posuimus, seruari modo aliquo non possit, propterea uere remissa etiam sit: uideat tamen sacerdos, et secūdum quòd expedire pānitenti, & ecclesiæ, ex qualitate perpetratorum criminum animaduernerit, ex istis saltem canonibus discat, quanta cura, & diligentia pānitentias seu publicas, seu priuatas imponere debeat.*

FINIS.

# INDEX EORVM,

QVAE VLTTRA PRO-

posita in argumento, sparsim

in confessionis opere

enarrantur.

**A** Braham quo modo fuerit iustificatus. pag.  
153. 169. 177. 180.

Absolutionis nomen. 40.

Absolui quisnam debeat, quo signo internoscatur. 133.

Absolui sine manus impositione neminem posse.  
140. 141.

Absoluti quinam fuerint ante satisfactionem. 150

Acesius Nouatianus haereticus. 131.

Adrianus abbas qui missus fuit in Angliam. 203

Agnus ab origine mundi quo modo dicatur occisus.  
184.

Ambrosius Mediolanensis episcopus una cum confitente flebat. 78.

Angliae monasterium Coludiurbense. 61.

Animam perdere & saluare, quid significet. 167

Apostolis Ecclesiae clauis datas. 70. 71. & inde.

Apostolorum primus Petrus fuit. 113.

Augendas esse fidem, spem, caritatem & omnem iustitiam. 180.

Baptismi vicem fidem in necessitate supplere. 37

Bedae penitentialis liber. 203

Boues duodecim quid significent. 63

Q 3 Cain

# I N D E X.

<i>Cain peccatum.</i>	130
<i>Caritatem a iustitia remouens fidem iugulat.</i>	175.
<i>Caritatem ad salutem necessariam.</i>	174. 175. 188.
	189.
<i>Carolus Magnus.</i>	159. 203
<i>Castigari a Deo interdum etiam bonos.</i>	189
<i>Castiget quam ratione nos Deus.</i>	155. 162. 163
	186.
<i>Cathari Nouatiani cur uocarentur.</i>	132.
<i>Chrysostomus Nectario successit.</i>	97
<i>Chrysostomi liber &amp; sermo de confessione, adhuc non impressus.</i>	97
<i>Christi &amp; Ecclesie maxima coniunctio.</i>	181. 182.
<i>Christus cur insufflauit in apostolos.</i>	143.
<i>Christum in nobis pati, &amp; nos in illo passos quo modo dicatur.</i>	182. 183.
<i>Christum esse spem, &amp; salutem nostram.</i>	178.
<i>Eius satisfactioni nostras non esse contrarias, immo ab ea prodire.</i>	177. 181. 183. 184.
<i>hereticos non catholicos ea abuti.</i>	146
<i>Cicatrices in Dauid quid fuerint.</i>	151.
<i>Cinis cur fidelium capitibus imponatur.</i>	81.
<i>Clavis David.</i>	112
<i>Clavis ligaminis cur instituta.</i>	134. 161.
<i>Claues Ecclesie quae.</i>	111.
<i>Columnae septem, septem sunt sacramenta.</i>	146.
<i>Comedere quod erat pro peccato quid significet.</i>	49
<i>Concupiscentia quo modo sit peccatum.</i>	90
<i>Confessio duplicem habet significationem.</i>	39.
	Diuidi



# I N D E X.

130	Diuidi non debet. 100. Eam audiens interdum	
175	ad peccandum tentatur. 63. Auricularis cur	
188	dicatur.	98.
	Compunctio cordis.	34.35.
203	Conscientia.	32.
189	Constantini Magni dictum in Acesium Nonatia-	
163	num.	131.132.
	Contritio quid & qualis sit. 30. 31. & inde.	
131	Quando sufficiat.	38.57
97	Corinthius incestuosus cursathanæ traditus. 133.	
	134. 160.	
97	Cornelius centurio, & eius eleemosynæ.	163.
182	Crucem nobis quoque sumendam esse.	167.
143	Dagobertus Rex.	203.
100	Dauid quando, & quo modo absolutus.	133.
183	Deus neminem ad malum tentat.	104.
178	Ecclesia instar regni, & cælestis hierarchiæ est. non	
175	reip. 112. 113. Eius potestas eadem est, quæ	
144	fuit apostolorum.	70.
146	Eleemosynæ bonum.	163. 165.
151	Episcopi apostolico gradui succedunt. 72. Mi-	
81	tes et p̄i esse debent. 63. Eorum sententia etiam	
112	iniusta timenda est. 43. 137. Eorum sedes	
161	cur excelsæ in ecclesijs sint.	43.
111	Erubescencia, & eius bonum.	32. 59.
146	Εξουλογνσις.	39.
49	Eucharistiæ sacramentum cur institutum, & quo	
90	modo mali eo abutuntur.	147.
39	Excommunicari pro delicto unius tota domus non	
100	debet.	

# I N D E X.

- debet. 147. 148
- Fidei quæstiones, & maiores causas ad Papam ueluti ad supremum iudicem deferri.* 112
- Fidem sine operibus mortuam esse.* 156. 157. 166. 169. 171. 173. 174. 188. 189. *Et sine caritate non prodesse.* 174. *Ea qua iustificamur quodnam habeat opus.* 174. *Iustitiæ & meriti origo fides est.* 166. 167.
- Fomes carnis ad probationem, & meritum relatus.* 161
- Gratia sine operibus uacua, & inanis dicitur.* 188
- Gregorius Neocæsariensis δαυματῆρὺς dictus.* 69
- Hymenæus, & Alexander cur non fuerint absoluti.* 135
- Iacobilocum ultra Theophylactum de confessione sacramentali intelligit Origenes, Theodorus, et Hugo.* 72. 51. 88
- Ieiunij uis.* 165
- Infidelibus principibus subditi fideles quæ præstare debeant.* 194. 195.
- Infirmus omnis absoluendus.* 83. *sed qua olim condicione absolueretur.* 82
- Iudeorum peccatum quodnam fuerit.* 130.
- Iustitia in nobis nõ est imputatiue tantum.* 170. 180
- Iustitiæ omnis initium a fide est.* 167
- Iustificatio Abrahæ apud Paulum, & Iacobum quo modo intelligatur; ne uideantur contradicere.* 198
- Iustum ex fide uiuere, quo modo intelligatur.* 174
- Lacry-

# INDEX.

<i>Lacrymarum uis.</i>	34
<i>Laicos nullā habere potestatem clauū.</i> 70. 71.	76
<i>Latrones, &amp; prædones recipi ad penitentiam.</i>	133
<i>Lazarus suscitatus a Christo, &amp; solutus ab apostolis peccatorē per sacerdotes absolutum significat.</i> 120. & inde.	
<i>Leuitarum urbes pro homicidis non uoluntarijs.</i>	60
<i>Lex Moysi quo modo iustificaret.</i> 197. <i>Quo modo facta esset ad mortem.</i> 247. <i>Eius officium.</i>	197
<i>Libellis quæ olim alicubi agebatur confessio representitur.</i>	96
<i>Liberum arbitriū.</i> 104. 170. 174. 177. 178. 179	
<i>Libertas quam habemus a Christo, qualis sit.</i> 193.	
194.	
<i>Linteam, quo Christus tersit pedes apostolorum, quid significet.</i>	165. & inde.
<i>Lutherani falso se gratiæ defensores iactant, cum illam uerius impugnent.</i> 145. 146. <i>Iudæos in quo imitentur.</i>	192
<i>Manus impositio pro confessione sumitur.</i>	41
<i>Marcus hæreticus.</i>	92. 93.
<i>Marci abbatis liber de penitentia nondum impressus.</i>	103
<i>Mare æneum quid significet.</i>	63
<i>Maria Magdalena quo modo absoluta.</i>	133
<i>Matrimonium qua ratione sit sacramentum.</i>	181
<i>Mercēs operum defenditur.</i> 175. 176. 177. 201.	
<i>Meritum operum, &amp; eius origo.</i> 166. 174. 176.	
<i>Μετάνοια.</i>	31
	<i>Mi-</i>



# INDEX.

Misericors magis quam seuerus pastor esse debet.

79.

Monachi praelatis suis exhomologesin facere debent. 86

Mortui tres a Christo suscitati quid significant. 119

Natalis episcopus haereticus quo modo egit penitentiam. 91

Nectarius non remouit confessionem, sed penitentiae genus. 97.

Novatiani & eorum haeresis. 43.44.117.130. 131.132.

Opera ante fidem de congruo prodesse. 163

Opera ante fidem, non quae sunt post fidem, reijci a iustitia. 166.167.169.171.176.199.200.

Opera nostra quo modo digna sint uita aeterna. 168.

Opera post fidem necessaria. 172.173.199.200

Opera conseruare, explere, & augere iustificationem. 173

Opera, & satisfactiones tollentes, Christum auferunt. 179

Pecunia pro peccato, & pro delicto, cur esset sacerdotum. 73

Peccatum aegritudinem, & mortem gignere. 51

Peccata leuia multa habent remedia. 52.87.88

Peccata leuia confiteri quis an teneatur. 87.89

Peccato uulgato compelli quis ad penitentiam potest. 52.54.55

Peccata ad episcopum deferuntur, si nota sunt. 93.94

Peccata extra Ecclesiam non remittuntur. 67.115

Non

# INDEX.

- Non imputatur ubi non est lex, neq; uoluntas. 79.80. In confessione omnia dicenda. 98. 99. Speciatim narranda. 100. 101. Et cum causis, & circumstantijs. 103. Illis in confessione dimissis, reliquias quasdam, seu dispositiones ad malum superesset. 151. 163. Cur post dimissionem habere dicantur metum. 165. Quo modo ea quæ perpetrata sunt ante fidem, ab ijs quæ post fidem sunt distinguat Ecclesia. 149
- Peccatū quod uocatur ad mortem, quodnā sit. 131 Et quod sit peccatum in spiritum sanctum irremissibile. 129. 130
- Peccator cur animo, ac uultu deficiat. 33
- Peccator accusare se ipsum debet, non aliquem. 104
- Peccator a Deo suscitatur, a sacerdote uero Dei uice absoluitur. 119. & inde.
- Pœnitentia publica, uel secreta. 139. Eius tempora cur ab Ecclesia constituta sint. 67. Quando agatur. 56. Vtrum de minimis etiam agatur. 65. 66. An quæ sit in extremo uitæ sit secura. 83. 84. Eius nomine non intelligitur nuda tantum cordis conuersio, ut hæretici aiunt. 154. Eam sacramentum esse probatur. 143. 144. Et magna cum obseruatione a Christo institutam. 143. Eam explere non ualens quid agere debeat. 203
- Pœnitentes publici ubi absoluerentur. 94
- Pœnitentiales libri. 203
- Panis unus sacramentum est unitatis. 117. Papa

# I N D E X.

- Papa primus & Maximus omnium episcoporum.  
112.
- Parochiæ alterius hominem an quis absolvere possit. 85.
- Pauli locus, de lignis, feno, & Stipula exponitur. 156
- Petro, & per Petrum Ecclesiæ claves datas. 69.  
70. 113. 114. 141.
- Petrum uti primam Ecclesiæ petram e fundamento tollentes, omnem diruunt Ecclesiam. 146
- Petrus per pænitentiam rediit. 49. 50
- Philippus primus inter imperatores Christianus, exhomologesin criminum, & pænitentiam egit. 66.
- Purgatorium. 124. 156. 204
- Quadragesimæ die primo pænitentia imponebatur. 81. propterea nunc cinis capitibus imponitur. ibid.
- Reconciliatio. 40. Eius dies. 82
- Sacerdotes ueteres probabant tantum homines, non mundabant a lepra. 46. Nostri longe eos superant, quia non probant tantum, sed absoluunt etiam a peccatis. 45. 71. Vice Dei audiunt peccata. 108. Propterea mali æquæ ut boni absoluunt. 126. & inde. Eorum absolutio quid præstet. 124. Nemini pænitentiam negare debent. 82. Quales esse debent ij qui audiunt confessiones. 77. 78. Pœna reuelantium peccata. 110
- Sacramenta conferunt, non offuscant gratiam Dei, ut



# INDEX.

ut falso cauantur hæretici. 145. In uetere  
lege significabant tantum gratiam, non contine-  
bant. 125. Materie sacramentorū quæ. 124.  
Eorum omnium formæ cur uerbo perficiantur.

145.

Symoniacum est pro re aliqua notum non deferre  
crimen. 93. 94

Spes. 175

Spiritus in homine quid: 32

Spiritus sanctus procedit etiam a filio. 144

Theodorus archiepiscopus Cantuariensis. 203

Theodosij Imperatoris penitentia. 52. 54

Tribulationes fidelibus necessarias. 155. 156. 157

186.

Verbo cur omnium sacramentorum formæ perficiantur. 145

Viaticum nulli in morte negandum. 107

Vitis et palmitis similitudo exponitur. 187. et inde

Zachei satisfactio. 152

## FINIS.

## Errata.

Pag. 36. Vers. 7. exclamat; lege, exclamet. 43. 1. sedes apostolorum; sedes episcoporum. 46. merito ergo. Dauid remitti sibi postulat quod sciebat non esse iis qui secundum Aaron erant, sacerdotibus attributum, sed euangelico reservatum. cui ergo. 65. 5. manus; manu. 76. 22. qualis; qualis qualis. 77. 8. recipiemus; respiciemus. 88. 7. prælato; prælato. 93. 26. deferebat; deferebant. 96. 4. propositus; propositis. 99. 21. instruendusque; instruendus. 112. 23. causa; causæ. 115. 8. doctore; doctore. 117. 18. multis; multi. 126. in marg. Matth. 12; 21. 133. 10. primus; prius. 156. 14. sic audis; hic audis. 168. in marg. 1. secunda; 1. secundæ. 169. in marg. c. 16. & 12; 16. & 21. 178. 17. & ita; ita et. 180. 1. mundana est, terrena; mundana est, & terrena. 190. in marg. Iac. 251; Ioan. 15. 193. in marg. Aug. de ciuit. Dei lib. 21. c. 27. & ser. 50. c. 66. 195. 28. Et ut te; & tu ut te. 205. 21. reuelandum; reuelandum &

## Series chartarum.

A B C D E F G H I K L  
M N O P Q.

ap-  
d m  
ndm  
refo-  
qua-  
face  
mim  
24  
mat-  
196  
con-  
ta et  
190  
De  
et et









